

**VITA, THEOREMATA
ET OPUSCULA,
INSIGNIS MYSTAE,
VENERABILIS
FRATRIS IOANNIS A...**

Mathurin : de Saint-Anne





Colonna 8. Tav. 3. num. 8.

Digitized by Google

Colonna 8. Tav. 3. num. 5.

VITA;
THEOREMATA
ET
OPUSCULA,

INSIGNIS MYSTÆ,
VENERABILIS FRATRIS
IOANNIS A S.SAMSONE

COE CI AB INCVNABVLIS,
Laici Ordinis Carmelitarum Reformatorum,
Prouinciæ Turoniæ.

Per R. P. **MATHVRINVM A S. ANNA,**
Eiusdem Prouincia alumnus.

Confiteor tibi, Pater, Domine Cæli, & terræ, quia abscondisti hæc à
sapientibus & Prudentibus; & reuelasti ea paruulis. *Math. 10.*



7.10.
J. A. A. de Vries



LVGDVN I,
Sumptibus IOANNIS ANTONII HVGRETAN,
& MARCI ANTONII RAVAYD.

M. DC. LII.
PERMISSU SUPERIORUM.



Reuerendissimo Patri Magistro
MARIO VENTVRINO,
VNIVERSO CARMELITARVM
Ordini nouissimè in Comitii Generalibus
Romæ Præposito.

MULTI FARIAM *audii hodie apud ho-*
mines Reformationis nomen (Reueren-
dissime Pater) Plerique ut sanctum,
utique subiectum ab Apostolo Christia-
na amulationis argumentum religiosissi-
mè venerantur. Alij floccifaciunt, & ut inanem am-
pioris prælata Religionis umbram (uti auctumant)
aspernantur. Sunt denique quibus est non leuiter
exosum, & mirum quantum auersantur. Cuius equi-
dem auersionis, & vilipensionis aquitatem vel ini-
quitatem (ut non est meum) ita non disquiro: Om-
nibus enim abundè satisfecero, si & multiplices illius
nauos, & frequentissimas cum in membris tum in
corpore defectiones, lubens agnouero. Dolendam cer-
tè rerum humanarum vicem, utique institutorum
omnium, sanctissimorumque Collegiorum sortem: ve-
terascens e nimirum, & sensim euanescente restituta

ā 2 per

per gratiam sensus nouitate & simplicitate spiritus, quam versipellis natura (supra modum nequitia peccati, in seipsam reflexa) adulterare iugiter & corrumpere non desistit.

Non est mihi animus eam apud te commendare (Reuerendissime Pater) quam semper altissimè cordi defixam habes, (utique tenerrimam & amantissimam.) nostram Turonensem Observantiam: prouum est enim omnibus, quantus sit tuus erga eam affectus & quàm summa ad eam fulciendam atque propagandam, animi tui propensio. Mihi certè plusquam satis superque probata est, ex gratissima quam habui cum sua Reuerendissima Paternitate in Comitibus nostris Generalibus Romæ consuetudine: Cum primum ei animum meum explicui, & hanc meam opellam (si fortè gratam haberet) prope diem consecrandi; consilium aperui. Vnum hoc dumtaxat intendo, eius tibi specimen germanum exhibere in specie alumni eius simul & parentis, Venerabilis Fratris Ioannis à S. Samfone, veri omnino Carmeli incole; utique iugis legis Dei meditationi, diu nocturneque numquam non intenti. Ex cuius aspectu, liceat prima eius elementa, progressus & incrementa; nec non & adequatam (si quæ tamen sit) certè qualemcumque, obseruare perfectionis plenitudinem. Si quidem hanc ipse, annis aliquot antequam occiperet, vaticinà mente predixit; duosque ad illam principes operarios R. P. Philippum Theobaldum, & R. P. Matthæum Pinaldum

non

non minus sapienter quàm auspiciò direxit; qui àflatâ cœlitus hac sponsione roborati, sanctissimum opus viriliter aggressi, firmissima illius (uberius astipulante & vocis eorum & laboribus secundo numine) fuere posthac bases & columna: Et huius suprà humanum fidei indubium pignus pramisit, cum ex tempore habitum petiit, & paulo post Ordinem ingressus, vota sua etiam ante reformationem, vocantem se continuo secutus, audacter emisit. Quantum verò deinceps ei contulerit, cum vita sanctitate, & potentissimis ad Deum precibus, tum piis colloquiis; & indefessâ omnium omnis generis exercitatione virtutum, ex omni hac elucubratione videre est, & assequi gratissimum.

Exhibemus ergo tibi hominem verè reformatum, & ut tuum asserimus tibi scientem apprime circumcisionem; verum Carmelitam. Rectius dixerim non reformatum, planè nec reformandus, qui reformatione nunquam indiguerit; utique à primis annis Deo prorsus addictum, sibi ac mundo verè mortuum; Et emensâ iam tum secularis sue conditionis sanctitate, cum adhuc adolesceret, in omni virtutum christianarum praxi perfectè consummatum. Proptereaque tandem ab aeterno numine (lectissimum certè liberalitatis eius ac providentiæ munus) directum ad nos aptissimum instrumentum; quo Carmeli ruinas, & diremptionē instauraret multiplicemque, & exuberantē, quâ sanctissimo huic Monti contulit vñctionē (dum

fructus eius & optima ad delicias & saturitatem comedentem cernimus) palam faceret & manifestam.

Ecce quod tibi subiicit sincerum specimen eorum qua in dies amulatur sanctissimorum charismatum, qualiscumque sit, & apud homines audiat, tua iam tum (R^{ime} P.) Turonensis Reformatio, sua singularis Observantia, & inuiolabilis in omnibus obsequij, perenne monumentum. Siquidem pretiosius non habet, & quod (ut ex ingenita qua etiam ex facie relucet integritate, Religionis zelo, & promouenda perfectionis eius studio ac sollicitudine, non imprudenter auspicatur) magis arrideat munus: quo felicitis sua inaugurationis ad Ordinis clauum, testatam faciat suam letitiam & gaudium singulare. Hoc nuncupatum omnium nouissimus, sed addictissimus, humillima sua subiectionis patens symbolum; & latens altissimè cordi infixum, quam apprecatur integerima prosperitatis, votum, iholis suis supplex appendit.

Sux Reuerendissimæ Paternitatis

Observantissimus & Obsequentissimus
Filius Fr. Mathurinus à S. Anna,





P R Æ F A T I O.



RACVLVM est æternæ veritatis, nobiscum in carne commorantis: *Non est occultum, quod non manifestetur, nec absconditum quod non cognoscatur & in palam veniat.* Lucæ 8. Quod effatum vniuersaliter, nuncuparim verissimum est; & iure potiori signatim sibi vendicat locum, in occultis virorum fortium præclare factis: utique mortuorum cum Christo, in Deo absconditorum latentibus heroicis actibus, & eximiis virtutibus. Quæ vt opera lucis sunt & luce dignissima; ita illam naturâ suâ appetunt: vt nimirum oculis omnium subiecta, lucis, suæ speciei, & pulchritudine (quasi fœcundo germine) in eiusdem naturæ partus erumpant alia virtutum præclara facinora. Et amplius atque amplius adaugeantur.

Eum in finem referat nobis in dies cœlorum velum, diuina pietas & sapientia; profertque cum ei collubatum est, sidus aliquod nouum, cuius repentino præstricti fulgore, & insolito plenius expergescenti lumine, torpentem mortiferæ noctis huius sæculi somnum acriter excutiamus. assurgamúsque vigiles, & erigamur intenti ad fulgentem illam beatorum sedem, patriam nostram, in qua ciues conscripti sumus: æternæ illorum beatitudinis aliquando consortes futuri. Quam vberem efficacemque gratiam, credere est, & sperare; dispensaturam Ecclesiæ suæ, diuinam hanc pietatem, vsque ad consummationem sæculi;

Præfatio.

In qua veritas huius oraculi plenissimè comprobabitur: patentibus scilicet in oculis solis huius, omnibus omnium hominum, cum bonis, tum malis operibus. Quæ sors est mortalium omnium fixa & ineluctabilis, ut nos admonet. Apostolus 2. Corinth. 5. *Omnes nos manifestari oportet ante tribunal Christi, ut referat unusquisque propria corporis, pro ut gesserit, siue bonum, siue malum.*

Gloriatur quidem sacer Ordo Carmeliticus, externæ solitudini olim planè addictus, internæ verò semper, & & ubique numquam non intentus; utique iugi legis Dei meditationi diu nocturneque perenniter astrictus: quod ab æmësis trium ferè mundi huius ætatû seculis, cum in veteritum in noua lege: innumeros propemodum in sinu suo coaceruat sanctos, Dei fidelissimos famulos, & intimos amicos; qui procul ab hominum congressu dum hic degerent, ei vni vacantes: eundem vnum habent virtutum suarum, heroicorumque actuum conscium & testem: fidelissimum, utique liberalissimumque iam tum remuneratorem: aliquando vero, in regeneratione scilicet coram celeberrimâ illâ omnium qui vnquam extiterint hominum frequentia, magnificum præconem habituri. Verum dum ineffabilem hanc & exuberantem sensum omnem, præstolatur alumnorum suorum lætitiâ & gloriam, placet Deo, pro singulari suo, erga sacrum Matri Ordinem affectu, nonnullos identidem ex iis tenebris in lucem educere insigniores suos amicos, quos affigi iubet Ecclesiæ suæ firmamento; ut sint in faces proprias, & specialia luminaria, militantibus adhuc, & diurnæ illi nocturnæque contemplationi, vacantibus in solitudine copiis. Hos inter etiam à triginta quatuor aut quinque annis (ne præcedentium æuoluam seculorum seriem) nemine non fatente meritò gloria

Præfatio.

glorietur sanctissimo suo Præsule Andrea Corsino, Seraphica matre Theresia à IESU, nec non & Maria Magdalena de Pazi. quorum certè præcellens gloria, & suauissimus (etiamnum per orbem vniuersum integer) effusus odor; potentissimi sunt, Carmelitæ omnibus, ad eorum sequenda vestigia, illectus, & stimuli.

Nolim ego (absit hoc à me) cum iis iam tum fixis, obseruandisque Ecclesiæ sideribus tabellam meam appendere. Apprimè scio, & religiosius obseruare volo, quæ sanctissimus felicitis recordationis Urbanus Papa VIII. sapienter fanciuit, circa illorum venerationem, & eorum præconia operum, qui cum odore sanctitatis, & virtutum, è viuis excessere. Vnde & abstinui, quantum potuit fieri, ab his vocibus (sanctitas, beatitudo, miracula,) & aliis huiusmodi nominibus: ne quid verbo contra huiusmodi decretum, quantominus animo peccarem. Mens mea est, germanam dumtaxat & expressam eminentis Contemplatiui, perfectique Mystes subiicere ideam: quàm auspicatò natus sum in vita V. Fr. Ioannis à S. Samsone, cæci perspicacis & acuti, si quisquam alius æui sui; Qui illiteratus, vel certè per aliquot dumtaxat pueriles annos studio literarum leuiter imbutus: plusquam centum tractatus de eminentiori vita spiritus, mysticæque Theologia, doctissime conscripsit. In quibus cum mirabiles nobis arcanorum huiusmodi suas experientias, & altitudinem sui status aperuit: tum multiformes Dei in animam suam emanationes, & eminentiora Spiritus S. charismata, vel inuitus, vel certè supra modum simplex, (diuinâ planè prouidentia) nec modicum supra se reflexus, expressit. Vnde & nobis innotuit altitudo viarum eius, & singularis perfectio, quam vtrique luce dignam: (vt Ecclesiæ Dei ædificationi,

Præfatio.

cùm addendis ambulanti-
bus in via spiritus animis: tùm
alendæ multorum pietati, non parùm profuturam) arbi-
trati sumus. Licet enim non multo afficiatur sensu perle-
gentium plurimorum animus, his Dei in animabus my-
sticis operationibus; quas ex eius operibus exscriptas non
infrequenter atteximus; vt ipsemet (siquidem vix alter
poterat) se suo penicillo adumbraret: præcipua ramen
illis dignitas, inter insignia, & eminentioris, quæ hic ha-
betur sanctitatis, tutiora argumenta, negari non potest.
Nec est quisquam adeo rudis, & à viis spiritus alienus,
qui ex horum, lectione minimùm non intelligat, hæc scri-
bentem esse in Deo altissimè immersum; multaque &
summa de eo percipere, sapere, & gustare: licet ea ipse
non capiat.

Prodimus itaque hominem verè occultum, vtique soli-
tudinis & secretioris secessus, quo ad vixit, omnium aman-
tissimum: palam facimus absconditam in sinu dilecti sui,
castissimam sponfam, quæ ei vni cui se probauerat, sin-
gulariter, sed indefessè placere studuit. Fateor equidem
religioni duco, illam ex his sponsi sui castissimis amplexi-
bus (in quibus æternùm commorari dum vixit semper
ardentissimè concupiuit,) tam suauiter quiescentem extra-
here; nec attentare præsumerem foras eductam omnium
oculis subiicere: ni me expressæ eius, (facta post excessum
suum) licentia, quam in extrema hacce tabella videre est,
ab hoc scrupulo, & conscientia releuaret. Quomodo enim
tam admirabilem eius speciem, & incredibilem exhibere
potero pulchritudinem? qui nec in illam intendere, nec
ipsâ oculorum acie tantam celsitudinem, nisi remotissimè
valeo attingere? quomodo inquam, & vnde mihi, de hac
loqui speciosissima sponsa, quæ præ suis immersionibus,
assiduè.

Præfatio,

assiduis & frequentissimis per amorem conuersionibus in eum qui ineffabilis est: effecta est & ipsa ineffabilis? Quo ordine, qua ratione, & methodo procedam; vt ad hominis huius vel leuem graphidem aggrediar, qui seipsum ita excessit, & supergressus est: vt in Deum prorsus absorptus, diuinis eius perfectionibus torus informatus euaserit. Enimverò onus est in me suscipere, cui non possum non esse infinitis partibus impar; meque ad multa quæ vix credentur, & à multis non intelligentur, astringere proferenda. Sed obedientia quæ loquitur victorias, vti quæ suas; ducto primùm triumpho, ex subactis in obsequium suum, meo iudicio: eriget sibi trophæa de inæa tenuitate, & inopia, quæ olim erexit de Moyse, Ieremia, & aliis omnibus à Deo actis hominibus, ad ea implenda, in quæ ab eo assumpti sunt, diuina opera.

Vt ergo nos illi plenius, & absque vlllo vel minimo ductui eius relicto obice: sicut in operis substantia, ita & in implendi ratione, permitteremus: nè tenebras vllas offunderemus purissimæ luci, & sapientiæ diuini huius Mystæ; natuamque illius formam, specie quidem imperitam, & profanis hominibus ingratam: sed sapientibus, & spiritualibus summè suauem, & delectabilem, adulterâ humanæ artis industriâ obliteraremus: venustos procul reiecimus Latine dicendi flores; stiloque simplici, & vulgari sermone, quo ad fieri potuit, vsi sumus, imò & aliquando barbari esse libenter tulimus; maximè cum cum induximus loquentem; Scilicet, vt & idioma vernaculæ ipsius linguæ, & expressos conceptus, pro viribus æmularetur, quo mentem eius perfectius assecuti, omnibus aliis facilius assequendam, (qui vti quæ scopus noster esse debuit) exhiberemus. Quod si quæ verba, à nobis præter morem vsurpata, iis

Prefatio.

qui in Theologia mystica nullo pacto versati sunt, videntur exaggerantia, & duriora: mihi satis est, non nesciri ab eruditis quibusque, aut vnctione spiritus vtrumque imbutis: & veritati, & dignitati subiecti, adhuc longè imparia esse, & inadæquata. Idipsum est enim quod enixè lectorem obtestor, vt certocertius, & indubiè credat; omnia quæ hic à nobis de hoc eminenti astruuntur Mysta, collata cū eius incredibilibus quibus à Deo cumulatus est donis, quæ in ima humilitatis eius abyssu: cum eo consepulta sunt: pro nihilo prorsus esse habenda. Hæc sunt naufragij huius non contemnenda reliqua, & cœlestium illarum dapum quibus laurè pastus est, pretiosissima fragmenta; quæ colligere iussus sum ne perirent, ad alendam multorum pietatem, excitandūque lectissimarum Iesu Christi sponfarum primitium feruorem, peruulganda. Paxit Deus cedere in gloriam suam, & eorum, qui illa non dedignabuntur, spirituale incrementum. Quod ex eius pietate, cōfidentius expecto: quò ipse vnus operari, & suā in hoc negotio potestate, impensius vti videtur. Siquidem abscondito humanæ sapientiæ sacramento, humilem hunc fratrem laicum, cæcum, in lucem sui seculi eligit: & manum cæci alterius in viis amoris sui, & contemplationis: ad aperienda sua in hoc Mysta eminente prodigia, non respuit.

Porro vestrum est (qualecumque sit) opus, omnes Carmelum inhabitantes Mysta & Contemplatiui; orationis, silentij, & solitudinis, si non eremi, saltem cordis, amantes; qui iugi internæ cum Deo negotiationis cultu, easdem vias experti: arcana hæc & secretiora Dei in animabus agnoscitis, vtrique & persentitis opera. Aut certè eadem æmulantes charismata, ad montis huius, in quem vos in-

vos

Praefatio.

duxit Deus, in dies aspiratis, eminentiora cacumina. Ad vos maximè dirigitur, prouinciarum vtriusque Germaniæ, Belgij, Bohemiæ, Poloniæ, aliarumque orbis partium strenui cultores, & fideles operarij; ad vos inquam, qui ab aliquot annis reformationem amplexi: directionis eius opem tam sollicitè conquiritis. Etenim vestri ergo susceptum est; scilicet vt hunc nostrum verè mirabilem Mystam, per quem iis omnibus bonis ad quæ iugiter anhelatis, iam tum ditati summus, quantum in nobis erat vobis exhiberemus. Propterea latinum fecimus; vt qui noster hactenus singulariter fuit: vulgari apud omnes linguâ donatus, deinceps & vester esset. Iste est ignis diuini amoris, & dudum astuans apud nos perfectæ feruor caritatis, quem Spiritus S. in medio nostri accedere non est dignatus; cuius faces & scintillæ foras erumpentes, ad vos usque conuolarunt. Isti sunt fontes ex quibus prodire riui, in quibus tandem vobis est datum largiùs bibere spirituales aquas mysticæ sapientiæ; sitimque vestram ad delicias explere. Siquidem obsecundante votis vestris aliquando numine, ad vos usque deriuarunt. *Bibite ergo & inebriamini charissimi* Cantic. 5.

INDEX



INDEX

Capitum, quæ in hac vita V. Fratris Ioannis
à S. Samfone continentur.

PARS PRIMA.

Vita eius in seculo.

Cap. I.	N ATIVITAS eius, causa cecitatis, & quibus exercitiis suis primum applicitus.	pag. 1
I I.	<i>Prima eius ad vitam spiritus allelazio: fuga è domo Auunculi, studium librorum spiritualium; & inde enascens divini amoris deliciarumque eius exuberantia.</i>	4
III.	<i>Prima virtutum eius specimina, singularis devotio erga B. Virginem, & affectus circa res pias.</i>	7
I V.	<i>De angustia quas primum interius passus est; & quomodo se bonis suis temporalibus penitus exuit.</i>	10
V.	<i>Quomodo plagâ amoris in corde vulneratus est.</i>	14
V I.	<i>Ardens eius studium salutis animarum.</i>	16
VII.	<i>Quomodo divino instinctu, cum prædicto fratre contraxis amicitiam, in bonum reformationis nostræ Provincia.</i>	18
VIII.	<i>Post effusus ad Deum preces pro defuncto fratre, videt animam eius ex igne lustrico excurrentem; & subinde ad Ordinem Carmelitarum evocatur.</i>	21
I X.	<i>Eius è seculo discessus, & qua in eo speciatim observanda.</i>	24
X.	<i>Appendix ad præcedentia.</i>	26

PARS SECUNDA.

Vita eius in Claustro.

Cap. I.	N oniziatus eius & Professio.	pag. 30
I I.	<i>Singularis eius erga agros charitas, & curatio gratia,</i>	

Index Capitum.

	<i>gratia, ab Illustrissimo Dolensi Ordinario explorata, & comprobata.</i>	34
III.	<i>Multiphariam exercetur à Deo, Damonibus, aliisque creaturis.</i>	37
IV.	<i>Euocatur in Conuentuum Rhedonensem, & deinde in Dolensem reformationis ergo remittitur. Tum in Rhedonensem iterum reuocatur.</i>	42
V.	<i>Explorata virtus, & probatus spiritus Fr. Ioannis à S. Samfone in Conuentu Rhedonenfi.</i>	47
VI.	<i>De diuinis operationibus trium personarum Sanctissima Trinitatis, in anima Fr. Ioannis à S. Samfone.</i>	52
VII.	<i>De multiplici contemplationis eius statu.</i>	56
VIII.	<i>De supereminenti eius contemplatione.</i>	60
IX.	<i>De multis & asperissima morte, quam in altioribus eius contemplationis gradibus est perpeffus.</i>	65
X.	<i>Ardens desiderium moriendi Fr. Ioann. à S. Samfone & ipsius resignatio diuina iustitia.</i>	70
XI.	<i>Vltimus eius morbus, & obitus.</i>	74

PARS TERTIA.

Singulares eius virtutes, Dona S. Spiritus, & gratia gratis datae, qualis decoratus est.

Cap. I.	A ltissima eius humilitas.	80
I I.	<i>Quanta erat apud Magnates existimatione. Quantum ab ea aborrebat, exoptabatque omni humana creatura ignotus viuere.</i>	83
III.	<i>Accurata eius obedientia Deo, Superioribus, Regula, & Constitutionibus Ordinis.</i>	90
IV.	<i>De dono timoris Domini.</i>	84
V.	<i>De dono fortitudinis. Vbi varia eius praelia contra Damone enumerantur.</i>	98
VI.	<i>De dono pietatis.</i>	16
VII.	<i>De donis Scientia, Sapientia, Consilij, & intellectus.</i>	111
VIII.	<i>De dono Prophetia, aliisque gratis gratuitis.</i>	115
	IX. Summa	

Index Titulorum Theorematum.

I X.	<i>Summa eius religio erga sanctissimum Eucharistia sacramentum & quomodo sacra species ad 6. horas in eius stomacho permanentibus incorrupta.</i>	117
X.	<i>Ardens eius crucis ut austeritatem amor.</i>	122
X I.	<i>Quantum eius directio, & conuersatio ad spiritualem profectum conferret, colligitur ex vita R.P. Dominici à Alberto.</i>	126
XII.	<i>De aliis quibusdam diuersorum statuum personis, quas V. F. Ioannes à S. Samsone, suam consuetudinem aut directionem, Deo lucratus est.</i>	131
XIII.	<i>Multipharica cum spiritus tum corporis, ad sepulcrum venerabilis fratris accepta beneficia.</i>	136
XIV.	<i>Apparitiones V. Fr. Ioannis post eius decessum.</i>	142
XV.	<i>Epilogus totius Elucubrationis.</i>	144



I N D E X

Titulorum Theorematum, & effatorum spiritualium.

P R Æ F A T I O.

Tit. I.	D e Humilitate.	pag. 5
I I.	De Superbia.	10
I I I.	De Cognitione sui ipsius & proprii nihili.	13
I V.	De Peccato.	15
V.	De Vanitate Mundi.	17
V I.	De Vocatione ad statum religiosum.	19
V I I.	De Obedientia.	21
V I I I.	De Paupertate.	23
I X.	De Castitate.	24
X.	De Modestia.	25
X I.	De Solitudine.	26
X I I.	De Silentio.	28
X I I I.	De Questionibus propriis, ut maligni natura instinctibus.	29
	XIV. De:	

Index Titulorum Theorematum.

XIV. De Mortificatione.	33
XV. De Caritate erga Deum.	36
XVI. De Caritate erga proximum.	40
XVII. De Oratione; & vita interna.	41
XVIII. De Sacra Synaxi. De Fide.	46
XIX. De Patientia, Constantia, fortitudine, & Generositate Spiritus.	48
XX. De Amoroſa reſignatione, & abnegatione noſtri ipſorum in cruce.	51
XXI. De Morte Myſtica anima.	58
XXII. De Contemplativa & ſupereminenti vita.	67
XXIII. De Sapientia diuina.	74
XXIV. De Abſtractione.	82
XXV. De Simplicitate.	84
XXVI. De Vera libertate filiorum Dei.	67
XXVII. De Studiis ſcientiarum.	89
XXVIII. De Morte naturali; & quomodo ſe in morbo gerere oppor- teat.	91
XXIX. De Senectute.	96
XXX. Regula Conuerſationis.	97
XXXI. De Dignitate Sacerdotum.	103
XXXII. Regula & documenta pro Superioribus.	105
XXXIII. Lumina, & veritatis circa vexationes & illuſiones Dæmo- num.	115
XXXIV. De Poſſeſſionibus Diabolicis.	117
XXXV. Regula pro Exorciſta.	118



I N D E X

Capitum Opusculorum.

Speculum & flammæ diuini amoris, quibus disponitur Anima ad Deum in seipso amandum. A. V. Fr. Ioanne à S. Samsone Religioso Carmelita Prouinciæ Turoniæ digesta.

Ad postulationem Illustrissimi Dom. Antonij de Reuol, olim Episcopi & Comitis Dolensis in Britannia minori.

P R Æ F A T I O. pag. 3

PROOEMIUM AVTHORIS. 17

C A P V T P R I M V M.

De cognitione suiipsius, & Dei, deque amore eius. 20

Se&. I. *Qua sunt principia & effectus vera cognitionis suiipsius.*
ibid.

I I. *Necessitas vite purgatiue ad cognoscendum Deum & seipsum; & differentia filiorum Dei & mercenariorum.* 22

I I I. *Quod hac humilitas & suiipsius cognitio scientiis naturalibus non comparatur.* 15

C A P. I I. De præsentia Dei. 26

Se&. I. *Quomodo cum Deo conuersandum est, & in eo solo quiescendum.* 26

I I. *Quod*

Index Capitum Opusculorum.

- I I. *Quod excellentissimum ad hanc Dei presentiam medium, est ire ad illum per ipsius filium Iesum Christum.* 28
- III. *Quod aliquando Deus ab Anima secundum vires sensitivas abscedit; & quomodo hoc in statu Iesum Christum imitari oporteat.* 30
- I V. *Praerogativa anima, quae pra suo in Deum fluxu amor effecta est. Et quantum differt ab ea quae actioni dumtaxat incumbit.* 32

CAP. III. Debere amorem prodire ad opera virtutum tanquam ad proprios effectus suos.

- Sect. I. *Virtutes exerceri posse in propriis suis motibus donec superata sint pra amoris in Deum fluxu.* 34
- I I. *Lapsus infirmitatis, & indiscretionis, non esse semper inutilis amanti Deum Anima.* 36
- III. *Quod aspectus & iugis representatio Saluatoris, optimum est medium ad purum amorem acquirendum, & cuiuscumque generis virtutem.* 37
- I V. *Affectionum amoris esse simillimam privato amori, & consequenter suspectam: nisi comes habeat virtutes & mortificationem.* 39
- V. *Conclusio & admonitio ad praedicta.* 40

CAP. IV. De exterioribus quae fieri debent vnicè in amore.

- Sect. I. *Quomodo se genere oporteat in actione & externa conversatione.* 41
- I I. *Quomodo in actione externa attentio ad Deum haberi potest* 42.
- III. *Quomodo possunt amoris filij sine prauidio sui amoris magni momenti negotia componere, studere, recreare se, &c.* 43
- IV. *Regula quadam & consilia ad seruandum Dei amorem in actionibus externis.* 45
- V. *Admonitio circa illusiones Daemonum, & Conclusio totius capitis.* 47

Index Capitum Opusculorum.

CAP. V. De via Mystica.

- Secl. I. *Divinam sapientiam huius via esse fundamentum. Et quam habeant inter se oppositionem via scolastica & via Mystica.* 48
- I. I. *De Altissima simplicium contemplatione. Et qua sit eorum occupatio, extra diuinum motum & attractionem.* 51
- III. *Mirabilis anima in Deum perditio, quem nude supra amorem amat.* 52
- I V. *Continuatio precedentis materia, ubi puri amoris virtus ostenditur.* 55

CAP. VI. De Aspiratione.

- Secl. I. *Definitio Aspirationis cum primis eius exercitationibus.* 57
- I. I. *Quam sint ad hoc Aspirationis exercitiam idonei, & eius mirabiles effectus.* 58
- III. *Quid Vitandum in hoc aspirationis exercitio; Et quomodo in illud introcundum.* 60
- IV. *Exercitium aspirationis conueniens anima incipienti Deo interius vacare.* 61

TRACTATUS II.

De Amore aspiratio^{is}, aut de effectiuosa Animæ in Deum aspiratione.

- Cap. I. **E**xercitationem aspiratiui amoris presupponere odium & contemptum subspicius. 65
- II. *Vsus Exercitij aspirationis.* 67
- III. *De spiritali dulcedine, quam affert hic aspiratiuus amor. Et de fidelitate qua debet anima internas destitutiones sustinere.* 69
- I V. *Imagines creatas & reflectiones, huic exercitio plurimum nocere.*

Index Capitum Opusculorum.

	<i>nocere Et De libertate & puritate interna, quam operatur in animam.</i>	70
V.	<i>De essentiali aspiratione, & propensione fruitiva Anima perfecte introuersa & Deum amantis.</i>	72
VI.	<i>Quid facere debeat Anima cum sentit se eleuatam supra suam industriam, & propriam operationem.</i>	74
VII.	<i>Soliloquium affectuosum anima ad Deum conuersa super Iesu Christi passione.</i>	76
VIII.	<i>Hic Anima amore languens dissolutionem suam capit se tamen resignans Dei beneplacito.</i>	80
IX.	<i>Anima amore undique perfusa credit se non amare & huic est intenta, ut se in cruce sacrificet.</i>	82
X.	<i>Amor passiuus, moriens, & abnegatus.</i>	83
XI.	<i>Protestationes affectuosae, Anima ad dissolutionem suam propinquantia.</i>	85
XII.	<i>Aspirationes agonisantis Anima ad dilectum suum Iesum.</i>	87
XIII.	<i>Aliae aspirationes pro infirmis & agonisantibus.</i>	90

TRACTATVS III.

De suprema Animæ in Deum per amorem consummatione. Simplici Theoriâ praxique expositus.

Cap. I.	<i>IN quo consistat iste status.</i>	97
I I.	<i>Quam fidelitatem, & amoris correlationem Anima Deo debeat in hoc statu. Deque intolerandis quas in eo reperit, moribus.</i>	98
III.	<i>Anima in hoc statu transiens in Deum modo incognito, sit ipsemet Deus.</i>	100
I V.	<i>De inundatione & supereffusione amoris. Vbi Anima deliciis diuinis superabundabat.</i>	101
V.	<i>In quo consistat punctum integra consummationis anima in Deum. Excellentia huius status. Et quomodo Anima in illo efficitur diuina.</i>	103
VI.	<i>Quod ignis amoris diuini agit semper in anima quamdiu in ea est aliquid consummendum.</i>	104
VII.	<i>Quod</i>	

Index Capitum Opusculorum.

- VII. *Quod hic sublimis status non cadit sub sensum nec potest
exprimi.* 107
- VIII. *Differentia singularis status inundationis amoris, & super-
essentialis Anima in Deum consummationis.* 108
- IX. *Quod omnia que dicuntur de hoc statu nil sunt habitâ ratio-
narius, quod in se est. Et quare de eo Mysta non nisi exces-
sibus loquuntur.* 109
- X. *Quod modus exprimendi hunc statum eo nobilior est, quo ma-
gis ad praxim accedit.* 111
- XI. *Quod reflectiones supra seipsum, statumque suum, quibusdam
in occasionibus, prohibita non sunt animæ-contemplatiuæ.*
113
- XII. *Lenem ad explorandas subtiliores naturæ adhesiones.* 115
- XIII. *De constanti & supremæ resignationis Anima in Deo consum-
mata.* 116
- XIV. *Quod anima in Deo consummata vero paradiso fruitur, etiam
cum omnibus præsentis huius vitæ miseriis.* 117
- XV. *Quod fideliter sequi debet diuinum radium, qui ad superef-
fentialem unitatem, & consummationem in Deo cupit per-
uenire.* 122
- XVI. *De Vexationibus quas perfecti sustinent à Daemonibus, &
quam sollicitè seipsos obseruare debent.* 122
- XVII. *De obscuritate diuina, & quomodo in ea se gerere oporteat.*
123.
- XIX. *Quod silentium deserti interni, præstat incomparabiliter
omni exitu, & productione sublimis huius status superessen-
tialis amoris.*
- XX. *Conclusio totius huius status. ubi Author rationem reddit,
Quare pliusquam alij Authores, Mystici descendunt ad sin-
gularitatem rerum mirabilium huius status.* 125

Nobilissimi

NOBILISSIMI ET ILLVSTISSIMI

Domini D. Le Duc, in supremo Aremoricæ Tribunali Præsidis, de vita V. Fratris Ioannis à sancto Samsone, testimonium.

NOs Marcus Le Duc, Regis Consiliarius, & in suprema eius Aremoricæ Curia Præses, Certum facimus omnibus ad quos spectabit in honorem Dei, & ædificationem proximi: quod cum antea Catolici Aduocati in dicta Curia fungeremur officio, vñ sumus consuetudine V. Fratris Ioannis à S. Samsone Religiosi laici, cæci, Conuentus Carmelitarum Rhedonensium. Virerat (pro communi opinione) insigni sanctitate, eximiâ virtute, continuâ austeritate, & oratione ac contemplatione omnino singulari. Accepimus à personis fide dignis, multos febre laborantes, aliisque morbis, qui videbantur insanabiles, precibus eius sanos extitisse, & sospites. Vrbs Dolensis & omnes eius Accolæ cum in ea demoraretur, persensere per diutinum tempus efficacissimos optimi huius Religiosi pietatis effectus. Et ab eo tempore quo cum diuina Prouidentia, in hanc urbem Rhedonensem euocauit: testes sumus cum multis dignioris status personis, singularis eius modestiæ, silentij, & humilitatis, in hac tam insigni virtutibus & sanctitate, vita. Illustrissimi Antistites Rhedonensis, Dolensis, Nannetensis, & Briocensis, cum habebant vt sanctum; & vt hominem plaudere diuinum sapius adibant; demirentes altissimam eius sapientiam, & ex eius virtutum exemplo maximum spiritualis profectus lucrum reportantes. Denique nos omnes piis suis colloquijs, diuinisque affectibus inescatos, maximè modestiâ & humilitate suâ in admirationem sui rapuit. Post eius mortem verè coram. Deo pretiosam, multi ægrotantes, quam non poterant obtinere naturalibus remedijs sanitatem, ad eius sepulchrum recepere. Cuius singulare est argumentum superposita corpori eius, voto & pietatè Præsidis huius Senatus, marmorea tumba. Et illustre posteritati relictum monumenrum, restitutz

o sibi

sibi perfectæ sanitatis, inuocatione, & intercessionem V. Fratris Ioannis à S. Samfone : cum plusquam supruagenarius grauissimè ægrotaret, & iam tum proximus agoniz à Medicis desperaretur. Hæc est sinceræ veritatis testificatio, cui in agnitionem qualemcumque multarum quas à Deo accepimus benedictionum, meritis diuini huius hominis, cuius memoria nobis est summè venerabilis & obseruanda, vltro adscribimur; & appressum volumus scutarium nostrum symbolum, fidem illius vbicumque facturum. Datum Rhedonis die sextâ Aug. 1650.



locus sigilli.

MARCVS LE DVC.

Approbatio Doctorum.

ATtendat nedum pius, quin & quisquis lector; idem sentire debere de Venerabili Fratre Ioanne à S. Samfone Carmelita reformato Prouinciæ Turoniæ laico, cæco ab incunabilis: quod S. Hieronymus de Didimo Alexandrino cæco ab infantia, suum videntem appellans. Cæcutiret siquidem quisquis lector huius operis arcana mysticæ Theologiæ, supereminentem diuini amoris scientiam, & secreta cælestia vix intelligendo, si hunc Venerabilem Fratrem, suum videntem non fateretur. Nec R. Pater Mathurinus à S. Anna, eiusdem Instituti ac Prouinciæ Religiosus soli adiunxit cicindelam, cum vitam, theoremata, & aliquot opuscula eiusdem oculati cæci, quæ nec sole nec luna creatis egebant, cum increata Dei claritas

ritas ea circumfulserit , à vulgari idiomate in Latinum traduxit , digessit , & ordinauit. Quæ sic ab eodem R. Patre elegantis styli nitore traducta, maturo iudicio digesta, & compendiosa methodo ordinata , ego subscriptus dignissima esse censeo , quæ sublimiorum Mystarum com- modo typis mandentur , & viris virtutem & spiritum Eliæ anhelantibus commendentur. Auenione, hac die 17. Ianuarij, anno 1654.

*Dominicus Honoratus Sacra Theologia Doctor,
Sanctæ Auenionensis Ecclesiæ Canonicus.*

Iesus Maria Ioseph.

CVM perlegi [vitam , theoremata , & opuscula ali-
quot Venerabilis Fratris Ioannis à S. Samfone , Laici
Ordinis Carmelitarum strictioris Obseruantia à R. Patre
Mathurino à S. Anna eiusdē instituti Latine conscripta,]
ad Caluariæ & Thabor culmina, vt clarius me explicem,
ad summum Euangelicarum virtutum quæ exercentur, &
diuinarum deliciarum quæ prælibantur hac in vita , fasti-
gium ascendere me credidi ; huc vsque peruenit lynceus
hic cæcus author , duplicis Eliæ spiritus germanus hæres,
huc vsque & vitæ sanctissimæ exemplo , & mystici huius
libri ductu animas euehit , vt in illo , Iesu Christi emi-
nenti scientia instruantur , & in altero diuinæ sapientiæ &
amoris splendoribus , & ignibus illustrentur, & ardeant:
hunc enim in illa crucis palæstra cum Apostolis, & primis
eremi ascetis , & in hoc gloriæ transeuntis theatro , imò
in empyreo inter Cherubin & Seraphin edoctum, & quæ
ō 2 gessit

gessit, & quæ scripsit, certissimè suadent. Vitaque ipsius quæ libri verum fuit exercitium, inter tenebras & radios, inter cruces & extases peracta, & liber, qui de abnegatione, de morte mystica qua nobis ipsis morimur, de heroïca, praxi virtutum in theorematibus; & de flammis diuini amoris, de aspiratione, & de consummatione animæ amantibus in opusculis: adeo sublimia enunciat: facilem & compendiosum ad geminum illum & crucis & gloriæ statum, aditum indicant & pandunt. Quisquis ergo hunc oculis & mente euoluens librum, non modo inoffenso decurres pede, vt de S. Hilarij libris sacer Doctor Hieronimus loquitur, & fidei puræ, consonæque orthodoxæ & Romanæ Ecclesiæ, laude præcellentem probabis: Verum maximum in eo reperiēs & ad fidem argumentum, & ad pietatem diuinumque amorem incitamentum. Ad fidem fortius obfirmabit omni rationum vi, ingens miraculum viri rudis literarum, à cunis cæci, de virtutibus, de rebus mysticis, & de diuinis arcanis tam altè disperentis. Ad pietatem & Dei amorem ardentius omni alio stimulo excitabunt vitæ sanctimonia & libri documenta & oracula è cælo deprompta. Hæ tantum animæ quæ nocturæ sunt, quas ipse belluinas vocat, ad lucem & ardorem huius cæci perspicacissimi cæcutient & rigeunt. Quæ verò Aquilæ sunt & spirituales, quas diuinarum rerum amor tangit, magis clarescent & accendentur. Itaque ad maius Dei amantium solamen & Ecclesiæ decus hunc prælo dignum existimo, & meo calculo comprobo. Auenione x v. Kalend. Febr. M. DC. LIV.

*Carolus Iosephus Suares V. I. Doctor
& Ecclesiæ Metropolitanae Canonicus.*

Per

Permissio Reuerendissimi Patris Generalis.

FRATER IOANNES ANTONIVS PHILIPPINVS SACRÆ THEOLOGICÆ MAGISTER,
ac humilis Prior Generalis totius Ordinis B. V.
Mariæ de Monte Carmelo.

AVthoritate nostra harum serie facultatem concedimus, vt typis mandari possint [vita, Theoremata & opuscula aliquot V. Fratris Ioannis à S. Samsone Ordinis nostri professi laici,] latinitate donata à Patre Mathurino à S. Anna Prouinciæ nostræ Turoniæ Professo Sacerdote, si aliis ad quos pertinet ita videbitur. In cuius rei fidem &c. Datum Romæ die 4. Octobris 1653.

FR. IOANNES ANTONIVS PHILIPPINVS
Generalis Carmelitarum.

Fr. Gabriel à S. Iosepho Prouincialis Datus & Secret.

Permissio R. Patris Prouincialis.

FRater Basilius de Remezan Sacræ Theologiæ Doctor, & in Prouincia Prouinciæ Ordinis Carmelitarum Prouincialis. Harum serie facultatem facio vt typis mandari, in lucemque edi possint; vita, Theoremata, & Opuscula aliquot Venerabilis Fratris Ioannis à S. Samsone, Laici Ordinis nostri, à R. P. Fratre Mathurino à S. Anna composita, seruatis aliis seruandis Datum Mafsilæ die 3. Ianuarij anno 1654.

Fr. Basilius de Remezan Prouincialis.

Approbatio Theologorum Ordinis.

EX speciali commissione R. P. Prouincialis huius Prouinciæ Prouinciæ, perlegi librum cuius inscriptio est: [Vita, Theoremata & Opuscula aliquot spiritualia V. Fr. Ioannis à S. Samsone, Ordinis Carmelitarum reformatorum Prouinciæ Turoniæ, per R. P. Mathurinum à S. Anna Carmelitam Reformatum eiusdem Prouinciæ,] in quo nihil occurrit Orthodoxæ fidei contrarium, nihil non congruum Christianis & Religiosis moribus. Imò vero in eo demirari liceat Diuinæ Prouidentię suauitatem erga suos, quæ puerum solis huius luce priuauerit, quò suscipiendo diuiniori lumini fieret aptior; eundemque in regni angulo, & breui cella reclusum, vitam degere ordinauerit, vt inde post mortem eius qua in se perfusus est, lucis radios per exteras quoque Prouincias efficacius diffunderet; dum huius vitæ exempla, & eximie ac planè mysticæ doctrinæ documenta communi idiomate publica fiunt. Quamobrem opus existimo dignum quod in lucem prodeat: ne diutius lateat sub modio lucerna, cuius luce religiosæ mentes illustrari, & quæ vias mysticas altius ingrediuntur, per illas caligines certiùs possint dirigi. Datum in Carmelo Auenionen. 26. Ian. 1654.

Fr. Seuerinus à S. Petro, Theologia Professor.

Superiorum

Superiorum iussu [Vitam Theoremata , & Opuscula
aliqua V. Fr. Ioannis à S. Samsone , in Prouincia Tu-
roniæ Carmelitæ Reformati Laici, à R. P. Mathurino
à S. Anna eiusdem Ordinis & Prouinciæ Religioso,] La-
tinè conscripta , optimâque methodo disposita , paricum
animi attentione ac voluptate legi , vidi equidem viden-
tem cæcum , infirmum heroica patrantem , ignarum di-
uinam sapientiam eructantem , spiritum etiam profunda
Dei scrutantem. Et licet multa (vt pote diuina) huma-
num caprum excedant , nihil tamen fidei dissonum , nil
rationi aut bonis moribus contrarium reperi , imò omnia
sancta , diuinam bonitatem simul ac sapientiam summo-
pere redolentia , inueni. Quapropter vt in lucem pro-
deant dignissima censeo. Auenione , die 30. Ianuarij,
anno 1654.

Fr. Albertus à S. Stephano Carmelita Theologus.

Visa per nos attestatione & approbatione suprâ di-
ctorum Doctorum , & Theologorum doctinæ in
hoc Libro contentæ qui inscribitur: [Vita, Theore-
mata , & Opuscula aliquot Venerabilis Fratris Ioannis à
S. Samsone Laici, Ordinis Carmelitarum, &c.] Quam af-
firmant orthodoxæ fidei , & bonis moribus omnino con-
gruentem : nos illis adhærentes iudicamus illum dignum
qui in lucem prodeat, vtique multis profuturum. Datum
Lugduni die 1. Mensis Septembris, Anni 1654.

DENEUVVILLE Vic. Gen.

Vlſo conſenſu ſupra dicto Domini Vicarij Generalis, non Impedio Impreſſionem per Ioannem Antonium Huguetan, & Marcum Antonium Rauaud dicti Libri, qui inſcribitur vita, Theoremata, & Opuscula aliquot venerabilis Fratris Ioannis à S. Samſone, &c. cum inhibitionibus in ſimili caſu requiſitis. Datum Lugduni die 6. Septembris 1654.

BOLLIOVD MERMET.

Vlſo Procuratoris Regij permiſſu, vt dictus Liber à dictis Bibliopolis Ioanne Antonio Huguetan, & Marco Antonio Rauod, excudatur: permitto. Datum Lugduni die Septima Septembris Anni Milleſimi Sexcentefimi quinquageſimi quarti.

S E V E.



V I T A
 INSIGNIS MYSTÆ,
 VENERABILIS FRATRIS
 IOANNIS A S. SAMSONE,
 COECI AB INCVNABVLIS,
 Laici Ordinis Carmelitarum Reformatorum,
 Prouinciæ Turoniæ.

P A R S P R I M A.

Vita eius in seculo.

C A P V T P R I M V M.

*Natiuitas eius, causa cæcitatæ, & quibus exercitiis fuit
 primum applicitus.*

FIDELIS Dei famulus, ad cuius vitæ & virtutum delineandam tabellam aggredimur; Senonibus in Burgundia natus est: Parentibus nobilitate, fortunæ bonis, maximè verò insigni virtute, & singulari erga Deiparam Virginem deuotione clarissimis. Pater eius, cui nomen PETRVS DY MOVLIN, & Mater dicta MARIA D'AIZ, tres ex suo matrimonio suscepere filios. Primus militiam professus, æmulator partium Henrici Magni, Galliæ Regnum armis sibi vindicantis; ad prostrati muri plagam, urbem inuasurus, fortiter occubuit. Alter studiis literarum additus, tantùm in

A

illis

illis profecit, vt in Curia Romana, in qua diu satis est demoratus, magnam sibi conciliârit prudentiæ & eruditionis opinionem, vnde Lutetiam postea reuersus, cum Regina Maria de Medicis, Galliam primùm inuente: Regij Commentariensis, Quæstoris, nec non & Castrensis Stipendiarij munere functus est. Tertius natu minor, remisso nuntio primùm rei familiari, tùm demum seculo: pretiosissima hæreditariæ virtutis, & domestici Beatæ Virginis cultus, cuius se famulatui in sacro eius ordine mancipauit, sapienter primogenita tulit, & iam num (si ex subiiciendis in hac lucubratione, bono certamine, seruata fide, & consummato cursu) non augurari modo, sed asserere licet cum Apostolo reddendam iustitiæ repositam coronam, feliciter cælo intulit.

Annus agebatur ab Incarnato Seruatore noster illesimus quingentesimus, septuagesimus primus, dies mensis Decembris supra vigesimum nonus, cùm inter mortales primùm connumeratus est. Aquis lustralibus initiatus IOANNIS nomen accepit: Sanctissimi illius Eremiticæ futurus aliquando strenuus imitator: non quidem externæ, sed internæ cultu solitudinis, iugique & assiduæ suæ mentis in Deum attentione. Nondum triennis cum boâ laboraret, mater eius, & nutrix, leuius credentes iter habenti cuidam ignoto: septicum malagma ad oculos eius admorunt, vt spissiore quæ morbo increuerat, crustam exederet: sed res prorsus contrarium votis sortita est exitum: nam putatum huiusmodi remedium, & cristallinum oculi sinistri penitus exhaustit humorem, & accersitus Ophthalmicus qui seruaret alterum, assequi non potuit, nec impedire, quominus albugo remanens, puerum & hoc priuatum lumine, cæcum omninò ad vitam constitueret. Nonnulli diu, sed frustra conquisitum per urbem totam ignotum hunc hominem, arbitrati sunt Magum fuisse quendam, aut Dæmonem, quasi iam ex tunc, bellum indiceret infanti, à quo toties fugandus & debellandus erat. Et verò si (vt bene multi, nec insipienter autumant) sicut custodem ita aduerntem habemus, vnusquisque suum, Angelum: quidni crediderim hunc insidiatorem, ad nocendum in omnibus positum, funesti huius euentus authorem, & indubium doli mali machinatorem & architectum. Sed diuina Providentia cui seruiunt & obsequiuntur omnia, insensibilium orum eius hostium magis rebellantia corda, & vulnera: vertit malum in bonum,

&

& hanc corpoream cœcitatē, tanquam efficacissimum medium, ad sublimen contemplationis statum, sapienter ordinauit. Enimverò quod illa non concesserit puero sanitatem, sed permiserit temporali lumine, & rerum visibilium aspectu priuari; ut spiritalia meditaretur impensius, & liberiùs specularetur æterna: euentus certissimè comprobauit. Non impediuit tamen aduersus huiusmodi casus quin summâ curâ, & sollicitudine, non tantùm educaretur in timore Dei (quod utique à tam piis, Deoque addictis parentibus erat expectandum) sed etiam in studiis literarum, musicisque promoueretur.

Ad decimum circiter annum utroque parente orbatus, Auunculus (cuius tutelæ creditus est) studiorum eius curam suscepit; quibus tantùm dedit operam, quoad vsque latinam linguam utcumque calleret. Eodem enim simul tempore, musicam, & organicorum diuersi generis instrumentorum vsum, perfectè est edoctus, maximè autem Pneumatici organi, quod summa cum dexteritate & industria, adhuc duodennis pulsabat, fuitque per annos aliquot Ecclesiæ sancti Dominici Senonibus Pithaules proprius: cum plenissima muneris huius apud omnes probatione. Indè & ad solemniores quoscumque musices concentus, semper aduocabatur.

Interim amor Dei, qui ex tunc in corde eius primùm dilucebat, eum ab omni alio abalienauit studio: & etiam aliquoties sua musices exercitia cogebat intermittere: ut spirituales libros sibi legi curaret. Qua de causa dramaticis omnibus choreis, festiuisque musicæ conuentibus, deinceps adesse recusauit. Cum autem propterea, ab interpellantibus Tutore & Parentibus, molestiam frequentius sustineret, decreuit patriâ cedere, ut se ab huiusmodi vanitatis mundanæ stimulis omninò liberaret, vocantemque se interius Deum planè solutus, auscultaret.

CAPVT SECVNDVM.

*Prima eius ad vitam spiritus allestatio, fuga è domo
Auunculi; studium librorum spiritualium, & inde
enascens diuini amoris, deliciarumque
eius exuberantia.*

NON fuit levis animi angustia adolescenti, rerum omnium gratissimum mortalibus, solis lumen non videri & oculorum vsu penitus orbari, multisque propterea necessitatibus & miseriis obnoxio: exire de terra & cognatione sua, & aduenam degere in regione extranea. Sed sermo Dei viuus & efficax, penetrabilior omni gladio ancipiti, hanc absque vilo negotio primum operatus est disunctionem, pertactus aliquando vsque ad diuisionem animæ ac spiritus, compagum quoque ac medullarum eius, & discreturus cogitationes & intentiones cordis eius. Hærebant animo grauiter infixi sensus & affectus spiritualium illarum lectionum, quas auiditate famelicâ absorptas, velut hostia munda, Deo omnipotenti in sacrificium addicta, iugiter meditabatur, & versabat mente; nec aliò quietum esse pariebantur, æstuantem huic animum, quàm in ipsamet sua sede, interna, scilicet cordis solitudine; in qua liberiùs audiret quid loqueretur in ipso Deus, & optatâ frueretur pace, quam loquitur super sanctos suos, & eos qui conuertuntur ad cor. Ausugit itaque, & clam se subduxit è domo Auunculi, comitem habens secreti conscium vnum suum famulum; peregrinatusque est annis aliquot à patria, parentibus & amicis: implens opere quod olim tantoperè concupiuit, & etiamnum tentauit adhuc infans nostra Theresia, fidelissimum sancti Spiritus consilium: suadentis animæ, ad sponsæ dignitatem aspiranti, obliuisci populum suum & domum patris sui.

Hoc in exilio spontaneo maiorem ponebat sui temporis partem in spiritualibus lectionibus, quas ab amicis sollicitè emendicabat; non abiecto tamen suo Musices studio. Aderat libentissimè, & summa cum animi suauitate, (vti semper à primis annis consueuerat) rebus diuinis, & piis concionibus; quas memoriâ feliciter

feliciter retinens contendebat insuper pro viribus obseruare. Sic pueriles ludos, solitâsque infrunitæ iuuentutis helluationes, & ganeas; virtutis amore, magis quàm cœcitatîs ergò, sapientissimè declinauit.

Inter alias autem quas libentiùs vsurpabat lectiones, singulariter in deliciis habuit libellum quendam, dictum *Sponsi palliolum*, qui de mediis agit exuendi seipsum cum Christo Iesu, ad crucis eius pedem: repetendo per singula capita hæc Apostoli verba, *Christo confixus sum cruci*. Mirum in modum delectatus est huiusmodi verborum sacramento: arbitratus propter se vnum esse conscripta, vnde & ea tam altè in corde suo defixit, vt per omnem vitæ cursum pro chariori lemmate semper habuerit; & pronouissimis iam iam moriturus religiosissimè pronuntiarit. Legabantur etiam illi libri de imitatione Iesu Christi, de interna abnegatione, Institutiones Tauleri, & alij similes: in quibus adeò delectabile, acceptumque gustui suo interno, exugebat manna, vt illud insatiabilem in modum, & quasi insaturabiliter appeteret.

Audiebat & alias sub iisdem initiis alterius generis lectiones, vt Historiarum & Poëseos; sed Deus tam vehementibus luminis sui radiis, vrgentibusque amoris sui affectibus, breuè cor eius inuasit: vt statim omni alij studio, imò etiam cogitationi, præterquam vnus virtutis, & internæ recollectionis, veræ Sanctorum scientiæ, funditus resuntiare decreuerit. Adeò vt ex tunc sanctum animo concipiens horrorem, sanctamque omnis alterius scientiæ, quàm Iesu Christi crucifixi nauseam: totum se mentalis, aut vocalis orationis; pœnitentiæ, mortificationis, & aliarum austeritatum exercitiis; frequentandis Ecclesiis & Sacramentis; audiendisque lectionibus, de via perfectionis, & diuini amoris agentibus; deinceps dederit.

Vt sanctissimis huiusmodi exercitationibus faciliùs liberiùsque vacaret; Luteriam profectus est Anno 1597 & apud fratrem suum, de quo supra diximus illic tunc coniugatum, est demoratus. Hic sibi comparauit quotquot potuit, mysticæ Theologiæ libros, maximè sancti Dionysij opera, Rubrochium, Taulerum, Gersonem, & Harphium, quorum lectio post orationes, & frequentem Sacramentorum vsum; gratior erat; eius negotiatio, & adæquatum studium.

Quanei & quàm veloces fuerint sacri huius studij, & negotiationis fructus, absque admiratione cogitari non potest: Tandem enim aliquando, tot ei contulit Deus suauissimas vnctiones, & exuberantes gratias, semetipsùmque in animam eius tam abundanter effudit: vt exinde quasi inexplibili remanserit studio affectus, curâ, & sollicitudine: quomodo & qua ratione tam liberali & profuso erga se Deo, iugiter responderet. Assiduus erat in meditatione dolorum Pasionis Filij Dei: ita vt ob oculos mentis numquam non dolendam, chari huius Saluatoris semper haberet imaginem: plagis vndique suffossam, ex quibus omnibus, tanquam ex tot sacratissimis spiraculis videbantur ei mille, & mille faces amoris erumpere. Vnde in posterum, per omne vitæ suæ tempus mirari non destitit: quomodo non incenderentur, & consumerentur omnes quotquot sunt homines, ad aspectum tam horrendi, tamque amabilis spectaculi. *Ergone* (inquit in quadam contemplatione) *intentum obiecti huius obtutum, non abripere extra seipsos homines, non comburere, & irrecoverabiliter æternum consumere in immenso amoris tui omnia consumentis igne. O amoris abyssus? quis deinceps timebit appropinquare tibi, propter terribilem tuam iustitiam, cum teipsum degluciat, & in horum gurgitem malorum absorbeat.*

Tales erant ex tunc, suaves eius & amabiles in Deum effluxus, vtique sentientis ardentissimum in corde suo, sanguinem pro sanguine, vitam pro vita, amorem pro amore: charissimo suo Saluatoris rependendi desiderium. Aliunde Deus nunquam amore, & liberalitate vincendus, gratiarum suarum copiam & exuberantiam in cor eius amabile magis ac magis effundebat, ad eò vt tot Dei sui profusionibus supereffluens & exundans, sub ineffabili diuini amoris onere, ipsum (quasi torrente rapido) deliciis & consolationibus inundante, suauiter gemere cogeretur. Et reuera præ multitudine deliciarum, sæpissimè compellebatur Deum inclamare, vt donorum suorum temperaret excessum: ni vellet ipsum vi amoris occumbere. *Quoties o amor meus,* (sic loquitur in soliloquio) *rogavi te, vt protinus recederes à me, ni velles me gaudio & amore sub oculis tuis expirantem videre: hoc agebatur, o amor meus, quia anima mea in amoris tui exercitationibus, quibus in tuis sponsis sub initium delectaris adhuc nouitia pertimescebat ne deficeret viribus, vehementerque voluptuosi & luminosi amoris tui impetus valeret sustinere.*

CAPVT

CAPVT TERTIVM.

*Prima virtutum eius specimina, singularis deuotio erga
Beatam Virginem, & tenerrimus circa res
pias affectus.*

DOCTISSIMÈ omnino Seraphicus Doctor: cum dixit, amorem
esse donum in quo omnia alia dona donantur. Donatus
affluenter, tam pretioso diuinæ largitatis munere, noster Pro-
felytus; simul & incredibilem penè erga suum beneficium, gratiam
accepit. Itaque his deliciis, & voluptatibus vbertatis domus Dei,
quibus inebriabatur interius: iugi, & indefesso virtutum om-
nium studio maximè pœnitentiæ & austeritatis; exterius respon-
dere nitebatur. Nihil eo humilior, nihil demissior, nihil laboris
& tolerantiarum auidius, nihil à temporalium rerum affectu ma-
gis alienum. Vna eius ambitio, cura & sollicitudo, vt vices re-
penderet amore suo, diuino amor; à quo dulcissimè suauissimè-
que intus vrebar, & consumebar. Ieiunia eius erant asperissima;
semel in die dumtaxat comedebat; nihil omnino sumens vespere.
Integras Quadragesimas in pane, & aqua visus est ieiunare, aliàs
tribus consequentibus diebus ab omni cibo penitus abstinere.
Præter Ecclesiastica totius anni ieiunia, singulis diebus Mercurij
& Veneris, per vnâ quamque hebdomadam, ieiunium obseruabat.
Ad textum setis indusum disciplinam frequenter adiungebat,
huiusmodi macerationibus suum corpus iugo crucis amantissi-
mo assidue substernens. Quam pœnitentiæ suppellectilem cum
absconderet, & quantum poterat, occultaret; deprehensam ali-
quando Dei permissu: agnouit ingenuè; faterique compulsus est,
se illâ interdum vti; vt in aliquibus Iesu Christo nonnihil similis
effici mereretur.

Bellè quidam à 30. circiter annis scripsit, Castitatem, adeò te-
nerum delicatūque esse florem, vt vel minimâ contrectatione
flaccescat, scilicet hortus est Sponsi conclusus, & fons signatus,
cui vni licet aperire, & ingredi: omnibus aliis nefas. Dixit qui-
dem, & sapienter, sed minùs cautè seruauit: Ipse enim speciem
eius tam frequenter ob oculos posuit, tótque coloribus & pig-
mentis

mentis exultam, tamdiu ad aspectum subiecit, vt apud omnes huic virtuti sincerè addictos, non modò sigillum hoc sacratissimum aperuisse, sed & conspurcasse visus sit, vnde lumen tantum prætulit, quo exploratam, omnibus palam faceret suam offensio- nem. Habentes igitur hanc præ manibus facem non impingimus in eundem errorem, sed florem hunc hominis omnium castissimi illibatum asseruamus; asserimusque Iesu Christo, virginum omnium, & castarum animarum sponso: contenti dumtaxat illum per clathros, & cancellos, aliquantulum foris intueri. A primis annis hanc virtutem ita studiosè coluit, vt ferre non posset quidquam ei verbis obscænis se præsentè detrahi: acriter eos corripiens qui ad hanc procacitatem liberius soluerentur, etsi aliundè mansuetissimus esset, & in perferendis aliorum defectibus patientissimus. Ita modestus erat, & rectè compositus in incessu, vestitu, sermone, & omni suo exterioris hominis habitu; ita sibi ipsi inuigilans, & in omni rerum agendarum ratione cōsideratus: vt qui cum attentius obseruauerunt, nihil vnquam in eo viderint, quod vel minimùm grauitatem dedeceret; aut qualemcumque proderet sensuum remissionem. Sicut de S. Malachia refert D. Bernardus, & de sancto Martino Seuerus Sulpitius. Nec mirum videri debet, cum sit hæc inuiolabilis, perfectaque castitas, humilium animarum, & verè contemplatiuorum, (qui ab infantia Euangelicæ perfectionis subièrè iugum, qui pascuntur inter lilia, & Angelorum pane vescuntur) beata sors & singulare priuilegium. Per hanc autem corporis animique sanctimoniam, perfectam Deiparæ Virginis integritatem, quàm proximè poterat exprimere contende- bat; ad cuius exemplar effingere se iugiter, & efformare nitebatur.

Enimuerò fuxerat hanc pietatem, religiosumque animum erga futuram Matrem, Sororem, & Patronam, vnà cum lacte nutricis: Et ab ipsis incunabulis tanquam pretiosissimam hæreditatem, ex multis temporibus in familia studiosè conseruatam, à parentibus acceperat. Audiuius enim ex ipsiusmet ore, Auiam eius, quæ tunc adhuc superstes erat, cum primâ lucis vsura donatus est: in vigiliis solemnitatum, B. Virginis etiam ex voto cum omni sua domo ieiunare solitam, cumque aliquando per incogitantiam carnes parassent & ministrassent, non attendentes crastinum diem esse Festiuitatem Virginis: ne suum soluerent votum insigni miraculo fuisse

fuisse diuinitus admonitos : nam appositum ex tempore sublatum est è mensa ferculum, nec vnquam post accuratam & sollicitam disquisitionem, quid de eo sit factum, explorare potuerunt.

Hæres igitur deuotionis huius, & pietatis erga Deiparam; iam à puero sollicitè eam colere, ac singulari animi sui sensu & affectu, velut amantissimam Dominam, & vt Magistram, venerari cœpit : quæ quidem pietas ita in corde eius increuit, vt illius omnes, quibuscum agebat, participes facere conaretur; frequenter commemorans patrata ab ea, in gratiam eorum qui ipsi deuotè famulantur, miracula; nec non & initia, munia, & priuilegia, Confraternitatem sacri Scapularis, & Rosarij. Vnde & benè multos ei lucratus est, & in eius obsequium famularumque coëgit. Quod si hæc præstitit adhuc degens in seculo, quid expectandum est cum ipsi ex voto deuinctus, in eius familiam relatus, & tesslerariis vestibus indutus; tantæ Dominæ celsitudinem per triginta annos meditatus, exploratam si ququam alius, atque compertam habuerit.

Plurimi faciebat omnia ad pietatem, cultumque diuinum pertinentia, quorum vsus in Ecclesia sancta receptus est. Singularis erat, haud frequens, & planè exemplaris eius veneratio sanctarum Reliquiarum, quas cum nancisci poterat, maximo cum religionis sensu defererebat. Paruulam B. Virginis imaginem ad collum appensam habebat, cui plurimum confidebat, & erat deuotissimus, quæque dum adhuc viueret, & post eius mortem, multos quibus applicita est, sanitati restituit. Incredibilem habebat honorem sanctissimis Iesu, Mariæ, & Sanctorum nominibus; dicebátque omnes nonnihil spirituales, ad id ex conscientia teneri, & per hoc sensum & amorem, quibus erga illos afficiuntur, debere prodere, & testificari.

CAPVT QVARTVM.

*De angustia, quas primum interius passus est, & quomodo
se bonis suis temporalibus penitus exiit.*

SIC dilatatus cœlestibus donis, & exundanti gratiarum profluvio perfusus, spiritualis vitæ feruens candidatus, celeriter percurrit virtutum omnium Christianarum stadium: sed quia ad excellentiora præordinatus erat charismata, utique ad osculum oris, à sponsa tantopere concupitum, admittendus; in quo edocendus erat scientiam Arcanorum Dei, & intellecturus verbum eius absconditum: propterea ablaetandus fuit ab huiusmodi deliciarum lacte, & ab vberibus tot cœlestium consolationum vterius abducendus; sicut in Isaia legimus, *quem docebis scientiam, & quem intelligere faciet auditum, ablaetatos à lacte aulos ab vberibus.* Transactis igitur annis aliquot in huiusmodi allestationibus & blandimentis, tandem subdixit ab eo Deus has omnes suas vñctiones, & sensibiles gratias; earumque loco amarum, suæ erueis substituit calicem. Et ut experiretur, purgaret, planèque firmaret virtutem eius & fidem, constituit eum in statu nudissimo, desertissimo, obscurissimo, & secundum sensum miserrimo; in quo eum per plures annos omni consolationis refrigerio prorsus destitutum reliquit. Adcò ut ipse sibi videretur omni hoc tempore absextus à Deo, & reprobatus; nec posset sibi in animum inducere, se vnquam ad eam Dei consuetudinem quâ aliàs vsus fuerat, posse rursus admitti; huncque statum Deo esse acceptum, & ad eminentiora gratiarum munera arctioraque strictioris vñionis vincula, disponentem. Ideò reflectens postea super hunc suum statum, sic in Soliloquio quodam diuinam alloquitur Maiestatem: *Quod mihi mirum olim visum est, charissime mi amor, cum tibi nouiter adhuc sponsata eram, est utique, quod vsus sis actiuo meæ repudiationis medio ad amoris tui in me consummationem, nòsque nihilominus sub Sponsi & Sponse nomine solemni matrimonio coniungendos.*

Licet autem hoc in statu ita se haberet, quasi si repulsus à Deo & abiectus esset, ramen, tantum abest ut propterea animum desponderit:

sponderit , quin è contra inuiolabilis erga eum suæ fidelitatis actus congeminare cœpit ; proposito gaudio nudè eum sustinens, in horrendo & aspero spiritus sui deserto. Perfugium eius vnicum erat oratio , & sacra Synaxis , quam ferè singulis adibat diebus : etenim per omne quod supererat tempus, semper intra se receptus & recollectus, iugiter orationi vacabat ; nullibi, nec aliò solatium vnquam & leuamen quærens, quam in sacratissimis charissimi sui Saluatoris crucifixi vulneribus & plagis. Impiger etiam erat, & assiduus in exercitatione virtutum , contemptu sui ipsius, & omnium suorum appetituum , naturaliumque studiorum abnegatione ; quæ funditus , & ad radicem perscrutabatur. Cauebat autem sollicitè , nè quæ patiebatur interius ex sensibili & amara nimis, dilecti sui absentia, foris innotescerent , quod expertis similia , relinquimus ponderandum.

Non illum interius tantum , suorum subductione donorum probauit Deus , sed etiam exterius omnis in hoc mundo subsidij & consolationis exortem fecit : eodem enim anno abstulit ei & fratrem & sororem, quibuscum Parisiis (vtrique necessitatum eius curam gerentibus) inhabitabat ; vnde miser & infelix cœcus, parentibus omnibus superstes , humano omni auxilio planè destitutus, solus remansit. Ipse interim hanc tentationem de manu Dei ex animo suscepit , & ex his aduersitatibus consilium eius sapienter auspicatus, ipsum ad summam interius & exterius adigendi inopiam : ad implendum perfectè adorandum huiusmodi decretum , ex parte sua concurrere voluit. Quamobrem libentissimè omni rei suæ familiari renuntiare decreuit, vt vnâ deinceps in sua paupertate perfugium haberet paupertatem, pauperque omninò viueret & ignotus, ad eius imitationem, qui cum esset diues , & omnia possideret , factus est egenus , vt nos illius inopiâ diuites essemus.

Eo tempore Prior quidam Regularium Canonicorum ordinis S. Augustini, dictus Dominus *de Montdidier*, Abbatis villâ prosequendæ litis ergò Lutetiam profectus, cœcum nostrum apud se recepit, propter contractam eam defuncto eius fratre necessitudinem : cuius consuetudine , cum apud Eminentissimum Cardinalem *de Peluè* Romæ degeret, fuerat vsus. Disposuit suauiter hoc medium mirabilis Dei prouidentia , (vtrique in Sanctis suis) ad finem (quem & fortiter attigit) fortem scilicet & inuidum

noui sui bellatoris animum, in perferendis durioribus egestatis incommodis, quorum frequentissimam illie habuit copiam. Licet enim iste Beneficiarius multâ charitate, & tencritudine erga pium hunc Cœcum voluntate pauperem abundaret: tamen negotiorum necessitate, quibus per solidos instabat dies, domum suam serò tantùm, & quidem tardiùs rediens: seruus Dei (qui interim in *Ædibus sacris flexis genibus ante sanctissimum Sacramentum in oratione perseverabat,*) famem, sitim, frigus, & alia id genus, multa incommoda diutiùs perpetiebatur: sed absque vlla animi ægitudine, rædio, aut querela, pro more Sanctorum; Iugiter in sua oratione persistens, quoad vsque nutritus ipsius, tandem à negotiorum suorum cura reuersus, illum per puerum ad vescendum accerferet. Probata virtutis, & singularis meriti nostræ Prouinciæ Turonensis alumnus, cuius testimonio sæpè nobis vtendum est: sicut & de eo plura in multis enarrationis huius locis, habemus dicenda, illum multoties ante sanctissimum Sacramentum in Ecclesia Conuentus nostri Maubertini, horâ de meridie, prima, ieiunum inuenit, & ab oratione ad reficiendum cibo aliquo attenuatum corpus, abduxit.

Apud hunc Priorem vt plurimùm pane dumtaxat, & aquâ vescabatur, præ se ferens tamen sanctâ simulatione, significansque (si quando sciscitaretur ab iis quibuscum agebat) multâ se cum humanitate & honestate victus ab eo exceptum. Quod singularem eius prodit virtutem, mirabilémque hoc in negotio probat patientiam: est vtique quod hic Beneficiarius idem ipse est, in cuius vtilitatem iure hæreditatis cesserat, multùm se lucratum arbitratus, aliquem inuenisse, in quem onus hoc graue deponeret. Quanquam huius cessionis nihil huic Priori reuerâ obtigerit, propter causas quibus (vtique ad propositum non pertinentibus) non immoror hîc recensendis.

Cumam amabò cæterorum hominum facultates, & terrena commoda possidentium, conuenientior erat, & æquiori iure concedendus relictorum à parentibus temporalium bonorum vsus? quàm misero huic Cæco, omnibus parentibus orbato, & aliunde ab eorum affectu ita alieno, vt ea tanquam non possidens, & vt non sua, prout Apostolus præcipit, verè possideret. Si metas Historici fas esset tantisper excurrere, & Oratorem nonnihil agere: ingenuè, fateor, libenter digrederer ad innumeras prope-

modum

modum paupertatis arumnas & molestias, vt nunquam non laudandam heroïci huius actus generositatem, in lucem efferrem: Pareo autem, & impræsentiarum satis mihi est ex his aliqua duntaxat obiter præstringere, quas attentius meditati, vtrumque pondus & sublimitas tantæ virtutis innotescat.

Sit igitur quasi hoc vno verbo definita paupertas; aut his consequentibus eam effectibus veluti descripta, scilicet eam modum omnem & rationem pœnitentiæ complecti: quæ spiritu & corpore sine intermissione patitur, quæ semper timet & veretur, semper suspirat & angitur, semper gemit & lachrymatur, semper laborat & opprimitur, semper exulat & ab omnibus expellitur, semper frenum suum mandit & radio conficitur: quia lachrymarum suarum fontem, & dolorum miseriarumque fomitem semper habet adiunctum & intimum. Vnde & Sapiens sapientissimè dixit *omnes dies pauperis malos*, quia rerum quæ ad vitam pertinent iugis inopia, humanarum miseriarum verè caput est. Quæ si verè, de pauperibus generaliter & absolutè dicta sunt, quantò magis de verecundis & latentibus, quos pudor & conditionis honestas à libera mendicitate retrahit; qualis fuit hic noster cæcus spiritu & rei veritate pauperrimus, qui se ita diuinæ Prouidentię commisit, vt præter eam vnā, amplius sibi nihil reseruaret.

Sunt quidem in Ecclesia Dei renuntiantes omnibus quæ possident, & solemnī voto paupertatem profiterentes benè multi, sed eorum aliqui temporalia bona in commune possident, quibus, omnibus eorum necessitatibus liberaliter subuenitur. Alij solemnī titulo honorificæ paupertatis ostiatim quæstuant, tantum elemosynarum à Christi fidelibus regulariter excipiunt; quantum satis est, vt vniuscuiusque necessitatibus vtrumque prouideatur. Hic autem pauperum omnium quasi miserrimus, nec cum aliis, nec priuatim, quidquam possidet; nec quæstuetur publicè, nec secretò elemosynas colligit, nec paupertatem suam apud quemcumque commendat; sed omninò hominibus, ignotus, à Deo solo, cui vni viuit: in silentio & spe, sustentaculum suum omne præstolat.

CAPVT QVINTVM.

Quomodo plagâ amoris in corde vulneratus est.

ADedò verum est, quòd ipsa nobiscum degens pronuntiauit Incarnata Veritas; non renuntiantem omnibus quæ possidet, non posse esse suum discipulum: ut etiam viuentes in seculo ad huius conditionis dignitatem euocati, huic legi subiacent; & exuere se compellantur omni re familiari, ac iure, dominiòve temporali. Scilicet primitia sunt hæc non tantùm regularis Instituti, sed etiam omnis Christianæ perfectionis fundamenta, & fulcra; sine quibus assurgere nihil potest, & consummari solidum atque sublime. Hoc igitur præstitit adhuc in seculo, cæcus noster corpore, mente ocularissimus. Et hoc fortiter sapienterque demisso angulari lapide: cœpit acriter, & sine intermissione instare suæ perfectionis operi. Vocantemque se feruenter, & ad exanimationem insequi nudum Iesum Christum, thesaurum suum, studium, finem & omne bonum. Séque iam omni terreno solutum impedimento, & humano destitutum subsidio; tradere amorì diuino funditus prædandum. Qui quidem amor postquam eum per acerba cruciatuum, & angustiarum ineffabilium, traduxit itinera, tandem in eo statu constituit, quem plagam amoris appellat. Hæc autem plaga, quam æquè asperam, ac delectabilem in suis scriptis nominat, fit, inquit, in anima in statu caliginis & obscuritatis diuinæ; in quo languet & infirmatur, propter maximam distantiam quâ se videt ab vnitate diuina semotam. Tunc enim Deus occulto & incomprehensibili amoris mysterio, in centro animæ quasi absconditus, sensim eam cardit & sauciat: hocque amoris mystico ferit vulnere; quod eam ad omnem vitam, languentem efficit. Ipsemet nobis in quodam soliloquiorum suorum, quæ huiusmodi diuina passus est, his verbis expressit.

Cur amor mi charissimè abscondebaris in me, in corde meo, & in anima mea? Nunquid sciebas me remansurum hoc amoris effectus ita sauciatus: ut mihi mæste & dolere reliquum vita mea tempus in perpetuo amoris languore, absque solatio & leuamine, foret transigendum? Quid charissima mea vita & omnia mea: ignoras quan-

um est languor meus, quàm durus & molestus? Ha! quis dabit mihi à corpore mortis huius absolui, ut finem accipiant languores mei, optatâ (ô amor mi) tuâ possessione. Hæc mortalis, verè amoris plaga, adeò fuit in hoc homine diuino immortalis; ut quandiu vixit, semper eam in corde gestauerit: in tantum ut ad minimam mysteriorum salutis nostræ, maximè cruentorum recodationem; recrudesceret & prorsus innouaretur. Idipsum est quod in libro suarum contemplationum innuit, super Circumcisione Domini nostri. Impossibile, inquit, est considerantes nos, & scrutantes amorem tuum adeò immensum & altum, in proprio suo fonte, utique in te ipso, ô amor meus & vita mea, & in exundante fluxu effectuum eius: nos inquam non remanere plagâ amoris igneâ, quæ operatur in nobis famem, sitim ardorem, & languorem amoris, omninò sauciatos.

Porrò tantum abest ut tempus, morborum omnium, tum corporis, cum animi fidelissimus medicus; utpote quod non tantum lenit ægritudines mentis & molestias; acriorésque grauiorū afflictionum obrundit aculeos: sed etiam immutat, vel aëris intemperie, vel humorum exuberantiâ, vel immoderato qualitatis vnus suprà aliam excessu, vel aliâ quauis alteratione, ad iustum temperamentum sæpiùs adducit corpora: Tantum abest, inquam, ut huic amaro simul & suauis cordis eius mederetur vulneri: quod è contra magis ac magis exulcerabat, atque exacerbabat: quia amor, illius author & fautor, in dies augebatur & inardescibat. Verum quidem est, quod in hac suprema contemplationis quiete, de qua inferiùs agendum nobis est, videtur esse liber ab huius plagæ amabilis effectibus: sic enim loquitur in supra dicto contemplationum suarum libro. *Quod si nobis est satis nostra suprema quies, nostrumque explet desiderium supra statum plagæ amoris, & supra famem, sitimque inexplibilem eiusdem amoris: Idipsum est in quo abundè contenti sumus. Quæ tamen subsequuntur manifestiùs arguunt, nullum esse statum quantumuis sublimen, etiam supereminens quietis, ab huiusmodi amoris vulnere immunem. Amor, inquit, tantum fit discretus, quantum anima diuina, ad perferendas in se omnes diuini eius ignis operationes, sine lassione, debilitate, aut impedimento, quantum ad corporis suam naturam exteriùs. Etsi verum sit interiùs in seipsâ esse plagâ amoris altissimè sauciatam.*

CAPVT SEXTVM.

Ardens eius studium salutis animarum.

QVia bonum, est non tantum quod omnia appetunt, sed etiam quod appetit omnia, ut in omnibus effundatur, utique naturâ suâ diffusivum; Aliundéque amor ubicumque est, (si verè amor est) iugiter operatur; pius noster Cæcus bonis celestibus copiosè cumulatus, & divini amoris incendio interius æstuans, & exustus, vehementer exoptabat nancisci aliquos, quos bonorum huiusmodi, & pretiosorum thesaurorum in proprio cordis vniuscuiusque fundo absconditorum, faceret participes; Sicque ardentes amoris flammæ quibus acriter & absque remissione intus vrebatur, foris ventilans, & ex parte euomens, incendium suum utcumque temperaret. Maximè vero in iis sublimioribus spiritualis perfectionis statibus, ad quos Deus fauciam hanc amore suo efferebat animam: subiit illius animum vehemens studium, & suavissima propensio, ad nota facienda hominibus omnibus, quæ operatur Deus in animabus, quas sibi in Sponsas assumit, incredibilia amoris ostenta; Adeoque, si quas inuenire posset ad tantum amoris huius Sacramentum idoneas, summâ curâ & sollicitudine numquam non quærirabat. Et verò agebat eum Deus ad hoc suum opus, dignissimo vtens gloriæ suæ instrumento, in meliorem plurimorum frugem, & sanctificationem. Ideoque omnes qui eius vrebantur consuetudine, mirabiles ex eius colloquiis fructus percipiebant: In quibus tamen tam modestè, tam discretè, & moderatè se habebat, ut rarò foras proderet, quos intus patiebatur, amoris excessus: Et licet castissimis diuinæ Sapientiæ generationibus superefflueret; conabatur tamen hæc omnia absconsa, seruare, & sermones suos vniuscuiusque captui industriè & scienter accommodare. Ut verè dicam, non leuem patiebatur difficultatem, in comprimendis vehementioribus studiis & moribus, quibus sapissimè corripiebatur: vaporandi foras flammæ amoris, ipsi cordis medullam acriter depascentis. Vndè sic Deum in Soliloquiis alloquitur. *Ne-ne miraberis (ô amor meus) quasi insanam in*
abundantia

abundantia meorum excessuum, qui me praconem prodigiorum amoris tui ad omnes creaturas efficerent; ni me coërceret ipsemet amor tuus, & prohiberet excessuum meorum impetus, significatione tua voluntatis quæ utique est unionem nostram in secreto perfici, atque possideri. Ha: quantis in desiderii habeo palam te hominibus facere, propter abundantem quâ in te ipso penitus inundari, & me inundas plenitudinem, in tantum ut per amorem tuum, ex me ipso, in te ipsum, omnino conuertar.

Actus igitur perpetuo & indefinenter, vehementi hoc studio; pressusque ardenti charitate Iesu Christi, pia animarum venationi operam suam dare: Inter alias nultas hoc suum implendi desiderium, quas ipsi diuina obtulit prouidentia, hæc se singulariter dedit occasio, quæ quia plurimum confert ad continentem vitæ eius seriem, hîc à nobis fusiùs est referenda.

Diximus antea pium hunc Cœcum, singulis ferè diebus in ædibus sacris Patrum Carmelitarum Conuentus plateæ Maubertinæ per diu orare solitum; quadam igitur die sanctæ Agneti sacrâ, cui adiectissimus erat, post participata sacre sanctæ Eucharistiæ mysteria; permouit eum Deus ut rogaret Conuentus Pithaulem, liceret sibi pneumaticum pulsare organum, ad honorem Sanctæ, per solemne Conuentus sacrum. Hic Pithaulles, iunior erat professus Conuentus Dolensis in Britannia, dictus Frater Matthæus Pinaldus, qui postea fuit insignis inter præcipuas reformationis nostræ columnas; & qui tunc Philosophiæ operam nauans, meditabatur Deum inter & se, versabatque animo dicti sui Conuentus ex petita reformationem, vtrique & associationem R. P. Petro Behourtio, rudiora tunc in Coauentu nostro Rhedonensi fundamenta iacenti eius, quæ postea per vniuersam nostram Turonensem Prouinciã, aliasque quamplures non tantum intra Galliæ regnum, vtrique enim in omnes, sed etiam extrâ, in Belgium, Inferiorem & Superiorem Germaniam, Boëmiã, atque Poloniã, sese feliciter extendit, & etiamnum diffunditur.

Nactus igitur hoc subiectum sanctissimus venator, ad concipiendam diuini amoris flammam idoneum; continuo ansam arripuit, & sub obtentu scientiæ pneumatici organi, cœpit huic iuniori Religioso consuescere frequentius. Primum industriè subiicit animum eius diuinis suis colloquiis; tum demum

volens cum Deo perfectè lucrari : sciscitatus est ab eo viuenti in Cœnobio rationem , num orationi mentali interdum vacaret , & librorum spiritualium lectioni ? Quibus Frater ingenuè respondit , se anno ætatis supra decimum tertio ordinem ingressum , nec vllius vnquam reformati Conuentus Ascetam , orationis mentalis penitus esse nescium ; seque præter orationem vocalem , & lectionem spiritualium operum Dominorum *de Nerueze & d'Intras* , pro suâ innatâ eloquentiâ tunc celeberrimum , aliud non habere pietatis exercitium. Tum Cæcus , ipsi auctor fuit vt huiusmodi mutaret libros , & deinceps minus discretis , simplicioribus , magisque erudientibus vteretur , vt Ludouico Granatenfi , Aria , & similibus , quos ipsi commodare , vltro spondit.

CAPVT SEPTIMVM.

*Quomodo diuino instinctu cum prædicto fratre contraxit
amicitiam , in bonum Reformationis
nostræ Prouinciæ.*

APerto sibi auspiciò ad propositum huiusmodi aditu , & inicitâ iam quadam societate cum iuniore nostro Fratre Conuentus Pithaule ; prædam suam insequitur amantissimus venator ; vtique cum agente supremo venatore & per eum , iam tùm ordiri incipiente sanctissimum suum rete , in quod feliciter incidere tot adolescentulæ , quæ in odorem voguentorum eius hætenus cucurrere , & modò currunt , & in seculum vsque ad reditum nostri Ducis & Protoparentis Eliæ (vt supplices apprecamur , & ex odoris suauitate , exuberantiâque vñctionis ominamur) iugiter sunt cursuræ. Vt igitur consultam , ampliùs vrgeret lectionem , (etsi anagnostem apud se haberet) rogauit eum semihoram temporis sui per singulos dies , vt legeret sibi aliquem , è maximè mysticis , quem secum afferret librum. Assentiente Fratre , ceteroquin propter sua Philosophiæ studia nonnihil auerso ; hanc suam lectionem in Capitulo Conuentus per aliquod tempus æquè piè ac vtiliter vsurparunt. Sed quia
locus

locus iste omnibus aliis Religiosis erat peruius, vtrique & ad lectionem aduentantibus: prudens Cæcus postulauit in cubiculo deinceps fieri: vt liberius posset de lectione loqui, & ei paruas quasdam, quibus eum instituere moliebatur, exercitationes adiungere. Vbi-primum in cubiculum ambo se receperant, statim procumbebant in genua, hymnum *Veni creator Spiritus* pramittentes, & inuocato religiosè cœlesti numine, lectionem suam aggrediebantur: quam vt plurimum per horam & ultra profesquebantur: & eâ absolutâ, iterum genua ponebant, recitantes Psalmum *Laudate Dominum omnes gentes*, vt Deo grates pro collatis sibi muneribus humiliter agerent. Cum aliquid occurrebat quod affectum mouere posset, iterum, atque iterum repeti curabat, vt altius impressum & Religioso, & sibi ipsi amplius proderet.

Ad hæc multis eum sanctioribus spiritualis vitæ, & virtutum imbuebat institutis, & identidem seriò percontabatur ab eo, quid post studia sua de se vellet factum: cui reponebat Frater Matthæus, enasci à diebus aliquot reformationem in Conuentu nostro Rhedonensi, quam amplecti, etsi multis agitatam difficultatibus, (si modo stabiliret eum Deus) apud se fixum & constitutum erat: secus, reuersurum se in Conuentum suum Dolensem, vbi cum Religiosis satis simplicibus, etsi non reformatis, Deo posset cum maiori pace & animi tranquillitate vacare.

Sic edoctus summatim multum oculatus Cæcus, de Conuentuum Prouinciæ nostræ, maximè Dolensis, statu: deque consilio reformationem in iis instituendi, frequenter hortabatur Fratrem Matthæum, vt aliam omnino viueret vitam, ab ea quam non reformati viuunt, seque bonum, & virtutem amplexantibus firmiter adiungeret: Cæterum non debere propter graues, quas in suis cunis patiebatur obseruantia molestias, animum despondere: sed pro certo habere, eum breuè futurum Religiosorum numerum, qui ad eam fulciendam, conseruandâque satis esset. Eundem in modum tunc adhortatus est & P. Philippum Theobaldum, eiusdem Prouinciæ nostræ alumnus, vt adseriberet se socium: certiore eum faciens, si operi manum ad-mouere vellet (vt ipse reuerâ acri erat ingenio, magno animo, & insigni virtute præditus) plurimum profuturum. His cum verbis, tantâ vi, tantoque pondere prolatis, aggressus est, vt

in corde eius, quasi quodam fulguris ictu saucio, deinceps altissimè defixa remanserint; ut ipse multoties Patri Matthæo postea confessus est. Sic sapiens Dei providentia iam tùm viebatur hoc Religioso seculari, ad promouendum nostræ reformationis consilium: eundem ipsum paulatim disponens, & ut basis eius certior aliquando fieret, & firmitus fundamentum.

Transactis autem hoc in spiritali commercio duobus annis, in quo secularis Religiosum, non secularibus, nec è claustro, sed è cœlo diuinis acceptis instituebat disciplinis; Dominus *de Montdidier*, qui ut diximus, Cœcum nostrum apud se recipiebat, peractis suis negotiis, illum Abbatis-villam secum abducere voluit. Sed Deus aliter omnino disposuit; Ipse enim Parisiis remansit, tam perfectè diuinæ permissus providentiæ, ut neminem adire, nec minimùm quid petere, sibi temporaliter subueniendi gratiâ, firmiter apud se statuerit. Vbi eius animum explorauit Pater Matthæus, admonuit eum, nolle ut mediis, indigentibus & mendicis communibus, esse Deum tentare, quod non est licitum, sed culpæ & peccato obnoxium. Insuper & obtulit officiosum sui, & amicorum interuentum, ad obtinendum ei Abbatix sancti Victoris, tunc temporis vacans Pithaulles officium. Sed propositam Cœcus recusauit conditionem, asserens Deum sibi non defuturum; addiditque, hoc vnum se dumtaxat precari eum; gratam haberet suam consuetudinem, & solitum familiare consortium.

Licet hîc Dei mirabiles obiter explorare vias, suauiter omnino media sua disponentis; quâ subtrahendo, quâ relinendo, quâ conciliando, ut finem suum fortiter assequatur. Tot iam tunctionibus, pressurisque expolitum lapidem, decreuerat angularem spiritalis fabricæ, Obseruantix Rhedonenfis; imò & reformationis totius Ordinis iamdudum feliciter inceptæ, & ad stipulante eodem numine propè diem perficiendæ: huic placito pro sua omnipotentia sapienter subiicit omnia, ut obseruanti videre est: sed imprimis viui huius lapidis simplicem animum, qui se tam libenter eius voluntati substernebat, & adequatè cooperabatur; ut videatur iam tùm cœlitus fuisse admonitum, aut vaticinâ mente auspicatum, quid de se Deus vellet in ordine nostro aliquando factum. Hoc enim eodem tempore P. Petrus GEOFFROY, eiusdem Conuentus Maubertini Religiosus, cum cubiculo

cubiculo suo excipere, & ex parte (Superiorum permissu) alere, si modò ipsum pneumatici Organi cantum veller edocere, spontè obrulit. Quam conditionem etsi repulsâ longè inferiorem, pius Cæcus accepit, non concedente Deo eius ab hoc Conuentu secessum, ex quo vocandus erat ad Religiosum Carmelitanumque institutum.

Illic frequentior eius cibus, sicut hucusque fuerat, panis & aquæ dumtaxat erat; licet enim Religiosus qui cum susceperat, & is cuius consuetudine iamdudum utebatur; quæcumque poterant, ut ei subuenirent, libentissimè impenderent: tamen non erat in eis, præ inopiâ, omnia quæ in votis habebant ei conferre subsidia; aliundè verò nolebat Dei famulus ab hac sua iamdudum vsurpata viuendi ratione discedere. Vix cum alio quàm cum iis duobus Religiosis agebat, qui ipsi alternatim anagnostæ munere fungebantur. Sed quia virtus semetipsam prodit, & foras semper vel inuita diffunditur; mille insignia eximæ suæ virtutis, omnibus Conuentus Religiosis subiecit specimina, quæ veluti susceptum cœlitus semen, vitæ sanctioris & sinceræ pietatis in benè multis, cum tempore fructus emisere.

CAPVT OCTAVVM.



Post effusas ad Deum preces pro defuncto Fratre, videt animam eius ex igne lustrico excurrentem; & subinde ad Ordinem Carmelitarum euocatur.

A Duentante iam horâ, in qua sterilem satis & tunc temporis inopem Turonensis Provinciæ Carmelum optatissimo thesauro Deus ditatum voluit; homine dico in speciem exiguo, & eorum hominibus permodico, sed coram se meritissimo & pretiosissimo: Sapienter (ut assolet) difficultates receptioni eius obicem allaturas anteoccupauit. Scilicet singularem suam erga eum dilectionem, & vicissim potentissimam ipsius erga se gratiam, efficacissimumque orationis interuentum, hoc insigni specimine, testatissima fecit.

Iam à multis annis obierat diem Frater eius natu maior, pro quo Deum exorare non audebat, quod eum crederet extra sa-

lucis viam. Occisum enim in ipso seruire certaminis, partium Henrici Magni nondum ad Ecclesiam reuersi defensorem acerrimum : erroris etiam metuebat sectarium. Sed consilio & directione prudentis sui Confessarij Domini de Blanzi Doctoris Sorbonici ; quadam die Deum humiliter est contestatus pro ipsius animæ quiete, in eamque, suæ Synaxeos meritum omne direxit. Hac ipsâ die cum ad solemne sacrum Conuentus nostri Maubertini vnâ cum Patre Matthæo alternatim organa pulsaret : circa Euangelium, animus eius semper in seipsum altissimè receptus, & Deo summè intentus, ideoque ad suscipiendum cœlestè lumen omni tempore comparatus : continuò à sensibus auocatus, horrenda piacularum flammarum, quibus anima fratris sui cruciabatur, vidit tormenta. Ad hunc aspectum ingentia seruus Dei imo ex pectore trahebat suspiria, & situ corporis sui, semisectisque vocibus, quas identidem edebat, visionis horrorem indicabat. *O Deus ! inquebat, misericordia : heu ! quantum horror :* & his similia. Demum aliquandiu post vidit hanc animam è flammis emergentem, & ad Cœlos euolantem. Statimque cœpit manibus plaudere in signum lætitiæ, positisque genibus, cum effusione in laudes Dei precatus est adstantem Religiosum, vtique videntem omnes gestus suos, verbaque audientem, vt secum diceret hymnum *Te Deum laudamus*, in gratiarum actionem ; pro liberatione animæ fratris sui à pœnis purgatorij, cuius tandem Deus misertus erat. Postea eidem Religioso, Patri Matthæo confessus est, hætenus se non esse ausum pro eo Deum precari, quod crederet illum ab Ecclesiæ vnitatem occubuisse discretum ; sed hac die de consilio sui Confessarij, sacram adeundo Synaxim, directè ei suffragari, & iuuare illum, quantum potuerat, intendisse.

Hoc argumentum singularis eius meriti, & gratiæ apud Deum ; maximam illi apud P-Matthæum supra iamdudum conceptam, conciliauit opinionem : licet enim tantas, tamque insignes, quæ in eo elucebant virtutes, non posset non demirari : tamen non eum arbitratus fuisset eò progressum perfectionis & meriti : nisi talem, subiecto specimine Deus ipse prodidisset. Itaque exhinc Cœcum hunc, vt hominem sanctissimum, & insignem Dei amicum colere & venerari cœpit ; pluris faciens sanctam eius consuetudinem, & ex auspicio tot singularium vir-

tutum

turum eius exemplo amplius proficere lucrariſque contendens.

Paucis abhinc interiectis diebus, præſinita dies vocationi diſinſi huius hominis ad Ordinem Carmelitarum tandem illuxit. Motus igitur interius ut ſacri Ordinis noſtri habitum poſtularer, ſtatuit apud ſe charo ſuo confidenti P. Mattheo ſuum aperire conſilium. Antequam ei animum explicaret, iterum ſciſcitatus eſt ab eo, ſed efficacillimè utrum in propoſito reformationem amplexandi perſiſteret; quo reſpondente ſe nunquam ab eo reſeſſurum, caſi ſolus eſſet, nullumque ſocium ſecum habiturus eſſes repoſuit ipſe, non, non eris ſolus, iam enim tuus ſum, tibiſque, me à Deo efficaciter ad ſuſcipiendum habitum in Conuentu veſtro Dolenſi accitum profiteor. Ad hæc turbatus primùm audita Religioſus, rem impoſſibilem, aut certè difficillimam expoſuit. Primò quia à quadraginta annis nullum fratrem laicum Prouincia Turonenſis ad habitum admiſerat, videbatúrque inexpectandum quod à cæci receptione de nouo inciperet. Secundò quia Conuentus Dolenſis tantà premebatur inopiâ, ut nullus in eo reciperetur nouitius, qui non perſolueret minimùm Religioſam veſtem; (quod videbatur ſupra vires hominis iſtius facultatibus omnibus ſpontè ſpoliati; & nihil à quoquam petere poſſentis.) Denum quod eſſet extraneus, utique ab vltimis fermè regni finibus Æmoricæ oppoſitis. Adde quod iuniore Religioſo, qui nec acceſſum, nec gratiam apud Superiores haberet, mediatore tantùm & ſuffragatore vteretur.

His omnibus adductis difficultatibus, Dei ſeruus vno verbo reſpondit, eum ſe dumtaxat hoc vnum rogare: ſcilicet ſcriberet ad R. P. Prouincialem, & ad Conuentum ſuum, pro certòque haberet petitionè ſuam fore auſcultandam. Ceterùm non defuturos veſtimenti ſuo, & itineri neceſſarios ſumptus; quod paucis poſtea diebus, ut ipſe dixerat, impletum eſt. Accepto enim per epistoſas R. P. Prouincialis, Communitatiſque Dolenſis aſſenſu: nonnulli à Deo permoti, plus illi pecuniarum attulerunt, quàm eſſet neceſſe in eius viaticum, & veſtitum. Voluit inſuper ut cum Nuntio ipſem deducturo, non expectatis huiuſmodi eleemoſynis ageretur; euident argumentum, & compertæ ei pluſquam humanitus diuinæ voluntatis, & veritatis indubiæ vocationis eius; cuius adhuc dignitas & præſtantia, in modò ſubiiciendis euentibus, plurimùm enituit.

CAPVT

CAPVT NONVM.

Eius è seculo discessus, & quæ in eo speciatim obseruanda.

Legimus in Exodo, Moysis faciem ex consortio sermonis Domini, iteratis quadraginta diebus & noctibus in monte Sinai, ad eò fulgentem micantemque populo apparuisse: vt opere eam cogeretur, si quando loquebatur ad eum; Eo quod, vt ait Apostolus, non posset intendere in faciem Moysis, propter gloriam vultus eius. Exprimit hunc fulgorem sacer textus cornuum metaphorà, quæ pictoribus ansam dedit, vt Moysi in fronte cornua semper affigerent. Scilicet, ita lucida erat facies eius, vt radios luminis vibraret, & veluti flamma ignis assurgens, atque in acumina desinens, quasi cornua emittere videretur. Quia Deus lux est & fons lucis omnis, & luminis, quo signati sumus omnes quasi vestigio creatoris: hinc fit, vt qui cum Deo loquitur, & cum eo orantes sapius agunt: instar Moysis, radiis eius assentur, fulgeantque in anima, & subinde in corpore; extendente Deo suum, in creatura vestigium, & quasi altius imprimente, per assiduum & iuge cum eà consortium. Sic planè visa est coruscare Diuæ Virginis veneranda facies, ex assidua cum Incarnato Verbo consuetudine, vt à sancto Dionysio, nisi fides eum prohibuisset, pro Dea habita foret. Sic D. Antonij in oratione pernoctantis ita fulgebat vultus, vt. ex eius dumtaxat lumine, & iucunditate, inter Monachorum milia disereretur, agnosceretur. Sic & noster exocularus, qui nullà visibilium specie, à Philosophiæ suæ studio auocatus, totus Deo indefinenter & indefessè intentus adhærebat: sæpè visus est vultu suprà humanum splendenti, & fulgido; vt in subsequenti operæ pretium est palam facere & manifestum; dum interim hoc impræsentiarum specimen subiicio.

Abeunte illo & vale faciente Religiosis Conuentus, cùm hospitibus suis, tùm amicis, & pro sua humilitate benefactorum gratiam referente: Doctissimus Ecclesiasticus dictus Dominus de Morlencour, vtriusque non solum doctrinà, sed etiam pietate, & virtutibus insignis; proptereaque Regibus nostris Henrico

tertio

tertio & Henrico quarto acceptissimus: ita præoccupatus est, & præstrictus nescio quo radianti insolitoque lumine quod ex eius facie prodire animaduertit, ut per diutinum tempus fixè eum intuitus, & sollicitè obseruans, summam de eo, ex primo hoc aspectu, opinionem conceperit; In tantum ut dixerit debere Cæcum hunc, aut esse doctissimum, aut Mystam eminentissimum. Cui cum fuisset subiectum, reuerà mentalis orationis esse studiosissimum, & huic exercitationi à multis annis additissimum; statim reposuit, hoc certissimè, fulgorem vultus eius, & micantem aspectum satis enuntiare, & comprobare verissimum. Insuper audiens à P. Matthæo illic adstante, quod Armoricam proficisceretur suscepturus sacri Ordinis nostri habitum; adiecit, Carmelitarum Ordinem pretiosissimam hac die sibi comparare gemmam; Et exhinc inità cum Patre Matthæo necessitudine, sæpius inquirebat quomodo se bonus Cæcus haberet; rogabatque impensius ut se precibus eius faceret commendatum.

Tanti viri iudicium, quod subinde Candidato nostro accidit, equum suum conscendenti, insuper confirmauit. Calcitrante enim equo, & in posticos pedes de repente surrecto, cum propter cæcitatem equestris artis omninò inscius, regere eum, & moderari non posset; parum absuit quin eum in terram deiecerit. Hoc in discrimine Cæcus noster planè immotus, planè idem, & æqualiter placidus: iungit manus suas facièmque in Cælum attollit; non aliundè quærit nec inclamat auxilium, hoc vnum habet, in tanto periculo, ad quod confugiat præsidium. Quæ securitas, & firma sui possessio; illum omnibus astantibus virum sanctissimum, & Deo verè iugiterque intentum indubiè comprobauit; qui in tanto tamque inopinato periculo, nec minimè conturbaretur, sed summam animi pacem, tranquillitatemque seruaret.

Fuit in desiderio multis è nostris, quorum aliqui non tantum studiis & affectibus abeuntem sunt persecuti, sed etiam insecuti; reformationem iam tum Rhedonis prodeuntem amplexantes. Quod idem præstitit vnus è Lectoribus eius Procuratoris Parisiensis filius. Non defuerunt etiam è seculo, qui discessum hunc ægerrimè tulerunt, quos inter mulier illustris Domina d' Andrefel Præsidentis coniux: non leuem se ex hoc dis-

D

cessu

cessu iacturam pati, sincerè demonstravit. Licet enim nunquam eum esset allocuta: de virtute tamen illius alta sapiebat, & pro sancto eum habebat, videns eum in Ecclesia nostra iugiter orantem, foris, in specie, situ, & omni corporis habitu, Dei præsentis reuerentissimum, & quotidie flexis genibus ante sanctissimum Sacramentum per sex aut septem horas, statuas excubias agentem. Et reuerà non sine speciali Dei providentia arbitror contigisse; quod homo iste, cui cibis & vita, erat oratio, assueverit iuxta scamnum huius Domine ordinarium sibi locum versare: ut ex religionis eius & modestiæ typo, quam deinceps semper habuit, summam vitæ interioris assequeretur opinione. Unde & cum multum reverebatur, cauens diligenter ne ad sedem suam accedens, orationem eius tantisper interromperet; aut incommodum ullum quocumque modo afferret, illique summa cum humilitate semper assurgens, ut, ad sacram Synaxim accedenti, & ad organa pulsanda transeunti, locum daret. Insuper & lucum se multum arbitrabatur, si quando ei, mensæ Eucharistiæ cum illo accumbere contingeret; Adeo verum est serua animæ in ædibus sacris gravitatem, & modestiam, esse ad conciliandas, lucrandasque Deo animas, efficacissimum medium; Adeo verum est internam cum Deo conversationem, & assiduam ex oratione consortium, homines etiam foris afflare, & fulgentibus diuinæ lucis collustrare radiis: quibus intuentium perstringunt oculos, animosque & corda seauiter ad se abripiunt.

CAPVT DECIMVM.

Appendix ad præcedentia.

SIc igitur discessit noster Candidatus anno ab Incarnatione S. Domini 1606 & exposita veste sacri Ordinis Fratrum B. V. Mariæ de Monte Carmeli, Britanniam Minorem appulsus, in Conuentu Dolensi auspiciatò indutus est. Quo sensu & affectu, quibus animi sui deliciis & suauitatibus, relinquimus ponderandum, ex sublimitate status tanti viri, & vocatione tam insigni & miranda. Et verò dolemus non modicum, iugemiscimusque, tot vitæ huius, in seculo quidem transactæ, sed reuerà ecclesiis

cœlestis & diuinæ: nesciri facta insignia, æterno digna encomio: tot heroïcos singularium virtutum actus, tot æstuantem tam ardentis charitatis motus, sensus; & affectus, quibus per triginta quinque annos ex amore dumtaxat viuens, & in amorem iugiter refluens: dilectum suum, verè amantium animarum sponsum, ad exanimationem vsque securus est, penitus ignorari. Quod si Deo providente, P. Matthæus, pauca ab eodem de ortu & natalibus ipsius, deque viuendi ratione in adolescentia, & iuuentute non didicisset, & modicum de austeritatibus eius, pœnitentiæque asperrimæ explicatus fuisset: hic homo planè perditus sibi, mundo, & hominibus, exul in terra, & verè pauper spiritu; vni Deo & Angelis eius agnitus, penitus nobis periisset.

Fatemur ergo, nec abnuimus, iam dudum perfectum, imò & perfectissimum Ordinem nostrum esse ingressum; nec ab ordine, nisi extensiuè, sed Ordinem per eum multa esse perfectione donatum, aut potius perfectioni restitutum. Siquidem, vt diximus, æterni Numinis singulare donum est, quo depopulati & inculti penè his in oris, misertus Carmeli: ruinas implere dignatus est: Et vt vero Eliæ filio, vtriusque eius spiritus hærede, restituere nobis omnia. Habuimus quidem ex eiusdem Numinis abundantiam munere operarios quamplures, & cooperatores strenuos; qui explorantes hæc Carmeli infirma, direptionemque eius amplius non sustinentes, prouocauerunt nos ad ascendenda altiora eius iuga, vtiq; & possidendam Patrum nostrorum hæreditatem; virtutem dico, & strictiorem viuendi rationem tot Prophetarum illic iam pridem in lege Domini die nostræque meditantium; tot Patriarcharum & Præfulum exinde ad pedum & insulam auulsorum; tot millium Martyrum, & sanctorum Confessorum, quorum illi suo sanguine, hi virtutibus & miraculis, Ecclesiam vbique terrarum illustrarunt: Quisque insuper spondentes verbo, & opere probantes, hanc posse nos vt propriam nobis asserere: mirum quantum in arduo hoc opere promouendo feliciter profecere. Inter eos autem verè inuictum Dei exercitum, bellatorem & Ducem, nostrum agnoscimus Iosue; R. P. Philippum Theopaldum, qui nos zelo suo, sagacitate, & solertiâ, quasi manu duçens, verè introduxit in terram Carmeli; cuius cum multiplici benedictione, & gratiarum

tiarum actione, iam nunc comedimus fructum, & optima. Eius enim hæc laus est, & singularis gloria, quod expulsis omnibus inimicis, interfectis bestiis, & domitis monstribus, quæ Carmelam nostrum impune depopulabantur: quasi forte terram nobis distribuerit, & montem sanctum incolumem restituerit. Vnde & suis oculis, multis etiam annis antequam eos clauderet in Domino: iam in hoc seculo mercedem ab eo accipiens, vidit vniuersam Prouinciā non tantum reformationis iugo subactam, sed etiam ampliā octo Conuentibus, nec non, & duobus Sanctimonialium, Ordini insuper additis. Vidit & Aquitanicā Prouinciā, in quam plures direxit fortes obseruantię & disciplinę regularis atlethas. Vidit & Belgium quod ipsemet lustrauit, & suis manibus excoluit: nostra æmulantes charismata, & iisdem quibus nos legibus & institutis, Religionis decus gloriāque promouentes. Habuimus inquam hunc Antesignanum & Ducem nunquam non laudandum; habuimus & alios huiusmodi cooperatores & operarios insignes, multifaria pijs Numinis dona: Sed super eos omnes amicissimum, & in tota domo fidelissimum famulum Moysen in monte, manus & brachia ad Deum diu noctūque protendentem; ex cuius iugi contestatione, & indefessis orationibus, salus omnis, & felix suscepti operis pendeat exitus. Huic enim, omnis debetur, internæ cum Deo conuersationis, & iugis contemplationis (quæ certè Carmelitarum est pars optima) si quis eius est apud nos usus, honor & gloria. Si quidem ex eo tanquam ex suo fonte, manarunt hæc omnia, iam nunc haud ita rara, feliciter aspirante Deo, initialis nostri spiritus meliora charismata: estque nemine non fatente summus Magister spiritualis vitæ & Protomystra, tū eorum qui iam è viuis exceßerunt, cū eorum qui adhuc superstites sunt; quorum nemo non se proficetur eius discipulum, & gloriatur (quicumque ille sit) ad pedes eius esse institutum.

Fatemur ergo & libere profitemur, verè perfectum, Deique amicissimum Ordinem esse ingressum. Sed insuper illud etiam adiungimus, quod qui studio tantæ perfectionis insecutus, finem illius & obseruandam singulatiter, consummationem visurus; in alteram vitæ eius partem, æquali fere annorum numero in claustro computatam, se se conuerterit: scitebitur & ipse illum,

multo

multo plus in eo quàm attulit, perfectionis comparasse: cùm animaduernerit quousque tandem eam extulerit, & eius innumerabiles penèque infinitos quos acquisiuit gradus, indiligenter obseruauerit. Planè enim intelliget, scholam esse, lycæumque virtutis claustrum; verùmque perfectionis acquirendæ statum, non quod non multiplicem contineat & supereffluentem, sed quod quauis partâ & acquisitâ, maior semper & abundantior supersit acquirenda: proptereaquæ exhauriri non posse, quod semper habeat vnde acquirat. Denique intelliget ex variis probationibus, & omnis generis exercitationibus toties repetitis, quibus exploratus, mundatus, & ad purum vsque collatus est, hunc eundem esse statum, in quo (sicubi aliàs in vniuerso orbe) in tuto posita est, & secura perfectio.





PARS SECVNDA.

VITA EIVS IN CLAVSTRO.

CAPVT PRIMVM.

Nuntiatus ei, & Professio.



ONCORS est Sanctorum Patrum, Theologorumque consensus, solemnem votorum obedientiae, paupertatis, & castitatis emissionem, quibus stat religiosa professio: tantae virtutis esse & meriti apud Deum, ut peccatorum omnium, non tantum eluat maculam: sed etiam poenam omnem & reatum exoluat, proptereaque ab eorum nonnullis, ut Cypriano, Hieronymo & Bernardo alterum Baptisma nuncupetur. Inde moris est hodie apud bene multos strictioris disciplinae Religiosos coetus, in huiusmodi regeneratione alumais suis, dimisso lustrico, novum nomen imponere. Ut scilicet intelligant, iterum se renatos in Christo; & quasi modo adhuc geniti infantes, sincerum sine dolo perfectae renuntiationis, non tantum Diabolo & Angelis eius: sed etiam seculo & commodis eius, lac concupiscant. Non egebat vilo pacto hac nominis innovatione noster Candidatus, qui iamdudum utrique tam perfecte renunciarat; ut neutri vnquam bene voluisse: sed semper utrumque aequaliter odisse verè possit, debeátque affirmari. Itaque (ut ante reformationem consuetudinis erat,) lustricum nomen Ioannis, quo primum initiatus erat, retinuit; Eo quod ut alter Ioannes, ad solitudinis, contemplationisque studium (sicut ante praemisimus) reuerà electus erat; Et ut verus Eliae filius, virtute eius spirituque plenus, assiduâ suâ oratione, iugi silentio, & internâ cum Deo negotiatione, cor filiorum ad eiusdem spiritus Patris eorum studium, cultumque conuerteret. Additum est postea cognomen

men Sancti Samsonis, qui Patronus est Episcopalis Ædis, sicut & Urbis Dolensis: Sic disponente forsitan numine propter maximam, quam habiturus erat cum celeberrimo illo antiquæ Legis Samfone, populi sui iudice similitudinem; multò minùs ratione cœcitatìs corporeæ, quàm diuinæ fortitudinis & animi magnitudinis.

Ece igitur auspicatò, quem deinceps Fratrem Ioannem à S. Samfone habemus appellandum: Conuentus Carmelitarum Dolensium in Britannia minori Nouitium Hoc in Conuentu tot primo aditu, dedit specimina virtutum omnium, vitamque expressit ita Angelicam, & diuinam, vt ipse Dei Paradisus, & cœlestis beatitudinis sedes appareret. Præter enim singulares secretasque, quas infra proferam, in anima eius, Dei operationes: grati eius insignis, & potentissima apud Deum merita foris in ædificationem animarum, & solamen corporum, mirabiliter effluerunt. Vnde & quasi noua lux, & Sol felicitis influxus, ab omnibus conspiciebatur. Porro tot mirabiles hoc in agro absconditos explorandi, palamque faciendi thesauros, hæc se dedit occasio. Paucis diebus à sua receptione, incidit in febrem, cui non inuergimiliter causam præbuit aëris mutatio. Hæc eum febris suâ diuturnitate & feruore, ad eum redegit statim, vt omnes Religiosos moueret ad commiserationem. Accidit eodem tempore, vt Illustrissimus D. Antonius de Reuol, nouissimè inauguratus Dolensis Episcopus, R. P. Ludouicum de Cenis Ordinis nostri celeberrimum Concionatorem, sacræ Theologiæ Parisiensis Doctorem, & tertio Prouinciæ suæ Franciæ Exprovincialem, miserit ad dissemmandum per Quadagesimam in Basilica sua S. Samsonis Dei verum. Is nostrum hoc in statu miserando natus, Fratrem Ioannem, sapienter admonuit; vt deficientibus ad recuperandum finem athenis auxiliis: ad diuina confugeret; diceretque firmâ fide, hanc, quam Romæ viderat à Sacrillis S. Petri super febricitantes orationem, publicè pronuntiari. *Dominus Iesus, qui curauit socrum Petri à febris quibus tenebatur; ipse curet famulum suum à febris quâ laborat. In nomine Patris, & filij, & Spiritus sancti. Amen.*

Hoc saluberrimum Frater amplexus consilium, die sequenti qui dies erat febris, illustratus sacrâ confessione, & cœlesti Eucharistiæ pascuis alimoniam; hanc orationem tam perfectâ fide

pronunciauit, vt ipsâ die integram sanitatem recuperârit. Quod eo Religiosos omnes Conuentus affecit gaudio, & eâ consolatio-
ne recreauit, vt eorum aliqui etiam febre laborantes cum sint
deprecati, vt & eandem super se proferret orationem. Ipse re-
nuit quidem initio, ex humilitate, sed postea obedientiâ co-
actus annuit; & continuò hos ægrotantes sanitati restituit. Cuius
umor per urbem delatus febricitantes omnes acciuit, quos &
ipse eadem suâ oratione sanauit, vt capite sequenti fusiùs
exponitur.

Alia insuper eximias virtutes huius Nouitij prodidit occasio,
pestis scilicet, quæ tunc grassabatur in vrbe Dolensi; correptio-
que & in sepulchrum illato Religioso Conuentus, alium etiam
inuasit adhuc Nouitium. Hoc aduerso casu conterriti Superior &
Religiosi, decreuerunt cedere Conuentu, vnum dumtaxat re-
linquendo Fratrem Clericum Oliuarium nomine, cum famulo
seculari, qui ægroto succurreret. Sed noster Nouitiùs ardenti
charitate succensus, (etsi cœcitas eum videretur ad seruiendum
laborantibus reddere inhabilem) nihilominùs apud se constituit
hærare firmiter, & se illorum ministerio auidè deuouere, spe-
rans Dei gratiam naturæ defectum hoc in negotio suppleturam.
Non fuit cassa & inefficax hæc in Deo confidentia: Cum enim
quadam die Religiosus peste simul & phrenitide laborans, per
fenestram dormitorij agere se vellet præcipitem: ipse (cuius cu-
biculum satis erat distans) ex eo statim egreditur (ductus procul
dubio superno lumine) rectâ ad phreneticum tendit, & in loco
præcipitij comprehensum sistit; vocansque Religiosum & fa-
mulum, qui præ timore morbi in imum hortum se recipiebant,
infirmum lecto recumbere coëgit; illique semper præsens adfuit
absque vllò periculi metu; Deum enixè obsecrans vt non nisi,
sui ipsius compos, & Ecclesiæ Sacramentis adiutus, obiret.
Vtrumque Deus illi concessit. Ex tempore enim rationis vsum
recepit; & accedente auspiciò ad vicinum locum, Conuentus
Priore, vt de Religiosi laborantis (qui nepos eius erat) inqui-
reret ægritudine: cœcus noster brachiis suis amplexum ad fene-
stram desert, & expunctis peccatis sacrâ Confessione lustratum,
ad lectum refert, in quo statim expirauit. Inde cum aliis corpus
in tetram extulit; & circa pestiferum cadauer, donec effossâ, &
superingestâ operiretur humo, semper in oratione permansit;
summum

summum arbitratus lucrum, si in his charitatis, & Christianæ pietatis operibus mori sibi contigisset.

Percusso eadem pestilenti lue, & alio dumtaxat superstite Religioso, ei pari studio, & assiduitate succurrit: non recedens ab eo per viginti quatuor horarum spatium, quibus graui lethargia confopitus fuit: monens identidem, & prouocans eum, ad cor suum sursum in Deum erigendum. Porro Deum orauit pro huius infirmi sanitate, quam & statim exorauit. Demum morem suum Deus erga illum tenuit, & communem illi esse voluit cum vniuersa Sanctorum natione, ipsoque Sancto Sanctorum, patientia & humilitatis exercitationem. Tot enim labores, & operas tantâ charitate, & assiduitate in ministerium huiusmodi peste laborantium impensas, simili pestilentia morbo compensauit. Veruntamen quia adhuc ad maiora destinatus erat: hæc lues quæ foris prodierat, statim intrò regressa est, nec alium habuit effectum præter febrem quartanam, & inde ortam diurnam hydropisim; quam vtramque mirâ & verè angelicâ pertulit patientiâ. Post hæc deductus est ad locum, eorum qui peste fuerunt infecti secessui, & lustrationi assignatum. Vbi per aliquod tempus demoratus, adhuc testatam fecit insignem suam & singularem erga ægrotos & agonizantes charitatem: eos enim tantâ virtute & efficacîâ in hoc decretorio æternitatis articulo adhorabatur, vt cum incredibili pace & consolatione spiritum Deo redderent.

Exemplo à pestilentia Conuentu Dolensi, reuersisque in eum Religiosis, feruens hic Nouitius ad professionem admissus, se Deo solemnibus paupertatis, castitatis, & obedientia votis, ad mortem vsque astrinxit. Pronum est cogitatione assequi, quàm iucundum Deo, acceptumque fuerit hoc amabile sacrificium, utique oblatum ab homine in obseruantia huiusmodi votorum, etiam antequam ea eius labia in facie Ecclesiæ distinxissent, perfecto & absoluto, qui per annum probationis suæ, ita digne vocatione suâ ambulauerat: vt licet grauia multa in omni genere pateretur (quod solent omnes studiosi mortificationum in Communitatibus non reformatis, vbi multis eorum necessitatibus non subuenitur, de quibus inferius,) certoque sciret grauiora adhuc se manere per omnem vitam perferenda: nunquam tamen de re-

tro respiciendo, aut stadio deferendo, vel minimùm cogitauit. E contra magnis animis, sanctòque feruore, ad brauium se altissimæ in Christo suæ vocationis extendens; pretiosissimum Euangelicæ perfectionis lapidem, Carmelique fructus, & optima, hoc in Conuentu nondum reformato, sapienter adinuenit.

CAPVT SECVNDVM.

*Singularis eius erga egros charitas, & curationum gratia.
ab Illustrissimo Ordinario Dolensi explorata,
& comprobata.*

BIducellorum Ciuitas, quæ sedes est Episcopalis, & vnica in Dicecesi totâ Dolensi: propterea Cælum non aspirat salubre, nec felicitis potitur auræ, quod in palatibus constructa est; aut illis ferè vndique circumcingitur. Vnde & grauissimis periculosissimisque febribus non infrequenter æstuunt illius ciues & æcolæ. Hæc populi calamitas, & regionis aduersa valetudo iuge est, & coniugum tenerimæ Fratris Ioannis à S. Samfone commiserationis obiectum. Omnibus his infirmantibus ex corde compatitur, & cum singulis, pro ratione ægritudinis, imò etiam grauius infirmatur. Scilicet eos omnes habet in visceribus suis, in quibus præ latitudine non angustiantur. Ipse vnus & omnium simul, & singulorum singulati angustia premitur, & angustiat. Recordati Superiores efficaciar precum illius quæ iam tum, cum Ordinem est ingressus, in huius morbi sanationibus mirabiliter effulserat; præceperunt ipsi, vt eandem super aduentantes febriç antes, etiamnum recitaret orationem. Quod cum præstitisset, & cum eodem euentu: tanta deinceps agrotantium affluxit multitudo, vt necesse fuerit, statim illis præfigere horam, in qua pluribus simul congregatis semel satisfacere posset.

Assuescit continuo populus singulis diebus manè conuenire, ante altare maius Basilicæ nostri Conuentus; vbi post dictam primam, deductus à iuniore fratre, statim aderat noster Coetus: qui salutato, breui oratione, Sanctissimo Sacramento, conuer-

sus ad ægros flexis genibus per ordinem dispositos, super vnumquemque illorum suprà exscriptam pronuntiabat orationem; nec non & aliquando sancti Alberti Confessoris Ordinis nostri, cuius virtus in curandis febribus, efficax semper, & mirabilis extitit. Deinde adhortato vnoquoque eorum, ad viuendum more ritùque Christiano, & exercenda pro cuiusque conditione bona opera: dimittebat eos cum accepta benedictione, lætos & alacres.

Placuit Deo in huiusmodi charitatiuo opere, humilem suum & obedientem exaltare famulum, omnes enim hi febricitantes per totam regionem iactabant vndique, se precibus eius sanatos fuisse; adeò vt ad aures vsque illustrissimi Episcopi D. Antonij *de Renol*, viri singularis omninò virtutis, pietatis atque eruditionis, rumor iste perueniret: in tantum vt quidam è domesticis eius, inueteratæ febris (quæ nullis remediis curari poterat) tadio affectus; elatâ voce palam dixerit, se Fratrem Ioannem vt ab eo sanaretur, aditurum. Quod cum expressè prohibuisset Episcopus, & ipse nihilominus se quadam die cum aliis ægrotantibus obrulisset: domicilium Episcopale sanus & alacer est reuersus. Vnde Sapiens hic & vigilans Pastor, pro sui officij munere, volens experiri quidnam hîc ageretur, sequenti die, mane cum Domino *Bergelos* sacre Theologiæ Parientis Doctore, nec non & Theologico in Canonicorum suorum collegio præfecto, aliisque multis non ignobilioris status, maximè verò literatis hominibus, ad Ecclesiam nostram se contulit. Frater qui non erat præmonitus orationem suam super ægros ex more recitat; obseruat eum Episcopus, & omnem agendi rationem diligenter aucupatur. Post quæ elatâ voce, & asperiori tono, percontatus est vndenam illi tanta esset audacia, populum suum coram se benedicendi? Ad hæc humilis Frater statim procumbit in genua, & aduentus ipsius causatur ignitionem: vrget Episcopus, arguit eum, & acerbè coram omnibus obiurgat; contestans omne istud quod operabatur, esse illusionem dumtaxat & fraudem, vtique & superstitionis eius orationem. His omnibus Frater obmutescit, altissimè intra seipsum receptus, corde humillimus, & in imum sui nihili deiectus, nequidem de excusatione & iustificatione cogitans; nisi quod ad hæc vltima verba, quibus superstitionis insi-

mulatus est : petirà prius humiliter loquendi facultate , respondit ; habe me excusatum Illustrissime Domine , perfectus est orationis sensus , & absque superstitione , hanc à Theologo Doctore sum edoctus

Post alia multa etiam duriora verba , ad quæ omniastrenuus Christi æmulator non aperuit os suum ; conuersus Episcopus ad suum Theologicis præfectum , sciscitatus est ab eo quidnam de his omnibus ipsi videretur ; cui ipse , omnibus his ad sanctuarij pondus expensis , ingenuè respondit. Illustrissime Domine , non alia , nec maiora præstitere Apostoli : Si Fratris Ioannis viuere-mus vitam , & tantam haberemus , quantam ille fidem ; haud dubiè agros omnes orationis huius pronuntiatione , curaremus. Tum conuersus iterum ad fratrem Episcopus inquisiuit , quid nam cum moueret ad huiusmodi auxilium febre laborantibus exhibendum ? quo respondente se Superiorum suorum obedientiam implere : Ipse qui hoc in negotio Dei gloriam dumtaxat intendebar , nihil non Euangelio , & charitati Christianæ congruentissimum videns ; subiunxit suauiter & humanè ; omnino mi Frater , & ego obedientiæ tuæ , in posterum prosequendi , & ægrotos sanandi , mandatum adiungo. Sic discessit tam æquo animo , tamque profundâ Religiosi huius humilitate & subiectione contentus , vt eum deinceps multum sit veneratus ; & apud omnes viros illustriores frequenter commendarit ; imò etiam ab eo voluerit præceptas & singulares internæ suæ directionis institutiones tam viuâ voce , quàm scripto ; humiliter emendicare ; factusque sit deinceps humilis huius laici sedulus auscultator , & exploratæ virtutis assiduus præco.

Inter alios laudauit eum tribus aut quatuor ab hinc annis apud Dominum Durandum Officialem Maclouiensem , tunc concionatorem suum , virum doctrinâ & morum integritate conspicuum ; quem & rogauit , vt virtutis Religiosi huius caperet experimentum. Annuente illo , eo simul animo ad Conuentum nostrum accedunt , & cum Fratre Ioanne loquentes aggreditur eum Concionator , & scire cœpit , inuehique in eum asperius vocans hypocritam , seductorem populi , hæreseum disseminatorem , improbum , & impostorem , qui mundum vniuersum vanâ suâ sanctitate dementaret. Demum quæcumque potuit , vt
cum

cum ad viuum pungeret, & animum eius subtiliter expiscaretur, liberius effutiuit. Quibus Illustrissimus Episcopus multa id generis, etiam cum grauioribus minis cum incarcerationi, insuper adiecit. Verum tantum abest vt patiens Dei seruus, huiusmodi verborum asperitate & inclementia motus sit: quin è contra summam in corde suo lætitiā consolationemque pereceperit, credens id serio & absque simulatione fieri: adeoque probationem hanc incredibili humilitate sustinuit; agnoscens se sincerè maximum peccatorem, sique sæuientes contra se enixè obsecrans vt Deum pro sua conuersione deprecari dignarentur. Ad hanc tamen vocem hæreseos, ne quod veritas, & honor Dei, dispendium pateretur; ingenuā humilitate reposuit, in sua pro infirmis orandi ratione, hæresim esse nullam: seque Deum dumtaxat obtestari, nihil omnino addens de suo, vt si ipsi collubritum esset, sanitatem eis restitueret. Omnibus aliis penitus obmutuit, nec de se iustificando minimū cogitauit. Quod cum vidisset eruditus Concionator dans gloriam Deo, fratrem hunc tam humilem, tam patientem, & in oculis suis abiectum, verè in spiritu Dei curare infirmos, palam, & liberè pronuntiauit.

CAPVT TERTIVM.

Multifariam exercetur à Deo, Damonibus, & aliis creaturis.

QVi de miraculis à Christo editis ad curandos tot languentes & infirmos, quibus sacra scatent Euangelia, locuti sunt: asserunt, cum (vtique ad animarum salutem missum) earum semper egisse curam interius, quoties corpora sanabat exterius. Actus eodem spiritu Frater Ioannes à S. Samsone, qui eadem operabatur virtute: hoc principaliter intendebat in sanatione suorum agitantium, vt animabus primū mederetur, & æternam salutem efficaciter promoueret. Itaque eos ex animo, vt iam antè diximus, & ex intimis visceribus adhortabatur, vt dimissis corruptis moribus, & seculi vanitatibus, vni Deo crea-

tori & Domino ; filiôque eius vnigenito Iesu Christo Saluatori & benefico, debitam suam exhiberent seruitutem, famulatum & obsequium. Et quia fauor & gratia potentissimum est medium, ad captanda conciliandâque corda, vt plurimum medendo corporibus, animarum etiam salutem lucrabatur. Hanc iniuriam maximûque damnum non tulere æquo animo infensissimi earum hostes. Armantur Dæmones furore & rabie, contra mitissimum Dei famulum, & in vñum humilem Laicum, Cæcum, & infirmum agglomerantur cunei potentissimorum spirituum, qui oras illas sibi speciatim demandatas pro viribus infestabant

Primùm tentationibus variis cum aggrediuntur, quibus supra modum affligunt ; tùm acutissimis doloribus toquent & discruciant ; mox turmatim in eum irruunt, præfocare & oppressio spiritu interimere tentantes. Tùm horribiles vociferatus, & omnis generis belluarum vlulatus emittunt ; modò humanas ementiuntur voces, quæ ei religiosas suas exprobrant exercitationes, vocantes eum hypochritam, supersticiosum, & arrogantem : qui populum instruere, & ægrotos curare præsumeret. Nonnunquam sic conquerebantur, cur à tam remotis locis venisti, vt nos conturbares ? Aliquando ex ictibus acceptis ab eis, corpus habebat penitus contritum & contusum. R. P. Matthæus Pinaldus testis fide dignissimus, vtique insignis inter reformationis nostræ Principes ; qui eum perdiù in his terribilibus contra Dæmones præliis adiuuit : vidit oculis suis impressa ab eis multoties in eius manibus, vultûque exarata cæcis vestigia.

Ad hæc Deus ipse, vt suum probaret bellatorem, & ad purum excoqueret, proiecit eum in ariditates internas, & siccitates, adeo duras & asperas, vt sine vlllo subsidio & leuamine se eruci affixum vndequaque sentiret. Vbi non est silentio prætereunda, nunquam non laudanda, in hoc caliginis & angustiarum statu summa eius humilitas. Cum enim eius Superior nullo rerum spiritualium tinctu esset infusus : ipse nihilominus eum frequenter adibat, etque, non secus ac si omnium hominum oculatissimus, & in huiusmodi materiis versatissimus fuisset : status suis rationem fideliter referebat. Vnde & Deus acceptissimum habens huius submissionis sacrificium ; vt plurimum Superiorem

perio rem hunc cœlitus affl̃abat : quatenus expositas difficultates, conuenienter ad inferioris sui statum , directè resolveret.

Inter has omnes angustias , cruciatus , & oppugnationes , de ardenti suo pro Deo patiendi desiderio , nec minimùm quid remisit ; è contra confessus est ingenuè hoc suum patiendi desiderium , pro ratione poenarum suarum & laborum , crescere semper & extendi. Et reuerà ipsemet Deus , qui sibi mirum in modum in eius fidelitate complacebat , & huius pro se patiendi author erat desiderij ; frequentissimas illud implendi occasiones, ei abundè ministrabat. Vnde & dicere solebat, elapso quodam à professione sua tempore ; cum huc vsque non habuisset , à quo dirigeretur , Patrem Magistrum : hoc Deum erga se munus excellenter obisse. Et ex intimo corde suo Majestati suæ , grates rependebat, quod se , cum in corpore , tum in spiritu iugiter exercere , & multiplices pro ipso patiendi occasiones deferre dignaretur. Quarum vt hîc quasdam subiiciamus : animaduertere est , in Conuentibus non omninò reformatis , Religiosos legum suarum obseruationi firmitus adhaerentes , multam circa corporis necessitates frequentissimè penuriam pati ; propterea quod (vt superius præmisimus) & plerumque non habet Communitas vnde illis subueniat ; & ipsi suas celant necessitates , ne oblata desint patientiæ & mortificationis adeò expetitæ occasione. Hæc fuit fors fratris nostri Joannis , quandiu vixit in Couentu Dolensi ; in quo regularis disciplinæ feruorem , vt & in multis aliis , plurimum relaxauerat temporum calamitas. Adamatam enim à p̃imis suis annis , & veluti pretiosissimum thesaurum sollicitè custoditam sanctissimam paupertatem, quomodo professam in facie Ecclesiæ amplius non amasset Christo iuratus pauper. Ipse , qui (cum adhuc degeret in seculo) libenter cessabat bonis omnibus suis temporalibus , vt pauper ignotus viveret : certè quàm longissimè aberat à procurandis sibi necessitatibus sporsatà solemniter Iesu Christi cruce , religioso instituto indissolubiler annexâ.

Abundante itaque Communitate , affectu quidem , sed non commodo , multa perpeffus est cum in victu quotidiano , tum in morbis frequentissimis , & ferè assiduis ; nec non & aliis innumeris necessitatibus , mortalium omnium moris , & crucis amanti

amantissimus. Quoad vestitum, raro lineum mutabat indusium, cuius ante reformationem licitus erat usus; adeoque pediculis undique scaturiebat, & non secus ac alter Iob vermibus consumebatur. Quod tamen tam patienter ferebat: ut nunquam actu, aut verbo quopiam, restatam fecerit, quam inde patiebatur molestiam. Porro ut rescivit die quadam, huiusmodi vermiculos in suis vestibus apparuisse, agnouit ingenuè, se quidem ex iis, verecundari; & quasi fratrum suorum consortio indignum effici. Verum se vberius exultare in sua paupertate; hancque corruptionem quæ scatebat ex suo corpore, ut peccati appendicem: se in agnitione humanæ, priuatæque miseriæ altius insigere, & firmiter solidare. Eadem patientiâ modestiæque planè angelicâ, graues & ipsi ratione cæcitatibus singulariter molestas, quorundam huius regionis culicum sustinebat punctiones, de quibus nec vel minimum vnquam conquestus est.

Haud melior erat vestitu victus; quotidianus panis Conuentus, erat miscellaneus ex secali, hordeo, auena, frumento nigro, & fabis: potus sicera vilioris pretij, sæpius corrupta. Cetera omnia pauperrima & miserrima. Ex quibus in promptu colligere est, quantum pertulerit patiens hic Religiosus agrâ semper valetudine, & continuâ his primis annis infirmitate grauatus. Porro etsi victus iste, quantumcunque pauper & modicus, eo tamen esset amplior, quo vivebatur in seculo, ubi pane & aquâ duntaxat vesceretur: nihilominus hæc viuendi ratio, iuncta durioribus exercitiis quibus assidue cruciabatur, cum à Deo, tum à Dæmonibus, corpus eius habitu suo haud ita robustum, adeo immutauit, & attenuauit: ut in febrem quartanam iteratò relapsus sit, quæ eum diuturnitate suâ & asperitate, ad sepulchrum usque ferè deduxit. Deus autem cuius voluntas erat & immutabile decretum, traducere illum per ignem & aquam huiusmodi tribulationum, cum non exaudiuit pro sua sanitate deprecantem; etsi multoties, & ex obedientia postulauerit eam: suamque orationem pro febricitantibus recitauerit. Sed precibus eius quasi obscuruit, eumque per annum & ultra, in hac infirmitate languentem dereliquit.

Non habente Conuentu Nosocomium, cellulisque dormitorij ligneis tantum tabulis, malè compaginatæ ab inuicem discretis;
ita

Ita vt vndique flarent venti ; Ipse in sua , vbi nec ignis , nec caminus erat ; omnes febris suæ sustinebat accessus. Nunquam officinas adibat , vt ad ignem pro necessitate accederet ; quia illic concursus erat ; multorum extraneorum propter Conuentus negotia aduentantium ; & ipse ab huiusmodi congressibus abhorrebat , ne à iugi sua cum Deo negotiatione diuerteretur. Sæpè visus est hyeme , muri alicuius apricationem quærere , & ad Solis radios super horti buxum febre inhorrescere ; omnesque illius æstus , & algores mirâ patientia sustinere. Tuncque adeò perfectè Deo erat intentus , vt dolorum suorum oblito , & omnium quæ circa se agebantur nescio , multi ei insiderent auiculi , qui se inuicem rostrabant , ipso nullatenus animaduertente. Quod scripto retulit testis oculatus R. Pater Matthæus Pinaldus ; addens insuper moto à se exinde de Adæ innocentia colloquio , oculatum hunc Cæcum mira ipsi & stupenda , eorum quæ Deus operatur in animabus fidelibus & innocentibus , simpliciter enarrasse.

Nunquam extra refectorium durante huiusmodi morbo comedit , nequam alio vsus est cibo , quàm communi & quotidiano ; etsi conuenientior esset ad fouendam eius ægritudinem ; aptiorque ad attenuandam , debilem iam & summè infirmam naturam , quàm ad ei vires & robur suppeditandum. Vnde & mors ineluctabilis sic languentem manebat , ni Deus , qui quos mortificauit , viuificat ; fidelem suum famulum ad altiora præordinatum , ab his tandem extremis eduxisset. Propterea suscitauit ei beneficium , Rectorem quendam Parochiæ Dolensis Episcopatus , charitatis studiosissimum ; qui motus commiseratione patientis huius Religiosi , curam eius suscepit , permissuque Superiorum apud se etiam sæpiùs deductum , studio suo , sollicitudine , & charitatiùs inapensis , tandem aliquando sanitati restituit.

CAPVT QVARTVM.

*Enocatur in Conuentum Rhedonensem ; & deinde in
Dolensem Reformationis ergo remittitur. Tum in
Rhedonensem iterum reuocatur.*

MIrum non est, si Deus qui non ex accidenti, sed essentialiter bonus est, imò cuius natura est ipsamet bonitas, vinci se in bono à creatura non patitur. Quis Prior dedit ei, ait D. Ioannes, & retribuetur ei? vtiq; omninò, si planè nihil habuit, quod non acceperit, vti respondet Apostolus. Sit igitur de acceptis pronunciatum; Quis vnquam ex acceptis vel minimùm ei tribuit, cui non abundè, & superabundè retribuerit? Tritum & solemne Theologorum effatum; facienti quod in se est, Deum non denegare suam gratiam & auxilium. Quod ex statu naturæ maximè intelligendum est; Adè vt qui ita fidelis esset congenito lumini, bonum & malum sibi iugiter exponenti, vt legem omnem naturalem impleret, vel Angelum Deus ad eum dirigeret, vel aliâ quacumque viâ prouideret, vt ei Christus annuntiaretur, ne æternùm periret. Habeat locum in spiritualibus idem effatum, dicatúrque non minùs verè & libenter, facienti quod in se est in via spiritus núnquàm deesse Deum. Multi multos queritant vnde quaque Patres, & Magistros, à quibus instruantur, dirigantur, & manuducantur, ad perfectionem, ad quam aspirant. Tutum quidem & necessarium, cum haberi potest subsidium, quod propterea sine præsumptione, & inuitabilis casus periculo, respui non potest. Verùm eum deest, non deest (vtrique veraci & fideli) verus Pater, & Magister Deus. Qui enim fidelis est iugi sui ipsius abnegationi, nec studiis naturæ prorsus indulget, sed semper in seipsum rectà contendit; illudi nullo modo potest, nec vnquam decipi; quia Deum habet iugiter astantem sibi, & vnctione suâ sanctâ intus docentem, atque dirigentem. Ecce humilem Laicum, Cæcum, & indoctum, per omnes vitæ Spiritus vias, absque Patre & Magistro, sine offendiculo deductum; vtrique sui ipsius immitissimum hostem.

hostem, sibi que iugiter morientem. Ecce Theodidactum, hominem verè diuinitus edoctum, futurum deinceps aliorum in viis spiritus Patrem & Magistrum, quin & fortè Mystrarum omnium aui sui Principem.

Diffusus per omnes Prouinciæ Conuentus nominis eius rumor, Rhedonenfem Conuentum ad eum postulandum continuò prouocauit. Scilicet egebat bafe fuà, fpiritalis fabrica reformationis Prouinciæ noftræ Turoniæ, imò & fortè totius Ordinis; quæ in hoc Conuentu iam ab aliquot annis feliciter accepta, in dies affurgens, hanc fuam columnam & fingulare firmamentum, fibi iure depofcebat. Eft enim animaduertere, quod eodem tempore, quo fidelis hic Dei famulus regionem Dolenfem fuauiffimo virtutum fuarum perfundeat odore: eodem inquam R. P. Philippus Theobaldus in Conuentu Rhedonenfi, profequebatur arduum reformationis opus; quod ab anno 1604. R. P. Petrus Behourtius, cùm fex aut quatuor aliis, fub aufpiciis & auctoritate Reuerendiffimi P. Henrici Syluij digniffimi Ordinis noftri Capituli, feliciter inchoarat.

Hic fub initium fufcepti operis, videns illud multis impugnationibus, & innumeris propè difficultatibus agitari: dubius de fuffeffu; nec vlteriùs continere, aut protrahere valens ardentiffimum, quo efferuefcebat zelum: tentauit ingredi Chartufenorum Ordinem, & fubinde noftrorum Difcalceatorum nouiffimè Romam appulforum, ftrictiorem reformationem, fed Deus qui eum ad altiora referuabat confilia, auertit virumque diuinà fuà prouidentia. Iam iam enim Chartufenfem fufcepturus habitum, R. P. Domnus Leonardus *Beauuoifin* Prior Chartufenfis à Domino Duallio celeberrimo Doctore Sorbonico, de Carmelitarum Difcalceatorum Romam aduentu, admonitus, eum ipfi recufauit: ratus iniuriam fe facturum Carmelitarum Ordini, fi præripet ei hominem tanto feruore reformationem anhelantem. Nec etiam ei alià lege fpoponderat habitum, quàm eà qua reformationis Ordinis fpec nulla amplius fubeffet. Exinde Romam profectus, ad R. P. Difcalceatos fe contulit; petiitque inter eos cooptrari; fed R^{mus}. P. Ordinis Henricus Syluius adoptionem hanc, Deo ipfum mouente non permiffit. Vnde Galliam redire coactus eft: vbi perfectò Parifis Theologico fuo

cursu, & ab eodem Reuerendissimo Patre Generali ad doctoratum plaudente vniuerso sacre facultatis Conuentu, promotus: constituit apud se paululum hic subsistere, atque expectare quid de se Deus vellet ordinatum.

Non distulit Ordinem suum sapientissimus Architectus, sed aptissimum in gloriam suam instrumentum, omnibus iam tum numeris absolutum, continuo ad opus suum adhibuit. Accitus in subsidium à R. Patre Ludouico Carpentario Priore Conuentus Rhedonensis, vt reformationis in eo inceptæ, dignissimo operi munus admoueret, acquieuit postulationi, & voluntati Dei quibusdam euentis, etiam ad miraculum accedentibus, ipsi significatæ, vltro se submisit. Ingressus igitur Rhedonas, & Britannicæ Prouinciæ, surrexit quasi ignis, & verbum ipsius quasi facula ardebat, omnium peruens intima cordium, & diuini amoris igne succendens: ita vt obsequio Dei, & regulari obseruantia, obstinatior quosque potenti, sed suavi virtute subterneret. Continuo Nouitiatus Præfectus, tanto zelo, seruire, & discretionem hoc munere functus est: vt mirum sit, quos & quantos fructus, posthæc, labores eius emisserint. Elapsis duobus annis, in Priorem huius Conuentus electus, & vltèrius in Capitulo Prouinciali Henebontensi ad triennium prorogatus: Fratrem Ioannem à S. Samson virtutibus vndique micantem, & pietatis suauissimum odorem, in omnem Dolensis oram spirantem, aliàs morbis & infirmitatibus oppressum, quæ verosimiliter mutatione aëris sanari poterant, in Conuentum suum Rhedonensem aduocare decreuit.

Venit igitur Rhedonas noster Cæcus Fr. Ioannes circa annum 1612. ex R. P. Prouincialis dispositione: & primo aditu asperioribus seuerioris Nouitiatus probationibus, non secus ac rudis, recentèrque è seculo expiscatus secularis, applicitus est. Vt melius exploraretur, & certius haberetur virtutis eius experimentum: mandatum est illi, & expressè constitutum, viuere deinceps solitarium, & ab omni hominum consortio perfectè semotum; nec non & abstinere à solita sua cura, charitatiuèque erga externos ægrotantes studio. Quod mandatum alacriter amplexus, multarum insuper aliarum tentationum, diuersarumque probationum, assiduum discrimen iugiter & æquanimiter est perpeçsus.

perpeſſus, vt ſequenti capite fuſius exponetur. Interim certiores facti de ſoliditate virtutis eius Superiores, ceperunt eum intueri velut ſpiritualem Myſtici corporis Obſervantiæ noſtræ oculum: cuiusque conſilio in negotiis maioris momenti reformationem ſpectantibus vti: ſuòſque inferiores ad eum ſuper difficultatibus ſuis conſulendum, dirigere. Nouitij etiam ipſi ſpecialiter commendati ſunt, eòſque tam vniuerſim quàm ſingularim ſpiritalibus colloquiis, cum tanta vnctione pietatiſque ſenſu excipiebat, vt ardentiores ex eius conuerſatione, quàm ex ſuis feruentioribus orationibus exirent. Sed vt non eſt efficacius adhortandi argumentum, quàm operis exhibitio, & exemplum: idipſum eſt, in quo ſingularem ſe & inſignem inuicenter probauit, diſtis ſuis & factis teſtatiſſimum faciens, quod iamdudum intulimus: Scilicet ipſum eſſe accenſam facem, & firmiſſimum in ſpiritalibus Obſervantiæ noſtræ à Deo præordinatum columen.

Fluxêre proſperè tres aut quatuor anni in huiusmodi ſanctiſſimis virtutum exercitationibus, & ſpiritalibus documentis, per quos Rhedonenſis Carmelitarum Conuentus, hac radiante face ſpiritaliter colluſtratus, factus eſt terribilis & auſtuſus, vtrique domus Dei, & verè porta Cœli. Omnes enim illius aſceta, vt incarnati Angeli debebant in terris; vno dumtaxat diſtenti ſtudio, procedendi de virtute in virtutem, & altiora Carmeli iuga alacriter conſcendendi. Illic iugis oratio, aſſidua mortificatio, & nunquam non intermiſſa pœnitentia; illic cœca obedientia, perpetuum ſilentium, & perfectæ terrenorum omnium ſtudio- rum abnegatio; quibus addè ſummam, & tamen liberrimam egeſtatem. Effuſus foras huiusmodi aromatum ſuauiſſimus odor, tot nobiles, eruditos, & potioribus naturæ fortunæque donis inſignes collegit Nouitios, vt Illuſtriſſimus, de quo ſuprà, Dolenſis Episcopus, pio motus affectu, erga tam feruentes Dei cuiusque matris Deiparæ Virginis famulos, tantum non effecerit apud Ordinis Superiores: vt aliquos obtinuerent, qui eandem in Conuentu Dolenſi viuendi rationem inſtituerent; quibus adiunctus eſt Fr. Ioannes à S. Samsone, ad populi Dolenſis cum tenerrimè diligentis exoptatum ſolatium. Igitur reuertitur in ſuum Conuentum Dolenſem, in quo etſi Cœcus & Læicus tantum; tamen precibus ſuis, exemplo, & virtutibus, reformationis conſilium

(si quisquam alius) efficacissimè promouit. Maximè verò iuniores Religiosi; quibuscum (vt Rhedonis) frequenter agebat, piis suis colloquiis & sanctâ, consuetudine Deo lucrabatur, arctèquè deuinciebat. Primum eius studium, & præcipua in illis institutis cura erat, maturè eos inbuere suauissimo spiritu mortificationis Iesu Christi, orationis, internæ càm Deo negotiationis, virtutum omnium rigidæ exercitationis, & actualis amoris, id est aspiratiui in Deum ex intimo cordis; donec præ iugi in Deum fluxu, amabili bus suis immersionibus, nauitas eorum in agendo, & sedulitas, in simplicem contemplationem conuerteretur.

Porro cœpit tunc ex Superiorum dispositione sublimiores mysticorum suorum operum dictare tractatus, in quibus contemplationis altiores quos expertus est status & vias exprimit. Aegroti etiam totius regionis (vt antea solebant) ad suum confugère medicum & ipse suum sancti Spiritus donum adhuc comprobauit in eis curandis, tum in adhortandis agonizantibus, & ad sanctè moriendum disponendis, siue in Conuentu, siue extra, vt ab insignioribus & illustrioris notæ personis sapius aduocabatur. Hanc illis nouissimam mirabili successu ferebat opem; si enim spes esset sanitatis, consolabatur eos, & roborabat planè diuinâ ratione; Sin autem ad finem inclinarent: suadebat pœnitentiam, & in Deum confidentiam; proferens eis & digerens tam amabiles erga Deum sensus & affectus; vt cum incredibili resignatione & consolatione, liberrimas suas agerent animas.

Constitutâ igitur & stabilitâ in Conuentu Dolensi reformatione, Superiores Ordinis Fratrem Ioannem à S. Samsone in Conuentum Rhedonensem rursus euocarunt, circa annum 1617. in quo deinceps semper demoratus est, eandem viuens sanctissimam vitam, sed soli Deo quantum poterat agnitam: Statim enim à suo reditu pios multorum illustrioris dignitatis virorum rescidit accessus, qui virtutum eius odore suauiter illæti, sapius cum inuifere consueuerant; singularesque Dei erga se gratias & eximia dona tam sedulo occultauit, vt vix etiam ipsi Conuentus Religiosi aliquid ex eis explorare possent, nisi pro vt se se disponentes ad suscipiendos Spiritus Dei motus, irrepere poterant in eius consuetudinem, & diuina eius quasi furtim ei præripere & auscultare colloquia.

Foris

Foris intra Conuentum munus eius erat pulsare organa , ad diuinum Officium , quod tam scitè & industriè præstabat , vt aliquid suprâ naturam peritiores in arte sæpius sint suspicati. Hoc dempto, simul & actibus regularibus conditioni suæ Fratris Laici congruentibus ; iugiter in sua solitudine diuinæ commentationi vacabat ; aut spiritualibus Religiosorum , cùm Superiorum , tùm inferiorum colloquiis , vndique ad eum venientibus, etiam ex alijs Prouincijs, imò & Ordinibus ; vt cum eo de suis internis difficultatibus agerent , aut de regularis instituti regimine conferrent. Nec vnquam ab illo vacui (etsi ægerimè omninò, & non nisi ex obedientia, charitatèque vlli se proderet:) sed repleti gaudio , & consolatione superabundantes , semper æquo animo recelebant.

CAPVT QVINTVM.

*Explorata virtus, & probatus spiritus Fratris Ioannis
à S. Samfone in Conuentu Rhedonensi.*

Quia nonnunquam caliginosi huius mundi rectores, Principes tenebrarum, transfigurant se in Angelos lucis: & Natura (quæ nequitia peccati semel à Deo auersa, in seipsam, vel inuita, semper inflectitur) non rarò Dei spiritum subtiliter ementitur: propterea docet nos Apostolus probandos esse spiritus; Ne scilicet supposititio Cacodæmonis lumine, aut callidâ versipellis naturæ simulatione, in errorem sæpius inducamur. Refert igitur plurimùm, èstque maximi momenti consilium; sagaciter experiri vias eorum, qui cum Deo propiùs ambulare videntur, & supra morem sanctitatem ostendant. Quæ utique non in fulgenti miraculorum specie, nec in extrasum, reuelationumque eminentia; sed in Christiana humilitate, patientia, & iugi sui ipsius abnegatione sita est. Hoc itaque lydio lapide prælati Ordinis, nostri Fratris Ioannis spiritum, ne quid dedecoris Religio, maximè suborians reformatio, ex abusu aut deceptione pateretur, sollicitè tentant, & periclitantur.

Hic non repeto quomodo accepta à Deo curandi infirmos gratia.

gratia ab Illustrissimo Dolenſi Ordinario ſapiùs explorata eſt. Nec etiam quomodo Deus eum expurgauit, & quaſi aurum in fornace mundauit; variis ægri tudinibus, tribulationibus, creaturarum deſertionibus, interaïs angoribus, vexationibus Dæmonum, aliſque benè multis aſperimis exagitationibus; quibus in omnibus fidelem ſe ſemper veracémque comprobauit. His addo dumtaxat quas ſuſtinuit deinde probationes, cùm à Superioribus ſuis, tum ab aliis ſpirituum diſcretione peritiſſimis.

Præmitto tamen quod cum adhuc eſſet in Conuentu Dolenſi R.R. P.P. Philippus Theobaldus, & Matthæus Pinaldus, qui (vt dictum eſt iamdudum à nobis,) duo erant candelabra in lucem Obſeruantiz noſtræ à Deo poſita: Reuerendum P. Ludouicum Perrinum Ordinis noſtri Concionatorem, Collegij Canonici Sedis Episcopalis Piſtauorum Theologum Profeſſorem; nec non & acerrimum hæreticorum flagellum; hunc inquam Rhedonis iter agentem ad annunciandum populo Dolenſi Dei Verbum, inſtanter obſecrarunt, & conſeſtati ſunt, vt illic dignaretur aliquando inuiſere pium Cœcum Fratrem noſtrum Ioannem, & in laboribus ac exercitiis quæ à Deo, & Dæmonibus ſuſtinebat, vt cumque conſolari. Hic inſignis & eruditus Concionator, cui omne quod ſupra morem micat, ſapienter erat ſuſpectum; ex tunc apud ſe conſtituit, virtutes eius & ſpiritum non indiligenter experiri; quod propoſitum eò accuratiùs impleuit, quò illum, ſtatum ſuum terminis, Myſtis dumtaxat communibus, exprimere animaduertit. Sed omnibus nauiter perpennis, & Sanctuarij pondere truſtinatis, poſt multos duriores appetitus & iſtus, quibus eum pun gere, & exacerbare conatus eſt: nil tandem eſt conſecutus, niſi quod ſummopere exoptabat; ſinceram dico virtutem, & altiſſimam ſapientiam; ſimul & humilitatem, religioſæ ſimplicitati mirabiliter adiunctam. Vnde & illum per totam vitam ſuam multi fecit, agnouitque ſe ex eius conſortio plurimùm profeciſſe, multaque didiciſſe, tum circa Scripturæ ſacræ intelligentiam, cùm circa difficilioreſ S. Dionyſij Arcopagitæ locos; nec non & præcipuas de rebus fidei controuerſas quaſtiones. Ad vltimum adiecit quod ſi vir huiusmodi ad agendum & diſputandum contra Hæreticos fuiſſet applicitus, multos lucratus fuiſſet, & ad Fidem Catholicam haud dubiè reuocaſſet.

Aliud

Aliud experimentum quod capite præcedenti, dumtaxat perstrinximus, fuit asperitas quâ eum Superior statim ad aduentum suum Rhedonas, excepit; mandauit enim illi vitam viuere priuatam, solitariam, & hominibus ignotam, abstinere prorsus ab his omnibus instructionibus, quibus, cum erat in Conuentu Dolensi, seculares instituebat; fulgentibusque illis quibus palam ægrotantibus succurrere consueuerat auxiliis. Admonuit illum quod etsi Deus benedictionem suam esset largitus ministerio ipsius & officiis in ægrotos, vtrique ex obedientia dumtaxat, præstitis; hoc nunc esse intempestiuum, & à Conuentu Rhedonensi, qui (vt cunabula reformationis) locus erat solitudinis, silentij, & simplicitatis, non fulgoris, & externæ ostentationis, prorsus alienum. Insuper oportere ipsum apud se statutum fixumque habere, omnes Nouitiatus probationes ad vnguem experiri; pro suâ Fratris Laïci conditione humiliter omnino se habere, & de hoc vno (rosario scilicet suo religiose persoluendo) dumtaxat esse sollicitum.

Ad hoc sagacissimum Prælati sui mandatûm, sensit Dei famulus verè silentij, solitudinisque amans, dilatarî & effruescere cor suum, diuino planè gaudio: quòd inuenisset pretiosum vitæ latentis & occultæ tamdiu conquistum thesaurum; reuera abhorrens à secularium maximè eminentioris conditionis consuetudine, tanquam ab humilitatis & religiosæ simplicitatis perniciæ atque interitu. Remisit ergo deinceps quantum potuit, omnibus secularium congressibus, & colloquiis nuntium; qui propter diffusum vndique virtutum eius odorem, non paruam illi facefcere molestiam. Multi viri graues illustriorisque dignitatis, Præsides & Consiliarij, supremi Aremonicæ Senatus, accedebant vt eum viderent, & piis eius colloquiis fruerentur, quos ille attonitos, mirabundôsque remittebat modestiâ suâ & humilitate, multò melius, quàm si prolixiores ad eos de altiori mystarum Sapiencia, sermones habuisset. Primo occurssu dicebat eis humilem se Fratrem Laicum, Cæcum, & ignarum; prorsus esse ineptum ad agendum cum eruditiss, & dignioribus personis, de rebus ad conscientiam pertinentibus; aliam sibi non esse demandatam curam, quàm addiscendi perfectam rosarij sui recitationem, & suam custodiendi solitudinem; hisque dictis

peticâ humiliter veniâ, statim recedebat; & in cellam se recipiebat.

Verùm acrior, & meo iudicio potentior quo appetitus est in huiusmodi prebationibus idus; fuit circa eminentem eius mentaliter orandi rationem. Arguerunt eum Prælati, quòd leuius se dispensans à communi methodo meditandi quæ Nouitiis præscribi,ur, contemplatiuum ageret & Mysticum. Præceperunt ergo ei, huiusmodi regulis deinceps adhærere & insistere, scilicet singularem habere dispositam materiam, vnum post aliud considerare caput, & vnicuique proprios iuxta communem vsum, affectus adiungere. Ipse qui communem hunc orandi modum iamdudum excesserat, nihilominus obedientiæ se submisit, & præscriptos sibi Canones cœpit obseruare. Sed statim atque mysterium aliquod sibi ob oculos ponebat; illico à Dei Spiritu suprâ propriam operationem abripiebatur, vnde cum negotiationis suæ cum Deo per orationis tempus, rationem reddebat; statum suum, & interiores experientias, sub terminis Mysticis, & aliam penitus à communi viam supponentibus, exprimere cogebatur. R. P. Philippus Theobaldus qui tum erat Prior Rhedonensis Conuentus, fingens se assequi cogitatione non posse: quomodo Laïcus Cæcus, tam breui tempore in Conuentu Dolensi non reformato, tantum proficere, & erigere se potuisset in diuinam commentationem: mandauit illi, dictare breuiter alicui, suam orandi rationem & internam cum Deo negotiationem. Obtemperauit ille, & tres quatuorue paginas dictauit, quibus statum suum internum his terminis exposuit.

Exercitatio mea consistit in eleuatione Spiritus supra obiectum omne sensibile & creatum, quâ fixè sistor interius: intuens stabiliter Deum, qui rapit animam meam in simplici unitate, & nuditate Spiritus. Hoc vocatur simplex otiositas, quâ possideor passiuè supra omnem speciem sensibilem in simplicitate quietis, quâ fruor in idipsum semper æqualiter, sine aliquid operer intra meipsum, sine extra actione vel actû rationis discretino. Hoc est quod de meo statu possum dicere. Constitutio mea simplex est, nuda, obscura, & absque scientia Dei ipsius. Nuditas est, & obscuritas Spiritus, eleuata supra omne lumen inferius huic statui. In quo non possum operari meis viribus internis, quæ omnes vnanimiter trahuntur, & sistuntur vi vnica & simplicis speciei, quæ eas sistit nudè.

& simpliciter supereminentiâ intuitus & essentia in apice Spiritus, supra spiritum: dico in nuditate & obscuritate fundi prorsus incomprehensibilis propter eius obscuritatem. Illic omne quod est sensibile, specificum & creatum, fustum est, & solutum in unitate spiritus, aut potius in simplicitate essentia & Spiritus. Et illic vires fixè sistuntur interius, omnes intenta Deo stabiliter intuendo, qui eas omnes sistit equaliter in sui contemplationem. Ipse est qui eas rapit & detinet simpliciter operatione iugis sui aspectus ad animam, & anima vicissim ad eum. Hoc in statu nec est creatum, nec creatura, nec scientia, nec ignorantia, nec totum, nec nihilum, nec terminus, nec nomen, nec species, nec admiratio, nec differentia temporis præteriti, futuri, aut etiam præsentis, imò nec ipsum nunc æternum. Omnia hæc funduntur & solvantur in obscura caligine quam ipse Deus operatur; sic complacens sibi in animabus, in quibus nobilem hanc operationem dignatur exercere. Omitto reliqua descriptionis huius status, quam hic oculatus Cæcus eminenter prosequitur, quia in tribus primis Capitibus tractatus quem inscripsit (Consummatio subiecti in obiecto suo) integra reperitur. Hæc sui status expressio ansam illi præbuit exinde dictandi alia omnia huius tractatus capita, ut obediret Prælati, qui ei deinceps scribere, quæcunque ad suam priuatam directionem; & ad utilitatem, instructionemque Fratrum suorum Deus ipsi inspiraret, sapienter iniunxere.

Porro R. P. Philippus Theobaldus ut certior fieret de huiusmodi spiritu, & omnino securè ageret in regimine sui Religiosi: scriptum hoc ostendit primùm doctioribus & insignioribus Collegij Rhedonensis Societatis Iesv Patribus; deinde Domino Duuallio celeberrimo Doctori Sorbonico, & D. Gibbio etiam Doctori famoso. Tum illud duobus Comitibus Provincialibus, scilicet R. R. P. P. Capucinatorum, huicque præsidebat R. Pater Ordinis; & R. R. P. P. Carmelitarum Discalceatorum, examinandum proposuit. Omnes vnanimiter probauere vias Fratris Ioannis à S. Samsone hoc scripto contentas, quas se subsignaturos supradicti Doctores vltro sponponderunt. Nostri Discalceati suam approbationem his Apostoli verbis illustrarunt, Spiritum nolite extinguere; consulentes, & ex affectu commendantes eidem P. Theobaldo, ne se Dei consiliis super hunc Religiosum, contrarium haberet. Non hinc tamen propterea substitit, sed ut ma-

gis certioraretur de via & directione huius sui Religiosi ; staret apud se asperissimis & frequentissimis eum mortificationibus vltius exagitare , & exacerbare ; quod & opere impleuit per annum integrum tantâ instantiâ , & importunitate , vt non nisi summè humilis , & in virtute firmiter radicans , eas perpeti & sustinere potuisset. Sed tandem hoc vltimum experimentum tantâ constantiâ & fortitudine perlatum , hominem planè diuinum , haud dubiè spiritu eius & lumine directum , destinatumque ad altissima consilia , efficacissimè comprobauit.

CAPVT SEXTVM:

*De diuinis operationibus trium Personarum Sanctissimæ
Trinitatis in anima Fratris Ioannis à*

S. Samfone.

ECce iam ab errore & abusu vindicatum nostri Contemplatiui spiritum , ecce assertam omni probationis , experimentique genere eius virtutem. Habemus præ manibus iugis eius cum Deo commentationis specimen , pondere Sanctuarij vbique trutinatum : Superest vt Aquilam hanc alta petentem , cælorum sublimia conscendentem , & illic arcana verba , quæ ei vni fortasse loqui licuit , audientem ; quantum poterit nostræ fragilitatis obutus , altius intueamur. Mira conscripsit de Æterni Patris in memoria , aut nuda mente animæ , operatione , sub nomine diuini aspectus. Huic diuinum increati amoris aspectum excitantem suum , ad se in beatam suam originem inexplebiliter immergendum & absorbendum , iugiter persentiebat , dicebatque illum , animam , ex quo verè à Deo mora est , & in Mysticos splendores abrepta (si modò non ponat obicem) indissolubili nexu semper & vbique insequi. Aliquando se diuini huius aspectus virtute , in imo cordis sui ita suauiter sauciatum sentiebat , vt benignam & amabilem præsentia Dei sui ex eo perciperet certitudinem , vnde sic loquitur in scriptis suis. *Nonnunquam anima suauiter à Deo attingitur in intimis suisipsum , qui eam excitat repentino hoc contactu , ex quo interius omnino renouatur , & fortitudine , spiritu , amore ,*

amore, atque deliciis impletur. Videtur ei dicere Deus hoc suo attactu frequenti, Ecce me intrate, noli timere amittere me. Quod ad eò mirandum est, ut fides huius obiecti diuini, aspectusque eius in ea, hoc excitante & irridente lenocinio summèque delectabili, viuendo, & suauitatis contactu, apud ipsam iugiter innouetur.

Sapientia increata multiplices accessus & eruptiones in animam, sub nomine osculi amabilis (ut & in Canticis sponsa loquitur) expressit: Quas & quantas ipse sit expertus, ex iis quæ dixit, coniecere est, sed non exprimere; quod nec ipsemet potuit, aut certè noluit: Sic enim loquitur, *Delicia obiectiua essentia diuina incessanter accepta & infusa in his animabus, per increatam & diuinam Sapientiam filij in intellectum, ad eò suauis eis sunt & sapida: ut quicquid exinde egressus, mortes illis amarissima sint.* Aliquando tamen singularem hanc diuini Verbi prerogatiuam, & verè mirandum amoris eius cum Sponsis suis vinculum exprimere non valens, admirationi liberius se permisit. *Ha!* (inquit) *quidnam est Sponsa accepisse osculum ex ore Sponsi sui? quæ deliciarum inundatio concipi potest admirabilior, iis quæ gustantur in actu amoris, mutuo, ad eò unico vnus erga alterum. Arguite me mendacij si vultis aut potestis, dilecta Sponsa, quæ hunc effectum estis experta, & audacter dicite, si sunt efficaces delicia, refusiones, transfusiones, abducciones, extases, raptus, amplexus, & amores huiusmodi similes.*

Quoad operationes Spiritus sancti, testatissimum est ex innumeris scriptorum eius locis, eum tantum in eius corde accendisse amoris ignem, tam ardentem, vrentem, consumentem, & in animæ eius viribus tanto cum impetu, voluptatèque agentem: ut licet nonnunquam foris aliquid prodere cogeretur: sentiret nihilominus se reuerà nihil eius exprimere. *Quia* (inquit in suis exercitationibus) *hæc diuina operatio, quæ sic incendit & consumit totum hominem, non cadit sub sensum sicut nec ipse Deus.* Vnde & dicebat multò melius esse cum silentio ardere in isto igne; utique dumtaxat accenso ut in eo vramur & consumamur, non ut de eo hominibus loquamur. Quia tamen suauis diuini huius ignis vehementiâ maximè obedientia Prælatorum iuncta, nimium premebatur & aliquando mirum in modum angebatur: vix poterat continere se, quin erumperet in aliquos sermones de eius suauitate atque amabili impetu. *Dicebat enim, o amor meus & vita mea,*

quis posset esse amans, ardensque igne amoris, & de eo non loqui? quid ardere in silentio igne tam dulci, tam suavi, & delectabili, & amoris flammis per os non exhalare?

Nonnunquam igitur hanc faciebat cordi suo potestatem, & linguæ, ut ignem hunc Mysticum se delectabiliter intus depascentem, foris eructarent; maximè cum scripta sua dictabat sublimiora & magis Mystica. Vix enim unquam hoc illi in conuersatione accidit. Illic diuinum hunc ignem flammis deuorantibus assimilat, quæ erumpentes ex quibusdam subterraneis locis, velut torrentes ignium, obuia quæque in cinerem conuertunt. Atque semel accensum in anima hunc ignem, semper vrere, nec ab actione cessare: donec in ea consumpserit omne quod ex creatura est; càmque liquârit penitus, substantiauerit, & in se multò melius quàm ignis subiecta metalla (animâ nihilominus in esse suo creato remanente) absque comparatione transmutarit. Porro ignem hunc vocabat omnia deuorantem, quia initio quidem agebat virtute ineffabili, in omne quod apud se erat consumendum; sed quâ mensurâ fiebat simplicior, & à se ipso abstractior, minùsque (ut ait) à sua superessentiali vnitate discretus; ignis iste suum temperabat rigorem. Vnde tandem operationem eius expertus est, quasi iucundam amoris conflagrationem, quam in libro suarum contemplationum, Spiritus sancti Baptismum nuncupauit. Denique dicebat animam huiusmodi igne succensam, frui hîc in terrâ aliquâ ratione, gloriâ Dei; nec discernere inter se & diuinum suum obiectum. Ipsos etiam sensus nonnunquam fieri participes solemnitatis Festi huius, quæ sit in plenitudine iubilationis totius animæ, ipsam Beatorum gloriam (quantùm status eius permittit) vberimè possidentis.

Non est exprimere, imò nec cogitatione assequi, mirabiles quos ignis iste diuinus in anima feruentis huius Religiosi operatus est effectus. Dicam tamen cum constituisse in statu prorsus extatico, & continui raptus. Qui quidem raptus eò perfectiores erant, quò fiebant in eo non secundum partem sensibilem, ut accidit minùs robustis & valentibus, ad sustinendas operationes diuinas: sed secundum nobiliorem animæ partem, & in eminentiori sede Spiritus. Vbi diuini huius virtute ignis fit Spiritus supra Spiritum, & amor supra amorem. Id est (eo modo quo concipiunt

piunt Theologi Mystici) fit anima vnus cum Deo Spiritus, & vnus amor. Vnde ipse dicit in scriptis suis, *animam quâ ratione igniti amoris operationes sustinet, absque læsione, debilitate, aut impedimento foris quoad naturam corpoream, id est in sensibus, eatenus esse diuinam.* Restitit reuerâ diuini huius ignis actioni, & conflantibus eius operationibus, tantâ vi atque fortitudine, vt non nisi rarissimè defectiones, & spirituales S. Catharinæ Genensis Syncopas, & abductiones à sensibus; languores, del'quiquæ multorum insignium Sanctorum passus: diuini huius ignis imperum, inconcubitili firmitate pateretur. Videreturque foris, vt omnium hominum minimè singularis, etsi intus iugi istius amoris premeretur excessu; cuius status ducenda est dignitas, ex typo Deiparæ Virginis: quæ vt sustineret non tantum præstantissimam Spiritus sancti operationem; sed ipsammet Verbi Dei substantialem præsentiam, virtute altissimi ita est obumbrata, vt non legatur eam à sensibus fuisse vnquam abductam. Et verò periti huius artis diuinæ, norunt apprimè huiusmodi extases pertinere ad gradum vitæ spiritualis, qui (habitâ ratione supremi contemplationis status) adhuc imperfectus est. Ideoque, ad supereminentem contemplationis attingendum apicem; transcendere eum, & superare necesse est.

Sed audiamus illum hos nobis excessus & extases vtique suas sub aliorum nomine, in suis exercitationibus exprimentem: *Etsi,* inquit, *huiusmodi creatura non abripiantur penitus extra sua corpora, amabilis huius ignis immensitate (vt contingit iis quorum actiuus status, est in actione amoris ardentis) tamen tantum distant à seipsis; quantum ignis isto immensus est, & capax omnia absorbendi, & in se transmutandi, ubi anima sensibus suis & earum operationibus prorsus perditâ: manet purissimus Spiritus secundum propriam suam substantiam; qua omnino perfusa hoc glorioso igne, non habet amplius aliam ab hoc ipso igne vitam. Illic omnes intellectiones, & creata forma, æquè perfectè exinaniantur: ac si nunquam reapse fuissent. In huius altissima extasis statu, aliud nihil agit anima quàm sustinere & intueri immensum suum obiectum; in infinita sua fruitione. Et si contingat eam quidpiam membrorum suorum usu operari, actu rationis imperatum: hoc ipso tota absorbetur; & magis ac magis à se abducitur in infinitam obiecti sui beatifici abyssum. Ecce specimen occultarum Mystæ nostri.*

nostri extasum, quas tamen ipsemet vel lubens, vel inuitus agnouit; sic enim aliàs simpliciter Deo locutus est. *Talis est, & apud te (ò amor meus) frequens mea Paradisi in terris possessio, absque reflectione super hoc, vel super illud. Sic à te pertrahor & abripior in te, in quo te fruor abunde cum suauitate ineffabili; & in meo reditu omnem hominem mendacem, & omnem creaturam nihil esse video.*

Ex hoc autem diuino igne, mirabilis oriebatur & singularis status, quem in suis scriptis non infrequenter amoris prælium appellat. Hic status consistit in certo quodam occurso Spiritus diuini & humani; in quo hic vt impotentior cogitur expirare in Deum, & passiuè occumbere in hunc diuinum ignem, vt in eum resoluatur, & mirabiliter transmutetur, non quidem naturâ, sed gratiâ & amore. Hanc nobis suam experientiam in exercitatione quam Epithalamium inscripsit, his verbis aperuit. *Si delectaris (ò amor meus) actibus altissimi tui amoris, quibus incessanter ad me venis, ibo etiam vicissim, & incessanter ad te, vi amoris mei, ubi mutuo & frequentissimo concursu sine intermissione collidemus spiritu ad spiritum, donec alterutrum actio sua defecerit. Sed quid dico? ignosce mihi hunc excessum (ò amor meus) donec inquam actio mea, posse meum, & vires mea amore tuo informata, tuis succubuerint. Sicque totaliter euincar, quatenus me deinceps agendum, & plenè perfectèque possidendum, absque ullo possibili ex parte mea renisu, dimittam.*

CAPVT SEPTIMVM.

De multiplici contemplationis eius statu.

Nemo non videt, subiectam non esse profanis, sed spiritualibus & perfectis, hanc nostram eximij huius Mystæ, dixèrim liberius sui seculi Principis, tabellam: Animalis enim homo non percipit ea quæ sunt Spiritus Dei, vt docet Apostolus. Quod non tantùm de iis est intelligendum qui animæ concupiscentias & desideria sequuntur, quales erant Iudæi spiritum non habentes: sed etiam de iis qui animæ (id est carnis) curam non facientes in desideriis; rationalis animæ ceu spiritualis, lumen sequuntur. Sed humanæ Sapientiæ duntaxat inhaerent, quales erant

erant Apostoli ante acceptum Spiritum sanctum; Corinthij quibus loquitur Apostolus, quærentes eloquentiam; Græci Sapientiam; & iam multi fideles, etiam moraliter viuentes, qui altiora non capiunt; apud quos aliqui eorum sapientes audiunt, quod humanas scientias apprimè calleant; imò & de Deo eiusque perfectionibus scitè & sapienter loquantur. Contra quos noster Mysta quod altiùs non erigantur, nec ad diuinam Spiritus Sapientiam aspirent, frequentissimè in suis scriptis acriter inuehitur. Procul igitur omnes huiusmodi, procul este prophani, Sapientiam enim Dei quæ abscondita est, loquimur inter perfectos; utique in mysterio, id est, ut vertit Syrus in arcano, & Tertulianus in occulto.

Sublimem inter alios nostri Mystes contemplationis statum, nomine sui deserti frequenter habemus expressum; quo in deserto dicit esse vastitatem, ignem omnia deuorantem & consumentem, gustum, & extasim, denique supereminentem quietem. Primò igitur aditu in hoc Mystico deserto vastitatem inuenit, ubi anima eius, in immensitate essentiae diuinæ feliciter perditâ, contemplabatur in excessu spiritus, diuinum suum obiectum; non secus ac mare in infinitum extensum, continens in vnica sua vnitâte, infinitum aggregatarum omnis generis perfectionum, pulchritudinumque cumulum. Post hæc inuenit regionem ignis deuorantis & consumentis; quam sæpiùs in suis scriptis amoris fornacem nuncupat, de qua superius locuti sumus. Deinde incidit in statum extaticum, de quo etiam supra. Demum in secretiori huius deserti, supereminentem nactus est requiem, & dulcem summæ, sublimisquæ contemplationis tranquillitatem. Sunt & alij multiformes penèque innumeri contemplationis status, quos omnes pertransiit & transgressa est hæc spiritualis Aquila; antequam se in hoc secretius deserti sui latibulum recipere. Nam quia fidelis anima (quæ Sponsum ad exanimationem insequitur) de die in diem, imò de momento ad momentum ardentior fit, & obiecti sui appetentior; aliundèque Deus qui se in bono vinci à creatura non patitur, pro ratione fidelitatis eius noua semper ei munera largitur; quâ eam exuendo seipsâ, quâ gratiam & lumen infundendo: hinc fit ut tot sint spirituales Mystarum status, quor (ut ita dicam) charitatis & fidelitatis eorum gradus.

H

Ut

Vt tamen aliquâ ratione quantum fieri poterit, disponamus per ordinem, quod reuerâ ordinem non patitur, quia est supra omnem ordinem; hos omnes status ad duas contemplationis species, ordinariam scilicet & extraordinariam reuocamus. Istam, quæ ipsi iugis erat & assidua, sic in suis exercitiis perspicue & euidenter exponit. *Et si verum sis (ô amor meus) non esse nos semper plenos & exundantes amore tuo, quantum ad sensus nostros: non minus tamen delectat nos, rapitque fruitione quam habemus illius, magis internâ & secretâ; proindeque magis spirituali, abstractâ, nudâ & simplici, supra omnem effectum, & sensibilem conatum.* Quibus addi potest quod supra subieciimus ex dictato ab eo, suo exercitio, & orandi ratione; vbi se dicit simplici otiositate passiuè possideri, supra omnem sensibilem speciem in simplicitate quietis, quâ fruitur in idipsum semper æqualiter, siue aliquis operetur intra se, siue extra, actione aliqua vel actu discretiuo. Super quo non obiter, sed serîo est animaduertendum, eam non esse simplicem contemplantis animæ otiositatem, in hoc diuinæ quietis statu: quam sibi fingunt spirituales nequiter animæ, quæ obtentu quorundam sensibilium motuum, fortasse à Deo acceptorum, arbitrantur se amplius non debere ad suam cum Deo negotiationem reuerti: sed hic hærent inaniter otiose, dæmonum illusionibus, & naturæ versutiis expositæ. Contra huiusmodi adeo infelicitè deceptas animas, noster oculatus Cæcus suum scripsit tractatum de nequam otiosis, & de supereminenti quiete; vbi dicit vnum verè morientem aut verè mortuum, posse sustinere veram quietem, quæ est effectus diuini aspectus operantis veram & sanctam otiositatem. Consequentérque addit huiusmodi nequam otiosos (quod sibiipsis mori nolint) esse æquè maledictos, cæcos, & superbos, ac ipsum dæmonem; omnis luminis scientiæ, notionis, & veritatis hostes; nullumque esse malum spiritus, quod non perirent, Deo se nequiter velantes, & prætexentes; rati se ad altiorē cunctos vitæ spiritus eminentiam.

Extraordinarium contemplationis eius statum dicimus, cum Spiritus eius, & omnes animæ vires, diuini amoris igne succensæ, citato impetu rapiebantur in Beatam suam originem; vbi Deus ei manifestabat, quæ nec licet, nec possibile est homini concipere & effari. De quibus ipse dixit os ex reuerentia digito esse commendandum.

primendum ; adorandâsque venerabundo silentio , ineffabiles huiusmodi Dei emanationes. Quia tamen hoc abscondito manna frequenter est pastus ; eius est nobis aperire , quocumque tandem poterit modo , saporem illius , & gustum. Profero vnum & alterum eius textum , in quibus id tentavit , & si non præstitit (vti non erat possibile) quod potis erat inefficaci suo conatu , efficaciter est consecutus. Primus ex soliloquiis eius educitur , in quo sic dicit : *Si ineffabilis intuitus & fructio , quam habeo tui (ô Sponse mi) potest exprimi , & latitia quâ magis ac magis afficior in mea fructione ineffabili , haud dubiè faciam ; sed quid erit aliud ille conatus , quàm ad impossibile se cogere . contenâdo statum exprimere , qui est in admiratione supra admirationem , cum vno verbo , & ut omnia complectar , sim amoris amor in meo Sponso. Etiam nunc ipsi Angeli meum irrident excessum , videntes me contendentem ostendere , & exprimere mihi metipsi amorem tuum , & pulchritudinem tuam , cum id quod sum , quod video , & quod possideo supra sensum , & expressionem sit. Alter textus sic habet. *Qui non habent dispositionem ad hunc statum sublimem , nec etiam habent ad loquendum de eo , nec ad eum intelligendum. Hic enim tantum agitur de puritate , de igne , de lumine , & latitudine , de longitudine , de profunditate & de abyssu. Hic de alio non agitur quàm de ineffabili , de toto , de nihilo , de aternitate , omnino presente , de gustu , de deliciis planè mirabilibus , de infusionibus , de fluxu & refluxu , de uniformitate , de simplicitate , & omnibus his similibus notionibus ; in quibus fluunt experimentales omnis generis veritates ; & refluunt in creaturam , & ex creatura refluunt in aeternum suum principium. Et nihilominus creatura in esse suo creato aeternum manebit , sed quod esse increato omnino perfundetur & ab eo penitus absorbebitur , ut illius viuat & fruatur plenâ felicitate.**

Dum hæc scribo videre mihi videor , scribentem ad Corinthios Apostolum , & à suo raptu ad se reuersum dicentem , non licere sibi quæ audiuit eloqui , nihilominus illud ipsi subinde aperientem , & quantum fieri poterat , efficaciter exponentem : cum sub finem Epistolæ sic ait , Nos omnes reuelatâ facie gloriam Domini speculantes in eandem imaginem transformamur à claritate in claritatem , tanquam à Domini Spiritu. Quid enim aliud est esse ipsum amoris amorem ; in aeternum suum refluere principium perfundi , & absorberi ab esse increato ; illiusque viuere & frui

plenâ felicitate, quàm transformari in eandem gloriæ eius imaginem à claritate in claritatem. Quid est figi & sisti interius, (vt suprâ dixit) Deum stabiliter intuendo rapientem animam in simplici nuditate & vnitare spiritus; quid omnes vires internas vnanimiter trahi supereminentiâ intuitus & essentia in apice spiritus suprâ Spiritum; Quid (vt alibi scribit) se vidisse diuitias, splendor, & infinitas pulchritudines, quas filius ab æterno suo patre recipit; quàm reuelatâ facie gloriam Domini speculari. Non est ergo mirum si tam frequenter ait tantus, tamque admirabilis Protomyſta, animas ad huiusmodi contemplationis statum sublimatas, iam ex hac vita Paradisum possidere: cum ipsemet eum (quantùm potis erat) verè possederit, & ab esse increato prorsus absorptus, illius vixerit & fructus sit plenâ felicitate.

In huiusmodi extraordinariis statibus sæpè visus est effuso supra faciem nescio quo luminis radio, fulgere & coruscare diuinitus; cuius nos ipsi testes sumus, aliq̃ue fide dignissimi. Nec est quod quisquam hæreat, de huius veritate dubius; siquidem ipsemet in suo Myſtico armario liberè fatetur se hunc luminis excessum, ex centro animæ suæ in omnes suas vires vsque ad extra se diffundentem, sæpiùs esse expertum. Additque expressis verbis, non audere Damones appropinquare huiusmodi animabus in statu supremæ contemplationis diuino igne perfulsis. *Si enim* (inquit) *ad nos præsumeret accedere etiam ad distantiam nostri intuitus, ipso intuitu nostro veluti fulguris ictu contereretur, si egrediens à nobis, ad eos vsque peringeret.*

CAPVT OCTAVVM.

De supereminenti eius contemplatione.

ANtequam absoluamus quæ nobis supersunt dicenda de sublimi hoc & supereminenti diuinæ commentationis statu, non erit abs re breuiter perstringere, qualiter se Myſta tam insignis habuerit, erga Fidei nostræ Sacramenta & mysteria. Habemus apud eum amantem Dei animam, ap̃i argumentose non infrequenter alluſatam, quæ à simplici sua, & eminenti contemplatione,

templatione, ad salutis nostræ mysteria descendit; unde reuertitur per sacratissimas humanitatis Iesu Christi plagas onusta, & superabundans diuinâ exuberantiâ, in superessentialem diuini sui amoris sinum. Hoc verè dixit qui quod locutus est, (vtrique de seipso) fideliter implevit; etsi enim ita elatus esset & immersus in diuina conmentatione (vtriam vidimus) eiusque viæ sublimitas & eminentia, illum ab huiusmodi consideratione mysteriorum auocare videretur, conabatur tamen ad eam descendere, & in singulari dolorum, & Passionis Filij Dei, cæterorumque Fidei mysteriorum Meditatione, quantum poterat immorari; cuius veritatis *Testes* habemus, multas quas de iis conscripsit exercitationes. Sed operæ pretium est eum audire loquentem. Sic igitur ait in libro contemplationum.

Sicut (ô amor meus & vita mea) sacratissima Passio tua in infinitis doloribus, miseriis, derisionibus, infamiis, & opprobriis est consummata, postquam mortuus es, & exhalasti animam in cruce, spectantibus & insultantibus omnibus: sic non oportet nos ita interius amoris tui infiniti & equalis tibi ipsi, excellentiæ & dignitati esse intentos: ut inde non egrediamur foras, ad imitandum te in omnibus vitæ tuæ corporeæ doloribus in aspectu ingi durissima, & laboriosissima tuæ vitæ, quantum in nobis erit pro nostrâ simplici, altâ, perditâque constitutione. Unde etiam aiebat sanctam Humanitatem, & Passionem Domini nostri, sibi semper esse præsentem, & agnouit aliquando coram Religioso quodam, ipsum super hoc inquirente, se religioni ducturum, si eius vel ad vnum etiam momentum fuisset oblitus. Cui adiungendus est, & amoris sensus aliàs ab eo super Incarnationis mysterio expressus. Fieri ne posset (ô care mi amor) ut ad momentum obliuiscerer, te fratrem meum esse factum. Mira propterea erat tenerritudine erga hoc mysterium, aiebatque crimen esse, tristitiæ se modo permittere, ex quo factus est Deus homo, & Paradisus ab eo in terram adductus. Insuper affirmabat Angelos, animas hoc mysterium sæpè medicantes, in deliciis singularibus habere. Unde conicere est quam habuerit cum eis consuetudinem, qui religioni duxisset se vel ad momentum, illius fuisse oblitum.

Consideratum tamen oportet, quod ipse notauit obseruandum: animas amore consummatas; contemplari salutis nostræ

myſteria, non contentione ſenſus, aut Spiritus purè naturalis; ſolis quærendo & inueſtigando varias myſteriorum circumſtantias: ſed in fruitione amoris iactimi ardentis, ſimplici modo, vnico ſimpliciſſimòque aſpectu, Diuinitatem ſimul & humanitatem intuendo. Hoc igitur modo hæc noſtra ſublimis Aquila, diuinis ardoribus amoris ſui, ſolis iuſtitia, accenſa, ſimpliciſſimo & ſupereminenti aſpectu imam uſque hanc abyſſum penetrante, & à fine uſque ad finem attingente; diuina contemplantur myſteria. Et reuerà ſublimium huiusmodi Myſtarum contemplatio myſteriorum diuinorum, magis eſt penetratio originis vnde procedunt, quæ eſt diuinus amor in ſeipſo: quàm effectuum in ipsis contentorum meditatio. Vnde & dicere ſolebat, diuinam eſſentiam, & amorem diuinum in ſeipſo conſideratum, mare eſſe; cuius effluus, riuus, & flumina ſunt myſteria, & emanationes amoris, atque chariſmata ex eo abſque diſcretionem fluentia. Hæc de deſcenſu noſtræ Aquilæ humilia non dedignantis, ſed ſimul alta petentis, & tamen humilia non deferentis. Ad propoſitum redeamus, & extremam manum huic demirandæ magis ſupereminenti illius contemplationi, quàm ſermonibus explanandæ, pro viribus imponamus.

Agitur autem de puriſſima vniõne Spiritus creati cum increato; vbi anima, non ſecus ac guttula aquæ in diuinum ſuum Oceanum abſorpta, exiſtente inter vtrumque diſcretionem, ampliùs non animaduertit; vnde ſapiùs ad exaggerationes, nec ferendos, niſi à ſuis ſimilibus ſoluitur exceſſus; quibus non eſt impenſiùs attendendum, vt ipſe noſter admonuit Myſta in tractatu ſuo de conſummatione animæ in Deum; ſed magis impetui Spiritus, & flagrantibus animæ æſtibus eos foras emittere cogentibus. Huiusmodi ſunt quæ nobis modò ſubiicienda ſunt, & iam obiter vtrumque ſubiecimus. Sic igitur ille in ſuis commentationibus. *Quod me attinet ſupra modum obſtupeſco, in hac abyſſo, & in imo fornacis huius infinite, qua me incendit uſque ad conuerſionem mei in ſeipſam totam. Illic tranſmutor in eundem amorem, & efficior idemmet ipſe amor, præ meis immerſionibus, fuſionibus, & reſuſionibus in eum, uſque ad ultimum creatura. Ecce qualis ego ſum, ecce in quo ſum, & in quo vno. Quod in infinitum ſciri concupiſco; nec reſert, ut ſi minùs amantes amorem in amore ipſo, amantiore fieri volanti,*

& abundantiores eius percipere divinas emanationes, nunquam in amabilis huius stadij cursu suam contentionem remittant. Utinam ô amor mi sentirent omnes homines quod ego sentio, utinam viderent quod video; tunc & ipsi quod ego concupisco, etiam languore incomparabili concupiscerent. Idipsum est quod in iisdem suis contemplationibus ait, cum sibi mirum quantum in huius sublimis status possessione complacens, omnem suam imò & Angelorum omnium vilipendit eius expressionem. Ipsa est implicita status huius reductio quæ mihi placet in infinitum, supra fluxum eius egressum, id est supra expressionem, qualiscumque esse possit, etiam ipsius Seraphinorum Principum. In meo enim ineffabili intuitu, & in mea quiete fructiva, hoc mihi multò minus esset, quàm id quod sum in te (ô diuine mi amor) si quidem sum tu ipse, in te meto, & in totalitate mea.

Durum fortasse nobis videretur audire talia loquentem, si non haberemus & Apostolum scribentem ad Corinthios, adhaerentem Deo vnum esse Spiritum; & ipsum Saluatorem Patrem suum obsecrantem, ut Apostoli sui, & in ipsum per eos credituri, vnum sint; sicut Pater in ipso, & ipse in Patre est: ita & ipsi in eis vnum sint. Quam Vnitatem multifariè Patres interpretantur, alij per fidem, alij per charitatem, alij per similitudinem, alij denique per eandem voluntatem, ut optimè D. Bernardus, cuius verba non pigebit hic exscribere utique singularia, quæ habentur tract. de vita solit. ante fin. *Vnitas Spiritus cum Deo, hominis cor sursum habentis, proficientis in Deum voluntati est perfectia. Cum iam non solum vult quæ Deus vult, sed sic est, non tantum affectus, sed etiam in affectu profectus, ut non possit velle nisi quod Deus vult. Velle autem quod Deus vult, hoc iam simile Deo esse est. Non posse velle nisi quod Deus vult, hoc est iam esse quod Deus est, cui iam velle & esse idipsum est. Unde bene dicitur quod tunc videbimus eum sicuti est: cum sic similes ei erimus, hoc erimus quod ipse est, quibus enim data est Potestas Filios Dei fieri, data est potestas, non quidem ut sint Deus, sed sint tamen quod Deus est.*

Eundem igitur in modum noster Mysta dicit se ipsummet esse Deum, quem suum amorem appellat, in ipso meto, & in totalitate sui. Quod quâ ratione intelligat sufficienter exponit, scilicet immersionibus suis, effusionibus & refusionibus in eum. Sed ubi mentem suam in huiusmodi excessuum eruptionibus manifestius

nifestius aperuit, fuit in tractatu de animæ consummatione per amorem : vbi post innumeros amoris huius fluxus & refluxus, subiicit nobis languentem animam quasi prorsus solutam, liquefactam, & tandem omnino consummatam, in omnem Dei, obiecti sui beatifici substantiam ; & virtute amabilium eius ardorum omnia consummentium, infinitarumque & assiduarum eius operationum : non solum ac deuorantis ignis, aut velocissimi fulgoris impetu, ab omni esse suo creato penitus exhaustam, & in diuinam substantiam totaliter transfusam & conuersam, vsque ad perfectam amoris consummationem ? Itaque hic sublimis & vere supereminens status, augustum est Conclauē & Secretarium, in quo spirituales contrahuntur nuptiæ, huius animæ purissimæ cum Sponso suo ; ratumque est eius matrimonium, & tandem aliquando perfectè consummatum. Hic enim admissa est ad sanctissimum oris osculum vtique ad completam amoris consummationem, siquidem in suis scriptis alio in sensu non loquitur de amore consummato. Quod ex Epithalamio eius pronum est videre ; vbi post infinitos Deum inter & ipsum amoris, blanditiarumque excessus ; tandem expirans deliciis, & amore anima eius in superessentialē diuini Sponsi sui sinum, cogitur in silentio hac ineffabili pulchritudine frui ; quæ eam tam potenter ad se rapit, vt non habeat amplius vitam, actionem, verbum, aspectum, nec quoduis aliud, sui esse (vt ipsi viderur.) Tuncque Deus sic eam alloquitur non verbis sed actionibus, & operibus essentialibus, quæ in ea reā iter operatur.

Huc vsque in te perueni (Filia mea & Sponsa) ad vltimum supremæ satisfactionis meæ punctum, cupidius appetens consummare te in me, vsque ad tam dulcem inter brachia mea defectionem, in infinita essentia meæ, & amoris extensione ; vt implem te possessione mei, in quem es penitus transformata, supra omnem gradum transformationis amoris : quandoquidem originariam tuam essentiam (vtique me) attigisti, in quo viues, & manebis sicut ego ipse, absque discretione & differentia quantum possibile est. Mystæ qui norunt quid sit esse transformatum in Deum, supra omnem gradum amoris transformantis ; & quid sit attigisse suam originariam essentiam, vtique Deum : ex hac Cæci nostri oculati experientia, inferent qualis fuit eius in Deum transformatio, & amoris consummatio. Certè Henricus Suso
insignis

in signis sui temporis Myſta, huiusmodi terminis (originariam suam attigisse essentiam) in suo de nouem rupibus tractatu, quem noster Cæcus sibi multoties legendum curauerat; significare voluit quod Beato Paulo concessum est, claram scilicet diuinæ Essentiæ intuitionem. Sed ut à variis pugnantium inter se Theologorum assertionibus super hoc impræſentiarum abſtineo; sic mihi est satis, si dixerò nec per humilitatem, nec per veritatem liquisse Fratri nostro, suas experientias tam sublimibus terminis & eminentibus aperire: nisi contemplationis ordinariæ statum multum supereminerent. Cæterum pœnituit eum sæpius scripsisse suum Epithalamium, quòd in eo multa de se, maximè quoad hoc, admiranda prodidisset. Sed qui cum agebat Dei Spiritus, sic in gloriam suam, nostramque vtilitatem disposuit. Quibus valdè, consonat quod in collationibus spiritalibus non infrequenter asseruit, scilicet non esse disputandum in Theologia, num intuitiue iam ex hoc mundo posset videri diuina essentia; omninò esse non tantum possibile, sed reuerà factum, vtiq; eam multis se videndam præbuisse; quod assererat cum tanta firmitate & constantia, ut videretur reipsa fuisse expertum. Porro ea mens fuit aliquorum è nostris illustriorum sacræ Theologiæ Lectorum, visis huiusmodi eius scriptis. Nolim tamen affirmare, tum quia prærogatiuam hanc multi S.S. Patres & Theologi negant vnuerſim vlli fuisse concessam, tum quia tanta est huius intuitus Beatitudo & gloria, ut etiam ex ea resiliens foris pulchritudo, & innumera accidentalia bona, possint viatoribus ad horum magnitudinem obſtupeſcentibus, & fulgore præſtrictis, propria apparere gloria.

CAPVT NONVM.

De multiplici & asperissima morte, quam in his altioribus contemplationis gradibus est perpeſſus.

Non deerunt fortasse qui spirituales esse velint, cum audiunt nostrum Cæcum in eminentissimo contemplationis fastigio, cum Deo ut amicissimum iugiter agentem, & tanquam charissimam

mam Sponsam ad oris osculum admissam, aliâque his similia penè incredibilis amoris Sacramenta, frequenter expertum. Sed quia plerique ad obuium subsistunt primum laborem, & à proposito suo facillè recedunt: Ideò subiicienda sunt hic eorum quædam specimina, quibus comparantur tam eximia Dei dona; vt votis suis quisque studeat cœquare, quam habet mercedem appendendam, ad tam sublimia & tam pretiosa munera consequenda. Sciant igitur huiusmodi & addiscant compertum esse iamdudum experientiâ, in via Spiritus, cruces internas & amaritudines, gradui Spiritus in quo quisque constitutus est, semper & certissimè respondere; & pro ratione fortitudinis, puritatis, & amoris: priuationes & languores Mysticos duriores esse & acriores. *Adcò vt* (inquit noster Theodidactus) *quò plus immersa est, & obruta inundationibus, luminibus, & deliciis diuinis anima, & quò plus Dei excellentiam gustauit, & amabilitatem experta est: cò magis mortalium eius cruciatuum augetur acerbitas in egestate & miseria, ad quam se Beatifici sui obiecti absentia redactam conspiciat.*

Ex hoc theoremate prouum est inferre, quales esse debuerunt dolores, languores, & internæ destitutiones, quas sustinuit feruens hic Dei amans, qui tam sæpè deliciarum Spiritus saporibus degustauit; diuinarumque obiecti sui beatifici pulchritudinum epulis lautissimè passus est. Si tamen nonnihil earum ex ipsomet placet expiscari, audiamus eum de suo spirituali deserto sic Deo amatorie loquentem. *Capit me Maiestas tua (ô mi amor) in hoc enim deserto tam sublimè posito, locum habet vita abnegata, & æternum moriens, cuius mortalium valdè differentium successuum (qui potius continui vocandi sunt quàm frequentes, aut per relaxationem & temporis intervalla) vnus tu fuisti, aut esse debuisti conscius. Illic uiuo (aliàs ait) tanquam pauper peregrinus, exul à conspectu gloria tue, absque amore & gustu; tuâ tamen secretâ munitus virtute. Et hæc sunt meæ delicia, martyrium meum in amore tuo ignotum consummare; tibi que nudè adherere. Sed quod magis status huius prodit acerbicatem, & non credendam nisi ab expertis angustiam; est quod noanquam ira potenter exercebatur, & crucifigebatur interius, vt se animæ à Deo reprobata in scriptis suis faciat similem. *Kie* (inquit) *nostra & exercitationes nihil nobis nisi contemptum, abnegationem, æternam spiritus & sensus resignationem, & mortem absque consolatione**

latione & leuamine designant ; adeoque arbitramur nos & perſentimus tanquam reprobos à Deo, & ignotos, nec tamen vel minimum propterea noſtram æternam ad eum remittimus attentionem & contentionem.

Qui igitur ſibi in animum inducere altiffimum Myſtarum, & contemplantium animarum ſtatum, eſſe in perceptionibus, guſtibus, & ſenſibilibus ſaporibus : hîc ab errore ſuo poterunt liberari. Dicamque ipsis mutando verba Cæci noſtri omninò experti, eſſe Myſtam in ſenſu dumtaxat, in vita ſenſibili, dulci, ſacili, & actiua, aliud nihil eſſe quàm habere diſpoſitionem neceſſariam, ad totalem & perfectam myſticitatem Myſta prorsus mortui, & immerſi in mare Dei infinitum, quod eum prorsus abſorbet in obſcuritate & tenebris, ubi nam ſit, aut quidnam agat, planè neſcientem. Eo quod Deus eum ad ſe per vias mirabiles in totali ignorantia trahat, aliud planè nihil agentem, quàm ſequi, patiendò dumtaxat, amabilem Dei ductum, ſibi penitus ignotum non quod non ſentiat, ſed quod ignoret quid ſit: propter maximam celeritatem & viuacitatem quâ Deus qui author illius eſt, tangit eum, penetrat, & in ſe abripit. Porro hi ſunt morientes morte continuâ, in quibus Deus Paradifum ſuum, bonum ſuum, honorem & delicias in terra poſſides.

Huiusmodi morientes martyrio amoris martyres nuncupabat, quos inter multifaciebat, & mirum in modum amabat ſanctum hominem Iobum, propter quæ ſequentem ſcripſit doctrinam, hoc certè loco dignam, & quæ in eorum cordibus qui ad verum, purumque Dei amorem contendunt, altius inſigatur. Eximia (inquit) ſanctitas in hominibus ignota eſt, quia nullum eſt (ut ita dicam) vita momentum, in quo non ſit (quantum verax eſt fidelitas) in Deo expirandum : adeoque quò ſublimiores, & ſubtiliores ſunt : eò quoque & mortes ſubtiliores, acutiores, & altiores ſiunt. Quæ in impetu dolorum ſuorum, terribiles effectus ab intus manantes, foris producunt. Tales fuère Iobi mortes & dolores, triſtèſque & mæſti quos ciere planctus, illos quales fuère ſcilicet crudeliores & terribiliores, qui poſſint eſſe, ſatis ſupérque produnt. Et hoc mirandum ; quod iſtud etiam ab eruditæ pluribus ignoratur. Propter quod multi hos mortales exceſſus inſcienter omninò, & contra omnem rationem, verumque Spiritus ſenſum exponunt. Quem niſi Deus ipſe iuſtum & innocentem vindicaſſet, homines veſania & blaſphemia condemnaffent. Ecce quid accidat iis qui ſanctorum ſcientiam ignorant, & nil eiuſ ſunt experti : non intelligen-

tes tunc Iobum dignissime in spiritu, sicut & in corpore fuisse cruciatum. Omnes eius conquestus, aliud nihil fuere quàm amabilis doloris eius, iugis excessus, & quò plus à ratione aduersus Deum videtur exorbitasse: eò magis & melius amorem se crudelius quàm possit excogitari, prementem & angustiantem, suis conquestibus testatum facit. Nesciebat enim in omnimoda sua derelictione quò pedem figeret, id est appetitum suum, ut tantillum in se aut creaturis quiesceret. Adèò artè terribilibus doloribus & angustiiis obsidebatur in anima & corpore. Id ipsum quotidie accidit magis intimis Dei amicis; quorum aliqui cruciantur in spiritu & corpore. Alij deseruntur absque sensu, consolatione, & cognitione in spiritu. Vnde nonnunquam in suis infernis languoribus, soluuntur verbis ad inauditos excessus, ex quibus ab ignavis hominibus iudicantur insani. Sed homines diuini, qui & ipsi triste hoc & horrendum trahere desertum; longè aliud de illis ferunt iudicium, scientes huiusmodi excessus vehementiam exprimere tormentorum amoris, qui modo inconceptili vitam in eis radicaliter supprimunt. Hâsque ab eis tantum distare expressiones: quantum in Deo, omni hoc tempore, modo incognito altius immerguntur.

Potèd hæ angustia & mortes mysticæ, in sententia excellentis nostri Mystæ, altissimum simplicitatis, quam diuinam vocat, gradum constituunt, qui status est situs in pura & mortali tolerantia, secundum fundum & magis intimam animæ radicem; & quæ supprimit tam intus quàm foris omne quod ei extra Deum, vitam & consolationem subministrare potest. Anima enim non potest Deo viuere in perfecta conformitate, nec in eum penitus transmutari, nisi amor virtusque quam ipsi tribuit; eam perfectè supra seipsam, omnémque aliam creaturam efferat; & tunc Natura in felicem occumbens agoniam, tandèmq; deficiens extremos agit halitus, & Spiritui Dei planè se permittit. Quæ igitur anima nondum vult expoliari, & ab eo disiungi, cui adhuc in creatis adharet: illa est in angustiiis & genitibus, ut Apostoli terminis vtamur. Sed cum ei sublata sunt omnia, & operatione diuini Spiritus sibiipsi perfectè mortua est: tunc perficitur in ea felix iste simplicitatis diuinæ status, qui eam ab omni creata multiplicitate absoluit, & vnit intimè Deo, vnitatis omnis & simplicitatis origini, fontalique principio.

Hic est igitur mysticæ perfectionis apex, & tótius vitæ Spiritus

1115,

tus, imò omnis sanctitatis consummatio; quâ ipsemet Sancto-
rum Sanctus Seruator noster Iesus Christus, agonem suum in
cruce coronauit. Planè enim derelictus est à Patre, & omni de-
stitutus auxilio: ita ut ne vel minimo quidem sit recreatus leua-
mento, sub tantis cruciatibus. quos pertulit in corpore, & tan-
tis angustis quas sustinuit in Spiritu: sed amaram omninò, &
tadio tristitiâque confectam hoc in extremo discrimine, in ma-
nus auctoris Patris, utique non audientis egerit suam animam. In
tantum ut impiis nostrorum temporum hæresiarcha Calvinus,
non dubitauerit asserere actum in desperationem ex hac deser-
tione omnimoda. Quasi verò non haberet perfectam futurorum
omnium scientiam, utique & voluntatis Dei Patris sui, ipsum ad
tempus deserentis, ut æternum exaltaret, & donaret illi nomen
super omne nomen, in quo omne genu flecteretur cœlestium,
terrestrium, & infernorum. Quasi verò non semper haberet in-
habitantem corporaliter Diuinitatis plenitudinem, cuius iugi
intuitu, nunquam non beatus esse poterat. Quod si diuinâ suâ
virtute usus est, ut in Superiori parte animæ suæ, beatitudinem
hanc circumscriptam teneret, ne efflueret in inferiorem, imò &
in ipsum corpus penitus exanderet, uti naturalissimum erat: Sa-
cramentum amoris eius est, qui comprehensor & viator, beatus
& patibilis esse voluit; ut se nobis typum & exemplar vtriusque
præberet imitandum; pro ut nobis erat à Deo Patre datus, au-
thor & consummator, cum præsentis in hac vita meriti, tum
mercedis, & futuræ in Cœlo beatitudinis.

Discant igitur qui spirituales esse volunt; discant qui tanto sibi
prædestinationis studio tenentur, deque necessario eius medio
gratiâ efficaci, tam frequenter loquuntur, & cum tanta conten-
tione disputant. Exinde discant quid verè volunt & veraciter ap-
runt, ex affectu inquam, quo feruntur erga media ad hos fines
ducentia, sine quibus nullatenus comparantur. Discant gratias
efficaces esse grauissimas aduersitates, persecutiones, iniurias, &
omnis generis afflictiones, & non esse iis potentiores; nec reuerâ
Deum habere efficaciores, quas Sanctis suis & prædestinatis à se-
culo contulerit, & usque nunc conferre non desinit: saluo tamen
intrinsico eius motu, quem cum libero hominis arbitrio pro-
pterea conciliare nequeunt, quia suum intellectum subseruere

nolunt in obsequium mysterij, quod humiliter veneratus Apostolus ad altitudinem Scientiæ & Sapientiæ Dei se recipit, & inuestigabiles eius vias, atque incomprehensibilia iudicia protestatur. Discant esse hoc indubiè ad altissimam præordinari gloriam, ad multas destinari calamitates, pressuras, & miseras in hoc mundo perferendas. Discant denique verè spirituales eos esse dumtaxat qui naturæ nec minimùm indulgent, sed omnes eius motus & appetitus acriter insectantur, vno verbo sibiipfis in omnibus æternùm moriuntur, aut potius mortui sunt, abnegati, & funditus renuntiati. Talem enim inducimus prædestinatorum omnium caput, Iesum Christum Dominum & Saluatorem nostrum. Talem & sanctissimum hominem Iobum, subiectum nobis iamdudum patientiæ speculum. Talem denique & nostrum Cœcum oculatissimum, eminentissimùmque huius seculi contemplatiuum.

CAPVT DECIMVM.

*Ardens desiderium moriendi Fratris Ioannis à S. Samfone
& ipsius resignatio diuina iustitiæ.*

EA est differentia inter perfectos, & probos dumtaxat Christianos; quod hi mortem, isti vitam æquanimiter ferant. Vel vt cum D. Augustino loquar, hi moriantur, isti viuunt patienter; scilicet hi vt suauiter viuunt, ita patienter quidem, sed tamen ægrè moriuntur: isti vt ægrè, etsi patienter viuunt, ita & suauiter moriuntur. Hi vsuræ lucis huius, bonis temporalibus, & omnibus non prohibitis præsentis vitæ deliciis, nimium adhærentes, mortem aspiciunt tanquam crudelissimum hostem; & vt ait Orator terribilium terribilissimum. Proinde cum illam habent gratam in peccatorum suorum exsolutionem, pretiosissimam in sacrificium Deo mactant Hostiam; summùmque heroicæ virtutis arbitrantur actum, amaram hanc æquo animo pati discretionem. Isti & inuisi mundo, & ipsum exosum habentes mundum: peracti rerum omnium temporalium, vigiliis & laboribus, ieiuniis & austeritatibus attriti, bonis cœlestibus inhiantes, cupiunt

piunt dissolui & esse cum Christo. Talis est noster Cæcus, emensis pluribus in via Spiritus arduis itineribus, confectisque feliciter stipendiis multis; emeritus iamdudum miles, appropinquans ad palmam; & brauium iam iam manu tenens, Cælum charissimam patriam anhelat. Et verò quasnam poterat huic acerrimo pugili, mudus iste parere remoras? cuius re nullâ planè delectabatur, quam suâ cruce & iugi morte, cuius conuersatio in cœlis assidua, & vnum dumtaxat cum Deo diu nocturne commercium. Quid mirum si nunquam suauius intra semetipsum est affectus, quam cum tenerimum hunc cogitatum animo voluens oratissimas in eo vitæ æternæ & incommutabilis beatitudinis delicias supra modum delectabili auiditate prægustauit? Quid mirum si tormentis eruptionibus, hanc suam ad mortem citatissimam propensionem efficacissimè comprobantibus, scripta sua vbique confexit? quomodo enim potuisset non esse durissima & intolerabilis præsens vita, homini dulcedinem & suauitatem Dei toties experto; totque & tantis secretioribus deliciarum eius emanationibus vndique peruso, vnde ad se reuersus, semper se in regione dissimilitudinis positum inuenit?

Itaque vt alter Paulus corpus suum tanquam terribilissimum carcerem, & præsentem vitam, tanquam molestissimum ferebat exilium, in quo duplicis generis ferebat languorem; primum amoris, alterum paupertatis. Qui quidem languor oriebatur ex appetitu famelico, fruendi optatissimo charissimi sui amoris obiecto; vt ipse nobis in suo manuali ingenue aperuit. *Languemus inquit amore, & paupertate, in nostra suprema quiete fruitiua: amore, propter certam quam habemus fidem fruitionis nostra obiectiua, supra fidem ineffabilem qua in nobis eius est: paupertate propter illud quod nobis deest ad huius fruitionis consummationem; qua nos aliàs perfectè non est expletura quàm in consummata gloria, adeoque auidam habemus propensionem videndi nostrum obiectum vt in seipso est. Licet enim in hac vita & dissimilitudinis regione, felices simus in obiecto nostro, etiam in omnibus euentibus, non sumus tamen secundum omnem nostram totalitatem, etiam infinitâ distantia beati, tametsi simus quantum potest esse viator, qui est imperfectè & remotissimè comprehensor. In idem recidit quod alioisum dixit, quam expectamus gloriam? nunquid non habemus semper præsentem gloriam nostram? ita, & non; pro ratione diuersâ.*

diuersâ. Et si enim verum sit, quod (secundum meliorem qui possit concipi sensum) figere debemus immobiliter, & stabilire plenam nostram gloriam, in intimo desiderio nostro, quod non est aliud quam Deus ipse, & eius superessentia: nihilominus proprii nostri corporis pondere grauamur, & opprimimur. Hæcque vita licet diuissima & fortunatissima in Deo: durissima nobis est & molestissima, càmque arbitramur & tanquam prolixam ducimus mortem.

Hæc grauis molestia, & sensibilis dolor, quo ex sua, ab huiusmodi corporeis vinculis detentione, intus afficiebatur: suprà humanum docuit eum altissimam Filij Dei in Incarnationis mysterio humilitatem. Hoc est (sicci loquitur) quod mirabile est, esse te factum hominem dolorum & paupertatis in via, tanquam unum è nobis (Deus meus, amor meus & vita mea) ut recuperares à peccati morte peccatores; Ergone pasi te tot pœnas & misérias toto vitæ tam prolixæ & laboriosa tempore. Ecce enim te iam incarcerationum & inclusum in vtero matris tuæ, velut in ergastulo, tanquam infantem reum. Quid est hoc, ô amor meus & vita? Ecce quod detineat, perterreat, & æternum rapiat omnem creaturam rationis & amoris capacem. Ex hoc ardenti moriendi studio, ut esset cum Christo, & Deo frueretur, oriebatur odium implacabile & immisericors; quo suum corpus, tanquam carcerem, & vincula ipsum extra centrum & quietem suam detentionia, prosequeretur adeò, ut illud (si ipsi fuisset licitum) austeritatibus conterere, & ad nihilum redigere vehementer exoptasset: ægerimèque, & ut dumtaxat indispensabilis prouidentie legibus feruaret, modicum ei victus aliarumque necessitatum subministraret. Vnde & hoc ipsum Martyrij nomine nuncupabat, dicendo, se (si à manducando abstineret) martyrem esse desitutum.

Porrò ardentia hæc studia, illustriora facit & maximè ponderanda, omnimoda eius diuinæ voluntati, iustitiæque resignatio. Huiusmodi enim affectus lectissimam est purissimarumque dumtaxat animarum; ut ipse nos his verbis edocuit. *Norunt optimè veri Dei famuli, Deum indicaturum hominum iustitias omninò aliter multo, & rigidiùs quàm arbitrantur: sed hoc ipsum apud illos parui penditur, præ desiderio quo tenentur Dei, & satisfactionis eius. Nam ipsius beneplacito in animum se permittunt ut exerceat in eis pro sua voluntate iustitiam.* Pluris faciebat hanc resignationem iustitiæ Dei, communi

communi Christianorum perfugio ad infinitam eius misericordiam ; propterea quod , hoc in ultimo , semper aliquid priuati inuenitur commodi & reflectionis supra seipsum : relinatio autem diuinæ iustitiæ , videtur nihil habere hominis ; & totum hominem efficere diuinum . Aliò enim non attendit quàm ad infinitam Dei magnitudinem & gloriam : vt ei quocumque tandem pretio faciat satis . Quare vt metum omnem naturalem præueniret , quo in morte potuisset affici ; mirabilem hanc dictauit doctrinam . *Tempus mortis , tempus est omnimoda suiipsius abnegationis , & tunc si vnquam formidandi plusquam infernus , priuati quasiuis , & omne velle , nolléque abnegandum . Et si ergo verus amator , verè humilis , meritò Dei pertimescat iustitiam , tamen pro nullo tempore mutatur vnquam : nam talis est illi mortis articulus , qualis vita securior & confidentior ; cuius oppositum maximam arguit infidelitatem . Heu ! nunquid non vita nostra satis miserè ducitur in innumeris quasitibus ignotis , vt nos scienter & manifestè quæramus in nouissimo vita discrimine non habentes amabilem & confidentem in Deum fidem & fidelitatem ; reflectentésque super nos , quasi vulgares homines ? abicere est hoc amorem Dei , protegendí se gratiá clypeo propria iustitiæ , & credere se Dei iustitiam repressurum in hoc diffidentia puncto , præteritarumque infidelitatum iudicium euasurum . Quod me astinet difficillimum mihi est concipere , nec ausim soluere , vtrum hi tunc homines charitatis gradum aliquem retineant .*

Dans aliquando quem nobis reliquit de præparatione ad mortem , tractatum , ita diuino spiritu fuit correptus , & extra se positus : vt quasi iam tum verè moriturus , & in extremo vitæ momento , hæc locutus sit . *O concupita , ô dulcè mors , ô chare mi amor , possibile-ne est attigisse me optatissimum sortis meæ punctum ? hæc quam pauper huc vsque fui , & quam nunc diues sum in plena tui possessione ; (ô chare mi Sponse) qui nec limites nec terminos habes , etiam in tuis emanationibus . Idipsum est quod me nunc rapit in teipsum . In tuo utique intuitu & contemplatione , felicitas mea suprema sita est : qua in tua , & tuâ dumtaxat cumulata erit : in qua extunc aqùè æternus ero , ac fui vnquam in tempore , temporaneus .*

Oculi tui (ô chare mi amor) auolare me nunc faciunt à mortali meo & corruptibili carcere , in tuum diuinum & plenum Oceanum , qui est gloriosa beatorum omnium amantium spirituum regio . Vbi totum & om-

nia sunt tu ipse, modo inconceptibili: cuius gustus adeò delectabilis est, in unoquoque tuorum amantium, ut de eo, etsi largius potatum, nihil hic concipiatur atque dicatur, adeò mirabilis est huiusmodi ebrietas, ut nihil eius sub sensum humanum cadat.

Hec! quam sapè conuenit mihi lamentari meam dissimilitudinis vitam, quam oportuit pati in omni tua amabili conformitate, maxime cum in igne tuo liquefiebam, & resoluebar ad hæc verba, non videbit me homo & uiuet. (Ha! chare mi amor) quàm sapè me ueritas hæc, illuc extulit, unde ad me reuersus, mors mihi erat, non mori.

O dulcis & optata refusio! (ha! mi amor) quàm crudelis mors mihi fuit, meipsum effusio! tu scis unus, & quantum dulces mihi fuere mea ad te licet imperfectæ conuersiones. Nihilominus talia fuere omnia qualia fecisti, ut ipse scis: cum enim me potenter egisti, fecisti in me quod solus nosti, nec unquam mihi licuit aperire, nisi intimis amicis tuis. Nihilominus sicut vehementer astuans ceruus, ardens appetit, quibus se refrigeret, aquarum fontes: ita ardens expeto ingurgitare me in mari tuo infinito, ad infinitam satietatis plenitudinem.

Tales erant dulces & amabiles cordis huius Deum appetentis effusiones utique moriendi huic miseræ, mortalique vitæ; diuini sui amoris fruitionem adeò exoptatam remoranti. Nec est quod eum miremur loqui tanquam hominem morientem, longè antequam moriatur: cum ardens rei studium, eam etsi valdè remotam imò & impossibilem, tanquam præsentem soleat exhibere, ut in benè multis tam sacris quam profanis amantibus, videre pronum est.

CAPVT VNDECIMVM.

Ultimus eius morbus, & obitus.

NON fert Natura corporeis uinculis diù detineri exultantem cælo animam, sui sunt fines & termini, sicut omnibus temporaneis: ita & humanæ vitæ. Ad sexagesimum & ferè quintum peruenit annum noster Cæcus Frater Ioannes à S. Samsone. Quàm multa expleta tempora! utique ab eo, qui in tam breui iamdudum

iamdudum consummatus erat. Non sustinet ultra tristes conquestus gemebundæ suæ turturis cœlestis Sponsus; ianuam ei aperit, & ad concupitos tandiù amplexus faciei ad faciem, & essentia ad essentiam, æternum tandem admittit. Incidit in febrem die tertia Mensis Septembris anni 1636. cuius prior accessus ad usque crastinum vespere perduravit. Ægritudinem suam attentavit occultare quantum potuit, ut leuamentorum subsidia fegeret, & amplius pateretur: sed explorato eius morbo die tertiâ, post multos renixus Nosocomium obedientiâ coactus ingressus est. Die septimâ quæ decima Mensis erat, accidit illi noxij humoris in stomachum epiphora, cum pleurite; ac lateris, nec non & capitis vehementissimo dolore, copiosaque exulceratæ bilis per totum corpus effusione. Omnes huiusmodi febri quæ semper in grauescebat adiunctæ affectiones statim hunc morbum lethalem esse prodiderunt.

Ad complendam tot dolorum, mensuram & cumulum, Deus qui eum cum in vita, tum in morte Filij sui Saluatoris nostri expressam prædestinauerat imaginem: omni tunc solatio, & internæ virtutis ope destituit; illumque in eo statu constituit, in quo nihil accipientes à spiritu omnes animæ eius vires, cœlum inter & terram quasi suspensæ videbantur: licet antè diem hanc, diuina Sapientia tanquam torrens voluptuosissimus, non sermonibus ex arte compositis, sed abundanti sensuum veritatumque cœlestium copiâ, ex eius ore proflueret. Hoc in extremo internorum simul & externorum cruciatuum statu, humilis Dei seruus abiectionem suam & quasi repulsam à Deo æquanimiter supra modum sustinuit. Refert quidam Laicus ei tunc in infirmatorio ministrans, eum se audiuisse orationem Dominicam, & Angelicam salutationem iugiter & assidue recitantem; interpellatumque à quodam audiente Sacerdote, ut aliquem sacræ Scripturæ locum, singulariter conciliantem pios sensus & amoris affectus ore proferret, vel animo versaret: reposuisse se tunc sufficientem non habere ad eum digerendum virtutem. Quod cerrè maximum est altissimæ eius & paupertatis, & humilitatis argumentum.

Nocte sequente post dictas matutinas, sanctissimo Eucharistiæ Sacramento, pro tanti viri religione & celestis huius panis inextinguibili eius fame, pastus est, quod dum ei ministratur, visi sunt

in eo quidam motus & contentiones, præ se ferentes luctam aliquam, & renixum contra Dæmonum impugnationes, (vt postea confessus est.) Et hoc est tertium miserrimi huius status in quo constitutus erat adiunctum: quod infensissimi hi spiritus videntes eum fini proximum, omnes suos in eum conatus acriter ingeminarunt: idque subsequenti nocte adhuc euidentius innouit, cum eodem sanctissimo pane in viaticum se muniuit: Horribiles enim contra eum imaginarias visiones in rabiem acti sæpius instruxerunt. Viden: ait secundò, & tertio, ad infirmarium tuum, viden: quàm hoc horridum & immundum. Postulanti infirmario quidnam esset, respondere tunc noluit, sed postea ingenuè confessus est, excitatum se ab huiusmodi malignis spiritibus ad priuata sui ipsius subtilissima studia, vt sibi in hoc discrimine facerent negotium, & molestiam inferrent. Ad hunc extremum actus agonem inuictus athleta Christi, animum nunquam despondit; Dixitque libentiùs cuidam è nostris, se dæmonem nullo modo pertimescere. Quoad secretos naturæ quæsitus: iste est caliculus in quo expurgatus est, & ad purum mundatus vtique, semper inexpugnabilis, & nunquam remissus in seipso iugiter abnegando & superando permanens. Insuper adiecit quod si potuisset, curasset describi huiusmodi pedicas & laqueos, vt essent aliis in signum & tericulum, ne in eos prolaberentur.

Cum ipsi sacrum delatum est viaticum, orauit infirmarium, vt è lecto educeretur (quod per eius summam infirmitatem non licuit.) suam orthodoxæ Fidei professionem coram omnibus assistentibus reuerenter emisit, ab eisque quàm efficacissimè potuit, offensorum omnium veniam petiit: quod & iteratò fecit, suadente ipsi sua humilitate, non sat benè primò hoc se persoluisse debitum. Consequente nocte sacro animas agentium oleo, summam cum attentione, humili corde, contrito, & tenerimè amante, illitus est. Facto manè circa horam nouam nonnullis neruorum contractionibus est agitatus. Solemnem votorum suorum professionem ex intimo corde renouauit: multosque virtutum & amoris actus, quos hi & illi, ipsi suggerebant, seruenter elicit: his omnibus ad eò exactè & cum tanta humilitate se subiiciens, vt videretur hominum omnium, in viis spiritus minimè expertus. Assistente ei R. P. Archangelo à S. Luca Conuentus Rhedonensis Priore,

Priore, & in hoc decretorio æternitatis puncto adiuuante, recitauit Psalmum 141. qui incipit *Voce meâ ad Dominum clamaui*. Cum ad hunc peruenit versiculum, *intende ad deprecationem meam quia humiliatus sum nimis*; bis eum repetiit, & eo accentu, qui satis indicaret, cor suum verè esse altissimè humiliatum, & suam animam ad summam inopiam, exinanitionemque adactam.


Tandem instante nouissimo defuncti temporis articulo, laboribus fidelis huius Dei famuli finem imposituro, & condignam mercedem pensuro: apprehendit crucifixum inter manus suas, & eum ori suo arctissimè agglutinauit. Significans hoc amabili osculo se à morte inueniri cruci Saluatoris in Spiritu affixum, & sanctissimis derelictionibus voluntatis Patris eius omninò permisum. Tum hæc Apostoli verba pronuntians: *Christo confixus sum cruci*, quæ à primis rationabilibus annis, cor eius sauciauerant, & ad studium perfectionis accenderant: animam Deo Creatori suo reddidit; anno ætatis subductis mensibus tribus, & quindecim diebus, sexagesimo quinto. Dies agebatur mensis Septembris 14. sanctæ Crucis exaltationi sacra. Dies non absque mysterio huius eximij, & verè mundo crucifixi, Mystæ, discessui præfixa. Qui virtute crucis Iesu Christi, assiduæque Passionum eius æmulatione, Dæmonem toties, & omnes infernas Potestates gloriosè triumpharat. Dies in qua crux eius merebatur exaltari, cum cruce diuini sui Magistri & Saluatoris, vt aliàs contigit Seraphicæ Catharinæ Genuensis, cui pius hîc Cæcus plurimum erat addictus, scripta eius singulariter diligens, quod in eis statum suum internum proximè ad similitudinem cerneret expressum.

Inutile esset & superuacaneum (vt nemini non est peruium) virtutum eius, quarum per omnem morbum, iuge & sine intermissione probauit studium & accuratam praxim, seriem hic attexere. Dicam tantum eam fuisse animi eius constantiam, & in laboribus patientiam: vt in ipsis ardoribus febris eum intus vehementer exurentis, & acerrimis cum in capite, tum in toto corpore, doloribus affligentis, nunquam visus sit, in hanc aut illam partem sese vertere, vt leuamentum aliquod quæreret aut requiem: sed omnem omnis generis, ex tanta ægritudine molestiam, & omne manus Dei pondus, inconcussa corporis & spi-


ritus fortitudine sustinuisse. Propterea ipse se habebat apud omnes, quasi omnino nihil pateretur, ut scilicet doloribus suis nemo compareretur; naturaque omni orbatâ solatio, prius in se, (& quidem crudelius quam ipse,) moreretur. In hac omnimoda desertione dixit cuidam de nostris, mirabilius nihil esse, animâ ad diuini sui Solis radios se paulatim consumente, & omne creaturarum subsidium auxiliûmque respuente; & hoc singularis patientiæ fortitudinisque tam ad patiendum quàm ad moriendum esse effectum. Multa præclara tunc ab eo exprompti sunt lumina, sensus, & affectus, ad diuersa quæ ab eo sunt postulata. Quæ inter dixit, tantam esse differentiam inter expressam verbis, & actu perlaram nudæ Passionis (qualis sua erat) exercitationem: ut non nisi expertis cogitatione sit assequi. Tantum esse verum quantum ipsam veritatem; omnium aliarum præstantissimam fuisse Filij Dei mortem, quod omnimodam Patris sui sustinuerit derelictionem. Et cum ab eo esset quaesitum num se felicem arbitraretur suum in hoc discrimine imitari Redemptorem; respondit nimis felicem, si talem se Majestas sua dignaretur. Incipere se ex tunc agnoscere, quid sit viuere & mori. Caterum nec clauum se pro iis omnibus quæ tam interius quàm exterius patiebatur, penditurum: omnem suam spem in vna Iesu Christi cruce esse constitutam.

Tam humiliter & abiectè de se semper ad mortem vsque sensit, ut se sincerè peccatorum omnium putaret maximum, Deo magis deuinctum, gratiæ eius & miserationum magis egentem: & tamen magis ingratum, & beneficiorum immemorem. Rogatus num gauderet quod ad Cælum adeò propinquaret, respondit. Heu! hoc est quod nescio, Dei iudicia alia omnino sunt à iudiciis hominum. Ad quorum (subiecto argumento) miserandam attendens vanitatem, sapius hæc verba repetit; miseri homines! heu! quibusnam intendunt. Similiter hæc Dei Hebraica nomina proferre auditus est, sed valdè demissè propter debilitatem, Iehoua, magnum Iehoua, Saddai, Elohim, Adonai, & has voces lumina, processio Sanctorum & Sanctarum; propter quæ nonnulli credidere post horrendas dæmonum visiones, vidisse quoque, amantissimum animæ suæ Sponsum obuium sibi venientem Iesum Christum. Sed parcitum sit eorum pietati.

pietati. Fixum enim est, & iam constitutum nostrum hunc in-
uictum Christi æmulatorem, cùm in omni sua vita: tùm etiam
in morte, interius exteriùsque cruci affixum, sicut & Magistrum
suum, amarum & omni omninò destitutum auxilio suum emi-
sisse spiritum. Hæc est magnarum animarum & lectissimarum
Sponsarum, Sponso suo Iesu Christo magis nudè adherentium,
in hoc summo discrimine suaviùs osculum. Et hunc igitur in
modum inter viuos esse desiit, quin potiùs incæpit, pius noster
Cæcus Venerabilis Frater Ioannes à sancto Samfone *Christo con-*
fixus cruci.



PARS TERTIA



PARS TERTIA.

Singulares eius virtutes, dona Spiritus Sancti, & gratie gratis datae, quibus decoratus est.

CAPVT PRIMVM.

Altissima eius humilitas.



SOLEMNIS est Mystarum omnium sensus, utique & experientia, animam quæ præ iugi suo in Deum effluxu, & amabilibus immersionibus amor effecta est: non attendere amplius ad vllum priuatæ virtutis obiectum; nec huius aut illius, in earum exercitatione observare differenciam: sed eius omnia, cuiuscumque virtutis opera, præter humilitatis, patientiæ, resignationis, aut cæterarum; nec verè humilitatem, nec resignationem, nec propriè esse patientiam: sed ipsosinet amoris partus & genimina, quæ alio planè quam amoris nomine censei non deberent: cum vnum duntaxat amorem, principium, medium, & finem habeant.

Hæc nimirum est ratio, ob quam in hunc usque reiecit locum nostrum Cæci virtutes, ut exhibiti à nobis in duabus præcedentibus partibus ferventis eius & Seraphici amoris consequentes effectus: Qui sensus adeo ipsi proprius erat, & quasi congenitus, ut adhuc superexcedens soleret dicere non tantum, ita esse humiles quasdam animas, ut humilitatem amplius nescirent, quæ talem in specie virtutem: sed etiam posse ipsi immet amorem, præ supergresso (nodo ineffabili in Deum) amore, prorsus ignorari.

Vnde & tam frequenter in suis scriptis, huiusmodi loquendi formulis utitur, amare sine amore, amare, & supra amorem: hæc igitur fuit eius praxis & experientia, ut fidem adrogant plenissimè eius scripta, quorum ad instar vnus iste sit subiectus locus.

Regredior

Regredior (inquit) *in nihilum tam rerum omnium quàm meipſus*, ut paſſiue & æternum agar à Deo, ſine amore, ſine humilitate, & alia virtute, quia amor & humilitas extra me ſunt; aut (ut dicam melius, planè non ſunt quantum ad me: ubi enim ſum, & ubi uiuo, illic nec differentia, nec diſtinctio ulla eſt.

Quia tamen non ſunt ſilentio penitus prætereunda tot ſingularium virtutum facta inſignia, quibus & diuinitus edocemur, & efficaciter accendimur ad æmulanda huiusmodi chariſmata: propterea de iis nobis eſt, pro noſtra concipiendi ratione & loquendi modo breuiter agendum. Ac primò quidem de altiffima eius humilitate, de qua hoc verè dixerim, cum tam vilem fuiſſe apud ſemetipſum, & in oculis ſuis paruum, ut crederet ſe merum eſſe nihilum; peccuſque ſuum ſæpiùs tundendo miſerum pecuſ de more vocitaret. Porro ea erat hæc ipſius ſui nihili notitia, & firma certitudo, ut illam pro fidei ſuæ haberet articulo; dicens (cum aliqua exceſſus ſpecie) ſibi perſuaſum eſſe, ſe veritatem hanc magis perſpectam in Cælo, quàm hic habebat in terra, habere non poſſe. Quod ipſemet euidenter expoſuit in ſuis amabilibus cum Deo colloquiis. *Forſitan (amor meus & vita mea) ſcire cupiunt homines quam habent de ſeipſis intimi amici tui opinionem; cum tot in unoquoque eorum portenta, & admirabilia opereris oſtenta. Ipſamet eſt puriſſima & ſinceriſſima veritas, eos arbitrari ſe creaturarum omnium totius vniverſi viliffimas; imò ſe nihil omnino eſſe, ad nihil idoneos, nec quidquam valere, coram infinità tua Maieſtate. Talis eſt eorum ſenſus, talis notitia & fides; & hoc propter rationes infinitas.*

Hic ſenſus, & toties experta funditus nihili ſui notitia, quam Myſtæ exinanitionem vocant, aliud omnino eſt ab eo quod humilitatis nomine vulgò concipitur; cuius differentiam ſic noſter oculatus Cœcus exponit. Nihilum ſcopus eſt & terminus ad quem humiliationes & humilitas tendunt. Vbi nihil eſt, illic centrum ſuum obtinet humilitas. Verùm nihil hominibus apparere non poteſt in ſeipſo, ſed nihili loco, mors ab illis cernitur; vnde homines vident morientes, & ipſam mortem, dum nihilum manet illis ignotum, imò & ipſi ſuo ſubiecto præ altiffima eius, in Deum immerſione. Adeoque dicebat non eſſe aſſequi cogitatione, quouſque ſcrutetur, & perueniat verè ſapientum perfectà humilitas; gradùſque illius eſſe per relationem ad corpus

pup sepultum: Primò manere & quiescere in infimo loco: Secundò esse inhumatum tanquam mortuum, id est in obliuione positum, derelictum, & tanquam rem nihili pessumdatum: Tertio esse putrefactum & corruptum, ab omnibus tanquam foedissimam putredinem auersum: Quarto in cinerem & puluerem esse reductum: Quintò denique, sensu & sincerâ mente in nihilum esse conuersum. Quos quidem humilitatis gradus ostendit se excessisse cum dicit. *Quònam statuemur loco? superiùs an inferiùs? longè an propè? in honore an in dedecore? & non erimus aequaliter contenti, non reflectentes, nec ratiocinantes abiectè suprà nos?* Huic humili & abiectæ de se opinioni, foris respondebat omnium quæ ipsi licitæ erant humiliatiorum, & abiectionum, fidelissima praxis. Nam & priuatim, & publicè, contendebat omnium se peccatorum vilissimum, miserrimum, & ingrati animi lue putentissimum, omnibus exhibere. Quod & aliquando palàm præstitit, coram omnibus Religiosis; præcipiente ei Superiore, quid de se sentiret coram omnibus aperire. Priuatim verò cum iis qui familiariùs ei consuecebant, se cum canibus & dæmonibus sapiissimè conferebat; dicens eos sibi debere præponi ut ad aliquid idoneos, cum ipse ad omne bonum planè inutilis esset.

Ita se indignum Religiosorum Societate arbitrabatur, ut ex quo venientem ad se aliquem audiebat, statim caput aperiret non tantum demisso pro more cæterorum, caputio: sed etiam penitus depresso, & humeris exæquato; seque profundè inclinaturn haberet, donec pertransisset. Super quo rogatus aliquando, cur hanc obseruantiam tam accuratè & sedulo omnibus exhiberet; respondit se verecundari, coram suis fratribus apparere. Non poterat grauior ei infligi pœna, & cruciatus amarior, quàm cum laudabatur, aut vel minima, quæ de eo haberetur, prodebat opinio: tunc enim videbatur vultu verecundo, & pudore suffuso, contrariam suadere & probare, viribus omnibus eniti. Eius tamen, quæ summa erat discretio, sapiùs eum prohibebat, ab huiusmodi conatu, cum scilicet præuidebat plus se exinde exultationis, quàm contemptus & vilipensionis consecuturum. Sed apud eos quibus nulla erat consuetudine coniunctus, ad laudes omnes quibus ab eis efferebatur, præbebat se ut hominem insensibilem, animumque hinc perfectè abstractum & auocatum habentem.

habentem. Vnde tamen Deum inter & se, altissimorum gemituum & humiliationum, exhauriebat argumentum. Audiamus eum seipsum nobis sincerè subiicientem. *Nostra laudes in ore hominum vulgariū non multū nos commendant, vitāque nostrā, è contra, sepius defectus nostros, & summā infidelitatem arguunt. Et verò quenam haberi debet eius, quod nihil est existimatio? hac est sui nihili confessio, quam ad mortem usque non verbis sed operibus profiteri oportet, & sustinere, & hoc heroicā, iugique sensus & animi virtute.*

Quam gratum ipsi iucundūque fuisset mundum omnem habere sibi aduersum, & tanquam rem nihili se aspernantem! Prodebat hoc ardens eius studium, fiebatque coram & manifestum, maximè cum Superiores simulabant se velle eum verbis durius excipere, & in aliquibus abiiciebant: Ipse enim sui perfectè dominus ex tempore lætitiæ motus, etiam exterioris edebat: dicebatque verissimum esse quod de miseria sua ferebatur iudicium.

CAPVT. SECVNDVM.

Quanta erat apud Magnates existimatio. Quantum ab ea abhorrebat, exoptabatque omni humana creatura ignotus viuere.

Mirum quantum in humili hoc Religioso iustificatum est incarnatæ Veritatis & Sapientiæ verbum: dicentis humilantem se, fore exaltandum. Qua ratione enim sui nihili scrutabatur centrum, & exinanire se conabatur: eadem planè ab omnibus colebatur, & odor virtutum eius ampliùs diffundebatur: In tantum vt etiam apud Magnates celebraretur nomen eius, & ab Illustrissimis Ecclesiæ Principibus eius consuetudo & congressus in deliciis lectissimis haberentur. Tanti eum faciebat Regina Maria de Medicis Regis Ludouici XIII. felicitis & triumphantis memoriæ mater, vt sæpiùs expetierit videre eum, consilium eius exquisierit, & in multis tum ad conscientiam, tum ad statum pertinentibus amplexata sit. Potentissimæ huius Regiæ moris

erat multi ducere spirituales & contemplatiuos ; (quod etiam ap-
 primè obseruauit Historia) sapiùs eos consulere, & se eorum
 precibus impensius commendare. Auditâ igitur à nonnullis, sin-
 gularium virtutum Fratris Ioannis à sancto Samfone conceits,
 nominis eius famâ ; maximè verò à R. P. Philippo Theobaldo
 celeberrimo, & perillustri in vniuersa Gallia, Italia, & Belgio,
 propter heroïca eius facta in suscipiendo, propagando, & ad finem
 vsque perducendo reformationis nostræ opere : deinceps in horas,
 & frequentissimè, de hoc nostro Cœco solebat inquirere ; sè-
 que eius orationibus commendatam facere. Quo tempore Andij
 præfecturam gerens consedit Andegauo : R. P. Matthæo Pi-
 naldo tunc Priori Conuentus nostri, de eo sæpissimè loqueba-
 tur ; agebátque vltro apud eum, vt sibi, quæ viderat in vita om-
 ninò singulari huius Cœci (dum adhuc degebat in seculo) latius
 enarraret. Die quadam, cùm discessus sui copiam à Regina pe-
 teret, vt Conuentus aliquos nostræ Prouinciæ visitaret, absente
 R. P. Philippo Theobaldo : imperauit ipsi Serenissima sua Maie-
 stas vt Fratrem nostrum Cœcum suo nomine inuideret ; eumque
 contestàretur exorare Deum pro felici exercitus sui iamiam pro-
 fecturi, successu & prosperitate. Non defuit mandato Regina
 R. Pater, nec in Conuentu Rhedonensi tantùm Fratri nostro
 Cœco : sed etiam in aliis quos pertransiit, Religiosis omnibus
 præcepit vt preces ad Deum funderent pro serenissimarum Maie-
 statum Regis & Reginae matris eius tunc dissidentium, incolumi-
 tate & felicitate. Interim nuntiatum est Regem feliciter omnino
 cœpisse urbem arcemque Cadomensem ; cuiusque exercitus Ce-
 nomanum, Flexiam, & Pontes Caesaris, iam tum occupare.
 Vnde accelerans P. Matthæus vt Religiosos suos Andegauum con-
 solaretur, regressus Rhedonas Fratrem Ioannem à sancto Samfone
 de his iterum est allocutus. Hic vaticino actus spiritu dixit ei,
*Reuerende Pater ne tantum festines, omnes hi belli rumores, & tu-
 multus nubila sunt duntaxat, breuè dissoluenda, plus timoris habebimus
 quàm mali ; & antequam Andegauum accesseris, magna pars negotij
 extricata erit ; hand dubie tenetur coram Deo Regina pacem procurare.*
 Aduentantem Andegauum Patrem, continuo Regina accerciuít,
 & de Fratre Ioanne à sancto Samfone, quis eius, circa huiusmo-
 di bellum, sensus esset, expostulauit. Respondit ipsi, eam esse
 Cœci

Cœci nostri mentem, scilicet Maiestatem suam coram Deo multis esse obstrictam argumentis, in bonum totius regni procurare pacem. Ad hæc Regina reposuit, utique eam habebimus; etiamsi exaratum meo sanguine chirographum deberem exhibere: & reuerâ sequenti die decretâ est & constituta, felixque hic exitus, comprobauit quod prædixerat Dei seruus, hunc belli turbinem breuî dissoluendum, plûsque timoris, quàm mali pariturum.

Aliàs Regina scripsit Patri Philippo Theobaldo, vt se vnâ cum suo Cœco ad Pontes Cæsaris conferret, illucque ipsam stato die expectaret, vt scilicet Illum de re ad conscientiam pertinente consuleret, sêque eius precibus commendaret. Casu, delata non est ad tempus epistola, vnde pertransiit sua Maiestas Pontes Cæsaris, & Andegauum venit vtroque non inuento. Cuius cum rescisisset causam, mandauit Fratri Ioanni, per Patrem Priorem Conuentus Andegauensis, vt hoc negotium enixè Deo committeret; & P. Theobaldo vt expeditis celeriter Capituli Prouincialis quibus detinebatur negotiis: Nannetas ad se veniret. Morem gessit Regiæ Frater, & instanter Deo negotium commendauit. Tum R. P. Philippus Theobaldus Reginam Nannetas adiens, ipsi coram Reuerendo Patre Suffreno Societatis Iesu eius Confessario, & Concionatore ordinario, afflatum cœlitum consilium aperuit, cui tam benignè & clementer obsecundauit Deus, vt res ad eius gloriam, pacemque regni, & status tranquillitatem felicissimè cesserit.

Aliàs iterùm misit Regina ad nostrum humilem Cœcum R. P. Suffrenum, vt cum suo nomine inuiseret eum onere referendi saltem aliquod spiritualis institutionis verbum suæ Majestati, venit igitur vir insignis & perillustis, ad humilem Fratrem Læicum, eique mandatum Regiæ exposuit, quod eum ita confudit, vt vix induci potuerit ad ei respondendum vel vnum verbum. Et post multos renixus vehementioribus instantioribusque Patris enixibus, vt sibi diceret aliquid quod suo nomine Majestati suæ referret, si quidem id impensius exposculauerat; tandem aliud nihil ab eo, præter hæc verba duntaxat obtinuit: Dicas si placet Majestati suæ quod humilem se habeat pro suo Regiæ statu, & statim se recepit, pudore suffusus, quòd de se etiam cogitatus aliquis haberetur. Hoc responsum tam sapiens & improvisum,

manifestius arguit, quanti faceret hanc virtutem, debuitque hanc inferi magnatibus informatio & exemplum, ut pro ratione magnitudinis suæ humiles sint, & parui in oculis suis; coram Deo & hominibus, quantum eorum conditio prudentiæque patitur.

Denique Regina multis acceptis Laici huius interuentu, gratiis, tanti eum habebat, ut quod ipsi miserat paruum reliquarium, panno nostrarum vestium tenuiter inuolutum, per diuturnum tempus ad cingulum gestauerit. Consuluit & adhuc eum, de statu rerum suarum, quæ in dies magis intricabantur, ipsamque ad deferendam curiam vel inuitam adigebant. Respondit noster Cæcus, primâ quidem vice Maiestatem suam felicem habituram exitum, sed in secunda multam illi patientiam fore necessariam; quod adhuc superstites insignioris status viri testatum faciunt, & ipse euentus comprobauit. Vnde & in hac iterata offensione & afflictione Maiestatis suæ, consolatoriam ei noster Laicus scripsit prolixam epistolam, quæ congruentem hinc haberet suum locum, ni breuitati studens, subiectam materiam nimis protrahere peitimescerem.

Maximâ etiam erat existimatione apud quosdam Prælatos Ecclesiæ Principes, maximè verò apud Illustrissimos Episcopos Rhedonensem, Nannetensem, & Briocensem; quorum hi duo postremi, qui tunc temporis erant, D. Philippus *Cœspear*, & D. Stephanus *de Villazel*, per omnem Galliam singulari suâ eruditione, eloquentiâ, & pietate clarissimi, non dedignabantur (cum Rhedonis erant) eum in cellam sapius adire; & cœlestes eius, verèque diuinos sermones humiliter auscultare.

Eadem erat opinione apud charissimos supremi Aremoricæ Tribunalis Senatores, maximè apud primum Præsiden Dominum *de Cussé*, coniugemque eius Dominam *de Bonail*. Hic Præses pro sua virtute, meritisque æternâ dignus memoriâ, Cæci huius sanctitatem ex animo venerabatur, eiusque precibus multam habebat fiduciam. Nonnunquam veniens in nostrum Conuentum, mirum quantum Societate eius, diuinòque colloquio delectabatur, dixitque aliquando R. P. Mathæo, multum ipsi esse cauendum, à facienda omnibus liberè conferendi cum hoc Fratre copia, si enim (inquit) in aula Regis tantum dignoscerentur eius merita: quantum mihi comperta sunt, brevè vobis eriperetur;

retur ; eum enim valdè idoneum iudico , non tantùm ad spiritualem institutionem & disciplinam , sed etiam ad Politicum regimen. Thesaurus est in ordine vestro , quem sollicitè seruare debetis. Denique eo erat erga illum animo affectus , vt in repentinæ submerfionis filij eius Domini *de Bourneuf* , in eodem supremo Aremoricæ Senatu consiliarij , fanesto casu ; non sit electus alter qui eum consolaretur , quàm hic humilis Dei seruus ; cum enim non inueniretur , qui tristem hunc nunciem miserandum Patrem supra modum afflicturn , deferre præsumeret ; accessit hie noster Laïcus , qui animum eius pijs suis de Deo sermonibus tantâ solertiâ & suauitate demulfit , vt plagam hanc , de manu Dei tanquam filius obsequentiſſimus religiosissimè suscepit , & inexpectatâ constantiâ inconcussus pertulerit , quod & idem præstitit , eodémque planè successu , elapsis quibuldam annis apud eundem Præsiden in decessu charissimæ eius coniugis.

Eodem modo & ipsi addisti fuere alij duo eiusdem Senatus Præsides , D. *Le Duc* , & D. *des Loges*. Quorum primus testatam fecit solempi suâ attestatione , vltro oblatâ , in capite huius operis à nobis exscripta , quam habebat de eius singulari virtute & perfectione , sincerissimam opinionem. Alter plusquam septuagenarius grauissimè laborans , ita vt cum Medici desperarent , & esset morti proximus , Fratri nostro vitâ iam functo indubia fide deuotus , perfectam sanitatem statim est consecutus ; in cuius fidem amoris pignus , & acceptæ gratiæ perenne monumentum marmoream tumbam , tumulo eius imposuit , pede circiter prominentem , supra facelli in quo quiescit paviuentum. Non possum hîc prætermittere testimonium R. Patris *Bertrix* Societatis Iesu , viri singularis existimationis & meriti , aliàs Rectoris in tribus aut quatuor celeberrimis Parisiensis Prouinciæ Collegijs. Ad postulationem R. P. Patris P. Theobaldi , cùm esset Rector Collegij Rhedonensis sæpissimè vidit Fratrem Ioannem à sancto Samfone ; cuius pijs colloquijs , tanto erga eum studio , & pietatis sensu remansit affectus , tantùm demiratus est supereminentem (quam iugiter edocebatur à Deo) scientiam , vt remissum in Conuentum Dolensem instaurandæ reformationis ergò , bis aut ter hoc vno nomine adierit , vt cum eo de rebus spiritalibus

bus ageret; dixeritque R. P. Mathæo, se non posse expleri sermonibus & colloquiis Fratris huius, præ cœlesti lumine, sensu & vocatione mirabili quibus exundabant.

Denique possum hîc asserere sincerè, & ex rei veritate, omnes (quotquot eum agnôvere) graues viros, pios, & eruditos, vt hominem perfectum, & planè diuinum semper eum habuisse, cuius & alia benè multa in promptu esset subiicere exempla. Sed iam plus æquo diffusus in hac hominum opinione, quæ diuinæ comparata planè vilipenditur, aut potiùs nihil est; meliùs est vt ad aliud transeamus; & qua ratione, in huiusmodi se reuerentis hominum & venerationibus habuerit (in quibus semper periclitatur humilitas, & plerùmque naufragatur) diligentius obseruemus. Hoc sanctitatis quod apud Magnates audiebat nomen, mors illi erat, & crux amarissima: quare statim atque Rhedonas rediit, conatus est quantùm potuit omnes multarum illustrium personarum rescindere accessus, quæ virtutum eius odore attractæ, ad eum ventitabant, vt ipsius se colloquiis consolarentur, & de mediis ad suam salutem instruerentur. Die quadam venit Præpositus quidam austerioris alicuius instituti, vt optatâ eius consuetudine frueretur: Frater ad eum descendit, vt obedientiam impleret, sed eo salutato, cum primùm iste præpositus congressum ordiri voluit, aliud planè nihil ei respondit, nisi quod vilis tantùm Laïcus erat; statimque postulatâ veniâ recessit.

Non externam secularémque tantùm fugiebat hominum estimationem, sed etiam pro viribus contendebat vt apud suos Fratres nullâ prorsus opinione esset: ea propter singulares Dei quas accipiebat gratias sollicitè occultabat; multùmque pertimescebat ne ex suis sermonibus, motibus, & sensibus vel minimùm innotescerent. Quadam die dignatus est eum Dominus congressu aliquo & consuetudine valdè insolitâ; Vnde auditus est exclamare, & in quasdam voces erumpere, quæ effusam aliquam & supra modum abundantem indicarent Dei gratiam: hoc ab ipsomet deprehenso, timens ne & ipsi religiosi vicinas inhabitantes cellulas audiissent, ad aliôsque referrent factò mane conuenit ipsos, prudenterque expiscatus, num aliquid audiissent, enixè obsecrauit, ne quid vnquam de iis cuiquam aperirent.

Reuerâ

Reuerſa Deus cum uifitationum fuarum ſupra modum admirabilibus recreabat deliciis, quod ipſemet prodidit, licet neminem expreſſerit, in ſuo myſtico armario regulâ quartâ. Hoc modo; *Quando Deus uult aliquem intimorum ſuorum amicorum quodam præter morem favore proſequi, ipſemet ei aliquando apparet exterius, etiam cum hic amicus eſt ſuiipſius perfectè compos; quod ut præſtet Maieſtas ſua ſecundum omnem amoris ſui latitudinem; ille cui uult apparere, penitus abducitur à ſuis ſenſibus, magnis terra, in qua ſiat, motibus, poſt qua Deus ei ſecreta ſua magis arcana familiariter, & cre ad os aperit. Per hoc tempus homo interius Deo omnino plenus eſt, & exterius eo penitus, diuinòque eius lumine circundatur. Quæ viſio & delectabilis (quàm poſſit aſſequi cogitatione) colloquium, cum per aliquod temporis perſeuerauerit ſpatium, uidetur tamen ei in inſtanti breuiſſimo pertranſiſſe.*

Eſt autem hîc obſeruandum, quod etſi Cæcus eſſet, & de apparitione externa loquatur, non ideò tamen propriam cum non exprimere ſuam experientiam. Huiusmodi enim viſiones ſæpiſſimè ſunt abſque ſenſuum exteriorum ope; & ipſemet dicit, hunc tunc intimum amicum à ſuis ſenſibus eſſe penitus abſtractum: Hòcque ſæpiùs per ſomnium de nocte contingere. Quod autem in tertia perſona loquitur, moris eius eſt, ut & illius magni Apoſtoli, qui ſuum ad tertium uſque Cælum expoſiturus raptum, cum hiſ verbis incipit. *Scio hominem, &c.* Eſt hæc Sancto-
rum lingua, & forma humilium, nonniſi ægrè, & quàm obſcuriſſimè poſſunt, ea quæ in ſui commendationem vergunt referre, ut hominibus, quantum in ipſis eſt, ſemper ignoti remaneant. Et hæc fuit huius conſtantiffima ſemper agendi ratio, omni humanæ creaturæ, præterquam iis qui erant eiufdem cum eo viæ, ignotus viuere. Vnde & hanc in manuali ſuo præſcripſit regulam: Oportet vias noſtras ita eſſe perditas, ut nec veſtigium nec ſemita earum appareat, niſi nobis, & conſimilibus. Cuiusmodi ignoræ vitæ, veræ ſanctitatis in hac vitæ ſic alibi nomen tribuit. *Quandiu homines aliquid agnoſcunt in Sanctis præter id quod eſt communis ædificationis, huiusmodi ſanctitas haud quid magnum eſt; cum plena ſanctitas adeò ſit perditæ, & extra notitiæ etiam meliorum hominum, ut ſi quod eius explorent veſtigium, maxime in actione, planè ſit deſiciens, & propriè nihil. Vera igitur ſanctitas in hoc ſita eſt, quod quis*

sit perditus & planè ignotus omni homini tam ad patiendum quàm ad non patiendum, in perfectà abnegatione & morte subiecti totius, in diuinum suum obiectum. Verum quidem est non posse iri inficias, excellentem reperiri sanctitatem in iis qui perfectè patiuntur, eamque optimè tueri & custodire infirmitatem. Sed ubi omninò nihil est (vti videtur) nec huius, nec alterius, in totali abnegatione & morte subiecti in suo obiecto, nullus potest deprehendere vestigium aut semitam huiusmodi personarum; non etiam ipsemet; vno scilicet eos habente Deo, & in sinu suo supereffentiali, (tanquam id quod in hominibus possidet pretiosius) tenerrimè conseruante. Distinguebat igitur inter sanctitatem actiuam, id est, quæ cernitur in operibus, aut in patientia seruorum Dei; & sanctitatem nudam, purissimam & à sensu remotissimam; quæ consistit in morte simplici & nuda, etiam omni actioni, & corporis tolerantia. Dicebátque ab huiusmodi sanctitate visibile nihil esse expectandum; quòd, qui illam sunt affecturi, viam omnem rationemque humanam per quam homo ad perfectionem tendit, penitus transgressi fuerint & superexcesserint. Porro amor, & quo vitæ huius ignoræ tenebatur studium, causa est propter quam tam pauca nouimus de innumerabilibus, & penè incredibilibus quæ Deus ipsi impertitus est huiusmodi thesauris & charismatibus. Vnde nisi Deus ipse prodidisset eum, scriptis ipsius, infirmorum curationibus, quas operatus est in Conuentu Dolensi, & iis quæ secretò quidam nostrum explorare potuerunt, vix aliquid cognouissemus excellentiæ & sublimitatis huius animæ, quæ apprimè sciens summam humilitatem pro summa sanctitate, (vt verè est) ab omnibus illam verè proficientibus haberi; virtutem hanc sub vitæ minimè singularis, & ingenue libertatis specie, alià sed altiori, humilitate celabat.

CAPVT TERTIVM.

*Accurata eius obedientia Deo, Superioribus, Regula
& Constitutionibus Ordinis.*

LEgimus in vita Seraphicæ Theresiæ (quæ quod ultimo enituerit seculo non ideo Carmeli decus vltimum est) arduum planè,

planè, & omni supererogationis specie altius, emisisse votum: scilicet amplexaturam se semper, vbique & in omnibus, quæcunque sibi perfectiora viderentur. Non astruimus: huiusmodi votum, vt obedientiam Cæci nostri commendemus, quòd reuerà nescimus ab eo nuncupatum; etsi compertum nobis sit & ab omni dubietatis suspicione alienum, hoc operibus suis sincerè & fideliter adimplèsse: sed dicimus eminentem eius constitutionem, & perfectionis statum, votum hoc supereminere, vt potè qui nec discretionem perfecti ab optimo, nec maioris à minori bono, prorsus vllam admittat. Dicimus verè cæcam (si quæ fuit vnaquam) Cæci huius obedientiam, non tantùm omnem virtutis huius in sua specie perfectionem fuisse supergressam: sed & ipsum amorem, virtutum omnium plenitudinem & complementum; vt ipsemet in suis scriptis sæpius agnouit. Dicimus voluntatem eius ita Diuinæ fuisse subactam & substratam; ita compositam & conformatam, vt prorsus esset Deiformis, nihilque omninò nec intus nec foris operaretur, nisi diuino eius motu iugiter acta: ita vt merum esset instrumentum, quòd simplici suo duntaxat consensu cooperatur Deo, omnia ipsius opera per ipsum operanti. Idipsum est quod in quadam contemplatione cum Deo loquitur. *Quandoquidem ignis amoris nos totaliter in se redegit & consumpsit, & nihil de nobis amplius inuenitur: ita nihil in nobis (quoad operationes nostras) amplius querendum est. Adeoque o amor meus & vita mea, te oportet purâ & amabili voluntate sustinere agentem & operantem, tam intra quàm extra nos, quod tibi collubatum est.*

Non itaque poterat hic homo verè Filij Dei nomine dignus, qui eius Spiritu iugiter agebatur, quin accuratam suis superioribus exhiberet obedientiam. Enimuerò aspiciebat eos omnes non tanquam mortales homines; sed (vt regula nostra Scripturæque sancta loquitur) Christum potius quam ipsos cogitans, cuius vices gerebant, mirum quantum colebat eos, & omni prorsus obseruantia venerabatur. Studiosissimus erat benedictionis eorum, eamque recipiendi occasiones sollicitè conquirebat; asserens illam prodesse sibi multùm, seque contra Dæmonum oppugnationes communire & corroborare. Vnde & hi ab initio superbi nobedientes in rabiem agebantur, videntes humilem hunc Fratrem præter Læicorum morem quotidie serò sub finem Comple-

torij ad unum chorum accedentem, ut hanc benedictionem cum Clericis lucraretur. Ex hac altissima reuerentia quam suis Superioribus exhibere solebat, oriebatur perfecta subiectio omnibus eorum voluntatibus, imò & ad quoscumque nutus perfecta formatio; quibus omnibus mirâ simplicitate seruiebat, dicens magno cum religionis sensu, non debere nos dedignari hominibus subiacere & substernere nos, si quidem fecit hoc Iesus Christus propter nos; & cum qui huiusmodi non afficitur sensu altissimè Dei misericordiam inclamare debere; secùs, de illo esse actum.

Visus est sexagenarius Nouitiorum animos ex obedientia relaxare, quibusdam musices instrumentis, quæ summâ dexteritate pulsabat, aliisque modis & excogitationibus, quæ ab omnibus humanam Sapientiam profitentibus, pueriles haberentur. Sed hic veræ sectator sapientiæ, utique instituti sui, & scientissimus & amantissimus, nihil à superioribus suis constitutum, puerile & obiectum arbitrabatur. Vnde & huiusmodi laxamenta Fratribus suis Angelico modo, & mirâ planè simplicitate atque innocentia ministrabat: cum sapientibus sapiens, & cum infantibus quasi infans; omnibus omnia factus. Quoad hanc autem cæcam obedientiam, Cæcos vocabat hos spirituales qui recollectioni nimium, quieti, & propriæ sensus tranquillitati, adhærentes; credebant actionem se à Deo auocare. *Actio enim (inquirebat) perficit certissimè & confirmat contemplationem, fruitionem & quietem in Deo, dummodo anima cum omnimoda sui cautione agat, cum enim Deus (utique purissimus spiritus) sit à sensu infinitè alienus, delectatio sensibilibus quietis, tanto magis hominem à Deo distrahitis, quanto ipsi videtur esse se in eo magis immersum: è contra verò abnegationes cum amplius immergunt.* Quapropter aiebat obediendum esse simpliciter, cum iubemur austeritates & alia virtutum opera dimittere. *Debemus enim (inquirebat) magis expetere sanctos nos esse & veraces in fundo, quàm in operibus nostris, satisque nobis esse debet, tales esse, quales nos vult Deus, non curantes, quid operabimur aut non operabimur.*

Hæc simplex & cæca obedientia quam suis superioribus exhibebat, nonnunquam etiam supra vires ipsius efferebatur. Mandatum est enim ei die quadam in horto saculari, cum esset in Consenti Dolensi, ipse non obstante sua cæcitate simpliciter obediuit, & edoctus per contactum noxias ab utilibus herbas secernere,

fecernere, æquè perfectè sarruiuit, ac si fuisset oculatissimus; vberius opitulante Deo, & cœcam eius obedientiam, longè præstantiori (corpòris visu) gratiâ compensante. Multa insuper virtutis huius efficacîâ, Fratribus suis præstitit obsequia, quæ videbantur à corporea eius cœcitate prorsus aliena; quorum habemus adhuc superstites benè multos fide dignissimos testes.

Similiter Regulæ & constitutionum erat obseruantissimus; audito primùm, ad quemlibet regularitatis actum, campanæ signo; omne negotium, nisi expressè imperatum, ex tempore dimittebat, vt ad eum conueniret; Ideoque postulata humiliter copiâ, sæpius Episcopis, aliisque prænobilibus viris, valefaciebat simpliciter & ingenuè, dicens aliò se ab obedientia sancta aduocari. Vnde & dicebat regularitatem, si modo comitem habeat cordis humilitatem Religiosi vitam esse, & animam; qui eam idcirco omni negotio & exercitationi quacunque illa sit, absque speciali mandato debet anteponere: nec ipsum etiam vniuersum mundum, cùm minimo regulatis obseruantix dispendio debere saluari.

Monasticam regularitatem opponebat singularitatis vitio, dicebaturque hanc omnis inordinationis esse scauriginem: è contra regularitatem (vt ordinis partum) speciosissimam esse, & aspectui iucundissimam; cum gratiùs nihil sit & delectabiliùs, quàm videre vnumquemque (maximè religiosum) benè compositum, & obedientix legibus semper addictum. Ex quo inferebat, verum obedientem, ab omni inordinatione & animi impotentia esse immunem: inobedientem verò à bestiis, id est inordinatis appetitibus suis, assiduè deuorari; vnde & hoc insuper theorema educebat, religiosum statum inobedienti esse infernum; quòd nunquam in eo voluntas eius impleteretur, nisi reluctando Deo. Quo in casu mirum esse non debet, si Religiosus iam ex hoc mundo, inferni cruciatus sustineat; cum iugiter conscientix suæ stimulo torqueatur, de quo scriptum est, quoad damnatos, *vermis eorum non morietur.*

Piger hæreere in enumerandis singulatim tanti viri virtutibus, quas & vt vidimus, & ex ipsomet profitente testatum habemus, tantùm supergressus erat, vt nec ipsum amorem earum omnium epiceum & fastigium, sed Deum immediatè, directèque in om-

nibus suis operibus, tam foris quàm intus intenderet. Arguit D. Thomas virtutum, & donorum Spiritus sancti ex eo discretionem : quòd istæ disponant animæ vires, ad hoc vt à ratione; hæc vt à Spiritu sancto moueantur; nec non & horum supra illas eminentiam : quòd ad altiorem motorem oporteat maiori perfectione mobile esse dispositum. Cum igitur ille iamdudum rationem excesserit, primâque posuerit quasi virtutum suarum tyrocinia in substernendis eius imperio, directionique animæ suæ viribus : non est quod in illis acuratè explorandis & excutiendis, diutius immoremur. Sed erit consultius, si nos ad superiorem agendi rationem ytique Spiritus sancti motum sedulò conuertamus; & eius dona (quibus ad huiusmodi motum tam perfectè erat compositus, vt ab eo iugiter ageretur) propius intueamur. Sit igitur

CAPVT QVARTVM.

De Dono Timoris Domini.

DOCTISSIMè, vt semper assolet, Scholarum Angelus, Spiritus sancti partitur dona, per ordinem ad animæ quas perficiunt vires, rationem scilicet, & vim appetitiuam. In ista quatuor constituit Intellectum, Consilium, Sapientiam, & Scientiam. In hac tria, Pietatem, Fortitudinem, & Timorem. Ista vt rationem ad hoc disponant, quatenus facillè moueatur ad apprehendendum & iudicandum. Ad apprehendendum quidem speculatiuè, per intellectum; practicè verò, per consilium; ad iudicandum autem speculatiuè, per Sapientiam; practicè per Scientiam : hæc vt reddant vim appetitiuam facillè mobilem; in iis quidem quæ sunt ad alterum, per pietatem; in iis autem quæ sunt ad seipsum contra periculorum metum, per fortitudinem, contra verò inordinatam delectabilium concupiscentiam, per timorem. Iuxta hanc acutissimam & verè Angelicam distributionem viâ analyticâ procedentes, de hoc vltimo primùm agimus ad superiora per ordinem subindè ascensuri.

Hic itaque Dei timor, vtique filialis, tam altè defixus erat in corde

corde Fratrìs Ioannis à Sancto Samsone, vt millies mori potius elegisset, quàm vel minimo veniali peccato scienter assentiri; quin & ipse aspectus ingenitæ peccandi libertatis, horribilis ipsi & tremendus appareret: dicerétque eos, qui peccata venialia non auersantur, monstra esse abominationis coram Deo, nunquam eos amore reformandos; nec vnquam ad Deum perfectè conuertendos, nisi grauitate & frequentia flagellorum, ægritudinum, & afflictionum, aut tormentorum quæ hominum aut Dæmonum ministerio sunt passuri, aut visuri alios sustinere & pati. Insuper aiebat assequi se non posse cogitatione, quomodo non quasi æqualiter mortale & veniale peccatum vitanda essent; multòque fore conducibilius, ruere, & susdeque verti mundum vniuersum, quàm vel minimam contra Deum offensam perpetrari.

Quam autem habeat timor iste filialis cum seruii oppositio nem, pronum est intelligere; hunc enim foras mittit perfecta charitas: iste verò ex amore oritur, & amorem fundit, affectum scilicet animæ erga Deum, tum vt Patrem, tum vt Sponsum, ex quo vtroque respectu oriuntur insuper & paupertas spiritus, & corporis sanctimonia; quas insignes animæ & corporis dotes, donum timoris annexas habet; Timens enim Deum vt amantissimum suum Patrem, ab incarnato eius verbo diuinitus edoctus, omnia illi quæcunque ad se pertinent liberrimè committit, de hoc vno duntaxat felicitus, vt ei impendio placeat, & ex summa quam habet in eum confidentia, ab omnibus exui se & nudari tam interiùs quam exteriùs ad exinanitionem vsque patitur: vt ab eo omninò pendeat, à quo omnia præstolatur, & sperat. Nec quidquam vel minimum, vt proprium & suum vsurpat, etiam spirituum charismatum, vt ei vni immediatè adhæreat, cui se totum plenissimè probauit. Timens autem Deum vt Sponsum, ei se castissimum & in omnibus integerrimum, iugiter exhibere contendit. Est enim timor ille castus, vt ait S. Augustinus sermone 25 in illud *Psalmi 18. confige timore tuo carnes meas, à iudicijs enim tuis timui*. Vtrunque præstitit noster Cæcus perfectissimè, si quisquam alius vtiq; dono timoris Dei abundanter perfusus; eius enim singularem per omne vitæ tempus iamdudum perceptam habemus spiritus paupertatem, consummatam in vitimo vitæ eius discrimine: cum derelictum à Deo, & quasi abiedum

in

in amantissimæ crucis osculo, animam fortiter agentem vidimus. Cui ut nihil superest addendum, ita planè nec quidquam adiungo: nisi hoc vnum; quod etiam ab omni studio & delectatione gratiarum, vñctionum, & deliciarum diuinarum, quarum suauitatem sapiùs erat expertus, perfectè liber & planè solutus erat: diligens Deum in seipso, & super omnia sua dona; quod utique dicebat esse in Deo mori. *Glorior, inquiebat, in meis infirmitatibus & paupertatibus. Diuitias meas in Suis sanctis possidet charissimus meus Sponsus. Sit ipsis gloria, diuitia, & gloria diuina: mihi autem omnis miseria, languor, & paupertas.*

Hæc præcellens spiritus paupertas, fors eius charissima erat in hoc mundo, quam pluris faciebat omnibus eius thesauris. *Omnia (inquit in suis exercitiis) habeo quæ nolo, & quod magis ut digniora despicio, eo magis & melius habeo, in plena meiipsius possessione, existens & viuens in Deo à quo possideor, & quem plenè possideo, ubi creatum omne, & omnes eius malitia, crudelitatisque conatus non possunt me contingere, etiam infinità distantia, si verax sum.*

Nonne hæc est lingua, sermóque Apostoli, arbitrantis oranes mundi pulchritudines ut stercora & detrimenta; Inde oriebatur suprema eius resignatio, in intolerabilioribus spiritus moribus; inde eius sedulitas & incredibilis attentio, ad suppressendos omnes naturæ motus vnâque duntaxat admittendam gratiam. Vnde & ad eum peruenit statum, quo natura (quæ veteris Adam nuncupatur) non viueret ampliùs in eo, saltem quoad deliberatos & imperfectos priuati amoris motus, qui in maximam hominum partem impunè dominantur. Scribebat olim sanctâ cum libertate confidenti suo nostro Reuerendo P. Dominico, dignissimo certè tanti Magistri discipulo, his terminis. *Sub graui pondere, & laborioso onere natura, perfectè contenti sumus. Et si quantum ad me verum sit, parum me grauari eius effectibus. Et inferius ait, verum tamen est naturam à me, & me ab illa, plurimum distare.* Lector animaduertet, quod perfectionis ascenderit, qui nullam ampliùs à naturæ studiis & appetitibus patitur molestiam.

Quoad eius sanctimoniam, & mentis corporisque integritatem, tanta fuit, ut dictu non sit facile. Speculum erat crystallinum eius conscientia, in quo deprehendebat etiam minimum imperfectionis atomum. Mirum est, quàm puræ & subtiles sint eius

eius regula (quas in exercitatione, quam suam vocat confessionarium) tradidit, ad explorandos, & detegendos defectus suos. Sæpissimè aliud nihil habebat confitendum quàm istud, scilicet se non tetendisse ad Deum infinittè, & ex omnibus viribus suis, in sua attentione, & in operibus suis. Quid autem sit hoc infinitum, ad quod tendere se sentiebat astrictum, sic ipse citato loco exponit. *Infinittum in summe perfectis, est detentio, & stabilitas virium omnium recollectarum, solutarum, reductarum, & omninè absorptarum, in unitate diuina, supra omnem spiritum & fundum; ubi manendum nobis est, tam firmiter fixi, vt inde nulla virium nostrarum exeat, & soluatur ad suam naturalem operationem, quantum possibile est; quatenus mortuus, semper sit intentus frustioni intuitiua obiecti sui diuini, in perfecta & unica quiete, valde unica, & simplici, abstrahendo propterea à quibuscumque creatis obiectis, ad eum officij aut debiti alicuius nomine non spectantibus.*

Complectebatur etiam sub hac sua indefessa tendendi in infinitum praxi, perfectam modestiam, & totius sui tam interioris quàm exterioris hominis compositionem, dicens fidelem veracemque animam, debere esse planè diuinam, aut tanquam faciem accensam, trans corpus pellucidum coruscantem, Deo, Angelis, & hominibus apparere; sibi que ipsi ita semper intentam, vt nullius sui exitus, gestus, sermonis, aut actionis cuiuscumque eam vnquam pœniteret. Quantum ad reflectiones supra seipsum, & remissionem internarum suarum virium, hoc est quod ab eo prorsus erat alienum, manente vtique semper in sua ad Deum firma attentione. Quod exaggeratum fortè videbitur, sed facile comprobabitur ex hoc vno verbo quod ei aliquando in suis scriptis excidit, scilicet ipsam super se reflectendi potestatem, crudelissimam sibi mortem esse. Verum in exterioribus negotiis, in quibus cum hominibus est agendum, vt ad omnes circumstantias semper attendere non poterat, si contingeret defectu præuisionis res non cedere, secundum omnem possibilem perfectionem; hoc est de quo arguebat se, & confitebatur.

Denique tanta erat conscientie eius puritas & munditia, vt aliquando per tres solidos menses materiam ad confitendum sufficientem non haberet, vixque possent eius Confessarij, ad absolutionis formam super ea quæ subiiciebat proferendam, ad-

N

duci.

duei. Vnde & coactus est de iis scribere, & eis nonnullas super hoc tradere regulas, quibus vterentur, & tutò eum absoluerent; quarum vniuersaliores hæ sunt.

Prima, Peccatum debere tale reputari, conformiter ad vniufcuiusque notitiam, lumen, sensum, & mentem.

Secunda, Animam suauiter actam à Spiritu sancto, testem eum habere suarum omnium actionum; ideòque eum se peccati consciam arbitratur esse ei credendum; Deus enim in ea amor & lumen est; & sicut eam sanctificat, sic & in omnibus quoque illuminat.

Tertia, Ex quo quis apud se constituit obfirmato animo, & ex omnibus viribus ad perfectionem contendere, omne tempus quod aliò infumitur, peccatum esse.

Quarta, Vix reperiri quemquam semper æqualiter, etiam tentationis tempore Deum apperentem, proindeque & à peccato immunem.

Quinta, Omne quod fit, aut dicitur à Religioso sine rationis præuisione, minimùm, actionem aut verbum otiosum esse.

CAPVT QVINTVM.

*De Dono Fortitudinis, Vbi varia eius prælia contra
Dæmones enumerantur.*

Magnus Gregorius septimo suorum Moralium exponens hæc verba Sancti Iob, *Qua est enim fortitudo mea vsq; sustineam, aut quis finis meus vt patienter agam?* Quibus tanti viri moraliū patientissimi & dolorum acerbitas, & afflictionis pondus innotescit; dixit apposite iustorum fortitudinem, esse carcem vincere, propriis voluntatibus contraire, delectationem vitæ præsentis extinguere, huius mundi aspera pro æternis præmiis amare, prosperitatis blandimenta contemnere, aduersitatis merum in corde superare.

Si dixerim, Cœcum nostrum Samsonem hæc omnia præstitisse, minùs dixerò: si quidem hæc sunt fortitudinis eius tyrocinia, & prima duntaxat spiritualis eius militiæ rudimenta. Fortitudo eius, utique

utrique consummata, hæc est, omnes durissimas amoris quem consummantem vocat, mortes, omnes ineffabiles diuini ignis operationes, de quibus supra tot & tanta locuti sumus, omnes denique amarissimas cruces quas interius, exteriùsque patebatur, intrepidè, immobilitèrque, iugiter sustinere. Hæc nimirum est eius fortitudo, quidquid ipsi accideret, quantumcunque graue, quantumcunque molestum, planè ac si non eum tangeret, eodem modo se semper habere: quidquid pateretur, eundem semper esse; eundem vultum, eundemque omninò seruare animum: vt omnium hominum minimè singularis foris appareret.

Porro non eodem semper modo hac sancti Spiritus fortitudine roborabatur, adeò enim nuda, simplèxque vltra sensum aliquando erat, vt mirum sit, quomodo in eo statu posset anxiam Dei operationem, vitam naturalem vsque ad radicem in eo supprimentem, sustinere. Hanc tamen sustinuit atque perpeffus est, nunquam fractus, nec pertæsus tantorum cruciatuum, sed æternà resignatione Sacrificium suum Deo iugiter immolabat: animam in hac cruce sine intermissione agens. Inde est quod conformiter ad ea quæ erat expertus, res assignabat diuinæ fortitudinis gradus, tribus charitatis gradibus respondentes. Primum constituebat in operatione rerum arduarum; secundum in æterna patientiâ, & absque tædio tam corporis quàm animi tolerantia; tertium in iugi & assidua morte, per eam Spiritus fortitudinem & magnanimitatem, quæ vitam & vires proflus exhauriret, ardenti & indeficienti amore, ei utrique nudè & simpliciter adhærendi gratiâ.

Huic plusquam humanæ virtuti, tanquam effectum suum specialem adscribo, constantem perseverantiam, quâ perperuæ solitudinis pondus tanto tempore tulit, cum tantis anxietatibus internisque laboribus; cuius erat adeò tenax & stndiosus, vt diceret optare se ex toto corde damnatum esse ad viuendum pane & aqua duntaxat, intra quatuor muros reliquo vitæ suæ tempore inclusum, aut in aliquo inuio deserto proëctum. Hanc suam solitudinem vocabat præliorum stadium, latibulum, & secessum altissimè perceptarum in terra Diuinitatum, in quo Deus homines deificat. Dicebátque viros solitarios mercedem esse amoris Iesu Christi erga suum Patrem æternum. Homines de vulgo ab huius-

modi animarum pulchritudine & ornatu (si eum intueri possent) in admirationem fore abripiendos. Eas esse quæ sustinent mundum, & ab impendente iugiter ruinâ vindicant : Quia etsi Deo cumulatissimè fruuntur (quantum hic fieri potest) eum tamen pro spiritualibus temporalibusque proximorum necessitatibus exorant ; ardenti charitatis studio se Deum inter, & iustum eius furorera medios & defensores perpetuò interponentes.

Patet autem non hîc loqui de extèrna solitudine quam imperfectorum Religiosorum tormentum vocat infernum, Sed de vera Spiritus solitudine, de deserto & regione, quæ est in Deo Patre, & Magistro spirituum omnium. Esse tamen colendam & omni sollicitudine obseruandam dicebat solitudinem externam, ut ad huiusmodi solitudinem, & desertum spirituale perueniatur. Docens hanc propterea solitudinem incipientibus esse necessariam, vtilem proficientibus, sed perfectis duntaxat iucundam & delectabilem. Multa enim (inquirebat) in ea sunt pericula & incommoda, frequentes oppugnationes, & laquei Dæmonum valdè subtiles, multæ & multifariæ tentationes ; sed si constanter fidelitèrque custodiantur : dulcescet indubiè, & ante mortem delectabilis euadet.

Pulchrè Sapiens, & sapienter asserit, meliorem esse patientem, viro forti, & dominantem animo suo, expugnatore urbium ; ubi per fortem intelligit robustos habentem lacertos ; non illam Christianam fortitudinem, quæ ut ait Ghryostomus in tolerandis malis potissimum spectatur, & cum patientia coincidit : Hic enim patiens, & sibiipso Dominans verè omnium fortissimus est, & indubiè torius mundi dominus ; Non est igitur mirum si tam perfectè suiipsum dominus noster Cæcus Samson, insensissimos omnium Mystarum vicerit hostes, inuisibiles Philisteos ; & diuinâ suâ fortitudine toties deiecerit ac profligavit, quoties cum eis congressus est. Hæc vasa iniquitatis ab initio bellantia, implacabili ferebantur odio in humilem Dei servum, propter eminentem ipsius, quam super omnia auersantur, contemplatiorem, quamque deprehendebant ex iugi eius & immutabili animi æqualitate, nuditate specierum, altissimâ humilitate, aliisque signis exterioribus sublimis supra morem vocationis. Ut verum fatear multa non sine doloris sensu & amaritudine nos latent ; per eius silentium

tium & humilitatem de singulari hoc subiecto dicta, & facta insignia. Sed coactus necessitate nonnulla aperuit, tùm in suis scriptis, ad proprium suum vsum compositis, tùm R.P. Valentino à sancto Armagillo tunc Nouitiorum in Conuentu Rhedonensi Patri Magistro; ex quibus exscriptæ sunt obseruationes & notæ, quæ hic à nobis sunt subiiciendæ.

Et si raro Dei seruus ab huiusmodi infernis potestatibus de die inuaderetur, cum tamen aliquando ita violenter in terram occumbere fecerunt, vt in tibia grauiter vulneratus remanserit. Aliàs cum aggressi sunt, cum gradus altaris (sanctissimum Eucharistiæ Sacramentum sumpturus) ascenderet; tentauerúmque prostertere, & ad terram allidere; sustinere eum non valentes in hoc compendiofo summæ Religionis Christianæ negotio, ex quo vires exhaurebat, quibus eos superaret. Vt plurimùm huiusmodi tenebrarum Principes nocte concubiâ cum exagitabant, idque duobus principaliter modis. Primus erat totus ex arte, versutia, laqueis & vafritie: alter in oppugnationibus manifestis, & variis durissimorum quibus eum cruciabant tormentorum generibus.

Anno 1629. secundâ Octobris, dixit Confessario suo se nocte præcedente grauiter à Dæmonibus oppressum fuisse, qui sollicitè & impensius comparare se videbantur ad ipsum comburendum, sed inclamando Deum, ha! mi amor erue me, statim se ab ipsis fuisse liberatum; post quæ sentiebat eos cirum se concursantes & quosdam clamores emittentes. Eodem anno die 13. Nouembris dixit ei, quendam Dæmonem, multam sibi nocte præcedente intulisse molestiam: in tantum vt coactus fuerit disciplinam accipere, multâ experienciâ doctus quantum Dæmones hoc macerationis genere torquerentur. Cùmque orationi se dedisset, identidem conspiebat eum, ac subinde transiens & iterum pertransiens, circumagebat eum, quasdam emittens etiam sensibiles voces. Aliàs ei dixit, Dæmones se aliquando ita grauiter excruciasse, vt ipsi videretur se quasi ardentibus facibus comburi, aut pugionibus & lanceis confodi, adeò vt acerbissimos pateretur dolores. Similiter dixit cuidam Religioso sibi summè addicto, quadam nocte plus quàm viginti Dæmones simul conuenisse vt ipsum torquerent, sibi que visum fuisse quod ipsi digitos, & om-

nes corporis nervos subulis perforarent, indéque maximos dolores sustinuisse.

Refert etiam eius Confessarius didicisse se ab eo 10. Decembris 1629. ipsum à tribus Dæmonibus multum præcedente nocte fuisse vexatum; eorum vnum, quem veluti carneam molem durissimam super se sentiebat, ipsi manus grauter compressisse; audiuisse eos quasi ridentes & inuicem colloquentes de doloribus quibus eum opprimebant, & triumphum agentes quod non posset se ab eorum manibus eripere. Sub noctis iritium Dæmonem, lumine quodam suum cubiculum collustrasse (licet enim cœcus omnino, esset tamen candide fulgorem utcumque obseruabat) ut scilicet ipsum in superbiam impelleret, sed conuertendo se ad hoc lumen, despexisse illud, & illico euanuisse. Denique ipsum aliàs huiusmodi sapiùs ementita in suo cubiculo lumina signo Crucis fugasse, sed paulò post rediisse. Multi sapientes & virtutibus insignes Religiosi, huiusmodi vidère lumina, insolitos ex eius cubiculo audire strepitus & fragores, verba quæ Dæmoni loquebatur, clare & intelligibiliter excepere, & intrantes ex tempore in cellam eius, eum ab angustia sapiùs eduxere.

Verum nihil restat superaddendum iis quæ ipsemet in suis exercitationibus scripsit, etsi, ut se pro more suo abscondat, alteri tribuat quod ipsemet est expertus. Hæc sunt eius verba. *Quamcumque perfectionem attigerimus in hac vita, quia nihilominus impeccabiles omnino non sumus, & absque culpa: Permittit Deus Dæmonibus exercere nos, & affligere, speciatim de nocte dormientes, & aliis pluribus modis. Sentietis (inquit inferius) dormiendo huiusmodi diabolicos conatus, & videbitur vobis quod omnia corporis vestri ossa grauissimis & asperrimis aculeis vobis perforantur, qui vos maximis doloribus afficiunt: sed eodem tempore agnoscetes esse duntaxat iratorum Dæmonum irritas contentiones, non tantum aquanimiter, sed etiam cum gaudio eas patiemini. Aliquando etiam persentietis eos laborantes, insudantes & gementes circa vos, quasi fractos, desectos & planè denectos. Sic aufugient miseri & confusi; vos autem subito expergesciti, laeti omnino eritis.*

Apparent (inquit in suo armario mystico regula 22.) modo clanculum, modo aperto Marte, modo suggestionibus, perturbationibus, & internis motibus, modo sub diuersis figuris, omnis generis horribilium &

& crudelium bellarum ferocientium, & quasi ad deuorandum se comparantium. Per hoc apparitionis verbum intelligit sensibilia tormenta, de quibus statim subinde loquitur. Aliquando manus eius arripiunt quem aggrediuntur, videntes & insanientes circa illum mille immoderationibus & ineptiū. Nonnunquam lachrymantur more infantium; aliquando suauiter canunt, &c. Et regula 25. Nonnulli inquit stulide lasciuunt in suis illusionibus, ut ipse ego aliquem vidi emenientem circa me tintinnabuli sonum: & eo magis hisce delectantur ineptiis, quo vident eas magis mouere & ludificare; alij denique in summo nocendi gradu operam suam nauant.

Omnis autem fortis nostri Israël, contra tot conatus oppositio, vna erat in Deo suo perfecta confidentia, cuius in conspectu stans, & iugi aspectu, hæc omnia de manu eius amantissima suscipiebat, voluntati eius planè permissus; cui adiungendum est ardens eius, & inuictum quocunque tandem modo, & in omni genere patiendi studium: hoc clypeo singulari tuebatur se contra omnes, tot & tantorum infernorum Principum idus; ex hac pharetra sagittas deprompsit, quibus hos confixit hostes, & omnem tartaream miliciam tories profligatam semper victor existens gloriose triumphauit.

Nonnunquam in ipsis durioribus exercitiis viuâ voce congregiebatur cum huiusmodi infaustis spiritibus, super eorum cecitate; vocans eos canes, talpas, cæcos, inhabiles ad Deum vnquam videndum, proindeque hominibus inferiores, vtique hoc summo bono diuinâ eius pietate aliquando fruituris. Aliquando cum eis contemptim duntaxat agebat, prorsus despiciens omnes eorum conatus, quasi nequidem perferiret eorum tormenta & oppressiones; aut eos obiurgans, & verbis contemptibilibus insectans. Quod eos mirum quantum, dissecabat propter rabidam eorum superbiam, quæ nec minimam deiectionem, nisi ægerrimè sustinere potest. Ex hac sua agendi ratione regulam decimamquartam mystici sui armarij exscripsit, quæ talis est.

Quando visio aliqua, aut exterior sentatio Demonum sub quacunque forma aut hominis, aut bestiarum apparebit, consultum erit signo crucis se munire, mentem in Deum feruentibus amoris actibus efferre, sicque summo bono ardentibus & assiduus affectibus, adharere. Insuper conueniens erit Damones exterius aspernari, eosque deridere, non magis attendendo

tendendo ad eorum insanas vexationes, quàm si eas non molirentur: cum hac omnia non nisi Deo permittente, & in eius conspectu fiant; qui hanc potestatem Daemonibus ad hoc concessit, ut eosdem in sanctis animabus triumpharet, & hac dona sua sublimia, stabilesque gratias quas nunquam amitterent, exinde compararent; si tamen satis habebatur fortitudinis & confidentie in Deo, ad egrediendum extra se; licitum erit eos fannis & disceritiis perstringere, & cum eorum verbis contendere, inanem eorum & temerariam arguendo dementiam, arrogantemque audaciam, sic aduersus Dei famulos, aut ut melius dicam aduersus Deum ipsum in seruis eius attentare & machinari. Deinde consilium hoc subiungit regula 12. Cum audientur Dæmones canentes, & huiusmodi ineptiis circa se ludiones agentes, dicatur ipsis. Si sic canere possitis cum in inferis, flagellabimini, quam benè vobis esset: aut, ite in infernum flagellis & ictibus (supra cadentem grandinem iteratis & frequentioribus) excipiendi; & dum vexabimini ex rabie, de interitu vestro & aeterna damnatione ridebo.

Et reuerà mens hæc erat fortis huius nostri bellatoris, eos qui patientiâ suâ, silentio, & aliis heroïcis virtutibus Dæmones superarunt, dominari deinceps in eos summo iure; & hos infaustos spiritus tantùm pudere sui infelicitis exitus: ut malint hîc victoriarum suarum potestati, & obedientiæ iugo (licet ægrè) mancipari, quàm ad inferos reuerti. Quod noster Mysta maximo ducit miraculo, de quo insuper mirabiles tradit institutiones in suo armario mystico. Vnde colligere est quantam habuerit in Dæmones potestatem, ex tot tantisque victoriis, quas aduersus illos per quadraginta annos reportauit, & si verè dixerit ipse Dæmon cum exorcismi virtute, per os eius quem possidebat, agnouit Fratrem Ioannem à sancto Samsone multùm omninò contra se posse, & merito quidem; quia ab inuictò hoc athleta semper fuerat deiectus; cœcum fuisse verè oculatum, & clarissimè videntem, hominem austerum, non delicatum, ut benè multos etiam spiritualem vitam & perfectionem profitentes. Hoc testimonium tribus aut quatuor annis post obitum Fratris Ioannis à sancto Samsone, à Dæmone egressum est; & cum applicita est eius imago ad caput incesse à Dæmone, nescientis quisnam esset, aut quidnam fieret: satis indicauit vehementibus suis moribus, flexibus & contractionibus, agentem se Dæmonem grauitè hac impositione torqueri.

Quod

Quod si, quando ita subacti Dæmones ab artes & vauaframenta confugerent, tentantes eum & inducentes ad superbiam & vanitatem, putà fatentes se victos, constantiamque eius & magnanimitatem commendantes (quod vltimum esse dicebat Dæmonum stratagema atque perfugium:) tunc eo se modo aduersus eos habebat, quo scripsit in suo armario mystico. *Primum oportet se crucis signo munire, exinde insufflare & conspuere in Dæmonem, sed istud oportet animose fieri, audacter & hilariter, abiiciendo & humiliando se semper altissime coram Deo in sui veritate nihili. Poterunt adhuc sic derideri & subfannari. Etiam, dies venit, in qua homines infirmi facti sunt instrumenta Dei, ad vincendum vos & superandum ope gratia eius sancta. Vos qui ex Angelis luminis facti estis Dæmones diffirmitatis tenebrarum, & æterna damnationis. Vos victi estis; precipio vobis, & adiuro vos per Deum, ut eatis ad inferos nuntiare Principi vestro, Deum vos subegisse misero hoc peccatore hominum omnium vilissimo; proinde ipsi soli sit gloria, vobis confusio & æterna damnatio.*

Sic Fidelis Christi miles sibi ipsi semper attentus, nullum vulnere dabit locum; sed ubique sollicitus, & tam foris quàm intus inuigilans, nullum naturæ non respuebat appetitum & motum; sciens apprimè, ut ipse nobis Scriptis mandauit in suo mystico armario. *Quot habent homines diuersi generis propensiones & affectus, tot habere Dæmones ad se instigandos. Et remittere se manifestè in suis exercitationibus, tam spiritus quam corporis sibi nimium indulgendo, & liberiùs viuendo, esse Dæmones admittere iuxta se, & eorum concilia promouere. Huiusmodi enim Dæmones singulariter delectantur, cum vident eos qui perfectiorem Dei profitentur amorem, tam parui pendentes opere adimplere, quod verbis afferunt. Dicebat insuper animas destinatas ad altiore gloriam gradum, habere etiam sibi aduersantes fortiores Dæmones, & vehementiores perferendas oppugnationes: Essèque nonnullos, quos Deus huiusmodi durissimis exagitationibus disponit ad possidendum in Cælo Dæmonis eos acriùs cruciantis gradum; quin etiam eorum aliquos plus habere gratiæ & amoris Dei, quàm ipsos beatos Angelos. Sed dimisso, aut potius commisso, sublimium harum meditationum iudicio, eas infundenti Deo, subiectum hoc diutiùs protractum absoluo. Remittens lectorem plura seire cupientem de huiusmodi Dæmo-*

num impugnationibus, ad varios, quos sapiens hic noster Cœcus de iis conscripsit tractatus ; in quibus prouidum erit agnoscere vix esse alium qui Dæmonum artes & versutias aduersus animas quas Dei gratia ad perfectionis effert apicem, doctius clariúsque prodiderit. Hæc enim abundè sufficiunt ad propalandum copiosum & supereffluens (de quo hic agimus) Dei Donum. Itaque de Cœci nostri Samsonis fortitudine sat esto.

C A P V T S E X T V M.

De Dono Pietatis.

Amplissimum habet & latissimum pietatis domum, sicut & virtus, obiectum ; vt enim hæc, non solum Patri carnali officium exhibet & cultum, sed etiam omnibus sanguine iunctis, secundum quod ad Patrem pertinent : ira & istud non tantum Deo vt spiritali Patri, qui vt ait Augustinus 10. de ciuitate Dei est omnium parens : sed etiam omnibus hominibus ; in quantum ad Deum referuntur. Directam erga Deum pij nostri Cœci pietatem, & intimum cordis affectum, non est quod hic attexamus, cum ipse, per se plusquam satis innotescat ; & ex omni hac elucubratione, Sole clarior effulgeat. Erga Deiparam verò singularem eius (vtique Ordinis) Matrem, Sororem, & Patronam : hereditariam & quasi materno cum lacte emulsam primum à parte subiecit. Quibus hoc vnum addimus, scilicet tantum increuisse hanc quæ in seculo inceperat pietatem, per triginta circiter annos quibus ei religiosissimè in ordine famularus est ; quantum & ipsius perfectionem vitæque sanctimoniam. Vnde eius celsitudinem & excellentiam ita venerabatur, demirabaturque, vt diceret (quod de Deo Theologi loquuntur) certior, agnoscendi magnitudinem eius, & perfectiones exprimendi, esse negationis viam. Erga sanctissimum eius sponsum mirabili pietatis sensu pariter afficiebatur, colebaturque singulari obseruantia vt verum Mystrarum (qui hinc inter homines ignoti degunt) defensorem & principem ; cuius eximiam sanctitatem in hac incognita, & in Deo abscondita vita constitutam volebat. Solebat cum vocare Angelum

Angelum incā natum, electum à Deo ad incarnati Verbi sui mysterium, cooperatorem strenuum; ut esset ei Pater in terris, & Matris Virginis integritatem, integerrimus & ipse virgo custodiret; arbitraturque sanctum adhuc in utero matris, & simillimam duxisse vitam omnem, ei quam vivebat Adam, antequam per peccatum congenitā innocentia stola priuaretur. Hæc singularis eius erga sanctissimum hunc Patriarcham pietas, & religio, mouit eum ad ei reformationem nostram enixè & instanter commendandam, ut videre est in cantico, quem ad eius honorem scripsit, ubi eam confidenter ipsi credit, & ut suam commendat, tanquam omnium contemplatiuorum, & in lege Dei die nocteque meditari profitentium, Patrono & defensori. Quam commendationem ratam habentes Patres nostri, ipsius simul & sancti Caroli Borromæi tutelæ ac patrocinio, humilem nostram obseruantiam solemnem omnium voto fidenter consecrarunt, & humiliter æternū manciparunt. Diximus etiam prima parte de summa eius Sanctarum reliquiarum veneratione, & de singulari erga omnia diuinum cultum religionemque spectantia pietate. Restat igitur ut agamus de ardenti quo æstuabat desiderio, cum subueniendi animabus flammis lustralibus additis: tūc earum quæ secum hîc degebant, salutem promouendi.

Singulis diebus multifarias lucrabatur indulgentias, pro animabus piaculari carcere detentis; aliosque Religiosos ad idem eis præstandum obsequium, frequenter excitabat; in tantum ut hæc consuetudo exercita in Conuentu nostro Rhedonensi, & sollemnis esse cœperit. Habebat propterea multa numismata & grana benedicta, quæ plusquam triginta Religiosis, diebus singulis commodabat, ad subleuandos huiusmodi animarum cruciatus. Hæc commiseratio quæ semper ductus fuit erga illarum miseriam, vehementer aucta est, postquam ex Dei dispositione, vidit horrenda quæ anima Fratris sui patiebatur tormenta, in hoc inclementi igne, & hominum culpas immisericorditer vleiscente. Vnus nouit Deus quot præter hanc alias liberauit; cuius habemus insignia duo (& digna quæ hic subiiciantur) testimonia. Primum est quod cum in Conuentu Dolensi esset grassante peste, signo sensibili præsentem se dedit ei anima, suffragiorum ipsius inclamans interuentum; & voce gemebundâ suo nomine compellans

pellans (*Frater Ioannes, Frater Ioannes*) quod postea confessus est Religioso, qui secum in Conuentu restiterat; cuius nomen erat Frater Oliuarius, à quo & nos ipsi didicimus. Alterum est anni 1628. in quo anima Religiosi nostræ Prouinciæ, nobilium in seculo natalium, & summæ eruditionis in clauistro, Romæ vita functi, apparuit ei ipsâ die sui obitus, eodem, quo alia, signo sensibili; id est suauis aliquâ susurracione, per quam sapiens hic cæcus ex tempore Dei consilium assequebatur. Ad hoc igitur conuersus signum, vocem audiuit nomine suo se vocitantem, cui cum respondisset quid vis? Dic liberè quid velis, nihil ei repositum est, sed orationi incumbens, statim eâ finitâ Superiorem adiit; rogauitque vt Religiosorum suorum precibus, vni è nostris hac die defuncti, suffragari curaret. Postea comperitum est hac ipsâ die Religiosum hunc Romæ è viuus excessisse.

Hæc fuit eius familiaritas & singulare commercium cum animabus in charitate Christi, seculo defunctis: hæc eius, cruciatuum illarum, & tormentorum commiseratio; & in his subleuandis, suis orationibus accurata fidelitas; eò perfectiùs necessitatem eorum & inopiam intelligens, quò semper in dies rigidissimum amoris experiebatur purgatorium, in mysticis mortibus suis & angustiis, quæ verè sunt horum cruciatuum, & vlticium iustitiæ Dei post hanc vitam pœnarum effigies, & simulachrum. Nec minor erat tam pro viuis quàm pro mortuis semper ardens eius charitas, vtrâque scilicet ex eodem diuini amoris igne, quo indefinenter cor eius conflagrabat, simul erumpente. Sed antequam ad istam conuertamur, vnum adhuc superest vtramque commendans, quod nobis exciderat, specimen subiiciendum.

Cùm primò consilium initum est auocandi fratrem Ioannem à sancto Samfone è Conuentu dolensi in Rhedouensem; erat tùm prior in isto Conuentu, venerabilis senex sacre Theologiæ doctor, dictus R. P. Simphorianus Godiuerius, qui agè ferens subtrahi sibi Religiosum, quem communitatis suæ facem, & regularis disciplinæ columen, quotidie comprobabat; eo vno nomine Rhedonas venit, vt instanter expostularet hoc sibi non negari summè exoptatum solarium, posse mori inter brachia optimi huius fratris, in quo vno, pro extremo hoc vitæ suæ discrimine, singulariter confidebat. Huic ingrato omnibus discessu totum
etiam

etiam se Dolensis Conuentus opposuit ; vnde & in aliud tempus auspicatò dilatus est : Nā paucis interiectis diebus Prior iste grauissimā febre correptus , in deliramentum & phrenesim incidit , eum tam horrendis corporis cōmotionibus & contractionibus : vt à medicis derelictus , & à suis Religiosis desperatus , plane vnicum superesset salutis eius perfugium , fratris Ioannis à sancto Samfone oratio , & auxilium. Hic per multos dies mirabili spiritus feruore aegrotum allocutus & exhortatus est ; sed iste alia non habebat responsa , quam horribilia verba , omnes etiam securiores terrentia ; dicebātque nonnumquam perditum se esse atque damnatum. Ad hæc pius noster Cæcus in terram prostratus , Dei gratiam & misericordiam pro agonizante instanter exorat , vt scilicet sui compos Ecclesiæ sacramenta posset suscipere. Interea aegrotus lethargiā correptus , visus est omnibus hoc in statu iam iam moriturus : Non despondet tamen animum fidelissimus custos noster laicus ; sed altā voce lethargicum compellans , tam potenti efficacique sermone alloquitur , vt ad se illico reuersus , oculos primū coniciens in fratrem , enixè eum obsecrārit ne se desereret : Confessarium postularit , & sacramētis Pœnitentiæ , Eucharistiæ , & Extremæ Vnctionis munitus religiosissimè & summā cum deuotione animam Deo reddiderit : agnoscens non siue effusione in gratiarum actiones , antequam moreretur , fidelissimo huic assistenti salutis suæ se esse debitorem. Et reuera idem ipse , Superiori cuidam retulit quasi diuinitus acceptum , defunctum de salute suā grauiter fuisse periclitatum ; rogauitque vt animam eius multū in purgatorio patientem precibus suis commendatam haberet.

Quod spectat ad viuos incredibili salutis animarum æstuabat zelo , milliesque vitam exposuisset vt eas Dei amantes exhiberet ; tenerrimè ingemiscens de leuiori & permolico maximæ partis Christianorum , propriæ salutis studio ; mille gemitus super hoc elicit in suis contemplationibus & amabiles plangitūs. *Ipse* : amor meus , inquit , & vita mea , vtinam omnes homines sentirent quod ego per-sentio & viderent quod ego video ; tunc & ipsi concupiscerent sed amabili necessitate quod ego , nulli conferendo , indicibili , & indeficiente , languore concupisco : quid est hoc ? ignis accensus est in omni terra , vt omnia comburat , & tamen tam pauci comburuntur , paucioresque adhuc

in eo consumuntur ? & cæcitas miranda & ingemiscenda. Ha : inquit *alibi, incomprehensibilis miseria ! ergo-ne hominem, qui ad hoc creatus est, ut sit Deus : in carne manere :* Attamen aiebat sub obtentu Dei honoris & gloriæ, non esse zelandum contra malos, nisi officij ratio cogeret ; non quod culparet amabiles animæ affectus con-querentis cum Deo de peccatorum excessibus & immoderationibus : sed quia hostis erat apertus, e mentiti zeli, quem superbiæ pallium nuncupabat, cui impotentis animi motus, & indignatio frequenter adiunguntur. Vnde & erga omnes summa cum suauitate & benignitate se habebat, dicens perfectæ esse charitatis & humilitatis dumtaxat, aliorum defectus & inordinationes perferre. Et ex hoc caractere eos discernere solebat ; qui in interiori vita multum erant profecturi ; asserens audacter ; non sustinentes aliorum defectus, mortis & abnegationis spiritualis esse incapaces.

Erat etiam eorum inimicus qui cum charitatis dispendio iocantur, ridiculisque modis proximorum facta ementiuntur & pro theoremate habebat, vbicunque hic reperiretur defectus, ibi ne scrupulum quidem esse diuinæ simplicitatis ; quæ tamen indicium esse debet & insigne animæ veraciter à Deo motæ. Tanta etiam afficiebatur commiseratione, & teneritudine erga aliorum infirmitates & afflictiones, vt illis multò maius quàm suis propriis commoueretur ; dicerétque eum omnem, qui Deo fidelis est, currere indubitanter, in omni euentu, ad iuuandum in necessitatibus proximum ; nec vmquam tædio aut temporis diuturnitati succumbere ; de quo nobis (dignum certè quod æternitati mandetur) hoc tradidit effatum, scilicet veram fortémque charitatem nec præceptum quærere nec debitum, ad iuuandum proximum, sed ansam dumtaxat, & copiam.

CAPVT SEPTIMVM.

De donis Scientia, Sapientia, Consilij & Intellectus.

Naturæ dotes & dona commendare in homine naturâ penè nexuto, qui eam quoad vixit quantum potuit infectatus est, & suppressere (vt cum eo loquar) atque exinanire pro viribus ad exanimationem vsque contendit: fortasse videbitur incongruum, & à ratione quasi alienum; Quia tamen naturam non destruit, sed perficit dumtaxat gratia, & (vt nos D. Thomas edocet) quos Deus ad aliquid eligit, ita præparat & d sponit, vt ad id ad quod eliguntur inueniantur idonei: fatendum est, electum à Deo, vtriusque authore, naturæ dico & gratiæ, humilem hunc cæcum, vt per eminentem contemplationem, mirabilemque quam præ oculis habemus perfectionem, nostræ reformationis & strictioris obseruantia, per tot iam tum prouincias, & vniuersum fortè ordinem diffundendæ; basis fieret, columen, & firmamentum; hunc inquam præuentum fuisse à Deo, non ignobilibus naturæ donis, sed acri ingenio, subtili intellectu, & fortè firmoque iudicio fuisse ditatum; vt diligentius inquirenti, & gratiam à natura segreganti, in omnibus eius operibus, distinctis & scriptis tam in seculo quàm in ordine, facile patebit. Quæ quidem dotes, & naturæ dona habuere se ad gratiam, & spiritus sancti charismata, non secus ac palæ aureæ, aut argenteæ, quibus pretiosissimæ gemmæ ab industrio aurifice eleganter inditæ sunt, vt & in aliis benè multis, accidit insignioribus sanctæ Ecclesiæ luminibus. Tres huiusmodi gemmas timorem scilicet, fortitudinem, & pietatem in optima indole, & ardenti ad amplectendum bonum propensione, aliisque multis, vis eius appetitiuæ congenitis dotibus, diuini us insertas vidimus: Superest vt eximias vis eius rationalis subiectas supra dotes, quatuor etiam intellectualibus donis, velut quatuor pretiosissimis margaritis scientiæ scilicet, sapientia, consilio, & intellectu, pariter exornatas & locupletatas breuiter comprobemus.

Donum scientiæ supernaturalis infusum Fratri nostro Ioanni à
sancto

sancto Samfone inficiabitur nemo, qui cœcum ab incunabulis, ac proinde paucissimis rerum visibilium speciebus instructum, nullo scientiarum naturalium, nisi leuissimo Latinæ linguæ tinctu infectum: nihilominus apprimè differentem de rebus naturalibus, cæsq; inuicem, & cum supernaturalibus doctissimè confonentem, curiosius obseruabit. Quis enim eo altius vitæ Spiritualis & contemplatiuæ penetravit arcana? Quis naturæ genium, appetitus, & instinctus, subtiliùs expiscatus est? quis creaturarum ab auctore suo dependentiam, & subordinationem naturæ ad gratiam perfectiùs agnouit? Sufficiat, horum paucissima eum latuisse, quibus instructi, eruditi habentur & Magistri. Quamquam hæc omnia more Apostoli existimaret detrimenta propter eminentem scientiam Iesu Christi, propter quem omnia arbitrabatur vt stercora. Exinde, inquit in suis contemplationibus, *possemus ansam arripere omnem hanc explanandi veritatum abyssum, omnibus omnis generis sensibilibus & manifestis per totam elementarem naturam demonstrationibus; sed omnem pro viribus explicitatem semper diffugi. Decet nos quàm optimè doctissima ignorantia, siquidem infinite amantes, abhorremus à naturali scientia, quæ panis est hominum duntaxat moralium. Sed infinite plus dico, nolle nos etiam intimi amoris scientiam, & tamen fit per eundem amorem, tantò excellentiùs, mirabilibùsq; nos eâ perfundi quantò minùs eam desideramus, & de ea cogitamus.*

De diuina Sapientia tam multa dixit, & conscripsit, vt nil frequentius haberet in ore: de quo certè vt de plenissimo fonte, velut torrens innundans semper profluere & iugiter manare visa est: quod omnibus qui aliquâ eius consuetudine vsi sunt, vel scripta eius vtrunque perlegerunt adeò notum est, & manifestum; vt probatione non indigeat, & ampliori sermone. Porro tam sollicitè eam coluit, tam tenerè dilexit, tamque vehementi studio in omnes homines effusam concupiuit; vt humanam illam moralium hominum Sapientiam, intra naturæ leges duntaxat inclusam, ferre non posset; in hancque præ amore istius; velut in aliquod horrendum monstrum, sibi intolerandum sapiùs inueheretur. Quod certè sicut condonandum est amoris eius excessui: ita & illum efficacissimè probat: illarumque non segniter ponderandum discrimen euidenter arguit. Maximè vero istius dignitatem & excellentiam

excellentiâ in suis scriptis frequenter expressit, cuius specimen, instar omnium, breuiter hic subiicio. *Nostra*, inquit, *sapientia non est sicut antiquorum Philosophorum sapientia, sed diuina, non ei vacamus ut speculatiua Scientia studio, sed arctissimâ animarum cordiumque nostrorum unione cum Deo, à quo excellenter abundantèrque amorem & sapientiam quasi vnum accipimus; cuius ope cum prudentia (qua eâ digna est) ubique operamur; omniâque opera nostra diuinitus temperamus; nec unquam ab ea sicut nec à Deo, vel minimâ extrouersione discedimus. Talis est in nobis iugis sanctissimi Spiritus effectus, qui ineffabili suo amore omne quod reperit imperfectum, absūmit.*

Quæ supra diximus capite tertio huius tertiæ partis de cœca Cœci nostri obedientia, ferè omnia ad donum consilij pertinent; Eius enim quam illic astruimus ad omnes diuinæ voluntatis nutus, perfecta mobilitas, quid aliud est quam doni huius certissimus effectus, per quod Spiritus sanctus ita voluntatem eius ad diuinam composuerat & conformârat, aut potius in diuinam conuerterat; ut prorsus deiformis esset, nihilque amplius nec intus, nec foris operaretur, quàm diuino eius motu iugiter acta; in tantum ut Deus ei nonnunquam signo aliquo sensibili & externo voluntatem suam aperiret. Die quadam cum simul conferrent ipse & Confessarius eius, audierunt distinctè quasi pulsan-
tis manus alicuius ictum super mensam cubiculi in quo erant; statim intellexit Frater, hoc propter se datum esse signum, continuoque surgens ait Confessario, commoneri se à Deo, collatum satis esse, proindeque discedendum; quod ei & sequenti die confirmauit, addens insuper quod (si non discessisset) longè alium multo maiorem fragorem audiissent. Quod item aliàs à multis è nostris multifariè est auditum. Adeoque omne tempus eius mensum erat diuinitus; ita ut ne momentum quidem vnum amitteret. Deus enim eum certiore faciebat aut interius, aut huiusmodi externâ significatione, aut quouis alio modo, cum tempus erat à colloquio, aut quouis alia actione cessandi. Agnouit etiam se, cum aliquando pulsaret Manicordium, signo quodam sensibili ex imo instrumento audito, ut cessaret, fuisse diuinitus admonitum.

Obseruauimus anrè, solitum fuisse, summo mane ad sacram synaxim accedere, ut famelicum suum languentemque expleret

P

panis

panis huius cœlestis appetitum ; & plus temporis haberet ad consumendas species Sacramentales ante refectiōem ; quadam autem die propter aliquam causam quæ ei sufficienter vrgere videbatur, volens etiam antequam sacrum audisset, sanctissimam Eucharistiam participare ; Deus illi sensibiliber testatur fecit, hanc apud se actionem non probari ; ascendens enim altaris gradus, ut sanctissimam sumeret Eucharistiam, prohibitus est, & quasi manu inuisibili detentus ; statimque intelligens quid hoc significaret, descendit, & pro more Missam audiuit ; quâ finitâ liberrimè sacram synaxim adiuit.

Donum Intellectus à Sapientiz dono sæpissimè indiscretum in scriptis eius habemus ; tribuens scilicet in sua simplicitate (quam accuratiori diuisionis gratiarum, & donorum Dei disquisitioni, semper anteposuit) multiformi Dei Sapientiz, & hoc discretum ab ea Spiritus sancti donum ; quod & ei pariter infusum ex eius variis effectibus certissimè colligimus. Enimuero assequebatur in instanti mysticum sacræ Scripturæ sensum, quam singulari prorsus obseruantia & amore prosequēbatur, sciens illam memoriter ferè integram. De difficilioribus Theologiæ quæstionibus appositè omninò differebat, & eruditè loquebatur. Germanum Patrum Ecclesiæ comprehendebat sensum, quorum benè multas dum ipsi legebantur, collegerat spirituales sententias ; quas etiam in modum Paraphrasis exposuerat, ut videre est in eius operibus. Denique homo erat verè Theodidactus, in Spiritus sancti Scola edoctus. *Non sumus inquit absque sufficienti Dei scientiâ, per quam explicaremus si nobis esset collubitum, Fidei nostræ mysteria, simplicitate altissimâ, excellentissimâ, summè intellectuâli & profundâ. Quod si nos daremus ad ratiocinandum ; diuinarum rerum rationes excellenter possemus explorare ; sed & istud nolumus, contenti manere inclusi, & absconditi, tanquam mortui & viuentes in nostrâ diuina viuente sepultura, quæ Deus est.* Porro quod mirantur singulariter hoc in Laïco docti ; est utique cogitationum eius & rationum perspicuitas, atque accurata omnium eius verborum & sensuum cum naturalis & supernaturalis veritatis legibus consensio atque conformitas ; ut ex hoc duntaxat, merito astruatur (veluti necessarium in eius anima, & superabundans) hoc Intellectus Spiritus sancti donum.

CAPVT OCTAVVM.

De Dono Prophetie, aliisque gratis gratuitis.

Quia fortium ingeniorum (quibus hodie abundamus) & sagacitas, & eruditio, multa quæ de Sanctis leuius astruuntur, non insipienter cribrat & explodit: dum qui scribunt, sibi indulgentes, affectui suo erga Sanctum magis student, quam veritati, & pietati ducunt mendaciola confingere vt Religionem, Sanctitatemque commendent: Libenter abstinemus à multis non inuerisimilibus, quæ possemus hîc attexere, vt sanctimoniam Fratris nostri, & gratiæ apud Deum, fidem ampliorem adrogaremus: ne dubia pro veris supposita, & incerta certis interpolata, veritatem omnem apud cordatos viros, & pro vna stantes non cespitante veritate, labefactarent. Itaque nobis erit satis si dixerimus, videri Deum dono Prophetiæ eum in multis decorasse. Cum enim adhuc esset in seculo, prædixit R. P. Matthæo Pinaldo, vt supra dictum est, multorum ingressum in Observantiam & Reformationem Carmelitarum Rhedonensium, qui eam fulcirent, tuerentur, & propagarent. Deinde Religiosus factus, prædixit ei pacem anni 1620. inter Regem Ludouicum XIII. felicitis memoriæ & Reginam eius matrem: asserens hanc pacem, eo temporis articulo fore concludendam (vt reuerâ accidit) quo bellum fortius instare crederetur. Similiter inquisitus ab eadem Regina Maria de Medicis, in vltimis suis offensionibus, quid ipsi videretur de suis negotiis, prædixit (vt ante notauimus) in prima quidem Maiestatem suam, post aliquot tempus ab hac afflictione futuram liberam: sed in secunda debere se comparare ad multam patientiam: quod euentus verissimum comprobauit. Mulier quædam iunior, ægrè ferens, quod ex matrimonio prolem non susciperet, orationum eius coram Deo exorauit interuentum: annuit ipse votis eius, & futuram breuî matrem spondit: sed & prædixit, huiusmodi gaudium diu non permansum: quod reuerâ vt dixerat accidit, mulier enim peperit filium: sed non per diu lucis vsurâ potitus est.

P 2

Quantum

Quantum fuerit oculus noster Cæcus in discernendis spiritibus, vitæ eius series, & scripta amplissimè demonstrant. Cum ei Dæmones laqueum parabant specioso obductum sipario, illico fraudem explorabat & artem, etiam antequam excuderentur. Ita versatus erat in omnibus eorum insidiis, ut nihil aduersus eum proficerent; sed in omnibus congressibus confusi semper & ignobiles ab eo recederent. Naturæ verò callidiores motus & instinctus quis perfectius agnouit? Dixerim liberius vix alium reperiri, qui versutias eius & dolos altius sit perscrutatus; utpote qui subtiliores eius radices incunctanter euellere, & ut ipse loquitur, suppressere, quoad vixit nunquam destiterit. In aliis, verò etiam nullius regimen priuatim suscepit, semper tamen perfectè eam (quantum fieri poterat) expiscatus est, quod videre est ex sapientibus & viribus consiliis, quæ omnibus, omnis status & conditionis cum adeuntibus, semper & ubique dedit. Generalia verò, sed ei propria (quæ in hoc genere plurima edidit theoremata) vberem hanc & supereffluentem comprobant gratiam; inter quæ hæc duo multifacienda ducō, quæ penultimo subiicimus capite. Primum est, vnius esse perfectæ charitatis & humilitatis duntaxat, aliorum defectus sustinere, & ex hoc charactere eos debere discerni qui in interiori vita multum erant profecturi. Alterum, eos qui cum charitatis dispendio iocantur, modis ridiculis aliorum facta eminententes; nec scrupulum quidem diuinæ simplicitatis habere. Sed audiamus eum semetipsum prodentem, & quid de se sentiat in hac materia pro suâ summâ simplicitate liberè confitentem. *Quando (inquit) dixi spiritualem iudicare omnia & à nemine iudicari, non fuit mea mens dicere, & infinite minus credere, non conuenire sanctæ Theologiæ nos iudicare in iis quæ ad fidem pertinent; sed hoc dicimus iudicare nos omnia ut de omnibus quæ spectant ad strictiorem bonorum morum perfectionem, quod utique scientia est, subordinata dono Sapientiæ à Spiritu sancto infusa; scientia inquam quæ continet discretionem spirituum, ad omnia patefacienda, omnia diiudicanda, & omnia ordinanda, super euentu quocunque, sensu instinctu, & lumine natura; spiritum eminentis Dæmonum, aut Dei ipsius, & eius gratia.*

Quod spectat ad gratiam curationum, dicere possumus primò fuisse Nouitiatus eius tyrocinia, in quo præsentissimum & efficacissimum

cissimum sancti Spiritus donum, abundè probauit in innumeris penè febricitantibus, quos vndique ad se accedentes, & singulis diebus mane post dictam Primam ad Ecclesiàm nostram simul conuenientes, omnes (quotquot se se offerebant) publicè curauit, & perfectæ sanitati restituit. Sed non sunt hic repetenda quæ fusè satis primâ parte deducta sunt, cum illic habeamus huiusmodi Fratri nostri curationum gratiam, ab illustrissimo Dolenfi Ordinario palam exploratam, & solemniter comprobaram.

CAPVT NONVM.

*Summa eius Religio erga sanctissimum Eucharistiæ Sacramentum,
& quomodo sacræ species ad sex horas in eius
stomacho permanebant incorruptæ.*

EXpertus hanc veritatem si quisquam alius, noster Frater Ioannes à sancto Samsone, quam nobis de se prodidit ipsa: inet incarnata veritas (*ignem veni mittere in terram, & quid volo nisi ut ardeat.*) Maximè in augustissimo Eucharistiæ Sacramento, vrique huius ignis centro, ardores eius, æstus, feruores, & omnes verè mirabiles diuinæ conflagrationis, persensit effectus. Vnde & eius tantò tenebatur desiderio, tam ardenti studio, sensu, & affectu in illud ferebatur, & erumpere solebat: vt mirum sit quomodo de eo loquatur in suis exercitationibus. *Tuus est ignis* (inquit) *qui accensus est in terra, & cuius flamma super omnes Cælos ascendit, rapiens omnes beatos, & homines intimos tuos amicos; siquidem hi cum tua persona & Maiestate accipiunt omnem tuum ignem, ut ita loquar, omnem tuum amorem, omne tuum bonum, & omnia tua dona. Idcò quòd magis te comedimus ò amor meus & vita mea, eò maiorem tui famem & sitim patimur; nòsque abundantius reple & satias infinitis tuis deliciis, ad totalitatem amorosa tua fornacis; quæ nos adeò suauiter uris & consumis, ut illic deficiamus & expiremus, nostrâ totali exinanitione & in te transfusione; unde exire, etiam ad momentum, nobis est inferna mors. Et vnde magis ac magis nos immergimus in abyssum tui totius, ubi omnium, ac nostri ipsorum obliti absorbemur*

penitus ab ardentibus tuis flammis & incendiū, qua nos consumunt, & in te semper magis ac magis transformant, usque ad supremum possibile creatura punctum.

Tales erant sanctissimi Sacramenti in hac anima, diuini effectus, adeoque egrediebatur ex hac mensa (ad quam ex dispositione Superiorum singulis diebus accedebat) ardens amore, & amorem spirans quasi Seraphim; quod passim & ferè semper elucebat in eius ore: sed maximè quando immediate post, aliquid eum dictare & scribere contingebat; obseruarunt enim eius Secretarij (quod obsequium per quindecim menses & ultra me illi prastitisse summo honori, felicitatique duco) eum tunc cum tanta sensuum, effectuum, & luminum copia dictare solitum: vt videretur esse non mortalis homo, sed Angelus aliquis à Cœlo delapsus, & humanà carne vestitus.

Pluris faciebat, vel vnum accubitus huic sacratissimæ mensæ, omnibus gratiis & Dei donis quæ extra eam acceperat: dicens in ea perfici & feliciter consummari sacratissimum matrimonium, & mysticas animæ suæ cum Sponso suo nuptias; vt videre est in quadam eius contemplatione, vbi postquam amarè defleuit infidum & ingratum Christianorum animum, qui corde languido & sæpè gratiâ sanctificante destituito, hoc amoris Sacramentum adeunt, sic suum charissimum alloquitur Saluatorem. *Ad quid (amor meus) hic tibi de huiusmodi infelicibus loqui, quorum omne gaudium in carne est? Nobis autem quid conuenit nisi appetitum nostrum irritare, vt ingiter te manducare & bibere concupiscamus: Cum hac sit maior voluptas & maior gloria, quam tibi in hac vita exhibere possimus. Imò est ipsa consummatio, & diuini nostri inter te & nos matrimonij perfectio. Quod tua Diuinitati adeò iucundum & delectabile est, vt ipsi Angeli & cælestes Spiritus summopere delectentur hoc ineffabili mysterio; unione dico nostri nihili cum tua totalitate, per humilem & amabilem nostram sacri corporis tui sumptionem, qua ratione magis ac magis in te transformamur.*

Hic amoris excessus, & summa deuotio erga sanctissimum Sacramentum, fuit à Deo duabus singularibus prærogatiuis, iam ex hac vita repensâ. Prima est, Deum huic pio Cœreo quasi inuisibiles disse oculos, ceu virtutem quandam supernaturalem, quâ sanctissimi Sacramenti præsentiam agnosceret: adeò vt cum de

de vno loco in aliud asportabatur, visus sit (nullatenus admonitus) genua ponere vt illud adoraret. Et ipse cuidam Superiori confessus est, Deum sibi quandam largiri notitiam, quâ, non monitus, certior fiebat de Superiorum, & Sacerdotum præsentia; cuius rei rationem ignoraret & causam. Hæc ipsa sunt verba relationis, quam hic Superior manu suâ tradidit exaratam.

Altera prærogatiua est ipsum, post sex horas, & ultra, sacratissimas species Eucharisticas in stomacho suo sensisse incorruptas; quod singulari ducebat gratiæ, & omnibus anteponebat beneficiis, quæ à diuina Maiestate accipere potuisset; id ipsum est quod Confessario suo aperuit Reuerendo P. Valentino à sancto Armagillo, & postea in suis scriptis sub his terminis testatum fecit. *Probo (inquit) aliquorum rationem, qui sanctissimo altaris Sacramento singulariter addicti, optarent diutius habere incorruptas in se species, consequenterque benedictum nostrum Saluatorem; vt se in infinitum mare totalitatis eius ex omnibus viribus immergerent & liquefacerent. Quod si inter hos inuenirentur aliqui, in quorum stomacho sacratissima Hostia ad duas, tres aut quatuor horas, imò etiam ad sesquidiem, incorrupta remaneret, (quod illi optimè dignoscunt, & sensibiliter discernunt) hoc ab illis debet computari pro singulari dono, & summa gratia quam obtinere possint in hac vita à Saluatore nostro, quem in suo amore infinito possident.*

Hac igitur insigni prærogatiuâ donatus est, vt, in suo stomacho singulis diebus incorruptas tamdiu seruaret species: verso (vt ita dicam) naturali calore in amorem supernaturalem. Ex quo inferre pronum est quantum delectaretur castissimus hic sponsus in purissimo sinu, & tenerrimis amplexibus amabilis huius Cœci. Vnde & alia non minor elucet prærogatiua quod posset scire, quandonam species alteratæ, & digestæ essent, proindeque Sacramentalis IESU-CHRISTI præsentiæ notitiam habere sensibilem. Propterea summo mane, vt plurimum hoc cœlesti pane vesceretur, & vt sacramentales species ante refectionem consumerentur; & vt citius diutiusque suavi & iucundâ dilecti sui præsentiâ frueretur. Vnde & scripsit, non debere hostiam diutius in ore seruari: sed statim glutiri; alioquin, ait, esset quasi remorari ad ianuam regem intrare optantem, & apud suum clientem diuersari. Qui sensus valdè simplex, animâ famelicâ

licâ huius cœlestis alimenti, & sibi bundâ digus est: cui minima dilecti sui absentia completum est seculum.

Hic sanctissimus homo sic quotidie pastus Angelorum pane, verè implebat opere, quod sanctus Iob dixit de se, (Antequam comedam suspiro.) Intolerandum enim ei erat astringi cibo corruptibili, degustatâ suauitate mannæ huius sacratissimi, grândium & fortium animarum cibi: morsque illi erat durissima ab hac mensa regis descendere, ut vesceretur alimento bestiis, & hominibus communi. Aliquos hac de re sensus & affectus ex eius canticis exscriptis in vnum collegi hic subiiciendos. *Queror, ô amor meus, miseriam meam, videns, & quod oporteat me corruptibili animantium cibo uti: Cum olim sancti amici tui te solo, diuinôque tuo sacramento viuerent, & diuinitate tua, adorandâque carne inuisibiliter alerentur. Inde tantas secundum spiritum hauriebant vires: ut quasi nescirent sicut cateri hominû lapsus & imperfectionem. Exoptarem quidem, ô amor meus, ipsis esse similes: hac enim ratione quasi soluti à corpore essemus; omnesque nostra vires in te prorsus immerse & absorptæ, tibi que adherentes, non se amplius in creaturâ quarerent. Sed (ô amor meus) satû mihi sit oportet, status meus; cum non merear tantam apud te gratiam, hanc libenter sanctû tuis remissio & quod meum est, sequar te pro viribus in omnimoda mei ipsius renunciatione, moriendo, & imitando te ubique, nude, & supra omnia, tam in corpore quàm in spiritu.*

Porro dicere solebat hanc esse veram ad hoc sanctissimum sacramentum dispositionem, animam nostram & corpus ei personaliter exhibere, quem accipimus, ad recipiendum amorem eius. Animamque verè amantem, quæ IESVM CHRISTVM sub hoc sacramento suscipit, addere paradîsum paradiso, propter amabilem vñionem, quam iam habebat cum Deo. Denique aiebat huiusmodi actionem tantopere esse concupitam ab anima Dei amore verè succensa, ut si ipsi licitum esset, & possibile, cœntes in die sanctissimum hoc adiret sacramentum.

CAPVT DECIMVM.

Ardens eius crucis, & austeritatem amor.

Vereor equidem, ne toties subiecta fratris nostri, amantissimæ suæ crucis, studia tandem aliquando recrudescant, aut tædium pariant atquo fastidium in animis legentium: quia tamen ut fidelissimus Christi amulator, crucis huius singulariter amans fuit, & supra modum austeritatis laborumque studiosus: hoc ipsum præterire non possum, nec ab iis quæ illud efficacius probant (breuissimè tamen) perstringendis, iustè & prudenter abstinere. Nullo per totam vitam teneriori amoris sensu fuit vniquam affectus, quàm erga crucem, passionem, & mortem. Adeoque ipsemet agnouit, (castos suos diuinòque canens amores, in aliquo suorum canticorum) tria se habere in hoc mundo in quibus vltro requiesceret, & iugiter commoraretur: crucem scilicet, amorem, & mortem: afferens tamen amanti animæ, tria hæc, esse vnum: vtique intelligens crucem & mortem, suum esse amorem: crucem & amorem, suam esse mortem: & amorem ac mortem, suam esse crucem. Itaque præ omnibus huius mundi delectabilibus crucem dilexit: nec est concipere, quàm tenere & amabiliter de manu Dei, & numquam de alia susciperet, quæcumque illi à quacumque creatura pati conueniebat. *Inuitamur, inquit in suo de tribulatione tractatu, suademur, & vehementer excitamur ad prosequendas cruces, & amabiles crucifixiones, acerrimâ & efficacissimâ Saluatoris nostri instantia, qui non solam nos ad id, iis qua pro nobis passus est, accendit: Sed etiam potenter & necessario cogit, tam suauis (tamen amabili, & internâ) libertate, ut nil desideremus, amemus, & acceptemus tam amorosè & suauiter, quàm crucem & passiones.*

Huius ergo veritatis altissimè cordi ipsius infixæ luce collustratus, crucem anreponebat eminentioribus luminibus, & sublimioribus emanationibus, quæ ipsi à Deo in contemplationibus suis possent infundi. Audiamus eum & istud coram ingenuè agnoscantem. *Volumus (inquit) & optamus, ô chara mea vita, mediantè*



dian te tuâ gratiâ, amoris tuo nos conformare, & consumere in tuis amabilibus pœniis. Omnis tuarum nobilium, & excellentium in nobis operationum, sublimis theoria, huic vera & fideli cedat exercitationi; Mihi enim multò magis placet videre te, & sentire viuiddâ dolorum tuorum imitatione, quàm videre, sentire, cognoscere, & intelligere multiplicem multifariùmque ingressum, & emanationes motuum tuorum, notionum radiorum & splendorum, sine hac vita tua conformitate.

Eius scripta, maximè contemplationes scatent huiusmodi desideriiis patiendi pro Deo, quæ hic homo credens se vltimum vitæ suæ attigisse diem, sic Deo amabiliter exponit. *Quantùm ad id quod foris est, gratissima semper mihi fuerunt sufferentia & labores, ut cibus meus, & potus delectabilior, & hoc ad acerrimam tuam amulationem (charissime amor mi.) Sed nunc hoc mihi videtur tempus breuissimè emensum, præ insatiabili & famelico meo, te acriter imitandi studio, tam foris quàm intus, in tuis amabilibus pœniis & doloribus. Et verè non levis ipsi cruciatus erat & dolor, quòd neminem haberet qui se persequeretur, & pro oprato suo, se crucifigeret; hocque summæ ducebat miseriæ, confusione, & Dei vindictæ; nouam exinde humilioris, atnegationis, & profundæ inter manus Dei resignationis, ansam arripieis; vti videre est in eius tractatu de tribulatione. Quod nobis magis expedit (inquit) est intimo profundoque Dei in seipso amore, per omne totius vitæ nostræ tempus, presso pede firmiter expectare, quod peius homines, & omnes creatura nobis unquam inferre possint. At deoque cum nihil nobis horum euenit, infinitè confundimur in nobismetipsis, & obstupescimus; cum propter hac: tum propter altissimam nostram indignitatem & miseriam, attamen abnegantes nos amabiliter: sustinemus Deum operantem in nobis, & de nobis quod ei collubatum est; tribuentes quantum in nobis est, & in infinito eius amore, quod multum est, imò ipsum totum sanctis eius: nobis autem in iustissimâ eius iustitia, confusionem & miseriam. Rationem habebit Deus, non eorum quæ operamur, sed quæ exoptamus operari, & pro eo pati.*

Dum hæc scribo, videre mihi videor Apostolum prouocantem auidè ter tribulationem, angustiam, famem, nuditatem, periculum, persecutionem, gladium, mortem, vitam, Angelos & omnes creaturas, aditruendum contra se, & tentandum, num se à charitate Dei quæ est in Christo, separare possint: Aut nostrum

Martyrem

Martyrem Ignatium (cuius sanctissimum caput in hocce nostro Auenionensi Conuentu, in quo scribimus honorificè, vt pretiosissimum thesaurum asseruamus) ardore patiendi, leones laceffantem, & allicientem, ad se manducandum, contestantemque crucem, bestias, ossum confractionem, membrorum diuisionem, & omnia tormenta Diaboli vt in se veniant, & Christo fruatur. Tale est Cœci nœstri hunc in modum amantis, vortum; cui cruces & mortes, fuere semper per omnem vitam cibus suauior, & delectabilior potus. Tale eius iuge studium & desiderium, presso pede firmiter expectare, quod peiùs homines, & omnes creaturæ, ipsi vnquam possint inferre, & summæ confusioi ducere, miserix, & Dei vindictæ, neminem habere persequentem, seque pro oprato suo crucifigentem. Hic sensus, & amoris supremi affectus, longissimè abest à mundanorum cura & sollicitudine vtiq; fugientium quantum in ipsis est, creaturarum omnium per-ecutionem & contemptum; nec cogitantium de sapiente & pretioso Saluatoris in carne positi consilio, gaudendi, & exultandi, cum nos persecuri fuerint homines, & exprobauerint, & maledixerint; eo quod merces nostrâ multa sit, & copiosa in cœlis.

Vt igitur studiosus hic Crucis amator, non inueniebat inter fratres suos, opratas patiendi occasiones, in congregatione ex Dei misericordia secundum charitatem ordinata: seipsum acriùs persequabatur, vexabar, & pro viribus insectabatur. Frequenter disciplinâ accipiebat, & quidem asperrimè, ac per longius temporis spatium; adeò vt nonnulli Religiosi sæpiùs ad ianuam cellæ eius pulsare coacti sint, vt ab ea desisteret. Maximam partem noctium, omninò vestitus, & super palearem mattam negligenter iactatus, ad permodicum tempus quiescebat; reliquo noctis tempore, orationi vacans, aut Dæmonum insultus & impugnationes sustinens. Denique ieiunia Ordinis omnia semper obseruauit, & omnes eius austeritates, pœnas & labores (quoad vixit) id est vsque ad 65. annum absque dispensatione sustinuit. Sed vt verum fatear, non fuerunt hæ corporis macerationes, grauiores eius dolores, & cruciatus acerbiores; veræ cruces eius, & amariores mortes, fuerunt intrinsecus in multis angustiis pressuris, deiectionibus, caligine & obscuritate, ex absentia dilecti sui, quæ tandem passus est, donec eminentem illum contemplationis attingeret

statum, ad quem Deus eum efferre decreuerat. Hanc esse suam supremam crucem, & equuleum omnium altissimum, euidenter aperuit: cum nobis sanctissimum hominem Iobum huic vndique foris & intrus affixum in suis scriptis tam sapienter & eminenter expressit: vt & ipsum eundem omnino cruciatum multoties fuisse expertum, fateri necesse sit. Hanc inquam singulariter esse suam Crucem, cui se Christo confixum sapius in vita & in articulo mortis ingenuè confessus est, manifestè probauit: cum paucis agnitam verissimam hanc rationem & causam cur ad tot excessus vir iste mortalium omnium patientissimus eruperit, (sci licet quod non haberet in summa sua inopia quo figeret pedem, id est, vel minimam refrigerij speciem, qua se subleuare posset, & tantisper consolari) planè diuinitus, vtique eadem diuina passus, expofuit. Eodem enim (inquit) tempore quo tot & tantis aggritudinis laborabat in corpore, totque angustis premebatur in mente, eodem planè omni omnino destituebatur interiori leuamine: Vnde nudus corpore, spiritu pauperior, verè miserimus, hac diuini luminis orbitate, & solatij cœlestis absentia, qua muniti etiam ipsi infirmiores, efficiuntur fortissimi; quasi à se abductus, & sensu deficiens præ dolorum multitudine, & angustiarum pondere, ad huiusmodi soluebatur in preces & excessus, quos videre est in sacris codicibus. Qui quidem excessus haud dubiè (inquit) in homine de vulgo citimini verterentur, aut certè vesariæ, vt reuera vertebantur ab amicis eius, sapientibus quidem, & ad doloris vehementiam (vti par erat) obstupescantibus, sed angustia & miseriarum summam non attingentibus, quia non erant eiusdem cum eo viri. At in patientissimo sanctissimoque homine Iobo ab utroque vindicantur ab ipsomet Deo iusto eius iudice. Et quanto magis videtur excedere, & in suis imprecationibus exorbitare à recta ratione & vera sanctitate, tanto magis & melius statum suum eminentissimum exprimit, in quo ab his omnino alienus, vtique sibi ipsi planè deficiens & omni creato, profundius in Deum (modo sibi prorsus incognito) demersus, totus absorbebatur.

Hæc est igitur inter omnes alias erux eius altissima, & cruciatuum omnium verè altissimus, summa illa inopia, & supernæ virtutis omnimoda (saltem sensibilis) ablatio: qua deficiente

tantum

antè nonnunquam inuoluebatur caligine, vt vix ipse caperet propter quid operaretur, & an Deum intenderet, sibi que meriti quati ignotus esset; vt de se loquitur amicissimus eius Antesignanus idem ipse Iob cum dicit: *Viro cuius est abscondita vita, & circumdedit eum tenebris*. Hoc dubiò procul verum est amoris eius patibulum; in quo quandiu vixit, naturam ad radicem vsque suppressere non destitit, & tandem aliquando deficere omninò, & expirare coëgit: verissimè dicens cum eodem suo Antesignano, *suspensum elegit anima mea*. Quasi diceret *de Cælo nihil accipio*, sed non propterea terræ adhæreo; auertit se Deus à me, sed propterea ad creaturas non conuerto: malo suspensum expirare hoc in equuleo, quàm vel minimùm ad meipsum reflectere, vt aliquid leuaminis hauriam aliundè quàm ab eo, cui me totum æternùm probaui? Dedignetur me, respuat amorem meum, nec intendant anxietati qua circumcingor vndique, & me tandem in hac summa inopia contabescere patiatur; sustinebo eum, etiamsi occiderit me, adhuc sperabo in eum. Istud est enim quod proposito gaudio iamdudum elegi, & super omnia complector verè amoris patibulum; in quo vti que mori, atque deficere sub oculis eius volo, ne amoris eius viuens vnquam deficiam.

Hæc ipsa eadem mors est, verè omnium nouissima & extrema, ad quam recurrendum & in qua requiescendum sæpius ait in scriptis suis, cum in aliis mortibus & inferioris speciei cruciatibus non succurrit nobis aliud è Cælo subsidium; ad hoc scilicet suspensum verè consummati amoris summum & altissimum patibulum. Sed hæc nimio plus protracta sufficiant, cum iam à nobis secundà parte fusiùs explanata sint. Hoc tantùm adiicio vt hoc caput de amore Crucis absoluaui; nihil frequentius in ore habuisse quàm nomen eius; nihilque frequentius ad se ventitantibus, & suam institutionem expostulantibus, suasisse & consuluisset. Hæret memoriæ altissimè infixum, nec vnquam dante Deo excisurum, quod Nouitiis & iunioribus Professis, vti que mihi pro illo tempore Secretario eius, è cubiculario, sæpè sæpius repetebat, & quasi ad tædium inculcare solebat: scilicet [Gladium in gutture semper esse habendum] quasi diceret sibi nunquam esse ignoscendum, sed mortificationi semper, & vbique studendum. Et istud quod in idem recidit [Semper amarum pro dulci, & dulce

pro amaro esse sumendum:] quo volebat innuere, tanti faciendum esse mortificationis studium: vt præ amore illius quod dulce est, amarum, & quod amarum, dulce, reputaretur.

CAPVT VNDECIMVM.

Quantum eius directio & conuersatio, ad spiritualem profectum conferret, colligitur, ex vita
R. P. Dominici à S. Alberto.

Dictum est suprâ, Cœcum nostrum fontem esse & originem, Omnis vitæ spiritus, & interna cum Deo negotiationis: quæ abundantiori Numinis æterni munere, in omnem nostram reformationem iamdudum satis liberaliter effusa, etiam nunc non indiligenter excolitur: omnesque vitæ huius studiosos, cum Superiores, tum inferiores, cum semper adiisse quoad vixit, quantum potuere, & per occasionem licuit: adeo vt eorum sit nullus, qui non gloriatur, & felicitati ducat, illum habuisse institutorem, & Magistrum. Quia igitur ex riuo, fons agnoscitur, & effectus causæ nobilitatem probat: placet hic ex multis quos in Christo genuit filijs, oculatus noster Cœcus, quorum aliqui iam è viujs excesserunt æternum Deo victuri, alij superstites sunt eius vestigijs acriter insistentes, specimen subiicere omnium instar, R. P. Dominicum à sancto Alberto, cui singulariter aperuit, quos intus experiebatur diuinarum operationum motus & ductus. Hic à Prima adolescentia ordinem ingressus, tam acutè spirituali Fratris nostri adhæsit disciplinæ, eiusque suauitatem spiritus tam auidè degustauit: vt quasi repentinum senserit in corde suo amoris incendium: quod tandem vsque ad incredibiles penè creuit excessus. Adeoque diuinum hunc amorem vocabat inexorabilem exactorem, qui nunquam diceret sufficit: & ei cor inexplabilem in modum iugiter depasceret. Hæc de re scribebat aliquando Fratri Ioanni à sancto Samfone charissimo suo duci, & spirituali Magistro, planè esse mirandam & miseratione dignam animam, hoc amore potenter actam, ad infinitum semper tendentem, nec attingere

attingere valentem : corque suum æquè esse inexplabile in amando & desiderando : ac Deus ipse infinitus est in se effundendo. Dicere tibi (inquit) quas mihi largitur Deus gratias, & quâ ratione mecum agit, verba nequeunt exprimere. Unum est, ad quod contremisco, modicum fidelitatu quo ipsi respondeo. Videtur enim mihi, Deum cum omni sua Diuinitate illabi mihi; & ego ei dico, ne magnitudinis tuæ mole me premas: patior eum se resoluentem in semetipsum; nec aliud expetis anima mea quàm perlucidum esse speculum, quod sol æternus utrinque peruat, inueniendo se semper in seipso. Nihil eius in me manere volo, sed cum suum in me iugem habere fluxum, & refluxum, nihil mihi relinquendo. Mi Frater quid-nam sit hoc experiris. Infelix ego, nisi Deus mei misceatur. Rogo te, diuinam suam Maiestatem exorare, ut non amplius me tam vehementer inuadat, aut mihi concedat sequendi se gratiam.

Adeo incensus era huiusmodi diuino amore, ut ipsi noctibus quacumque anni tempore, quotiescumque expergeſcebat, quasi extatico abreptus motu, statim in terram desiliret, & genibus flexis diuinam Maiestatem adoraret. Ignis huius amoris etiam foris eruperat, talique corpus eius æstuabat incendio: ut in ipso asperio hyeme admouenda essent ipsius stomacho, madida linteamina, mitigandi rigoris ignis huius gratiâ. Pluribus annis sacram Iherosolymam cum admirabili sui apud omnes probatione legit, sed incredibiles perſecutiones, in hoc speculationiarum scientiarum studio nulla & simpliciter contemplationi tam opposito. Hæc enim, acris eius ingenium, & summa eruditio multiplici cum specierum scholasticarum gaudebant pondere: Exinde verò, internæ eius exercitationes, huiusmodi species non compatiebantur, sed eas quantum possibile erat, foras mittebant, ut perfecte tam assequeretur simpliciter, cuiusque spiritus liber ab omnibus his sensibilibus formis ad Dei fruitionem cooleret, Adeoque in hoc conflictu tormentum amariis patiebatur, quod enim iuxta exercebat martyrio. Speculationis exercitatio (inquit in epistola) mors est crudelior quam pati possit spiritus amans. Idusum nouiter sum expertus; cum enim ab ea, per dies quindecim vacassem, omne hoc tempus Paradisus mihi visus est, sed ad studia mea reuersus, speculationemque meam cum contentione spiritus amplexus: (expedit animam) factus sum quasi à sensu alienus; ita ut crediderim me trisulci.

& tadio planè conficiendum ; Et nisi enixus fuisset celare dolorem meum ; arbitrati me fuissent Religiosi grauius laborantem. Attamen in hac morte mihi complaceo , quam credo semper vitâ meliorem.

Verè plus erat infusa , quàm acquisita eius doctrina , & in quotidianis eius expositionibus sæpè digrediebatur , & soluebatur ad tam religiosos , & vnctionem gratiæ redolentes , excessus spiritus : vt audientium animos insuetis collustraret luminibus , & sensibus afficeret omninò diuinis. *Docceo* (inquit suo directori) *duos tractatus, qui tanti quanti sunt, prorsus amoris sunt, gratia scilicet & Incarnationis. Plurù infinite facio quam horum intus accepi à Deo cognitionem, eâ quam in libris addisco. Hac mea est ; ista propter alios. Hac est sapientia, illa scientia. Mi Frater, veram sapus Theologiam, & ego licet indignus, aliquid eius sapio ; non lectione librorum, sed liberali Dei in me effusione.* Hi sunt amoris sensus , & affectus, quibus omninò perfusus & exundans discipulus, Magistro suo status sui rationem reddit. Cùm verò simul congregiebantur, & de rebus diuinis liberiùs colloquebantur ; scimus ex proprio huius ore, quod se suis de æternitate , & diuinæ Essentiæ fruitione sermonibus, inuicem abripiebant, manentes per horas integras sic à se ipsis abducti, vt nec vllum verbum, alter ad alterum proferre possent.

Vtinam sublimen eius in omni occupatione & occasione, sibi ipsi moriendi rationem, exprimere possem. Hæc duo verba (*semper mori*) pro lemma sibi singulariter adsciuerat ; quod tam verè & perfectè implebat opere, vt dici verissimè possit, vni vixisse Deo, modo hominibus ignoto. Quod meliùs exponere non possum, quàm referendo nonnullas sententias, & quædam hac de re theoremata ex eius epistolis ad Venerabilem Fratrem Ioannem à sancto Samson exscripta, cum in eis se libentiùs aperuerit vtiq; illi quem habebat conscientiæ suæ rectorem, & in via spiritus ducem.

Quotidie disco mori, & me credens mortuum, adhuc inuenio vita plenum. Omnis abundantia mihi videtur vita : & omnis perfectio mihi videtur impuritas. Et hoc sciens Dominus, dignatur me derelictionum suarum socium : ita vt tadeat etiam nos viuere ; nisi quod vera mea vita, mors est continua.

Si quod haberem in hoc mundo studium, vtiq; solitudinis esset, moriendi

moriendi gratiâ : sed aquè in occupatione ac in silentio , mortem inuenio.

Voluntas Domini est, nos vitam nostram conseruare, ut magis ac magis moriamur. Semper enim in mortem tradimur propter Iesum, ut siue viuimus, siue morimur, Domini simus. In hoc gaudeo, sed & gaudebo: quia ad nihil redactus sum, & nesciui.

Moriendum quidem est, sed pro ratione voluntatù eius, qui nos mortificat & viuificat, aliud non est mihi exercitium.

Sentio in me moriendi desiderium, non morte corporis, est enim mihi indifferens: sed morte Angelorum. Mi frater, nosti quid hoc sit. Non puto posse nos viuere absque morte; frui, viuere est; mori, cum anxietate appetere, hæc est vita amantium Deum.

Bonum nostrum in hoc est constitutum, quod absorbeamur ab hoc abyssali amore, qui nos perpetuo deuorat, nec consumit, sciù enim quomodo illi sumus, & quibus dictum est, mors depascet eos.

Denique in hac iugi mysticæ, & spiritualis mortis exercitatione, quædam Apostoli vsurparat verba, quibus utebatur ad exprimendum suum statum interiozem. Vti sunt hæc, Mihi viuere Christus est, & mori lucrum. Puto quod Deus nos nouissimos ostendit, tanquam morti destinatos. Quotidie morior. Absorpti sumus in miseria. Ad nihilum redactus sum, & nesciui.

Porro Superioris officium hoc est, quod illi frequentius moriendi, sublimi mortis genere multifariam præbebat ansam, de quo sic scribit ad suum directorem. Fidelis Deus, qui semper triumphat nos in Christo Iesu. Videbantur mihi officia, quibus ante functus fueram, sufficientes moriendi mihi exhibere occasiones: sed quod nunc gero, mors mihi perpetua est. Lemma meum est, omnibus omnia, quæcumque potero in charitate præstare, & propterea censurâ notari, atque calumniam pati. &c. Sed hoc nihil est, præ mortibus internis, quæ reuerâ tales sunt, ut nisi mortis tenerer desiderio, taderet me viuere.

In hoc Superioris munere, hæc Apostoli verba frequenter habebat in ore. Quis infirmatur, & ego non infirmor? quis scandalizatur, & ego non uror? Quot inordinationes video, quibus mederi non possum; tot mortales sentio aculeos, qui me utrinque perfodiunt; & expirare cogunt in eum, quem immobiliter sustineo. Videor mihi regimen eius imitari, utique videntis & ferentis hominum scandala, nec propterea mutati, licet ei infinitè displiceant. Quasi rupto muro, &

R

apertè

aperit ianuam, irruerunt super me quotidiana sollicitudines fratrum meorum, quos gesto in visceribus, & quotidie parturio, donec formetur Christus in illis.

Sed non est nostrarum partium, ulterius in hanc materiam excurrere: sicut nec in aliam, quæ deberet eam immediate consequi: statim dico vitæ eius, aut resurrectionis spiritualis. Qui est status animæ quasi solutæ à vinculis huius mortis, & ab hoc mystico sepulchro, de quo modo locutus sum, in quo inuenitur tota lucida, & in libertatem filiorum Dei transmissa: hoc enim debetur rotius eius vitæ perfectæ elucubrationi. Addam vnum istud, eximium hunc, Cæci nostri oculati discipulum, eum verè fuisse, qui in suis operibus cernitur, & in scriptis quæ nobis de Mystica Theologia reliquit: hominem feruentem, & verè igneum, strenuum Apostoli imitatore: zelo Dei gloriæ, ut alterum Eliam, accensum; IESVM CHRISTVM non verbo & sermone, sed opere & veritate, amantem. Quæ ratione duo hæc verba frequenter vsurpabat, *veritas, veritas: fidelitas, fidelitas*: quibus intendebat innuere, mendacem esse & infidelem Deo, qui non sequeretur constanter vestigia Christi, nec perfectè responderet gratiis & luminibus, quæ anima eius amore mota, ab eo incessanter accipit. De altissima humilitate illius, sufficiat hoc loco dixisse, sublatum ad dignitatem Vicarij Prouincialis, semper fuisse subiectum spirituali disciplinæ nostri Fratris Laici, cuius exponimus historiam: qua ratione sic ad eum scripsit. *Obsecro te confidenter, ut ad me scribas, quæ mihi utilius facienda in meâ visitationibus iudicaueris, ad promouendam (quantum potius erit) vitam spiritus: est hoc meum votum, quod perfectius implebo mihi ipsi moriendo, quam multa exterius operando.* Mirum est, quomodo rationem ipsi reddidit æquè ingenuè ac simplex nouitius, eorum omnium quæ interius sentit, & operatur: quod videre est, ex eius, quæ nobis supersunt Epistolis: multa enim combustæ, aut consumptæ sunt, Et quod superest, quasi fortuitò, aut potius singulari Dei providentiâ seruatum est, ad promouendum sanctissimum eius in fidelibus animabus amorem.

Denique R.P. Dominicus, cuius memoria in benedictione est, & æternum erit in nostra obseruantia, contrito, & consumpto per triginta & octo dumtaxat annos, suo corpore, laboribus, vigiliis, *penitentis*

pœnitentiis, & austeritatibus, in officiis P. Magistri Nouitiorum, Lectoris sacre Theologiæ, Vicarij Prouincialis, Prioris Conuentualis, aliisque honorificis obseruantia nostræ muniis: quibus in omnibus semper accuratè vitam regularem est securus; Nannetis prior Conuentus obiit die 24. Ianuarij 1634. Hæc mors quam verè protiosam coram Deo possumus nuncupare, mors amoris fuit, & completum vitæ in charitate prorsus transactum; in tantum vt pius noster Cœcus, dono discretionis spirituum singulariter præditus, vix fuisse eius tempore maiorem in Ecclesia sanctitatem eâ quæ eluxit in hoc homine, dicere non dubitarit.

CAPVT DVODECIMVM.

*De alijs quibusdam diuersorum statuum personis, quas
Venerabilis Frater Ioannes à sancto Samsone
sua consuetudine, aut directione
Deo lucratus est.*

Ecce iam nostri humilis laici, aquæ salutaris diuinæ sapientiæ, exundantes fluctus, & absque inuidia, singulari cum prouentu, quæ de cœlo sine fictione susceperat in fratres suos largiter effusa nunquam non æmulanda charismata: superest vt transeamus ad secularem statum, tam Ecclesiasticum, quam l. i. cum; nec non & ad aliquos Religiosos Ordines: vt & illic vberes sanctæ eius conuersationis fructus exploratos habeamus. Ordior ab illustrissimo D. Antonio de Renouel, olim Episcopo & Comite vrbs Dolensis in minori Britannia. Cùm primùm dignissimus hic præsul lydio lapide, vtique obedientiâ, & perfectâ humilitate, spiritus eius & virtutis, experimentum fecit: exinde ita ei fuit addictus, & diuinis eius sermonibus inescatus: vt sæpius, etiam ter in die, pedes veniret in Conuentum nostrum, satis distantem ab ipsius castello, vt cum eo, de rebus pijs, & medijs ad promouendam Dei gloriam conferret. Eius consilio Conuentum Monialium fundauit in vrbe sua Dolensi, & capel-

lam construxit in campo ab ea modicum distante, quam etiam sacrauit in usum & secessum eorum qui peste laborarant; cuius necessitatem ipse agnouerat, dum eos consolaretur, & pro viribus adiuuaret. Ex eius frequenri consortio, tantam contraxit teneritudinem, tamque ardentem erga ægrotantes, & agonisantes urbis suæ, & viciniorum, charitatem; ut semper omnes, quantumcumque pauperes, pedes adiret, consolaretur, & ad benediciendum, aut suam infirmitatem æquanimiter perferendam, efficaciter disponderet.

Eadem charitate religiosos nostros inuif. bat ægrotos, benedictionem suam Episcopalem eis impertiebatur & funeri ferè omnium semper intererat. Eger & ipse arbitrânsque se mori, sacrum Ordinis nostri scapulare, singulari cum deuotione nec non & dolore, quod eum non accepisset, ex tunc primum cum ei Fr. Ioannes de eo locutus fuerat, de manu R. P. Matthæi Exprovincialis accepit. Non ferente cælo inuisam mortem tam citò præripere Ecclesiæ sanctæ, Prælatum tot virtutibus insignitum; quam à Deo recepit sanitatem: omnem omnino in operibus virtutum, maximè charitatis, sollicitè rependit. Verè pater orphanorum fuit atque pauperum; frequentior eius exercitatio, & studium, cum mentalis, tum vocalis oratio; hostis erat sæculi vanitatum; Exemplum & lucerna non tantum suæ Diocesis: sed etiam locorum omnium ubicumque demoratus est. Quoties Religiosos nostros, singulariter P. Matthæum alloquebatur, semper Fratris Ioannis virtutes, religiosumque subiciebat exemplum; & quam de eo conceperat summam opinionem. Paucis antequam moreretur mensibus, eo vno nomine Rhedonas venit, ut sanctum hunc inuiferet Religiosum; rogauitque ut scriberet sibi spirituale exercitium, ad directionem suam & singulare regimen. Cui frater obtemperauit; tractatumque scripsit, quem in fine operis huius luce donabimus, sub hac epigraphe, Speculum & flammæ diuini amoris. Quotidie cellam eius adibat, & cum eo aliquando per duas aut tres horas, de medijs ad sanctè moriendum conferebat, quasi suum certò præsensisset proximum finem: Et reuerà in urbem suam Dolensem reuersus, in morbum incidit; & breuè alia multa (quæ prætereo insignia virtutis & pietatis opera) sanctâ & pretiosâ morte compleuit.

Non

Non hinc recudo, quam de eo habebat summam opinionem Illustrissimus D. Petrus Cornulier, Rhedonensis Episcopus, (inter alias quibus singulariter præluxit virtutes, iurium Ecclesiæ suæ propugnator acerrimus;) nec, ut sanctâ auditate eum audiendi de Deo loquentem, in Conuentum veniens, clam se intromittebat, ut monitorum particeps fieret & consiliorum, quibus hic Frater, alium Fratrem Laicum ex obedientia instituebat. Scio sapientissimum hunc Præsulem pia eius colloquia numquam non de mirantem, dixisse cuidam è nostris non ignotæ virtutis Superiori, *videri sibi, alium videre in deserto Paulum*. Reticeo etiam quæ possem hic attexere de duobus aliis Ecclesiæ luminibus, D. de Caspæan Episcopo Nannetensi, & D. de Vilazel Episcopo Briocensi, de Domino de Cussé supremi Aremoricæ Senatus Primario Præsidente, de multis aliis huius Curia Præsidibus & Consiliariis; nec non & de augustissima Gallia Regina, Maria de Medicis, Matre Ludouici XIII. triumphantis memoriæ Regis. De his enim duntaxat hinc mihi sermo est, quos suâ consuetudine Deo lucratus est; aut qui semetipsos eius disciplinæ, sponte traderunt.

Iam ante subiicimus ab initio, piæ charitatis officium, quod Presbyter, Parœchiæ dictæ de Roz Dolensis Episcopatus Rector, Fratrem nostrum iamdiu febre laborantem, in domum suam, ut eius curam susciperet, excepit. Hic Rector charitatis studiosissimus, B. Franciscum de Sales Episcopum Geneuensem quam proximè ad effigiem, ore referebat, sed multò magis & melius grauitate suâ, suauitate, aliisque benè multis virtutibus: Sororem habebat apud se viduam, ætate prouectam, omnia sua, erga pauperes, & ægros parœchiæ, studiâ, impendentem. Vix aduenerat in domum huius Rectoris noster Cæcus, cum ex tempore non tantum eius domum, sed omnem circâ regionem condirecepit suauissimo virtutum suarum odore; & statim exploratum est mirabilis thesauri pretium, quo eam Deus huius cæci præsentia ditauerat. Rector & Parœchiæ Sacerdotes quamprimum socii in vita spiritali conscripsere discipulos; & ipse singulis diebus pios de virtutibus & sui status nunciis sermones ad eos habebat; quibus mirum quantum delectabatur pia mulier Rectoris soror; quotidie serò sollicitè cogens omnes domesticos & famu-

R. 3. los;

los, ut piorum huiusmodi sermonum, simul efficerentur participes. Inter eos erat vnus Presbyter, scholæ literariæ Præfectus, qui statis diebus discipulos suos ad Fratrem Ioannem adducebat: Ille eos tantâ excipiebat vrbauitate & suauitate, ut eorum animos à ludo & relaxatione sæpiùs auocaret.

Aliquādo eis spiritualemente librum ad legendum porrigebat; aliquādo super Catechismo interrogabat, iustituebatque eos tam facili expediatque ratione: ut maxima pars parochorum, ad eum videndum, & audiendum pios eius sermones sæpius conueniret. Docebat eos mane sua opera ad Deum dirigere, & serò scrutari conscientiam, dies Festos sanctificare, religiosè Sacro adesse, frequentare sacramenta Pœnitentiæ, & sanctæ Eucharistiæ, Denique tenerrimè & singularis deuotionis cultu, Virgini Deiparæ famulari.

Hæc Christianæ Religionis exercitia, quæ bellorum calamitas & iniuria hac in omni regione præfocarant, ita sunt restituta & reparata: ut multi diebus Festis & Dominicis, feruentiorisque etiam diebus Iouis, sua peccata confiterentur, & sacramentis innoxiam. Solemne erit apud omnes etiam infantes, quotidie recitare Litanias B. Virginis. Puellæ à mundanis vanitatibus auersæ, orationi, labori, aut pietatis operibus domi receptæ vacabant; Et multi horum, vtriusque sexus infantium, Religiosum institutum variis in Ordinibus amplexati sunt; hodièque in nostro quorundam ex eis laudabilis viuendi ratio, cum plena apud omnes sui probatione, testatur. Sic humilis noster Laïcus, electus fuit à Deo, ut verus Apostolus, ad nouandum agrum hunc incultum, & spinas tribulósque proscindendum quos bellum, & hæresis impunè germinarent. Huius enim exemplo Parœciæ, in qua tot operatus est bona: aliæ vicinæ eius virtutis pietatisque æmulatrici factæ; Dei cultum, & pietatis exercitia, serio amplexatæ sunt. Sed super omnes Rector Parochiæ de Roze cum pia sorore sua, mirabiles ex regimine, & disciplina Cœci nostri, cui se impensius subiecerant, fructus percipere; in tantum ut eorum domus & omnis familia, Monasterij speciem exprimeret; & tam hic quàm illa, religiosam hanc vitam, Religiosâ morte cum suauissimo omnium virtutum odore etiam nunc perseuerant, feliciter consummarent.

Eundem

Eundem, erga duos Concionatores Ordinis sancti Francisci sancta eius consuetudo, felicem planè habuit exitum. Hi duo Religiosi, quorum vnus erat Doctor, alter Bachalaureus sacre Theologiæ Facultatis Parisiensis, per Quadragesimam vnus post alium, in vrbe Dolensi Concionati sunt, paulò post professionem Fratris nostri; quem aliquando adeuntes & cum eo colloquentes, ita demirati sunt, & verè mirabili eius virtutum odore permoti: vt ex tunc R. R. P. P. Recollectorum Reformationem ingredi apud se proposuerint. Et reuerà Parisios reuersi, statim atque simul conuenère, decreuerunt Lugdunum proficisci, vt propositum implerent. Hic autem singulariter notandum est, quod eisdem Parisiis inuifens qui iam Ordinis nostri Superior, inuenit illos cum tribus aut quatuor eiusdem sui instituti, & propositi Religiosis, profundis lachrymarum dispendium regularis discipline & perfectionis in suo ordine amare desistentibus. Ille exploratà huiusmodi lachrymarum causâ, dixit & idem se habere lugendi debitum vtiq; relaxationes, quæ & in suum ordinem, bellorum occasione inauspicatè irreperant. At illi reposerunt: multum esse discriminis, eum Regula Carmelitarum non præcipit sub peccato mortali, nisi in his dumtaxat quæ ad vota pertinent; præterquam quod vi timas (inquiunt) in Conuentu Dolensi pium vestrum Cœcum, tam sanctè religioseque viuente m vt (quem vndique spirat) singularium virtutum eius odor, ad introducendam reformationem in omnem vestram Prouinciâ al' undè sufficiat. Ad hæc Doctor, imò ex pectore suspirans, profundèque lachrymans in hæc D. Augustini verba, prorupit: Surgunt indocti, & Cœlum rapiunt, & nos cum doctrinis nostris sine corde, ecce vbi volutamus in carne, & sanguine. Prociui dubiò bonus hic Cœcus nos rubore suffundit, profitemurque, ipsam plurimum contulisse operi ad quod accingimur Reformationem ingrediendi; quod Bachalaureus iisdem verbis confirmauit, & die sequenti absque dilatione profecti sunt, vt darent nomina sua Congregationi R. R. P. P. Recollectorum, in qua & sanctè perseverarunt.

Possem his addere quod insinuauius ab initio, omnes qui apud illum, cum adhuc secularis esset, anagnostæ officio fungimur, ex hoc munere & colloquio, vberes fructus Deo nauiter seruendi,

feruendi, semper reportasse. Alij enim Religiosos Ordines ingrediebantur; alij iam professi, reformationes; Alij, in seculo sanctè & Religiosè vivebant. Miles etiam (quod infrequenter accidit) ita pius factus est ex eius consortio, dum Lectorem ageret, ut in solitudinem secedens vacandi impensius orationi gratiâ tandem Religiosum susceperit habitum, ut compleret in Dei famulatu, perfectum sui ipsius holocaustum. Denique multa alia possem his subiicere exempla, insignium sanctæ huius hominis Dei conuersationis, effectuum, tam in secularibus quàm in Religiosis; sed hæc sufficient, omni prudenter ex adducto vniuscuiusque status specimine, de veritatis firmitate iudicanti. Non possum tamen sine ingrati animi labe, non me hic, multis utique beneficiorum nominibus, maximè instituti quod profiteor, deuinctum sistere; cum enim illud amplexatus essem, animo quidem, nuntium remittendi seculo, sed non ita obfirmato in perferendis eius laboribus, & Deo impensius seruendi; nouitiusque trium aut quatuor mensium quasi dubius adhuc cespitare; traditus ei per annum & menses aliquot in Secretarium, Lectorem, & assiduum in quotidianis spatiationibus decem & comitem: nec non & sub finem, cubicularium, quod vix, & ægerrimè, tandem tamen plusquam sexagenarius tulit; statim mutatus sum in virum alterum; & tam firmiter adhæsi electo statui & instituto, ut nequidem de retrò respiciendo, ampliùs cogitauerim; nec vel minimum de implendo proposito, Deo æternùm famulandi in sacro nostro ordine, dubitarim.

CAPVT DECIMVM TERTIVM.

Multifaria cum spiritus, tum corporis, ad sepulchrum Venerabilis Fratris, accepta beneficia.

Qui fulgore dumtaxat aguntur, & micante rerum specie, forsitam miracula sciscitabuntur in nostro Fratre Ioanne à sancto Samfone: cuius vita tota quanta est (meo quidem iudicio) iuge miraculum est. Non est mea mens vanæ eorum indulgere curiositati: Perinde enim mihi est, quo vocitentur nomine quæ hætenus

hactenus à nobis subiecta sunt, & subiicienda supersunt. Ad extremam huic vitæ eius compendio manū imponendam, satis mihi & abundè est, si quæ, eo iuuocato magis singularia & maioris momenti, ad Dei gloriam, ædificationemque proximi, post eius obitum, contigere, ingenuè & simpliciter attexuero. Summa populi Rhedonensis erga deuotos, & virtuti supra morem studentes, religio, die exequiarum huius sanctissimi Religiosi, maximè enituit: tanta enim ad sacras ædes nostri Conuentus confluit multitudo, vt vix eam (etsi latissimæ) caperent. Omnes ei capitis & barbæ pili attonsi sunt, & insuper post hæc abradi, non fuit qui Rosarium suum corpori eius non admoueret: & vnusquisque certatim pretiosissimas vestimentorum eius, aut eorum quibus quocumque modo fuisset vsus, reliquias, pro viribus apprehendere contendit. Etsi tumulus eius non sit secularibus peruius, sed intra Conuentum, in adicula sacra Domine nostræ de pietate dicata: vbi & promiscuum est aliorum Religiosorum sepulchrum: hæc tamen pia semper perseverat plebis veneratio: adeo vt multi in eo loco frequenter Sacrificia postulent, imò & cereos ad eum deferri curent, imagines, & alia id generis vota, aut similia, acceptarum à Deo (meritis V. Fratr. Ioannis à sancto Samfone) gratiarum testimonia. Hæc est religio, hodièque perseverans Rhedonensis populi vox, quæ vulgò fertur esse Dei, quæque hoc in negotio eò verior & sincerior habenda est: quòd nostri à fastu & quæstu multum alieni, merces suas & decora non ventilent, sed Apostolicis inhærentes decretis, se multum indifferentes & rem sè habeant in fouenda, diffamandaque hac opinione, ac colligendis huiusmodi sanationibus atque beneficiis, quæ populus in argumenta sanctitatis assumit. Ecce tamen aliqua, quæ (sanè non præterunda) quàm breuissimè perstringo.

Dominus *Des Loges* Præsidentis supremi Aremoricæ tribunalis, postea à statu laico ad Clericalem Sacerdotio cunctus, ubique insignis virtute, & singularis meritis, anno 1637. gravi morbo correptus in summa senectute, à Medicis derelictus est, & ab omnibus desperatus: Quidam è nostris dictus P. Iosephus à Iesu diuino (vt credere est) motus spiritu spondens sibi agrotantis sanitatem precibus & interuètu Fratris Ioannis quondam pernecessarij

S

(dum

(dum viueret) huius præſidentis , ſidenter vouit Deo, & promiſit nomine ægrotantis eum (ſi ſanitatẽ recuperaret) nouem conſequentibus diebus ſacra facturum in ſacello in quo quieſcit corpus eius, & ſepulchrum eius marmoreâ tumbâ exornaturum; huncupato voto Præſidens ex tempore melius habere cœpit, & breuî perfectam adeptus ſanitatẽ: ratam habuit religioſi ſponſionem, quam & ex omni parte, executioni accuratè mandauit.

Nobilis Domina, filia Equitis *Petri de Câradeu Domini de la Chaloraye* primi Comitis ſtabuli Rhedonenſis, febre laboꝝans, appendit ad collum ſuum munifima, quod perfunctos ſater Ioannes viuens ſemper deferēbat, conſilens ſe meritis eius ex Dei miſericordia ſanitatẽ conſecuturam; quo factò nullo deinceps febris æſtu correpta, prorûs ſanata eſt.

Alia puella grauiter laboꝝans in maxilla, vtrique putato cancri morbo, & particulam habens Fratr̃s Ioannis ſidenter admouit, interuentus eius inclamans auxilium, continuò dolor [qui propterea periculofus erat, quòd in modico maxillæ ſpatio coaceruabatur] dilatatus eſt, & per omne caput extenſus; quo dolore, per tres hebdomadas febre æſtuans, abſque vllò uſus omnium remediõrum ſubſidio, puella adhuc recurrit ad reliquias veſtimẽtorum V. Fr. Ioannis, quas iterum capiti ſuo admouit, & compreſſâ illico febre, ab utroque morbo planè liberata eſt.

Quidam è noſtris dictus P. Eutropius à Sancta Catharina, habitum noſtri Ordinis poſtulans Aurelius, ſapè repulſum paſſus, propter a'buginem quam ab infantia in oculo habebat, quæ & eum coclitem efficiebat; Epistolam quam aliàs Venerabilis Frater diſtatar, per tres conſequentes dies, id eſt ſemel vnoquoque die, ad oculum ſuam applicuit, fundens & aliquas ad Deum preces, vt viſum reciperet, die ſecundâ longe meliùs quam antea videre cœpit, & deinceps de die in diem meliùs ſemper vidit. vſque dum perfectè viſum recepit, tandẽmque ad habitum & ſolemnia vota Ordinis admiſſus, & ipſe voto ſuo potius eſt. Præter conſignatam ſcripto beneficij huius teſtificationem, quam ipſe tradidit, inſuper agnouit multa ſe etiam alia ſpiritualia auxilia, Dei ſerui meritis, eſſe conſecutum.

Puer balbus à parentibus ſepulchro Fratr̃s additus, poſt nouem

tiem celebratas in ædicula sacra, in qua quiescit, Missas : expeditum linguæ vsum accepit.

Religiosus grauitè laborans ex vlceribus quæ in tibiis habebat, eò tandem redactus est, quod illis amplius vti non posset : prorepsit tamen, & aduoluit se quomodo potuit ad hoc sepulchrum, & Deum pro curatione sua, ad ministrandum fratribus suis, meritis serui sui deprecatus, ex tempore illam obtinuit : in tantum vt sanus exinde redierit. Quod idem etiam seculari contigit viro conditione illustri, & fide dignissimo.

Puer per multos menses febre vexatus, contabescens, & ad interitum propinquans : Mater ipsius à vicina monita vt eum in Ecclesiam nostram deferret, & V. Fratris Ioannis precibus commendaret, ad tempus neglexit, die quadam cum decreuisset eum deferre aliò distenta, propositum non impleuit : factò vespere, & ipsa tam vehementi febre correpta est, vt crediderit vltionem esse Dei : itaque crastinâ die puerum quem non credebat se viuum relaturam, defert ad Ecclesiam nostram, & audiendo sacrum, suam filiiq; sui perfectam obtinet sanitatem.

Iacobus *Emery* oriundus ex paræcia d'*Oruille* Rothomagensis Episcopatus, damnatus ad triremes in vnum supra centum annos, à præsidiali curia Rhedonensi, prouocans ad supremum Senatum, frater vxoris eius qui negotium agebat, postulauit sacra fieri in capella fratris Ioannis, pro felici prouocationis exitu, & damnatus inflictâ duntaxat centum librarum (in emendationem) mulctâ, liber dimissus est : quod tantæ felicitati duxit & supra morem gratiæ, vt eductus è carcere die proximè sequenti ad eandem capellam accesserit, & in ea Deo gratias egerit pro tanto beneficio, quod precibus fratris Ioannis consecutum se fuisse est arbitratus.

Doctor Medicus facultatis Nannetensis ager, & in discrimine mortis, etiam iudicio conuentus aliorum Medicorum, commendatus Deo in vrbe Rhedonensi Anno 1645. à quadam seculari persona sub inuocatione Venerabilis Fratris Ioannis à sancto Samsone : visus est post duos dies, cum omnium stupore, sanus per urbem deambulare.

Honorandus homo Ioannes *Gourdel* Rhedonis Mercator Pannorum sericorum, & Ambrosia *Aubrée* eius coniux filium habebant

bant trium aut quatuor annorum febre, hydropiſi, & dyſenteria laborantem, cuius præter mortem aliud nihil expectabatur. Auus eius Ioannes *Aubrée* expunctis Sacramento Pœnitentiæ peccatis, & Euchariftico pane reſectus; adiit ſepulchrum Venerabilis Fratris Ioannis per nouem dies conſequentes, & pueri integram ſanitatē obtinuit.

Soror huius pueri ſex annorum nata, ab incunabulis ſenſu auditus penè deſtituta erat. Idem Ioannes *Aubrée* auus eius, idem pro ea præſtitit ad ſepulchrum Venerabilis Fratris, quod pro nepotè præſtiterat; Vidensque hanc ſurditatem in dies minui, ab ea qua nouemdiū cœperat, decimâ die, quæ fuit 14. Maij 1649. neptim ſuam ad ſepulchrum adduxit; Dum ſacrum pro ea perageretur, circa ſanctiſſimæ Hoſtiæ eleuationem, puella ſenſit quaſi manum inuiſibilem ei caput & aures contræſtantem, quo contactu à ſua ſurditate perfectè liberata eſt. In cuius beneficij memoriam ſingulis Menſibus 14. die per annum, dictus *Aubrée* curauit celebrari Miſſam in ædícula ſacra in quo quieſcit corpus Venerabilis Fratris, præſente ſuâ nepti cœreum manu tenente, adſtante ſimul & ipſius Patre.

Sanctimonialis ſummæ virtutis, Magiſtra Nouitiarum in Conuentu celeberrimo, grauiffimum patiebatur dolorem, ex inflammatione & tumore qui ei in genu acciderat; vnde & decumbere coacta eſt. Alienus eius animus à leuamenti & ſubſidio Noſocomij, vrgensque Nouitiatus neceſſitas, impulerunt eam ad rogandum, præter morem Deum, ſuam corporis ſanitatē. Pœtiit ergo particulam quandam, quæ ipſi data fuerat, Tunicæ Venerabilis Fratris, càmque manu tenens, gratias egit Deo pro collatis tot & tantis huic ſuo famulo beneficiis, obſecrans eum, vt eius meritis & ſibi conferre dignaretur ſanitatis ſuæ beneficium, vt impræſentiarum officiij ſui munia poſſet exequi; abſque villo ſingulari leuamine & ſubſidio. Fuſâ ad Deum huiusmodi oratione, non priùs admouit genu ſuo particulam, quam ex tempore vis doloris remiſit, tumor eſt imminutus, totâ nocte ſuauius quieuit, & craſtinâ die libenter ambulauit, omniſque epiphora intra duos dies non ſine permagno Medicorum ſtupore, penitus diſſoluta eſt. Hanc exteriorem gratiam ſecuta eſt tam abundans interiùs vñctio, vt numquam exinde deleta ſit ex illius anima

anima. Hòc accidit anno 1649. cuius testimonio Monialis insuper addidit se meritis Venerabilis Fratris, virtutem obtinuisse perferendi quandam Regulæ austeritatem, quæ Medicorum iudicio, cum habituali quadam qua laborabat infirmitate, nullatenus confociari poterat.

Multas alias prætereo gratias & beneficia, maximè curationis omnis generis febrium, aliarumque agritudinum quas permulti tam Religiosi quàm seculares ad hoc sepulchrum, accepisse faciunt testatum. Quod paruido præ spiritualibus gratiis quæ in hoc benedictionis loco iugiter obrinentur. Hic, alij vires instaurant, & muniuntur contra Dæmonum incurfus, cuius habemus certissimas depositiones; alij feruorem concipiunt, & de die in diem ad perfectionem innouantur. Denique omnes vberius recreantur, & spirituales referunt gratias maxime singulares, & insolitas, quarum specimen vnum & alterum hic attexere sat esto.

Quidnam Religiosus supra modum anxius pro negotio, gloriam Dei & animæ suæ salutem spectante, instanter orans ad hoc sepulchrum; quasi fulgore quodam luminis Sole rutilantiore afflatus: vocem audiuit hunc in modum sibi loquentem, Tace & nefis sollicitus; Deo tuum negotium & teipsum committe; præstrictus hac luce, & totus offusus Religiosus in terram prouoluitur, profusisque lachrymis humiliter Deo dicit. Fiat voluntas tua, ô Deus meus, ad gloriam tuam, & salutem animæ meæ; heu: cum sim tantus peccator, quomodo dignaris tam specialem mei gerere curam. Exinde recessit repletus consolatione & superabundans pace ac tranquillitate spiritus, perfectè confidens de sui negotij exitu in tam amabili Dei providentia.

Alter Religiosus à Superiore suo aliquid exequi iussus, cui se maximè imparem iudicabat: hanc suam obedientiam ad sepulchrum Fratris Ioannis Deo commendans, tantas vires tantamque idoneitatem & aptitudinem ad illam accepit, vt, cum plena sui omnibus probatione, munus suum excellenter obierit.

CAPVT DECIMVMQVARTVM.

Apparitiones Venerabilis Fratris Ioannis post eius decessum.

PRÆTER attexta benedictionis testimonia, quibus pij huius Religiosi memoriam commendatam Deus voluit : hæc insuper habemus, quod personis summæ virtutis, fidèque dignissimis videndum se post obitum obrulit. Præcipua eius apparitio, & multo digna consideratu, fuit R. Patri Mathæo Pinaldo (viro ex-Prouinciali, & eius apud nos quem supra vidimus commendationis & meriti) cùm esset in arce Inculismea à Confessionibus Domino Marquioni de Chateau-Neuf supremo regij cæsarj Præfecto. Hic Pater vsus consuetudine per plures annos pij nostri Cœci, etiam antequam Ordinem ingrederetur, vt fusiùs dictum est, multum à Patribus Conuentus Rhedonensis, aliisque insignioris notæ personis quotidie pelliciebatur, vt quæ viderat, & sciebat de perfuncto à duobus annis Fratre Ioanne à sancto Samsons, tam seculari, quàm Religioso, scriptis mandaret, & relationem suam citiùs transmitteret. Distulit ille diutiùs, & postulatam relationem, propter aliquas non leuis momenti rationes, planè recusauit. Quarum hæc erat Prima, quod tunc arctissimè inclusus in arce Annodunaci, non erat ipsi liberum scribere, nisi ea ratione vt legerentur omnes eius epistolæ, ab eo qui præerat custodire Domini de Chateau-Neuf; timebátque ne in fabulam adducerentur bene multa simplicia, pluris facienda quàm vt plurimùm fiant à secularibus multis quæ exponere cogeretur. Secunda, quod omnia quæ foris prodierant, & ipse viderat ex Fratre Ioanne à sancto Samsons omninò nihil erant ad vitam eius internam & in Deo absconditam comparata. Tertia, quia sapiùs audierat eum dicentem, velle se, vitam suam hominibus esse prorsus ignotam, & vni Deo. quem in spiritu & veritate adorabat, agnitam. Adeoque Pater Mathæus planè nihil scribere apud se constituit, ne à defuncti intentionibus, quas singulari obseruatione venerabatur, leuiùs abiret. Attamen instantè adhuc permotus & enixè interpellatus à socio suo R. P. Basilio à sancto Ioanne, imò etiam & à Domino

Domino de Chasteau - Neuf, nec non ab eo cuius erat traditus custodia, utique promittente quam scriberet relationem, se fideliter tutèque missurum; negotium Deo impensius commendat; cumque serò decubisset, cœpit cogitare seriò & attentius, quid faciendum haberet: in tantum ut contrariæ hinc & inde rationes animo iugiter obuersantes (quantumcunque contenderet eas expellere) somnum ab eo penitus subduxerint. Pensatis igitur omnibus & diù nimis agitatis animo; Tandem ultimum decreuit nihil scriptò testatum facere, propter hoc maximè quod nullo modo conueniret à constante Fratri Joannis voluntate discedere: palam faciendo vitam quam semper omnibus, præterquam vni Deo, optarat ignotam. Hoc ipso eodem instanti, vidit omne cubilis sui interior coopeon, lumine repleri & coillustrari, cuius ope, manifestè vidit, & distinctè Fratrem Joannem à sancto Samsone, vestitum tunicâ suâ, scapulari, & caputio griseo natio colore, vultu graui, & Maiestatem præferente. Non exhorruit P. Matthæus, nec minimùm dubitauit, veram esse Fratris Joannis speciem, utique omnia oris lineamenta, oculos, capillos, barbam, & consuetam corporis compositionem, dum adhuc viueret, habentem. Per aliquod temporis spatium putà quod requiritur ad recitandum (*Pater noster*) contuitus est firmiter hoc obiectum nihil dicendo, ne socium in alio cubili quiescentem excitaret; sed hæc verba duntaxat mente concepit. Si tu ipse es (mi Frater Ioannes) si à me aliquid petis, & à Deo venisti, adiuro te per eum, ut libenter edicas quæ à me fieri postulas. Eliciens igitur (ait dictus R. P. Matthæus in sua relatione) hunc mente conceptum, diligentèrque obseruauans os eius, quod semper clausum videbam; ecce eodem tempore, audiui distinctè auribus meis omnia verba sequentia, (vox autem ore non aperto, nec motis vllò modo labii, inter ipsum & me quasi in aëre efformabatur.) *Non verearis, quam postularis, relationem mittere; verum est me semper optasse ignotam hominibus vitam viuere. Si vult Deus ad gloriam suam, innotescere Fratribus nostris qua possunt agnoscere; fiat voluntas eius: noli te opponere.* His dictis, subiit animum meum cum eo loquendi studium; sed prohibitus sum metu expetefaciendi, & exterrendi meum socium. Vnde hoc solum mente dixi, si Deo placuerit hinc me extrahere, haud dubiè postulata

stulata concedam : statimque cœpit lumen minui , & in instanti visio omnis euauit. Post hæc diutiùs adhuc immoratus sum in meditandis , voluendisque animo quæ videram , & audieram ; tandemque vocaui dormientem socium , eique dixi apud me esse constitutum , aduersaria mea de Fratris nostri Ioannis vocatione exhibere , propter rationes , quas ipsi cum primùm dies esset , aperirem. Et paucis ab hinc mensibus Rhedonas profecti , rogatum scriptis testimonium vltro concessi. Omnia huius apparitionis adiuncta ex relatione R.P. Matthæi exscripta , expressè hîc subiecta volui ; ne rei veritas in contentionem aut discrimen ad iudicatur , & ea perscrutantes erudiri atque intelligentes , Sanctuariique pondere trutinantes , vera spiritus Dei explorent signa , & natiuam apparitionis supra naturam agnoscant tesseram.

Visus est etiam semel & iterum , à Sanctimoniali summæ perfectionis , eique (hoc utique vinculo) dum viueret , acutissimè coniuncta. Primò vidit eum in aëre sublatum vestitum cappâ albâ , multum radiantem & fulgidâ , manûque suâ Conueniunt suum benedicentem ; Deinde ei & secundo apparuit cum esset in graui quadam angustia , eamque est consolatus , certior faciens de sua cum eo , glorioso & honorifico nexu , futura societate , & statim enauit.

CAPVT DECIMVMQVINTVM.

Epilogus totius Elucubrationis.

ISigitur fuit Venerabilis Frater Ioannes à sancto Samfone , in vita sua , in operibus , & in morte. Is in seculo , in claustro , & in virtutibus , collatisque à Deo muneribus , & gratiis : qui in hac tabella visus est. Talis fuit hic primi Carmelitarum Instituti acerrimus assertor , quem oculatum Cœcum , & ut diuinitus futura prospicientem ; merito videntem possumus appellare. Fuit quidem humilis frater , laicus professione ; Cœcus ab incunabulis ; secularis sapientiæ intelligentiâ planè destitutus : Sed altiori affusus , è cœlo , lumine ; in Ordinem Carmelitarum , ad Turo-niam prouinciam directus : vt ostenderet nobis & aperiret ut-cumque

cumque dimissam, quin potius elapsam, iniuriâ temporum, vitæ & veritatis in Carmelo viam; hoc enim vsa est, dignissimo planè suo instrumento, verè mirabilis, vtique in sanctis suis, piissima erga nos Numinis æterni prouidentia; vt sincerum nobis Carmeli restitueret spiritum: assiduum dico contemplationis cultum, & iugem cum Deo negotiationem: haud dubiè Carmelitarum partem opimam. Talis fuit subiecti nobis per eum 30. circiter annis, quibus nobiscum degit, diuini luminis eius fulgor & efficacia. Talis etiamnum efficax eius apud Deum gratia, & potentissimus interuentus, quibus auspiciatò tot cœlestibus donis, diuinisque muneribus, hætenus cumulati, & æternum (vti sperare est ex eius benignitate) cumulandi sumus.

Porrò quis qualisue fuerit Venerabilis Frater Ioannes à sancto Samsonè, longè melius ex scriptis eius agnoscitur, quàm in hac inerudita vitæ eius prorsus in Deo absconditæ, Epitome; in iis enim videre est mirabiles diuinæ Sapientiæ effluxus, & exundantes Dei spiritus emanationes, continentes sanctiorem spiritalis vitæ institutionem, & altius animarum regimen quocumque in statu & vocatione, ad supereminentem perfectionis apicem aspirantium. In iis inquam videre est & altiora fundamenta, & sublimiora scientiæ Sanctorum fastigia, magisque arcana mysticæ Theologiæ Sacramenta; adeò verum est spirituale hominem spiritu Dei in omnibus institutum, omnia scrutari, etiam profunda Dei. Hic igitur aduoco, & intentam volo eorum mentem qui in eius vita deposcent miracula, libenter enim hæc attexam (quod de Angelico Doctore olim Diuus Bonaventura verissimè dixit) scilicet quot sunt lineæ & verba in huius oculati Cœci scriptis, tot esse vera & singularia miracula; quod fatebitur non nemo, qui gustu spiritus Dei, & simplici operum gratiæ sapore vel leuiter affectus erit. Vnde & conuenientius fuisset tantas virtutes, tantæque merita, humili silentio venerari, quàm tam humiliter de eis obloqui, & omnibus partibus impar, tanti viri præconium inaniter aggredi. Sed quid? Sacrificium est, si non iustitiæ, saltem obedientiæ, imò & vtriusque; quid enim iustius, quam filios quocumque tandem modo (si quidem sat benè, si pro viribus) parentum virtutes commendare, & facta insignia posteritati tradere; vt numquam excidant, quæ sunt effica-

T

ciora

ciora ad virtutem incentiua. Quod si iustius hoc nihil est : iustissimum certè fuit , tot Patri beneficiis , gratiisque deuinctum inter alios filium , hoc in se munus suscipere , & licet inæqualiter ad eius dignitatem , vtrumque tamen executioni mandare. Itaque finem facio hæc Ecclesiastici verba , quæ defunt operi nostro abundè suppletura , appositè & vtiliter vsurpando. *Multa abscondita sunt maiora his ; pauca enim vidimus operum eius. Omnia autem Dominus fecit , & piè agentibus dedit sapientiam.*

F I N I S.



EPITAPHIUM

EPITAPHIVM VENERABILIS FRATRIS
IOANNIS A SANCTO SAMSONE.

Hec sub marmore quiescit

*Venerabilis Frater Ioannes à sancto Samfone, Carmel. Reformat.
Laicus, Obferuantia Rhedonenfis. Verè Cæcus illuminatiffi-
mus, quo fapientius, aut fufius, hoc feculo fcripfit nemo
de rebus myfticis, & vera contemplatione.*

VITAM DVXIT

*Austeritate & laboribus asperam,
Cæleftium contemplatione fuauem:
Daemonum continuo conflictu horribilem,
Angelorum confortio iucundiffimam,
Humilitate ad ima depreffam,
Ardore Seraphico in Deum transformatam.*

*Quotidianâ fynaxi refectus,
Pabulum cæleste cafto pectore fouebat, etiam
Ad sex horas incorruptum: natiuo calore
In Amorem verfo.*

*Quippe delicias putat Chriftus puriffimo
finu teneri.*

QVID PLVRA?

*In vita fua fecit monftra, in morte mirabilia
operatus eft.*

SISTE ITAQVE, VIATOR

Et, fi me amas, hîc Deum adora

In fuis gloriofum.

*Obiit in Carmelo Rhedonenfi, Vir verè mundo Crucifixus,
in Fefto Exaltationis S. Crucis. 14. Septembris. 1636.*

T 2

ALIVD



ALIVD EPITAPHIVM.

DILECTVS DEO, ET HOMINIBVS

VENERABILIS FRATER IOANNES

A SANCTO SAMSONE.

*Solus inter mortales, moriendo nouum nihil:
 Viuendo inter immortales, pauca expertus;
 Demixit seculo, cui numquam vixit:
 Deoque suo iunctus, à quo numquam seiunctus;
 Sepulchri tenebris binâ cecitate assuetus,
 Verum solem purissima mentis acie semper intuitus est:
 Et spiritali in terra lumine, quomodo alius nemo, desuper
 illustratus est;
 Deum suum videre, amare, amplecti, iamque toto frui*

PERSEVERAT.

*Siste paululum, Viator, & hoc vnum aduerte;
 Cæcus videt, mortuus viuuit,
 Pauper Euangelizat:
 Ignarus, indoctus
 Facienda scribit, scribenda facit,
 Beatus si audis, credis;
 Et sine inuidia
 Meliorum charismatum emulatur
 Imitaris.*



VENERABILIS FRATRIS
IOANNIS A S. SAMSONE
THEOREMATA,

ET

EFFATA SPIRITUALIA.

CONFITEOR TIBI PATER,

Domine Cæli & Terra, quia abscondisti hæc

à sapientibus & prudentibus, & revelasti

ea paruulis. Matth. 25.

PRÆFATIO

PERFECTA & absolutâ (si tam paucis absolui potuit) vita & virtutum Cæci nostri oculatissimi tabellâ, in qua cum admirabiles eius virtutes: tum vel maxime supereminentem contemplationis statum, adumbravimus quidem: ipse, si suis coloribus natus, etiam inuitus expressu; postularet Christiana charitas, quæ absque invidia, & ullo privati affectu commodi, quæ de cælo accepit partitur dona, ut opera eius omnia simul in lucem ederemus; & quæ nostra hætenus fuere singulariter, omnibus efficerentur communia. Sed quia tantus est illorum numerus, ut modò non simus huic persolvendo muneri, & reddendo communi voto, utrique & nostro; collegimus ex illa immensa scriptorum multitudine, lumina hæc & spiritualia documenta, ut absque dilatione, quantum fieri poterat, utrumque prestaremus. Et his diuina Sapientia thesauris Religiosi Mystæ, omnesque sacrorum arcanorum studiosi, saltem in compendio utcumque potiantur.

Non attigimus tamen contemplationes eius, Soliloquia, & mysticum armarium, in quibus continetur forma directionis Animarum Religiosarum ab ipsis elementis, usque ad summum contemplationis & diuinarum emanationum apicem. Mens nostra fuit, huiusmodi

iusmodi tractatus tot, ut ita dicam, complecti tumina, quot verba: & sicut illa Ezechielis animalia, corpus oculis undique plenum: vel ut cum sancto Machario Alexandrino loquamur, corpus totum oculum, & totum lumen constituere. Ideoque illibatos esse reseruandos, ad tempus, quod diuina providentia definiuit, propalandos.

Non sunt etiam ad amussim suas ad classes redactæ, omnes spirituales regula, tum quia sapissimè sub uno virtutis unius capite, de pluribus agitur, quæ sibi inuicem innectuntur, tum quia iucundius futurum arbitrati sumus in sua varietate opusculum, quam cum omni accuratioris dispositionis ordine, quem potuissemus obseruare.

Pratum est spirituale amœna florum confusione distinctum, cuius odor & pulchritudo non displicebunt gustantibus cum Propheta quantum suavis est Dominus. Felix Anima, quæ in eo, diuini amoris sanctissimum mel ad delicias exuget, illius exuberantia & ineffabili suauitate inebriata, mirari non desistet mirabilem in sanctis suis, qui semper in illis mirabilis, amplius mirabilem in dies utique nostros prestare se & exhibere videtur.



THEOREMATA

E T

EFFATA SPIRITUALIA

Eximij Contemplatiui, venerabilis FRATRIS
IOANNIS A S. SAMSONE, Laici,
Ordinis Carmelitarum, Prouinciæ Turoniæ:
Ex eius operibus collecta.

De Humilitate.

I. **E**xistimo humilitatem non conuenire præcellentibus Sanctis, quia incarnati Dei stupenda virtus est; excessus hic est, quo vtor in altissima mea huius obiecti notitia.

II. Cum attendimus simul ad magnitudinem, & amorem Dei: & ad eius humilitatem proprio exaratam sanguine, quando eum abiectum & in cruce pro nobis exinanitum contuemur: excordes essemus plane, & exanimis, ac supra modum ingrati animi labe infecti, si non amoris huic immenso ex omnibus viribus responderemus.

III. Quandoquidem passionēs & humiliações Filij Dei (ex parte eius) infinitæ sunt, magis expedit eas suspensis animis æternū demirari; quā tam abiecte dicere de hoc fundo, de quo fluit pelagus infinitum stupendarum veritatum.

IV. Adcorara est vera humilitas, vt non inueniatur, nisi in

iis, qui luctantur, agonisantur, & incessanter in eius asssecutione ad imitationem Iesu Christi; nullo quæsito in creaturis solatio, moriuntur.

V. Adeo rara est humilitas, vt nemo eius media, quæ sunt mortificatio, & sui contemptus, aggredi velit. Et optaret quisque, nullis de suo factis impensis, hoc stadium sensum cucurrisset.

VI. Veri humiles à consimilibus dumtaxat agnoscuntur, mors & cruces deliciz eorum sunt; licet illud non manifestent: sed heu de quo loquimur? de homine procul dubio, qui non facilius reperitur inter homines, quam phoenix inter aues.

VII. Vera ante Deum vita, alia non est, quam humilitas profunda, in derisionibus, in contemptu, in insultationibus, & perpetuis cõfusionibus. Alia quæuis, quantumcumque fulgeat, licet in die centies totus in diuina rapereris, aliud nihil arguit quam illudentem illusum, nisi sit summè humilis, & amator crucis.

VIII. Quàm magnum bonum est homini, esse continuò fabulam, & prædam linguarum hominum de vulgo.

IX. Nec exprimi, nec concipi potest aliquid in perfectè humili supra id quod effertur, cum mortuus dicitur.

X. Vera & profunda humilitas debet seruare vere mortuum semper mortuum, & æqualem; conscriptum cum Christo Iesu, qui est vita omnium viuentium, in veritate mortis & vitæ.

XI. Humiliationes perfectè humilis, vt plurimum plus passiuæ sunt quàm actiuæ; propter eius amorem, qui est summè patiens ad omnia perferendum & sustinendum.

XII. Multò purior & securior est via, à creaturis sine ordine & ratione acriter exagitari; quàm seipsum abiicere & accusare coram hominibus. Longè sanctior, purior, & perfectior est sic per alios versata anima: se enim ipsam exercens, tota est in semetipsa, & propter seipsam operatur, cum verò patitur, tota in Deum funditur & annihilatur, tantum attendens ad abyssum, tum diuinitatis, tum proprii nihili.

XIII. Potest aliquis ad eam humilitatis peruenisse gradum, vt iam amplius nesciat quid sit ipsa humilitas, nec alia quælibet

bet virtus prope talis, in exercitio ipsius. Quin & ipse amor præ illius excessu, & transgressionem in Deum modo omnino ineffabili, ignorari potest.

XIV. Si non potes ut Aquila peruenire ad æternos splendorum infinitorum secretorum Dei; vive ex humiliatione & humilitate, & te tantum deice in veritate tui nihili, quantum ascendere, & sine aliis altiora petere præsumpsisti.

XV. Quæ humilitatis leges hominem exterius dumtaxat instituunt, iis tantum conueniunt, qui natura stupidi & rudiores sunt, nec ad aliud conferunt, quam ad sensum cruciandum.

XVI. Verè humili nec iniuria, nec damnum inferri potest: quia plus voluptatis ex deiectione sua haurit, quam idem ipse, qui eum ex voluptate deiicit.

XVII. Religiosi propter amorem Saluatoris nostri pauperis & crucifixi, existimare se debent, & statuere scabellum pedum omnium hominum.

XVIII. Veri humiles omnem probationem à Deo, hominibus, & dæmone, supra omnem considerationem, discretionem, & rationem sustinent; possidentes seipsos in pace, & cordis quiete, expectantes cum omni humilitate beneplacitum Dei; siue ad vitam, siue ad mortem; non magis afficiuntur & occupantur iis quæ foris sunt quam si non essent.

XIX. Si contingeret nos esse ludibrium, & scopum caulationum alicuius, etiam non superioris; melius est illum sustinere; etsi liceret, imò expediret præuenire in voluntate Dei; secus facere, est suam mouere propriam vitam ad puras & simplices reflectiones, cum tamen hominibus ignoti, omni modo, & ratione permanere debeamus.

XX. Opus est summâ humilitate, fortitudine, & patientia, ut possit quis vivere inter meliores homines incognitus, & soli Deo notus.

XXI. Vbi nihil est, humilitas centrum suum obtinet, nam verum nihil hominibus apparere non potest, sed nihili loco, mors illis apparet. Itaque homines aspiciunt morientes & mortem, dum nihilum manet ipsis incognitum: Quin & ipsi suo possessori, adeo profunde in Deo immerfus est.

XXII

XXII. Excellentissimus humilitatis habitus, vere mortuorum dumnaxat, decor & ornamentum est.

XXIII. Vere humilis secundum naturam omnino mortuus est, cuius occultiores vias exploratas habens, eam ut ipsam mortem detestatur, non tanquam naturam, sed propter ipsius dolos & malitiam.

XXIV. Qui perfectum habet humilitatis habitum, nec de humilitate, nec de sanctitate in ordine ad se cogitat, sed de se ipso sentit humillimè, utique & operatur. Moritur & vivit in Deo, nec ad se, nec ad creaturas attendens omni in euentu quietissimus. Earum molestias summo cum gaudio sustinet, maiòresque semper exoptat, ut amantissimo exemplari suo Iesu Christo, perfecte similis efficiatur.

XXV. Generosa Anima incunctanter exercere se debet in humiliationibus, & mortificationibus tam internis quàm externis, in sancto & iucundo sui ipsius odio & contemptu delectabilisque pertinacium passionum suarum persecutione, & iis similibus; donec ab omni cordis nexu libera magistra sit sui ipsius & domina pro Deo.

XXVI. Nemo habet perfectum humilitatis habitum nisi mores eius, sensus, & affectus, perfecte expurgati sint, cor mundum, & animæ potentiz, sibi ipsis restitutæ, ita ut in amorem Dei, supra omnem virtutis actum, se possit efferre.

XXVII. Vere humilis qui nihil pro se appetit, seque à nemine lædi posse arbitrat, neque à Dæmone, neque à natura decipi umquam poterit, quia Deus eum tanquam quid sibi proprium, perfecteque cum in tempore tum in æternitate sibi subiectum, fortiter & potenter undique circumcingit.

XXVIII. Humilitas quæ plus ex ratione quàm ex amore procedit, simulatio est & species dumtaxat, quæ nunquam sustinebit ad extra hominum probationem, semper enim plus vel minus iudicium & rationem excedent.

XXIX. Quamdiu homo suavione indiget ut se humiliet, sibi que moriatur, vitæ propriæ totus est plenus. Cum autem amplius non indiget, tunc mortuus est, & veræ Dei vitæ particeps.

XXX. Longe satius est abiicere se; mortificare, & contem-
nere

nere, quàm humilitatis excellentiam dumtaxat agnoscere. Ideò sublimes mystici plus affectibus puris, altis, perditis, & sapidis, de ea scripsere, quàm rationibus

XX XI. Humilitas quæ non plus subsistit quàm vnctio diuina, fucus est, larua, & mendacium.

XX XII. Voluptas animæ summè humilis est, profundam Dei penetrare abyssum, in quam ad infinitæ eius magnitudinis & pulchritudinis aspectum, irrecuperabiliter se absorbet.

XX XIII. Gradus humilitatis, per respectum ad corpus sepultum, sunt: esse in infimo loco, esse inhumatum tanquam mortuum, esse putrefactum & corruptum. Id est, in æstimatione sui, esse cinerem, esse purum nihil.

XX XIV. Tantum est humilis amor, quantum amor est: & amor qui non est humilis Dæmon est.

XX XV. Amor est humilis in incipientibus, humilior in proficientibus, in verè perfectis humilis & vnicus.

XX XVI. Malum est secundum naturæ genium esse humili loco natum, sed è contrario bonum est secundum Dei spiritum esse abiectum, imò & annihilatum.

XX VII. Non inuenitur quisquam, qui se velit abscondere; sed omnes videri volunt, non quod sunt, sed quod non sunt.

XX VIII. Humilitas est fundamentum & planum virtutū omnium, ipsa mater earum est, basis & columen, vita, fortitudo, & principalis nervus. Et humilitatis fundus earum respectu adeo fecundus est, vt numquam exauriri possit.

XX IX. Vbi est perfecta humilitas, ibi quoque sunt & virtutes omnes; & si humilitas veller suum sola possidere subiectum, omni ornamento nudatum, & vetustis suis lacinijs operum exhiberet, quod fieri non debet.

XL. Omnis casus & defectio à virtute, surperbiæ signum est. Et si homo humilis verè esset, non solum numquam caderet, sed nec in via virtutis, quicquam in quod offenderet vmquam reperiret, propter summam attentionem qua sibi ipsis humiles inuigilant.

XLI. Beatus est qui habet perfectum humilitatis habitum, quia per hoc ad veram sanctitatem est dispositus.

XLII. Beatus ille, cuius pro ratione vitæ in sapientia, & vir-

b

tute

tute eminentis, animus pariter humilis est.

XLIII. Opta, expecta, sustine, morere ignotus in perpetuum: hoc est omnis, & vera sanctitas.

De Superbia.

I. **N**isquam securus est homo contra superbiam in hac vita, nam licet tendat in Deum, tamen pro ratione profectus sui in perfectione, inimici eius supra modum xacuuntur in ipso, ut impedian actiuitatem cursus eius puri & actiui in Deum.

II. Auulsâ ab homine spiritali primariâ superbix radice minores alix semper restant subtilissimæ, quæ germinant ad extra tot secretas suiipsius quæsitioes, ut deprehendi omnes nondum perfectè potuerint.

III. Delectatur summopere sponsus, per leniores culpas ordinariæ & communis infirmitatis sponsas exercere, ut eas à superbia eximat.

IV. Deus maximè odit proprias suiipsius quæsitioes in donis suis; siquidem ut aliquos ab hoc malo seruet immunes, etiam à stimulis superbix multam vim pati, quin superari plerumque patitur.

V. Deus libenter acceptat bonam voluntatem aspirantium & non valentium à superbia se liberare, eosque à vana sui complacentia custodit, per profundam, nudam, & abnegatam humilitatem, quæ sub manifesta illorum superbia abscondita est; Sic elatio molesta tales ab elatione delectabili vindicat: cui, si se perfectiores cernerent, subiicerentur.

VI. Utilius est homini in hac vita ignorare, an gratiæ & charitatis sit particeps, propter suam altissimam superbiam. Itaque summâ bonitate, & misericordiâ utitur erga illum Deus, cum sic ab eo thesauri gratiæ suæ & amoris abscondit.

VII. Pessima est creatura, quæ hanc Deo infert iniuriam, ut velit aliquid esse; etiam respectu cuiuscumque alterius.

VIII. Longè satius esset, esse insignem & manifestum peccatorem, quàm languere scienter in sua superbia, non descendendo.

dendo ad exercitia humilia & remota , quod est effectus superbix singularis.

I X. Molestia quam quisque patitur in re quacumque , superbiam manifestè arguit , nam etsi verè humilis omne quod potest excogitari sustineat , eo tamen non magis afficitur , quàm si alius , non ipse , pateretur ; quia mortuus est , solaque superbia potest eum efficere viuentem , & talem exhibere , tam sibi , quàm alteri.

X. Nec ab hominibus , nec à dæmonibus lædimur , sed à nobismetipsis , id est à propria superbia , & passionum nostrarum violentia.

XI. Ascensus , quem sibi quis supra alios arrogat , subtilis est sui ipsius quæsitio : qui propterea fugiendus est , quia sanctam , humilem , & simplicem sapientiam destruit , hominemque suis etiam magis necessariis & familiaribus intolerandum facit.

XII. Quò plus quisque iuris habet arrogandi sibi supra alios , eò plus timere , & abiicere se debet , iuxta Sapientis dictum : Quàntò magnus es , humilia te in omnibus.

XIII. Quàntò quis humilioribus est natalibus ortus , tantò magis cauere sibi debet à spiritu ascensus supra alios : etiam ij , quibus & ius , & ratio ascensum super alios tribuunt , eo uti non debent secundum naturæ genium , sed tanquam potestate sibi à Deo concessa , ad regendos alios , non per ascensum præcipitem & concitatum , sed per iustam rationabilèmq; auctoritatem.

XIV. O quot sunt Religiosi superbiam inflati , qui sub religioso habitu arrogant sibi ascensum supra inferiores omnis status. Dici potest de illis quod constituunt perfectionem in habitu suo , & austeritatibus suis : despicientes illos qui non habent eandem viuendi rationem , & indignos suâ societate iudicantes. Mihi credite , talis vita est ipsamet cæcitas , & lata ad inferos via , ut in æternum dæmones fiant.

XV. Perfectè moriens qui sibi summè semper attendit , & indefessè profundarum suarum humiliationum exercitationi , pro quacumque re numquam indignari debet.

XVI. Indignatio nihil est aliud quàm effectus altæ præsumptionis

prionis, & in se ipso confidentiæ, ideóque filia superbiz.

XVII. Indignatio & zelus sunt effectus præsumptis sapientiæ, intus excitatur indignatio, & zelus ad extra præsumptis superaliorum defectus.

XVIII. Humilitas & eius frequentes actus, opponere se debent perturbationi quàm excitat zelus in perfectis.

XIX. Quò plus homo est illuminatus, eò plus à zelo tanquam à morte abhorret: nec eo vitur nisi contra seipsum.

XX. Qui tantum secundum naturam perfectus est, imperfectos ferre non potest. Sola perfecta charitas, & profunda humilitas magnos naturæ defectus in fratre sustinet.

XXI. Si nusquam homo satis est humilis coram Deo, quomodo zelare audeat contra quemcumque.

XXII. Numquam zelare debet mortuus, nisi illi ex officio incumbat, etiamsi cælum & terra ruere deberent.

XXIII. Miranda res, quod homo perfectus impotentiam propriam non queat sustinere, sed eam velet subtili superbiâ, maximè cum ad opus aliquod leue quod aliis facile est, impotentem se videt.

XXIV. Quantò plus quis propriæ habet excellentiæ, tanto magis pudori obnoxius est.

XXV. Satis est Dæmoni quosdam fouere in sua spiritali sensualitate, superbia, & præsumptione: nec curat maiora eis ad extra inferre nocumenta, ut ipsi magis ac magis seipsum semper excœcent, & nullatenus peccatores interius agnoscant: licet enim se tales profiteantur, hoc tamen aliud nihil est, quàm fastus, vanitas, & complacentia secreta. Suadet illis amor priuatus se esse cum Deo intimè coniunctos, & in tantum obcœcat, ut suam molliem & sensualitatem, verum & simplicem spiritum affirmant. Expediret ipsis, ut essent in vulgari hominum statu, cum mediocri gratiæ & charitatis gradu, se enim peccatores saltem agnoscerent, qui se omnium sanctiores arbitrantur.

De Cognitione suiipsius, & proprij nihili.

- I. **S**cientia maioris momenti & magis necessaria homini in hac vita, est suiipsius cognitio.
- II. Heu homines de rebus omnibus differere, & interim seipso ignorare: oculati sunt respectu aliorum; respectu verò sui, cœci: prudentes ad consulendum aliis, in proprio regimine, vani & stulti.
- III. Antiqui Philosophi, & adulterini Christiani nunquam cognouerunt, nec vñquam cognoscent, quid sit iacturam sui facere in humilitate, & sibi mori.
- IV. Felix ille, cui (postquam à seipso per omnia omnis generis peccata exiuit, & totum orbem quasi de domo in domum circuiuit) Deus tandem ope radij sui luminosi, semitas & viam propriæ domus aperit, vt rursus introgrediatur, & ruinas eius restituat.
- V. Qui domus suæ propriæ fundum inuenit, debet eam ædificare in charitate, & virtute, in humiliationibus sempiternis: in quo opere quò plus laborabit, eò minus fatigabitur, & ad perfectionem sensim perueniet.
- VI. Qui non occupatur in agnitione sui, nequam est: quia nihil aliud agit in sua vita bestialiter effusa, quàm destruere naturam suam, laxjs habenis ad omnia culpæ mortalis mala prorumpendo.
- VII. Cor illorum qui se non agnoscunt, vas est felle & amaritudine semper plenum, tanquam carnalium, tumultuantium & inquietorum hominum, semper accinctorum ad mordendum & carpendum omnia aliorum facta.
- VIII. Miranda res, quòd nostrum speculum proprium adeò sit impurum, vt nos nobis representare non queat, & tamē aliorum defectus in eo tanta cum curiositate deprehendimus.
- IX. Qui se ipsos non agnoscunt, in arguendis aliis quotidie detinentur; nec vñquam quæruunt semitam & viam vt illic introeant, vbi scilicet numquam fuerunt; id est cordis & mentis, suæ domum, auertente eos ab ea, ac magis & magis
- b 3 sem

semper elongante cæcitate eorum & duritia.

X. Multò melius videmus deformitatem imperfectionum nostrarum in alijs, quàm in nobismetipsis.

XI. Quicumque delectatur & confidit in Deo, habebit omnē in se ipsum potestatem, & clarè suum nihilum intuebitur.

XII. Placet maximè diuinæ Majestati videre nos exinanitos, in notitia & confessione sui totius, & nostri nihili.

XIII. Necessè est hominem qui videt & sapit Deum per illuminationis eius influxus, videre quoque & sapere nihili sui veritatem.

XIV. Qui potenter moti sunt & repleti diuina sapientiâ, tam perfectè vident rerum omnium nihilum, maximè sui ipsorum, ut humilitatem pro se quatenus talem non admittant; quia humilitas in se ipsa non est aliud quàm via ad nihilum, & nihilum terminus est, in quem humiliationes & humilitas coeunt & adunantur.

XV. Si vultis scire quàm sunt, qui Deo gratiores sunt in hac vita; certò credite eos esse, qui omnino annihilati coram ipso ambulant.

XVI. Rerum omnium & sui ipsius obliuio contemplationi iuncta hominem efficit diuinum.

XVII. Non operatur omnia Deus, nec eodem tempore in suis amicis quæ ad perfectam vitam pertinent; ut ipsis relinquat unde verum nihil suum recognoscant, seque in virtutibus, & amore diuino exercent per, sensuum suorum omnimodam abnegationem: quo superabundantem Dei sanctitatem sustinere possint, sine ipsius & sui dispendio.

XVIII. Qui sunt perfectiores debent semper se aspicere tanquam infinitè defectuosos: in hoc ipso, quòd infinita puritas spiritus illis deest.

De Peccato.

I. **I**psa potestas peccandi ob oculos posita, terribilissima est misero viatori.

II. Si Deus tam seuerè castigat sanctos in hac vita, etiam per tortores infernos: profectò dicendum & concludendum est perditos esse peccatores.

III. Omnis anima fortiter in intimo sui ipsius à Deo tacta, sentit, & in veritate credit, se eum plus solam, quàm ceteros simul homines offendisse.

IV. Non debent sibi omnino mortui expectare suæ conscientiae stimulos, ut peccata sua discernant; hi enim stimuli in grauioribus dumtaxat peccatis venialibus inueniuntur: & hoc esset liberius viuere, nobis maximè, qui altiore spiritus perfectione profitemur.

V. Recta in omnibus intentio non sufficit, nisi etiam actus Deum inter & nos: nòsque & creaturas, ex omni parte perfecti sint.

VI. Omnimoda perfectio animæ verè illuminatæ, in eo sita est quòd ordinem suum, simul & inordinationem videat.

VII. Peccata commissa per affectum ad seipsum, & suum benè esse, inter venialia grauiora sunt: & numquam remittuntur quandiu non corriguntur, etiam si centies in die sacramento penitentiae subijcerentur.

VIII. Deus ferre non potest peccatum in electis suis, quin castiget illud, & destruat per effectum præsentis suæ iustitiæ.

IX. Multi præ iugi adhæssione studiis suis & voluptatibus, & conuersione peccatorum venialium ad suos proprios gustus & delicias, nec vias eòrum, nec vllas semitas in se animaduertunt, nisi cum illis mortalia videntur. Tunc ad libros recurrunt, ut ea si possunt venialia tantùm efficiant, & in posterum sine scrupulo perpetrent: hi coram Deo monstra abominationis sunt. Numquam eos amor reformabit, sed flagella dumtaxat, morbi, & atrociora tormenta, quæ vel patientur, vel pati videbunt, alios hominum aut Dæmonum ministeriò.

X. Non

X. Non debent semper considerari peccata penes materiam sed penes gratiam, & vniuscuiusque lumen.

X I. Parum peccant ex ignorantia Religiosi.

X II. Peccatum debet æstimari pro ratione luminis, affectus, fidei & intentionis vniuscuiusque.

X III. Anima suauiter à spiritu S. mota, eum habet actionum omnium suarum testem : & cum peccasse vel non peccasse iudicat, utique verum esse debet. Deus enim in illa amor, & lumen est, & sicut illam sanctificat, sic & in omnibus illuminat.

X IV. Tenentur omnes in conscientia, quâ possunt maiori perfectione, incessanter operari.

X V. Cum sibi quis proposuit perfectionis stadium, & in eo currere toris viribus apud se statuit; omne tempus quo scienter & deliberatâ mente aliud vacat, habitâ ratione eius quod exposcit ab eo Deus, peccatum est: & à Confessarijs vt tale reputandum est.

X VI. Multum difficile est legem ponere, circa peccata, ijs qui continuo, ardenti & generoso amore feruntur in Deum: quia cum eorum corda sint velut amoris fornax ante Deum, omnes eorum incidentiæ statim atque apparuerunt, in ea consumuntur: sicut scriptum est: charitas operit multitudinem peccatorum.

X VII. Minor ad Deum attentio animam quidem leuiter laedit: sed negligentia grauiter velnerat.

X VIII. Omne quod agit & loquitur Religiosus, sine rationis præuisione ad minimum, actus, aut sermo otiosus est.

X IX. In nostris offensis & inordinationibus prius in Deum quam in nos debemus reflectere, sub pœna peccati.

X X. Vix reperitur aliquis, cuius intentus, tempore temptationis, semper in Deum sit æqualiter erectus, utique & à peccato immunis.

De Vanitate Mundi,

I. **M**undus quem nos dicimus vanitate plenum, aliud nihil est quàm cœtus, & adunatio peruersorum, & reproborum, qui perpetuo conatu Dei cultum euertere & destruere nituntur.

II. Mundus est omnis malitia, omne venenum, omnis corruptio, omnis crudelitas, omnes tenebræ, omnis error, & omnemendacium.

III. Inter omnes mundanæ nequitix partus, voluptas & crudelitas principatum tenent.

IV. Mundus est vbique diffusus, & non falleret si dicerem, esse in multis Religionibus, vtique & pluribus Religiosis.

V. Deus est inimicus mundo, & mundus Deo, & qui mundum dicit, dicit omne possibile malum.

VI. Qui de mundo non sunt, ducunt vitam puram, dulcem tranquillam, lætam, in spiritu liberam, iucundam, Deo gratam; patientes sunt, mansueti & mites: amor eorum rationum suarum studiosus non est, nec supra se reflexus: nemini nocent, non se vindicant, benefaciunt ijs qui eos calumniantur & persequuntur: passionibus suis incunctanter contradicunt: Deo omnia tribunt, sibi præter contemptum nihil.

VII. Qui non sunt de mundo nil audiunt, aut vident ex quo purum spiritum non eliciant, dimittunt omnia esse qualia sunt, & benè de omnibus iudicant; semper accincti ad recipiendum de manu Dei quidquid creaturarum ministerio eis accidere permiserit, & eorum charitas tam intus quàm foris ordinatissima est.

VIII. Qui non sunt de mundo, verè abstracti sunt, eleuati, puri, & contemplatiui. Alij viuunt in claustro, alij in seculo, alij in actione, alij in pura contemp'tatione, alij spiritu solitarij sunt secundum altiore perfectionis statum; alij & corpore & spiritu; Et in vtraque solitudine diuinas & secretas illustrationes Dei infiniti abundanter recipiunt.

c

IX.

I X. Dimittamus vanitatem vanis, stultitiam stultis, tenebras cæcis, corruptionem corruptis, molliem voluptuosis, & demum carnem cum omnibus suis concupiscentijs carnalibus peccatoribus, æternum miseris & infelicibus.

X. Qui partim mundo, partim Deo volunt vivere: mundus illos, Deo respiciente sibi adsciscit tanquam suos, ut illis utatur ad quodcumque poterit.

XI. Etiam si iusti sint in laboribus, persecutionibus & gravissimis anxietatibus, sicut & mundani; nihilominus tanta est differentia inter hos & illos, quanta cælum inter & terram.

XII. Quæ enim afflictio iustos viuentes pretiosissimæ cruci mundanorum ministerio affigit, eos in hac cruce mortuos post fidem perseverantiam ad altissimum gloriæ statum subleuat, & attollit, cum alij inferorum cruciatibus se iam in hac vita, qui eos prosequuntur in alia, infelicitate adducant.

XIII. Miranda res, videre abundantem sanctitatem, in eminentiori loco desolationis & abominationis seculi; Et quod in aula bene multi sint in apice honoris & dignitatum positi, quorum exemplaris vita permultos robore suffundit qui multo minores habent occasiones perditionis. Sed quibus Deus est omnia, illis creatum nihil est, in quocumque statu, loco, & conditione sint; & non sunt plus in mundo, quam quod omnino in eo non est, voluptatum subiecta, in æternæ vitæ, & veræ sanctitatis argumenta vertentes.

XIV. Novit dominus suos à mundo segregare, tanquam sibi pro sua bonitate & misericordia, destinatos, ita ut eos tempore convenienti efficaciter moveat diuino suo spiritu, cuius suauitas efficit eis mundum & omnes eius suauitates ipsâ terrâ insulsiores.

XV. Quidnam est mundanus homo, carnalis, & animalis, quam præda dæmonis.

XVI. Mundi corruptio & eius assecularum non aliunde prouenit, quam quia Dei Maiestatem nec intra se, nec extra considerant, ideo tradidit eos naturalibus & belluinis cordis sui desiderijs.

XVII. Vniuntur mundani in damnum & ruinam bonorum, & diuiduntur ut se inuicem persequantur.

XVIII.

XVIII. Scriptum est, cor durum habebit malè in nouissimis, terribilis comminatio mundanis induratis in peccato, quando- quidem heu ! satis illis dicere est se in statu in quo nunc sunt morituros

XIX. Effectus gratiæ in nobis , magnum est & continuum miraculum, superans alia omnia visibilia miracula.

XX. Mundus est instrumentum, & assiduus minister Diaboli, qui ipsius author est & morale principium.

XXI. Fugere debent boni mundi consortium, tanquam Diabolum, mortem & infernum, & si in amore & via Dei proficere volunt, firmiter credere, mundum esse infinite peiorem, quàm experientia doceat, & explicatu sit.

XXII. Perditio reproborum stimulus est adeò viuis & acutus sanctis animabus , vt eas dolore, & mœrore possit conficere, quod indubitanter foret, nisi Deus eas amore speciali, & amorosâ bonitate conseruaret.

XXIII. Iusti, quorum vita militia est continua in mundo, & cuius blandimenta illis morte amariora sunt, bibunt & comedunt ad plenam satietatem dulcissimum & suauissimum diuinorum infusionum manna ; quarum exprimi nihil potest, & qui non est expertus.

XXIV. Mundi persecutio fornax est ardens ad purgandum & probandum bonos, ne nimia pax & quies ansam eis tribuat conuersionis ad seipsoꝝ, & creaturas, in qua bonitatem suam & iustitiam amitterent, vel saltem inficerent.

De Vocatione ad Religiosum statum.

I. **V**ocatio supernaturalis consistit in rationabili desiderio Religionem profitendi, quod incessanter cor stimulat, & licet, quietus esse non possit quandiu non est voti cõpos, aut de eo securus, qui postulat, nihilominus motus non desinit esse à gratia , cuius euidentius argumentum est istud desiderium, & constantia in proloquendo eius effectus; Et si vocatio non minus vera sit , licet aliquando remissior postea fiat prosecutio.

II. Etsi accedens ad Religionem ignoret propriè quid quærat, nihil refert, sufficit quod firmum habeat propositum implendi omnia quæ continet institutum.

III. Si Religionis ingressum sequatur dissolutio: signum est, ingratitude, non verò nullitatis vocationis.

IV. Aduenientes post primas inspirationes tentationes, non arguunt veræ vocationis nullitatem: sed cum implevit Deus munus suum preueniendi animam gratuito, & amorosè; utique incipere debet & ipsa suum exequi in odio & abnegatione suisplius.

V. Quilibet Religiosus debet cognoscere ad quid ex professione sua teneatur, cui enim plus tribuitur, & ab eo plus repetitur; idèò Religiosus ad maiora quàm secularis obligatur.

VI. Numquam satis deseri potest Religiosus, qui detinetur in creaturarum oblectamentis, cum sit vocatus ad Deum perfectè possidendum in suprema libertate, & coniuncta spiritus exercitatione erga diuinam Maiestatem.

VII. Ha! si Seculares scirent & saperent nostram felicitatem, quàm malè de sua sorte, & de nostra bene sentirent!

VIII. Beneficium vocationis ad Religionem alia omnia continet eminenter, & quidem sublimi modo atque mirabili: sed hæc est nostra infelicitas, quòd parvipendimus, erga diuinam Maiestatem, pro ingratis haberi.

IX. Ad hoc vocati sumus & electi à Deo, ut ipsi exhibeamus omnem vitam nostram in iugi certamine contra nos ipsos & appetitus nostros.

X. Religiosus qui verè commotus est super excellenti dono suæ vocationis, semper in se recollectus est; & pro deliciis habet, abnegare seipsùm continuò, contradicendo naturæ animali usque ad mortem corde magno, & alacri spiritu.

XI. Religio est proculdubio verum martyrium, & completum veri Religiosi purgatorium, si Deo vacat in perfecta sui reformatione, & vitam ducit perpetuò abstractam,

XII. Religio est seminarium perfectorum, & qui in ea imperfecti sunt voluntariè, utique corpore, sed non spiritu in ea sunt.

XIII. Religio quæ non metuit admittere malas indoles, passionum tyrannidi subditas, & quæ vi humiliationum exter-
narum

narum dumtaxat ordinantur, breuì se ad perditionis punctum adactam videbit.

XIV. Deus Religionem instituit non solum ad saluandum, sed etiam ad sanctificandum nos, & prae cæteris vulgaribus, electis sui participes efficiendum.

XV. Dolendum maximè quod nonnulli Religiosi, qui debernt esse arbores vitæ, fructus mortis tantum, sibi, & alijs sunt.

XVI. Inducti sumus in Religionem, non vt nos quæramus, & viuamus secundum naturæ studia, & motus, sed vt in hoc omne gaudium, quietem & felicitatem nostram constituamus, quod Deum ad imitationem sanctorum magno animo sequamur. Quod si non facimus, inimici nostri domestici, insurgent in nobis contra nos: & fortasse præda eorum erimus.

XVII. Existimo nos fore profundius humiliandos & cõfundendos ex eo quod perfectioni spiritus non vacauerimus in statu Religionis, quàm pro omnibus peccatis vitæ nostræ in mundo transactæ.

De Obedientia.

I. **A** Deò breuis est, & secura obedientiæ via, vt qui in ea ad finem vsque perseuerat, possit dicere se quasi dormientem & absque labore ad portum optatæ felicitatis appulisse.

II. Multò securius est hominibus obedire, quàm imperare.

III. Facillimè decipitur homo in via propria, quando solus est, & sui iuris, nil autem securius, quando Deo, & suis Superioribus perfectè subditus est. Cæterum valdè deplorandum est, vix quemquam reperiri qui vere obediat, ex corde, & ex affectu.

IV. Religiosi debent se Deo sacrificare animose & corde magno, per iugem imitationem excellentissimæ obedientiæ, quæ Deum in nobis & pro nobis hominem ferit.

V. Obedientia Iesu Christi adeo viuum, & continuum debet esse Religioso ad obediendum in omni humilitate incitamentum, vt numquam ad Superioris mandatum rationi reflectere

permittat.

VI. Obedientia eorum qui in camino humiliationis & tribulationum, tam spiritus quàm corporis expurgati sunt, infiniti prerij est ante Deum.

VII. Veris obedientibus incundiùs nihil, quàm obedientiam in infinitum præstare, protinus, simpliciter, alacriter, animosè & constanter; ex omnibus viribus tam internis, quàm externis.

VIII. Simplicissimi & humillimi obedientes numquam se grauatos putant, aut posse grauari; dociles sunt & ad persuadendum faciles, quidquid eis sinistri accadat, ostendunt se has omnes & maiores afflictiones firmo animo iugiter expectare.

IX. O Deus infinite! tempus perfectè obediendi amplius non est, transit cum vita antiquorum Monachorum, Anachoretarum, & primorum nostrorum Patrum. Non inuenitur quisquam amplius qui excellentem hanc virtutem perenni gloria & honore dignam, æternùm colere velit.

X. Quò plus res aliqua leuis est in ratione obligationis & virtutis, eò plus ei adhærendum est per rationis electionem.

XI. Simpliciter obediendum est, cum iubemur austeritates nostras, & aliarum opera virtutum dimittere. Plus enim optare debemus esse sancti, & in fundo veraces; quam in nostris operibus, & esse contenti tales existere quales nos vult Deus non curantes quòd operabimur, aut non operabimur.

XII. Quatuor requiruntur ad hoc vt opus sit ex omni parte perfectum, scilicet opus ex se bonum; aut saltem indifferens, Intentio diuina, medium benè ordinatum, & sæpè perfecta mentis attentio ad operis circumstantias.

XIII. Quicumque propriæ renuntiat voluntati vt alienæ obsequatur, alij semper eius implent voluntatem; & nil vnquam ei præcipitur, quòd non pari alacritate exequatur, ac si ab ipsa sua procederet voluntate.

XIV. Etiam ipse vniuersus orbis cum minimo perfectionis Religionis, & disciplinæ regularis, dispendio non esset conseruandus.

XV. Humilis regularitas, vita est Religiosi, quam præferre debet

debet omni occupationi, nisi sit expresse mandata; omnemque dispensationem strenuè vitare debet.

XVI. Non debemus dedignari nos subiicere hominibus: siquidem fecit hoc pro nobis Iesus Christus: & quicumque non est super hoc, sensu & affectu motus, altissimè Dei misericordiam inclamare debet, alioquin de illo actum est: potest enim prælatis opera sua abscondere, sed non Deo.

XVII. Verè obediens ab omni inordinatione & passi one liber est; & eius contrarius à bestiis deuoratur. Id est ab appetitibus inordinatis, terramque vt serpens comedit.

XVIII. Inobedientia superbix filia est, sicut & obedientia humilitatis partus est.

XIX. Quicumque Deum diligit, honorat eum in suis superioribus. Inobediens verò, ordine inuerso eos iudicat & arguit.

XX. Religio inobedienti infernus est, quia in ea voluntas eius numquam adimpletur.

XI. Boni & veri Religiosi mites sunt & mansueti, sicut agni pacifici, obediens suis superioribus tanquam Deo, qui illorum ministerio regit eos.

De Paupertate.

I. Nihil habere & nihil velle, est nimis abundare in bonis & diuitiis, est esse eleuatum super omnia, vnde non videntur creaturæ nisi à longe. Demum nihil habere, & nihil esse, est esse Deo plenum.

II. Animæ amorosæ omnia bona sua deserunt, vt amorem sequantur omnino nudæ.

III. Gloriabor & delectabor in paupertate mea, siquidem est sponsus meus charissimus qui diuitias meas possidet, in sanctis suis, sint illis diuitiæ, gloria & lætitia: mihi omnis miseria, languor, & paupertas.

IV. Quicumque recusauerit sequi Iesum Christum pauperem, numquam eum possidebit in abundantia diuitiarum suarum nec gratiarum, nec virtutum in hac vita, nec gloriæ in altera.

V.

V. Dimissio bonorum temporalium in mundo, aliud non est quàm introitus ad veram paupertatem Domini nostri: quæ in eo sita est quod se libenter eucat homo rebus etiam valde necessariis ad vitam, eorùmque penuriam patiatur in pace, & animi quiete. Et qui tædio in hoc praxi afficitur, non est verè pauper.

VI. Nemo est verè Religiosus nisi per iugem exercitationem paupertatis spiritus: quæ consistit in perpetua desertione & exuitione sui ipsius & creaturarum: non secus ac si non essent, optando esse sine astimatione, imò etiam haberi pro stulto & insensato à suis, si contingat, & suppr. mendo ratiotionem omnem, supra ordinem & inordinationem actionis creaturarũ.

VII. Unusquisque vult esse in existimatione, & bona opinione: dum Deus homo factus habetur in nostra humanitate pro stulto, pro vini potatore, & dæmoniaco. O stulta insensatorum Religiosorum stultitia, qui Dei beatitudine frui præsumunt, non imitantes eum in cruce sua, in pœnis, in paupertate spiritus, alijsque virtutibus.

De Castitate.

I. Cogitari non potest quantum Angeli sunt vere castorum amatores. tam expressè eos in sua protectione suscipiunt, ut dæmones nocere illis nisi difficillimè & remotissimè possint.

II. Castorum vita verum est martyrium, cum enim castitatem colere non sit habere castitatem adeptam: in hac exercitatione vehementissimæ colluctationes sustinendæ sunt.

III. Si tentatio admittitur, delectatio proximè sequetur: & si delectatio excipitur, voluptas quasi infallibiliter consequetur.

IV. Religiosus non potest esse castus in suo corpore, nisi prius, sit etiam mundus corde & spiritu: introuertens se iugiter in Deo, & continuo, à sensibus, & à creaturis omnibus sibi cauens.

V. Bestiale concupiscentiæ vitium, assiduus est superborum tortor.

VI.

VI. Qui de Virginitate sua, & castitate gloriantur, & non curant excolere continuò animas suas, similes sunt quibusdam animantibus, quæ naturaliter casta sunt, & nihilominus semper animantia.

VII. Ad obtinendam castitatem, quæ Dei donum est, oportet ad eum se verè, continuò, & ex toto corde conuertere; amouere à se vanas delectationes omnes, etiam licitas, & non expedientes, atque creaturarum consortium; & viuere in solitudine corporis, & animi, quantum fieri potest. Demum nil pretio ducendum est quàm pacis possessio, quæ superans omnem sensum, & cogitatum custodiet corda nostra & intelligentias in diuina charitate lesu Christi.

De Modestia.

I. **I**mpossibile est simplicem & luminosum, non esse modestum & ad extra benè compositum, quia est effectus veriluminis & diuinæ sapientiæ, quæ cor & vires animæ suauiter interius detinens, prodit exterius saporis sui radium.

II. Anima simplex nil habet coactum in se, nil violentum. Et ipsemet est Dei spiritus, qui quasi solus operatur in eius operibus ad extra, propter gloriam suam propriam & proximi ædificationem.

III. Non est dictu possibile quantam habeat virtutem summa alicuius modestia, ad prohibendum alios ne ad quidpiam inordinatum soluantur, & eos ad seipsos reuocandum.

IV. Modestia hæc habet excellentiæ, quod visa & inspecta in speculo veri simplicis, & modesti, videntur in instanti, & gustantur simul cum ea omnes virtutes spiritus.

V. Et si corpus disforme sit in aliqua sui parte, modestia hanc disformitatem abscondit, quia secretò rapit intuentium corda, & mentes, eosque tam profundè afficit, vt certâ quadam admiratione quasi extra se positi remaneant.

VI. Licet verè modesti affligantur interius infernalibus doloribus, & languoribus, quos Deus modo diuino operatur in eis; & simul à creaturis exagitentur ad extra, nihilominus sem-

d per

per æquales sunt, tranquilli & immobiles in seipsis, aliud nihil quàm modestam lætitiā præ se ferentes, vt suas afflictiones celent ijs quibus innotescere non debent.

VII. Sapientia diuina relucet in fronte, & in omnibus actionibus modestorum, ita vt videantur inter alios quasi Angeli incarnati.

VIII. Modestix effectus est libenter audire alios de Deo loquentes, & non nisi cum certa sobrietate, quæ animum à magisterio alienū ostendat, de eo loqui, nihil in alijs reprobare, abstrahendo se à quolibet, & nihil ex eo eliciendo præter puriorem spiritum; fugere omnem singularitatē & partialitatem: omnibus habere honorem: & omnia operari quæ nobis ex officio incumbunt, siue priuatim siue publicè cum altissima demissione & humilitate.

IX. Immodestorum conuersatio plagas & vlcera vbique facit, linguæ eorum & sensus ianux sunt morti semper apertæ, & est eorum consuetudo de alijs iudiciū ferre pro vt in se ipsis sunt, omnibus de intolerandi sunt, & miseros Superiores sub onere regiminis sui ad gemitus adigunt.

X. Eadem reuerentia debet haberi corpori ac animæ, quia templum Dei viuens est, in quod dignatur quotidie personalliter introire.

De Solitudine.

I. **B**eatior non est vita quàm verè solitaria, & à Secularium negotio, sollicitudinēque remota: quia in hac felici vita Deus prebet se totum creaturæ, & creatura totam Deo, per intimam vñionem, & vinculum cordium & animarum.

II. Veri Religiosi viuere debent in suis domibus omnino solitarij spiritu & corpore, in perpetuo silentio, oratione & recollectione suarum vitium in Deum, per veritatem & fidem abstractionem ab omni visibili, materiali & sensibili, vt sic in Deum erecti viuant in pura & simplici rerum supercælestium & diuinarum contemplatione.

III. Quibus nihil est cum hominibus agendum, is solitudo
&

& quies debet esse bonum omne super terram , vt in ea fundum suum excolant , aut si perfectum sit, læti inhabitent.

I V. Solitudo infernus est ijs, qui naturâ sunt turbulentis, amarî, morosi, inconstantes, leues, inquieti, & subtilioris, acriorisque ingenij, sed præcipue summè melancolicis.

V. Non tantum corpora nostra in cellulis & solitudinibus includenda sunt, sed & spiritus & corda illic quoque detinenda, vt omnino reclusi, & solitarij, possimus nos ipsos plenè possidere, & inde nos in Deum, ope gratiæ eius efficacis euehere.

VI. Solitudo tantum conuenit iis qui sunt bonæ indolis, lætis, affectiuis, mitibus, sedatis, & sanis corpore & spiritu.

VII. Esse solitarium corpore, dumtaxat, est esse tanquam animal inclusum.

VIII. Vera solitudo, est in spiritu: ipsius regio, & desertum, est in Deo, Patre & Magistro omnium spirituum.

IX. Verus solitarius debet se ipsum & omnia creata in sua solitudine transcendere, vt Deo vniatur, & funditus adhæreat.

X. Quanto plus homo diuinus est, tanto plus seipsum, & omnia creata supergreditur, in imo suæ residentię, sibi soli & suis consimilibus notæ, se immergens. Mihi credite, tale nihil est, sicut hæc solitudo incessanter vbique versata, quantum expedit, secundum Dei ordinem.

XI. Inutiliter media ad vitam spiritus vsurpantur, nisi corporis & animi solitudo, quantum conuenit, obseruetur.

XII. Felix qui electus est, & vocatus à Deo ad diuinam solitudinem, quæ tanquam paradysus terrestris æstimata est, ab omnibus solitariis, qui per iugem in Deum excessum sancti effecti sunt.

XIII. Cum quis ad solitudinem vocatus, & verè tractus inuenitur, ibi relinquendus est in sua quiete & non abducendus ad communes & latas hominum vias, licet in eis se custodiat, quantumcumque enim fidelis esse possit, cum ad suam solitudinem fuerit reuersus, multum se amisisse inueniet, varias congerendo species, quas ipsi inuito natura repræsentabit.

XIV. Manualis exercitatio in aliquo bono opere, & scriptio rerum sanctarum, solitudini Religiosæ non aduersantur, modo

d 2

non

non noceant internæ cum Deo occupationi.

X V. Verus solitarius ad extra necessitate distractus , nil tam exoptat, quam charam suam solitudinem : & cum ad eam reuertitur , volare se arbitrat.

X V I. Solitudo est arena militiæ spiritualis , vbi necessaria sunt absolutè solitario arma spiritualia , vt contra seipsum præualeat ; se , & omnia prætergrediatur ; & Deo totaliter vniatur.

X V I I. Militia bonorum secularium contra peccatum est, & solitariorum Religiosorum contra imperfectionem.

X V I I I. Magna est miseria verum bonum nescire , & omnem mundum velle sapere in propriam ruinam. Seculares suum bonum quærunť cum damno Religiosorum absque sua culpa , & Religiosi ipsis insaniore, omni sollicitudine & operâ , secularium bonum quæritant cum sui dispendio.

X I X. Nullus est homo , qualiscumque sit , qui non sibi, suoque bono, magis debeat , quàm mundo vniuerso , & non video vocari quemquam ad saluandum vniuersum mundum cum præiudicio suæ perfectionis propriæ.

De Silentio.

I. Silentium & solitudo, frater & soror sunt, qui sibi manum præbent, vt se inuicem tueantur.

II. Multum difficilis est virtutis silentij acquisitio, ei qui spiritu Dei vacuus est, & nullo modo introuersus.

III. Sæpè ad obtinendum medium vsque ad extrema rationabili necessitate progrediendum est. Quia igitur multiloquium veri silentij extremum est , ad acquirendam virtutem bene & sapienter loquendi , silentium extremum est obseruandum.

IV. Silentium internum alio præstantius est. Per ipsum ratio & voluntas compescunt motum , cursumque efferatarum passionum in parte concupiscibili , & irascibili ; & externi silentij obseruantia vtrique comparandum est.

V. Internum silentium quod frenat omnes passiones, Religioso

giſo verè ſpirituali dumtaxat conuenit, aut ei qui talis eſſe ex toto corde deſiderat.

VI. Qui ſolum moraliter viuunt vitam mediocriter bonam, habent tantum exterius ſilentium, quod eos torquet pluſquam dici poteſt

VII. Qui tantum in ſpeciem tendunt ad Deum, toti in verbis effluunt nec finem faciunt, adeo gratum eſt illis ſuos conceptus aliis, eamque, quam de ſeipſis habent exiſtimationem imprimere; nil aliud ſunt quam verborum effuſiones, repetitiones, exaggerationes, demum omnis eorum vita, paſſio eſt, & animi impotentia.

VIII. Spiritualis homo cauere debet, ne ſe temere prodatur, vt non impediatur in ſua nuda & libera introuerſione, & contemplatione Dei, in cuius fruitione requieſcit, in abyſſo ſui proprij fundi.

IX. Tyronibus dumtaxat, non veris Spiritus alumnis, laudandum eſt ſilentium, hi enim, fruſtus eius cum tanta ſuaui- tate deguſtant, vt ſuaſione aliâ non indigeant, ad ſentiendum de virtute hac, vt i par eſt.

X. Virtus ſilentij vnum eſt ex præcipuis mediis, ad medendum cæcitati noſtræ, & omnibus intellectus noſtri defectibus.

De Quaſitionibus, & malignis Inſtinctibus Naturæ.

I. **P**Rætextus noſtri, retia noſtra ſunt, ſed multum deſectuoſi ſumus, cum in illis inuoluimur.

II. Nollem immunes aſſerere à bene multis quaſitionibus naturæ ſecretiſſimis, abundantes animas lumine, amore, & deliciis ſpiritualibus, propter reflectiones quibus inſenſibiliter ad ſe conuertuntur.

III. Ducimur naturaliter ad ea magis quæ nobis grata ſunt, quam ad illa quæ aliis placent; hoc perfectioni repugnat; multo enim melius eſt placere communitati quam ſibiipſi.

d 3 IV.

IV. Natura mendax est in viis suis, falsum pro vero accipiens & is coram Deo magna operari videtur, quorum tamen animaduersionem, vtiq; & pœnam sustinebit.

V. In omnibus ad quæ inclinatur natura, debemus nobis rationabiliter cauere, & protestari nos Dei solius gloriam intendere.

VI. Natura amoris perfectiui capitalis est hostis, & verus Dei amator, laqueorum eius subtilitatem, tanquam mortem & inferos reformidat.

VII. Hi naturæ mortui sunt, quibus voluntas alia non est, quam æternum Deo, & gratiæ eius, propter solam ipsius voluntatem subiici.

VIII. Natura satisfactionem suam in rebus perfectis semper inuestigat, inde fit, vt nemo quidpiam defectuosum in vsum suum habere velit.

IX. Ex hoc certò dignoscetur, si cuiuspiam cupitæ rei, quæ pulchra & bona sit, siue in esse, siue in specie, naturalis sit amor; si non æquo fertur animo huiusce perfectionis minor defectus.

X. Quò maius & vniuersalius est quod intenditur bonum, eò subtilius & cautiùs spiritus à natura decipitur, in statu hominum moralium.

XI. Omne quod cùm anxietate quæritur, animatur aliqua specie, quæ intellectui, veritatem obuelat.

XII. Quando multum acer est naturalis alicuius affectus, recta & pura in Deum intentio velaminis tantum rationem habet, intentione superante affectu; inde fit, vt spirituales, in arduis charitatis, & aliarum virtutum, operibus suscipiendis minus ardent se habeant, quia viuunt in spiritu, & in natura mortificati sunt, sibiipsis diffidentes.

XIII. Nullus quantumcumque sanctus, non intendit finem aliquem & priuata commoda, spirituales spiritualiter, non spirituales minus cautè, & sensibilibiter.

XIV. Quò maiores sunt homines, eò maiora illorum priuatarum rationum studia, etiam persæpè sanctitatis specie obtenta, & ab appetitu propriæ excellentiæ conficta.

XV. Natura se excusat, accusat, iustificat, vituperat, humiliat

miliat, & deprimit, & hæc omnia, delectatione, & suiipsius complacentiâ

XVI. Delectatio, & quies gratiæ; est occultare se hominibus; natura vero omnibus se prodere appetit.

XVII. Quò plus homines perfecti sunt, eò magis sibi cauere debent à se ipsis, propter subtilissimas naturæ reflectiones, quæ delectatur & complacet sibi, in pulchro, bono, & perfecto, eorum quæ ipsi valde licita sunt

XVIII. Omne bonum quod præstatur alteri, sine actuali directione amoris & voluntatis Dei, non est aliud quàm proprius naturæ instinctus.

XIX. Charitas omnia sustinet: natura nec sustinere, nec dissimulare potest.

XX. Pauci sanctorum in terra, perspectam omnino habuere malitiam sui naturalis instinctus, in quæ sita suiipsius.

XXI. Omne bonum quod nobis concupiscimus, appetitui nostro consonum, valdè suspectum nobis esse debet, quia tam facile ad nos ipsos incuruamur, ut etiam in intentionibus quæ nobis diuinæ videntur, nosmetipsos quæramus.

XXII. Omne aliud ad quodcumque nostri gratiâ manus admouemus, magis est ab instinctu proprio, quàm à gratia; sed omnino contrà de mortificatione dicendam est; nisi desiderium eius inquietum valdè, & anxium esset.

XXIII. Subtiles internæ proprietates pestes sunt spiritus, & in illis secretò, & inscijs vsque ad mortem occupantur, qui languidi sunt & non respondent Deo, ex omni virtute, & conatu suo.

XXIV. Qui verè proficiunt, debent Deo soli tam firmiter adhærere, ut vnò donorum eius ab eis ablato, alteri quod superest, non statim agglutinentur, vel sublati omnibus; etiam ipsi Deo non adhærescant ut quiescant, quia tunc Deus ipse ut bonus dumtaxat haberetur ab illis, non autem ut nuda, & simplex deitas.

XXV. Diuersi spiritus gratiæ, naturæ, & dæmonis, non nisi effectibus innotescunt, & tunc maximè, cum de derelictionibus gratiæ, creaturarum, & suiipsius agitur.

XXVI. Ut plurimum melius iudicamus de alienis operibus quam

quàm de nostris , quia in huiusmodi iudicio , lumen nostrum magis est ab affectu liberum.

XXVII. Natura pulchrum , bonum , excellens , rarum ; & perfectum , sola habere vult , nemini communicando ; contra verò gratia , omnium quæ possidet , idoneos participes facit : cauendum tamen , ab imaginibus quas generat hic se communicandi appetitus.

XXVIII. Sæpe puri spiritus inspirationes & affectus , emittitur imaginatio.

XXIX. Deploranda res , cum ætatem & tempus , non autem gratiam , naturam reformare oportet ; quia ætas & tempus non nisi in seipsa naturam reformare possunt.

XXX. Multum difficile est (præterquam summè luminosus) discernere quonam affecti sint , & agantur spiritu , nonnulli infra 40. annos naturaliter sensibiles , & sensuales.

XXXI. Natura creaturas vult prosequi , gratia verò ipsis mori , natura pulchrum , bonum , excellens , perfectum & splendidum desiderat ; gratia ab iis omnibus abhorret , amans contemni , & nesciri , nutriendum se , si expediat , confusionibus æternis , natura solatium & delectationem ubique quærit , gratia respuit , Deo soli , qui consolatio & totalitas ipsius est , nudè adhærendo , demum quidquid sibi natura concupiscit , gratia ab eo abhorrescit.

XXXII. Natura pulchrum , & bonum , etiam in rebus sanctis & spiritualibus sola habere vult : gratia verò sibi alios anteponebat , & hæc aliis magis quàm sibi diligit , quia unumquemque se meliorem , coram Deo arbitratur.

XXXIII. Instinctus Dæmonis semper ad præsumptionem prouocant , & si quando ad humilitatem inducunt , hypocrisis est , & opinionis humanæ dumtaxat aucupium.

XXXIV. In repentinis vniuscuiusque habitus agnoscuntur.

XXXV. Si dubitamus qualis sit instinctus à quo mouemur , gratiæ an naturæ ; alius similis in eadem materia , qui sit naturæ consonus , nobis est proponendus , & si talis species primo aspectu cum delectatione apprehenditur , primus instinctus naturæ fuit , ideóque reiiciendus.

XXXVI.

XXXVI. Nemo verè mysticus est, nisi multùm sit versatus in scientia viarum naturæ.

XXXVII. Etsi cognitio aliqua sensuum actiuitate comparari possit, tamen anima quæ his ducitur, numquam verum bonum degustabit, quia ad influxus diuinæ sapientiæ non habebit accessum liberum.

XXXVIII. Quò magis inescata est natura Dei Spiritu, qui ei suauissimus est, eò magis propensa est, & actiua ad eum sibi attrahendum, & eo tanquam prædâ suâ vtendum; adiungit semper proprium spiritum, Dei spiritui, & vtique fœdat corrumpitque in damnum suum magnum; quod sic semper fiet, nisi diligenter obseruetur.

XXXIX. Natura veram rationem, & prudentiam simulare potest in aliquo, sed non in omnibus, quia priuatum eius commodum rebus in infinitis inuenietur, quibus se numquam spoliabit.

XL. Subtilior laqueus quem nobis natura tendit, est inducere nos ad licitum pro vtili vsurpandum.

XLI. Spiritus Dei amorosam & liberam homini vim inferens, illum ad reflectendum incunctantèr in Deum inducit, & vtique in eo, & pro eo operandum: contra verò spiritus naturalis, quibusdam luminibus & deliciis sensualibus cor emolliens ad proprium commodum continuò conuertit suum subiectum.

XLII. In laboribus & sufferentiis grauioribus, qui purè naturales sunt, subtilius mali, efferati, & pertinaces sunt, quàm qui rudes & animales, & tam hi quàm illi in Religione metuendi sunt.

De Mortificatione.

I. **R** Numquam religiosus gustabit deliciosum manna, quod nemo nouit nisi qui accipit, si non se perfectè vicerit vsque ad mortem.

II. Qui non est perfectè mortuus passionibus suis, non est sufficienter dispositus ad accipiendum donum intellectus, sine cuius

cuius infusione & habitu, impossibile est, quemquam esse transgressum, & in spiritu mutatum, ideoque qui foris iacent, sine spiritu sunt.

III. Non aliam ob causam regulæ nostræ nobis à Deo & hominibus præscriptæ sunt, quàm ut eamus contra nosmetipsos, & ut animale, carnalemque hominem in nobis destruamus.

IV. Sicut austeritas corporis sola, tota comparata est ad superbiam gignendam: ita amor interno iuncta, apta est, & absolute necessaria ad sanandam animi elationem & vanitatem.

V. Veri spiritus alumni contra seipsos pertinaciter Dei patres æternum suscipiunt, absque venia, & ulla indulgentia.

VI. Religiosus Carmelita sine contemplatione sanctus esse potest, modo vita eius, & opera sint sancta, quod tamen esse non potest, absque oratione, & passionum, affectionumque humanorum abnegatione.

VII. Simplicibus & abstractis mors est recreatio sensuum: ad quam feruntur numquam ut se recreent, sed coacti dumtaxat, & ex necessitate, in bonum & ædificationem proximi.

VIII. Sunt aliqui motus, & voluntatis passiones, quæ rationabiles sunt, ex lumine rationis excitatæ: sicut & sunt omnino animales ut videre est in hominibus de vulgo.

IX. Vnum est quod magnoperè miror, scilicet, quosdam Superiores, Religionis finem in sola externa, perfecta & exacta regularitate constituentes: Cæterum si Religiosi interius sint omnium suarum passionum, vitiorum, & concupiscentiarum bestialium præda, parvipendentes.

X. Religiosi qui pluris quàm par est, exteriora sua munia ducunt, de communi sua infelicitate gloriantur.

XI. Omne quod expetitur sine indifferentia perfecta, & omne quod propriâ voluntate, & priuatâ quæstione suscipitur, suiipsius amor est.

XII. Si quis tremor animum inuaderet, talem metum simplici ratione præoccupate, & non sinatis vsque ad sensus extendi: hac ratione ferè omnes excutientur.

XIII. Mortificatio sensuum, & passionum, observatio silentij, regulæ, & cæterorum, media sunt ad acquirendam perfectionem: ideoque obligant non secus ac illorum finis.

XIV.

XI V. Contendendum est naturam fallere in omnibus eius commodis, intendo tamen discretè, iustum ei assignare medium.

X V. Caueant sibi diligenter Religiosi à falsa sensuum libertate, & à liberiori conscientia; scire enim debent, se ita teneri ad totalem sensuum, & passionum mortificationem, vt se non possint ab hac obligatione sine peccato eximere, propter scandalum quod perpetrant in Religione.

X VI. Homo veraciter spiritualis, quæ purè licita sunt, à se subtilissimè subtrahit, ad ea dumtaxat quæ expediunt, ex omnimoda Deum inter & se prauisione, procedens. Et hoc ipsum est quod in infinitum tendere, nuncupamus.

X VII. Omnis homo qui operatur, & subsistit in pura natura, animalibus similior est, quàm veris hominibus.

X VIII. Si vere Religiosi sumus, contra imperfectiones dumtaxat dimicare debemus, bellumque nostrum aduersus peccata, seculari multo occultius, fortius, & cruentius esse debet.

X IX. Multum deploranda res, Religiosos multos, æque acriter tentationibus oppugnari, impugnari, & expugnari, nec minori cum labore ipsis resistere: ac miseros seculares.

XX. Animat se continuò verus Religiosus ad pugnandum contra seipsum, generosè, fortiter & sanctè, non respiciens ad mercedem, sed ad Dei amorem dumtaxat & beneplacitum.

XX I. Qui non sentit, nec videt intus & extra se, proprios suos hostes, illis omnino subiectus & mancipatus est.

XX II. Religiosus benè domitos habens sensus, & Deo intentus, secularium corda, cum illum in sua modestia intuentur, efficacius commouet, quàm omnis exterior apparatus.

XX III. Periculosius aliquà ratione est, mortificationi deesse in minoribus quàm in mediocribus, minores enim culpæ, & imperfectiones oculos obuelant, maiores verò reuelant.

XX IV. Aptior naturam mortificandi modus in ipsius proprietatibus est eas illi auferre antequam possideat, quia non tam desideratur, quod possidetur, quàm quod non habetur.

De Charitate erga Deum.

I. **A**mor otiosus non est, & numquam desistit, quolunque viuido affectus & actionis cursu, omnem obicem & impedimentum superauerit.

II. Si amor rationem non supergreditur, homo seipsum numquam transgredietur.

III. Ludus est dumtaxat illudens, nullius valoris & nullius effectus, sensu tantum & ténacitate deuotionis affici, quâ deficiente, deficit quoque omnis præcedens voluntas bona.

IV. Desiderium animarum sanctarum semper vires illorum superat, propter earumdem infinitam obiecti magnitudinem & pulchritudinem.

V. Iesus Christus in cruce mortuus est, vt totum hominem ad se traheret, iugique & amorosâ, in infinitam amoris sui abyssum immersione absorberet.

VI. Cum aliquis agendo, patiando, moriendo, & amando, siue in amore, siue supra amorem, factus est spiritus, & diuinus; iudicari non potest, in via sua, ab alio, quàm à simili.

VII. Qui tantum in sui ipsius amore viuit, mortuus est, & peior quàm mortuus, quia eiusmodi vita aliud nihil habet, quo suam quietem sibi conciliet, quàm impetus passionum suarum dumtaxat & sensuum.

VIII. Purus, perfectus, & essentialis amor, consistit in cruce & sufferentia voluntaria, in exercitatione virtutum actionis tempore, in profunda humilitate, contemptu, & sui ipsius deiectione in æterna morte, & paupertate spiritus; & non est alia sanctitas in hac vita, quàm in æterno morientis in cruce pro nobis Saluatoris comitatu.

IX. Amor non retrogreditur, numquam dicit sufficit, erubescit cum terminum difficultatis intelligit, amat supra tempus, & supra sensum, & effectus eius in amorosis sufferentiis agnoscitur.

X. Fundus animæ non est amore transfusus, donec virtutes omnino

omnino supergressus sit, eique sic famulentur, ut eas ad maximum habeat, ad quodcumque libuerit, in ordine discretionis suæ.

XI. Purus amor summè perfectis dumtaxat convenit, & nemo potest illum incessanter in puritate & veritate spiritus exercere, nisi summam virtutum sit adeptus.

XII. Purus amor per seipsum nullatenus agnoscitur, sed per singulares dumtaxat virtutes, nosque ipsi non aliâ ratione amorem nostrum, verum an falsum diiudicamus.

XIII. Verus amor auro similis est, quod non colore, sed Lydio lapide comprobatur.

XIV. Amor purus in infirmitate, & æterna cruce dignoscitur. Hoc quàm citò dictum homini non amanti, & pro felicitate ducenti nihil perferre, numquam contradici, nec in contrarium sui ipsius sensum exerceri; quantomagis non languenti, & adhuc magis præ amore animam non agent.

XV. Verax amator agit semper in Deum quando liber est, & ex corde patitur; quando non est, aliam non habet electionem nec propositum, quàm dedere se amoris martyrio prædandum, & hic est exercitationum amoris apex in hac vita.

XVI. Anima quæ non quærit seipsam, sed purum dumtaxat amorem, est in mundo, maior mundo, & ut charissimo suo sponso similis fiat, supra naturam patitur, supra gustum, & supra dulcedinem, fixa stabiliter in Deo, quò sensualitas attingere non potest.

XVII. Deus gratiarum suarum thesauros in nobis congregat; ut eos tanquam amoris sui effectus inibi contempletur.

XVIII. Certa & firma est veritas, quod spectat ad interiorem vitam, nos non habere supererogationis opera; quandoquidem Deo nos totaliter debemus, tam propter ipsum, quàm propter infinita eius beneficia.

XIX. Si non sit in nobis ardens amor, neque spiritus & lumen Dei aderunt quoque; & mirum non erit, si nolentes nostri iacturam facere felicem in Dei spiritu, in nostro proprio pereamus.

XX. Locus, habitus, professio, vita, regulæ, & statuta non sanctificant Religiosum, sed eximia charitas, amor, & profunda

humilitas; reliqua omnia media sunt dumtaxat, utique præstantia, ad hoc ordinata.

XXI. Credere non debemus, nos nullo pretio obtenturos supremi boni possessionem; alioquin amor naturalis dumtaxat foret, & in nos ipsos reflexus.

XXII. Qui difficultatibus, & arduis exercitationibus facile vincitur, argumentum est certissimum, illum amorem habere in verbis tantum & desideriis, non in corde & operibus.

XXIII. Agere vitam continuò debemus, in aspectu & affectu infinitæ abyssus amoris Iesu-Christi, reddentes ipsi amorem pro amore, dolorem pro dolore, poenitentiam pro poenitentia, paupertatem pro paupertate, vitam pro vita, totum pro toto; quamvis ex eo infinita sint omnia, & ex nobis omnino nihil.

XXIV. Vera & firma charitas neque præceptum quærit, neque debitum expressum, ad bene operandum.

XXV. Infelix ille qui cum possit amare Deum ex omnibus viribus, & in amore perfectivo, non amat eum nisi amore Christianis omnibus communi.

XXVI. Verax & ardens amor operatur in hominibus spiritum simplicem, appetitum simplicem & extensum, omnimodam recollectionem virium omnium, tam superiorum quam inferiorum, ita ut vnum videantur esse erga summum bonum.

XXVII. Secretum est, utique altissimum, amorem in se ipso summè exercitatum esse infinitè aliud, quàm videre vitam ad voluntatem Dei solùm ordinatam.

XXVIII. Cognoscitur amor Dei, & eius effectus, quando anima quæ eo mora est profundè se humiliat, vultque veraciter contemni.

XXIX. Nihil dulcius & iucundius homini amoris capaci, quàm videre se à Deo amari, qui est nobilitatis & excellentiæ infinitæ, utique infinito amore.

XXX. Oportet ut Religiosi ad excellentem Dei amorem evocati, numquam desistant in eum effluere, per viuidum & ardentem amorem, seipso excedentes, & omnes imagines sensibiles, ut sine impedimento & in spiritus quiete, Deo suo summo bono perfruantur, ad æternam ipsiusmet Dei lætitiā.

XXXI.

XXXI. Cumulus humanarum miseriarum est nescire, non sentire, non desiderare, & non gustare Deum.

XXXII. Heu scire nos, & credere quantum sit amabilis Deus, & tamen tam segnes esse ad sanctè excitandum nos, ut eum summè & profundè diligamus!

XXXIII. Proh dolor! quæ cæcitas, & quæ miseria! adeò ne homines, qui videntur Aquilæ excedendo naturas, rerum in seipsis, inepti sunt in viis amoris, & cognitionis Dei.

XXXIV. Qui perfectum Dei attingit amorem, numquam illum quidquam rogat, quàm propter altissimam eius gloriam, & in perfecta conformitate voluntatis eius ultimæ.

XXXV. Tantùm excellit dumtaxat fides, quantum animata est ardenti in Deum charitate.

XXXVI. Effectus charitatis in aliquibus sunt tantùm sensus, in aliis spiritus, at vera charitas non utique sensus operibus, sed veris spiritus operationibus mensuratur.

XXXVII. Adeo amabilis est, tantùmque promeretur amorem Dominus noster, ut Seraphicus amor exiguus sit erga illum.

XXXVIII. Numquam fatigatur veræ charitatis amor, quidquid accidat; amor sensibilis ratiocinatur ad amandum, sed amor nudus, simplex, & abstractus à sensibus magna semper, aut ut melius dicam, omnia operatur, & patitur.

XXXIX. Ratiocinari ad amandum peccatum est contra amorem purum.

XL. Modi quibus nobis Deus sua dona largitur, innumerabiles sunt, ut nos suis anticipationibus edomet, & sibi subiciat.

XLI. Quod nos ad amandum infinitè mouere debet, est utique, quod eruptiones sumus amoris Dei infinitè excessiui, qui nos nobismet ipsis palam exponens, ut eo cumulatè perfruamur, vult à nobis omni sollicitudine & studio diligi.

XLII. Etsi sola charitas ad christiani perfectionem sufficiat, nihilominus aliæ virtutes quantum necesse est comparandæ sunt.

De Charitate erga proximum.

I. **I**N hoc viuida charitas innotescit, cum quidam resignatus agnoscitur, non solum in omnibus sufferendi occasionebus, sed etiam cum amorose pro bono fratrum suorum fertur ad actionem. Qui enim Deo veraces sunt, volant ut ita dicam ad hoc exercitium in omni euentu, nec à temporis diuturnitate superantur. Non tamen ad hæc se intempestiue & temere exponunt, sed necessitatibus & afflictionibus fratrum suorum ex corde compatiuntur.

II. Qui non habent fortitudinem, & fidelitatem ad hoc ut generose moriantur in nuditate spiritus, sensibilibus Dei influxibus: aliquando sibi persuadent vocari se à Deo ad reformandos alios. Stultitia est utique & vanitas, propria exquisitio, & naturæ complacentia, quæ nuditatem, tædio affecta ægrè ferens, viuendi media quæritat, & non moriendi. Non vult Deus verè solitario uti pro alio, quàm pro se ipso.

III. Verè perfecti debitum est, fratris sui crucem subleuare, & non aggravare, compatiendo quantum fieri poterit doloribus in cruce patientis.

IV. Oportet esse sanctum non solum in seipso, sed etiam in operibus, in exemplum proximi, cui cum fundus noster minime pateat, superest utique iudicare per opera.

V. Cum videmus aliquem patientem, nobis non debet esse satis ei ad intra compati, sed id exterius etiam demonstrare debemus, & super hoc commouere nos, discere tamen, & sine affectatione & quò imperfectior est patiens, eò amplius & hoc præstandum est.

VI. Adeo exigua est vulgarium hominum charitas, ut in opere laborioso facillimè euincatur, maximè si diuturnum, molestemque sit, & proximi auxilium agatur. Hi amore dumtaxat naturali tenentur, tunc sibi contrarium videatur, qui utique tædio, & labore fractus, abiicit omnia, quia seipsum tantum & quæsiuit & quærit sed.

VII. Homines perfecti corpus & vitam totaliter debent impendere

pendere pro benè esse naturali proximi, quod maioris esse pretij coram Deo, suo proprio credere debent, & fratrum suorum prœocupare necessitates. O quàm pauci sunt qui propriam vitam & animam secundum benè esse sensibile prodigere velint pro benè esse totali & sensibili proximi.

V s i i. Verax & firma charitas neque prœceptum quærit, neque debitum, ad iuuandum proximum, sed solam opportunitatem & ansam.

De Oratione, & vita interna.

I. **R**eligiosi magni ducere debent orationis studium, tanquam optimum, & maximi momenti suæ perfectionis medium, non tam propter gustus & sapes quos in ea percipiunt, quàm propter id, quod Deus est in seipso.

II. Mirum non est, si tam pauci inueniuntur Religiosi virtutibus præditi, cum habeant appetitum adeo contrarium, virtutum omnium origini, & totius boni principio, recollectioni scilicet & orationi.

III. Religiosi ægerrimè ferre debent temporis lapsum, in quo orationi vacare non possunt.

IV. Qualis quisque est in vita sua, & in appetitibus suis, talis in oratione erit tam mentali quàm vocali.

V. Religiosi qui seruiunt Deo in fortitudine & veritate spiritus valdè industrij esse debent, vt se auertant ab omnibus creaturis vtique à seipsis, & se attentos præbeant videndæ & sentiendæ quantum poterunt infinitæ Dei Maiestati, vt se coram illa tanquam aquam odoriferam corde & anima, in dulci & sapido precum suarum seruire effundant.

VI. Vt habeatur attentio pacifica & continua in oratione, necessaria est magna cordis, affectus, & intencionis puritas, cum pace cordis & spiritus.

VII. Obsecranda est diuina Maiestas ex interiori, ex exteriori, & ex te ipso toto, tam priuatim quàm publicè.

VIII. Cum in pacifica & totali fruitione cordis & animæ sumus, tunc Deo vacandum est colloquiis amorosis, simplicibus

bus, interioribus, & spiritualibus, quoad intimè & affectu-
fissimè fieri poterit.

IX. Etsi terrenis corporibus prægrauemur, tamen supra sen-
sibilia viuere debemus iugi cordis & spiritus eleuatione, habentes corpus dumtaxat in terra, animam autem semper in Deo,
Deo vacantem.

X. Credere debemus nos vitam naturæ & gratiæ non propter
aliud habere, quàm ad refluendum actiue, in Deum & instan-
ter nos refundendum in eum.

XI. Quicumque non amat internam vitam, necesse est eum
esse omnium suarum passionum ludibrium & scopum.

XII. Spiritualis tantùm in speciem vt plurimum intentiones
omnes, affectus, & agendi rationes, sunt tantum zelus concitatus, cæcus & indisceretus.

XIII. Homines vt plurimum sanctitatem in aliis colunt, &
diligunt, sed quantum ad ipsos, & pro seipsis fugiunt illam, &
pro viribus destruunt.

XIV. Qui non accipiunt diuinum lumen in spiritu, & pro
spiritu, ampliùs accipere nequeunt lumen & spiritum quàm ad
extra; ideo hæc lumina non erunt permanentia, quia non sunt
penetrantia.

XV. Religiosus internis desideriis, & diuinis affectibus vacuus,
incessanter erit supra se reflexus, consequenterque in
seu sollicitus, & in inquietudine sua infortunatus.

XVI. Religiosi qui pigri sunt & tepidi in diuina introuersio-
ne & occupatione interna, numquam experientur dulcedinem
& suauitatem diuinam, vnde cogentur foris circumcursare, in-
sensibus queritantes solatium & subsidium.

XVII. Religiosi quibus sapiens & simplex Dei spiritus præ-
dominatur, nihil coactum, nihil violentum habent, sed vide-
ntur quasi solus Dei Spiritus omnes eorum actiones ad extra,
propter gloriam suam propriam, & altam proximi edificatio-
nem operari.

XVIII. Multum distat à perfectione, qui nescit Deum in
omnibus inuenire.

XIX. Quia bona vita condemnat prauam, indè fit vt sensua-
les homines spiritualium egressus quantum possunt improbare con-

con

contendant, velantes hac specie horrorem & amaritudinem, quam ex huiusmodi vita patiuntur.

XX. Verè interni nullius rei, præterquam Dei solius studio si sunt, nihil habentes proprium in sensibili & visibili, neque intra, neque extra se, manentes quieti & ordinati in Deo, quem supra omnia dona sua modo ineffabili possident.

XXI. Haud dubium quin, sicut anima præcipua pars est hominis, ita est & ipsius sanctitatis.

XXII. Infiniti momenti est, ut spiritualis homo vitam ducat semper æqualem, nec vel minimum à debita gravitate discedat.

XXIII. Religiosus magis vivere debet ex Dei præsentia, quàm eius corpus animæ suæ præsentia.

XXIV. Religiosi intrantes Religionem, contraxerunt debitum vitam animale & sensuale penitus destruendi, ut vitæ spiritus omnino vivant.

XXV. Heu! quæ hodie Religio quibusdam in Monasteriis corpora sunt & capita politico spiritu animata, ubi accessorium Religiosos rapit, & languet spirituale.

XXVI. Digna res admiratione æternâ, nolle homines mali quidquam habere, præter animas suas.

XXVII. Quod affligit (si sic loqui licet) infinitè Deum nostrum, est quod subiecta ad recipiendas largas suas & amoras profusiones, disposita reperire non potest.

XXVIII. Cæcitas, duritas, & insensibilitas in rebus spiritualibus, sunt omnium malorum consummatio.

XXIX. Spirituales homines ferè tantum à Deo cognoscuntur, & à consimilibus valdè imperfectè, nisi sint excellentioris viæ.

XXX. Quò plus quis per amorem Deiformis est, eò magis Dei amicus est, & quò Deo amicitior, eò facilius pro se & pro aliis quæcumque vult, obtinet.

XXXI. Si Deus facile tribueret vulgaribus hominibus quæ ab eo postolant, dona sua deprimeret, & iis, ingrati in ruinam suam abuterentur.

XXXII. Qui foris iacent & quiescunt, in vita æctiva: numquam eam supergredientur, utique nec ad manifestationes,

splendores, & delitias vitæ interioris peruenient.

XX XIII. Etsi vita nostrâ sit simplicissimæ fidei, in simplicissima sua nuditate: licet aliquando se per ratiocinationem vocalem ad Deum conuerrere, non se introuerendi gratia, sed quia actus est valdè licitus, & ab amore perfectè consummato sæpiùs requisitus.

XX XI V. Quicumque passioni alicui enormiter subiicitur, numquam hoc ipso exuit illam, ideoque semper ineptus erit non solum ad excellentem & sublimem contemplationem, sed etiam communem orandirationem.

XX X V. Nostra ad Deum, attentio per officium diuinum ex tota anima esse debet, simplici vnicoque desiderio, & spiritus eleuatione, non autem ex solo intellectu, agitando animo, & inuestigando diuersos verborum quæ proferuntur, sensus: hoc enim ad literaturam dumtaxat propriè pertinet & non ad precem. Simples in hoc & idiotæ potioris conditionis sunt, agentes in ignorantia & simplicitate sua cum Deo per amorem; aliis speculationi rerum quæ ad Deum pertinent magis quàm eius amor vacantibus.

XX X V I. Perfoluentes diuinum officium siue priuatim siue publicè debemus esse interiùs & exterius benè compositi, nihil operantes, aut gestu, aut motu corporis contrarium grauitati, reuerentiæ & attentioni quam Deo debemus; nos vtique qui chariores sumus & teneriores filij.

XX X V II. Nullus est Religiosus qui non debuisset esse expertus, quæ potest operari Deus in spiritu per diuinas suas irradiationes.

XX X V III. Æquum est, eos qui voluptatem hauserunt ex attractione specierum delectabilium rerum externarum, ab illis orationis tempore fatigari, in isto Dei iudicio huiusmodi imaginibus quasi constitutis tortoribus, viam eis præcludentibus ad dulcem Dei in seipsis communicationem.

XX X I X. Qui in creaturarum circumferentia occupatur, elongat se à centro suo, quod est Deus, itaque oportet esse essentialem, arctum & concisum in sua spiritus exercitatione.

X L. Multùm est operatus qui benè incepit, sed qui semper in progressu incipit, cito ad finem peruenit.

X L I.

XL I. Permulti orationi dediti, Deum numquam sapiunt, quia ipsi extra orationem ampliùs non attendunt.

XL II. Capaces sumus amicitiz Dei, & quidem infinitis ipsiusmet impensis, multùmque condolet quòd non possit hominibus abundanti spiritus sui effusione omnia quz veller bona largiri, infinitamque suam liberalitatem tam arctè ab hominibus restrictam videat.

XL III. Heu! magnam miseriam, homines non esse Deo plenos, & diuino eius spiritu incessanter agitados.

XL IV. Qui ad vitam spiritualem & mysticam introducti fuerunt, eamque voluntariè dimissam vilipendunt & calumniantur, ministri sunt Dæmonum, qui cum huiusmodi hominibus aptissimè consociantur, malitiam eorum frequentibus suis & validis tentationibus continuò prouocantes, oppidòque sperantes se eos in articulo mortis habituros.

XL V. Vera, nuda, profunda, & simplex introuersio exerceri, & in sua vera perfectione compleri non potest, nisi sumptibus veracium & non fictorum amantium, nec utique conuenit iis, in quibus naturalis amor excedit verum, essentialem & simplicem.

XL VI. Extraordinariæ inspirationes non tribuuntur, nisi hominibus extraordinariis, tam in consiliis quàm in effectibus.

XL VII. Discretio & vera prudentia, indicia sunt veri profectus animæ in vita interna.

XL VIII. Homines spirituales donantur à Deo Patre Saluatori nostro, tanquam propria sua locatio, propriùmque bonum, vt illud colat, & abundanter augeat, ad plenam Dei Patris sui satisfactionem & gaudium; nec non & suum proprium.

XL IX. Fundus animæ nostræ, sedes est ineffabilis felicitatis nostræ: Adeò mirabile est quod illic nobis manifestat Deus, vt nihil huius sub sensum cadat, vnde exprimi possit. Illic sumus in Deo perditi, in quo stabiles & immobiles manemus in ipsa Sanctòrum plenitudine. Illic radices nostræ altissimæ, & fructio nostra ineffabiliter sapida, supra gustum æternum amoris in seipso, in eminentia quietis.

L. Species est tyrannidis, veram spiritus vitam contemnere.

in iis, qui ad eam trahuntur & euocantur, sub prztexu quòd ignoratur, & in ea nihil cognoscitur.

LI. Qui verè in fundo humiles sunt, & Deo purè placere quærunt: si deo illis hominum directio, Spiritus Sanctus qui omnia viuificà suâ vnctione docet, non deest illis in hoc amorofo officio.

De Sacra Synaxi.

I. **S**Vmentes sanctissimum Eucharistiæ Sacramentum, debemus tradere nos personaliter animam & corpus ei quem accipimus ad recipiendum eius amorem, quod est creaturam addere paradiso paradisum. Et à vero amante adeo exoptatur, vt eum millies in die reciperet, si ipsi licitum foret, indèque affligitur, quod alio alimento vti cogatur.

II. Si post communionem deessemus amori reciproco, similes in malitia essemus iis, quorum miseriam deploramus.

III. Quid est fidelem sponsam ad Sacram Synaxim accedere, quàm nuptias Agni summa cum exultatione celebrare.

IV. Qui se communionis corporis Iesu-Christi proprietarios efficiunt, maius ipsi fortasse damnum inferunt, quàm qui omnimodà ingratitudine & infidelitate susceptum, absque colloquio solum relinquunt, vt faciunt permulti sacerdotes mali.

De Fide.

I. **S**Icut corpus absque anima mortuum est: ita & fides sine amore mortua est.

II. Languet fides, & semiuitam tantum habet in maiori parte hominum; adeoque paruus est in illis Deus, vt quasi annihilatus sit.

III. Adeo rudes in fide & imperiti sunt quamplurimi homines, vt leuem dumtaxat eius delineationem, & vestigia quædam habeant. Ita vt illis dicere, habendam esse de Deo per amorem summam existimationem, surdis sit verba facere, & lapides

lapides animare velle , aut brutis animantibus sapientiam loqui.

IV. Fides per studium comparata, ingens est dumtaxat colossus, tenuissimo vitæ statu animatus ; vix potest dici an viuus an mortuus sit ; melius scientia quàm fides appellatur.

V. Ad hoc scientia sæpissime tantum inferuit , vt fidem destruat , magis quàm accendat ; alioquin viderentur docti , esse Dei amorosi , & ad charitatem propensi , recollecti , & in se ipsis ordinati.

VI. Lectissimum & maxime essentiale amoris nostri centralis punctum est , Deo per simplicissimam, nudissimam, & amantissimam fidem adhzrere.

VII. Quo plus sapida est & amore parta fides , post primam infusionem : eò plus amorem illuminat ; sicut & ipse amor fidem vtique confirmat.

VIII. Qui habent hanc sapidam fidem , iam nunc in gradu aliquo beatitudine participatâ fruuntur.

IX. Quicumque fidem & verum amorem habet , omnia supereminet , erectusque supra seipsum Deum eminentissimo obtutu conspicit.

X. Ad hoc tantum nobis in baptismo infusa est fides, vt illam postea comparemus , & iugi pioque amore sapidam reddamus.

XI. Ex omnibus donis quæ largiri potest Deus, quod animam singulariter delectat in hac vita , est fides sapida , amorosa & luminosa , qui enim illam à Deo tanquam amoris sui mutui pretiosum pignus accepit , videt illius ope , & intelligit , quæcumque de se Deus , suisque infinitis perfectionibus & diuitiis reuelauit, seque omnem seculi doctrinam, citra comparisonem transcendere percipit.

XII In perfectis fere idem est fides & amor , licet optime norint vtrumque distinguere pro vt oportet.

XIII. Perfecti contemplatiui non melius agnoscunt in gloria sanctorum , argumenta fidei quàm hic agnoscunt , quia simplex eorum obiectum , & ipsius fructio , apud illos rationem vnius habent ; supra fidem , & supra omnem scientiam , propter amorem , super amorem , in amore totaliter possessi , vel vt melius dicam, totaliter possidentes , in supergressione , in perdita imper-

imperceptione, & in perceptione imperceptibili.

XIV. Maior pars hominum Dei manus comprimit, & constringit, qui videns modicum illorum amorem, & infirmam fidem, non nisi parcè & tenaciter munera sua illis conferre potest.

XV. Incertum est inter nos quisnam reprobis aut prædestinatus sit, quod probè scio est, quia meremur propter infidelitates nostras à Deo deferi in vita nostra, & in mortis articulo, attamen in hoc calamitoso puncto, diuinæ bonitati cum quatuor anchoris, fide scilicet, spe, charitate, & Dei misericordia firmiter adhærendum est.

XVI. Fides doctrinâ collustrata, facit ut homines etiam vulgares de Deo magna sapiant, sed non supergrediuntur illam scientiam, & lumen, manentes in exercitiis vitæ omnino communis; alij de Deo, & fide benè sentiunt, viuentes tamen in peccato mortali, de Deo aliis rectè loquuntur, cum ostensione sensus & affectus, ad celandam suam turpitudinem, at regnum Dei non est in sermone, sed in virtute.

*De Patientia, Constantia, fortitudine, &
Generositate Spiritus.*

I. **V**irtus patientiæ ut patientia est, non est integra fortitudo, sed eius effectus in gradu aliquo: quia patientia supponit reflectionem plus vel minus viuendam, quam non habet fortitudo.

II. Munus est proprium, & effectus fortitudinis diuinæ, naturam eleuare ad purum spiritum, & eam in illum transmutare, hominēque Deo, amoris nexu arctissimo, coniungere.

III. Fortitudo diuina producit semper effectum suum infallibiliter in suo subiecto, nisi steterit per illud.

IV. Fortitudo attingit sapientiam in homine, & sapientia ordinat fortitudinem; fortitudo enim quæ sine ordine est & discretionē, temeritas est, furor & præcipitatio.

V. Vera fortitudo sustentat & fouet humilitatem, estque necessaria

necessaria ad acquirenda & conseruanda omnia spiritus bona.
VI. Nostri spirituales inimici iuge sunt nostrę fortitudinis exercitium, quod ideo exercitium in actione forti consistit prosperitatis tempore, & in forti sufferentia tempore aduersitatis.

VII. Fortitudo perfectorum simplex est, & nuda, residensque in fundo animę, quod omnes vires vltra operationem omnem sensibilem redactę sunt. Et vnde sensitiuus homo non recipit amplius quidquam fortitudinis, & auxiliij sensibilis vt fortiter operetur sicut prius. Hinc fit, vt homo sit robustus spiritu, & tamen corpore valde infirmus esse possit, nihil ei suę cruce charius, & tamen vix potest asperum quid, & molestum in suo corpore perpeti, quin sensum doloris exprimat, modestęque gemat, licet suum statum promille mundis nollet commutare.

VIII. Infirmi debent a Deo petere humiliter malorum suorum redemptionem, vt ei melius seruiant, expectantes fortitudinem ad nuda & sine amore sensibili in cruce moriendum.

IX. Perfecti liberare se possunt a malis quę illos a fruitione obiecti sui diuini abducunt, quod si non possunt, illic in cruce languere & mori debent, crucifixi ad extra, intus autem in Deo quiescentes.

X. Fortitudo passiuā in Spiritu Sancto diuersos habet gradus, Deo eam largiente iuxta mensuram veritatis vniuscuiusque, aliquibus pro sufferentiis communibus, aliis maiorem, aliis denique maximam.

XI. Vnusquisque de sua fortitudine passiuā iudicium ferre potest per suam patientiam, aut impatientiam animi, in vincendis naturę tædiis, plus minusve diuturnis, quod anima facillimè ex fundi sui tranquillitate poterit obseruare. Si enim non inuenitur quiesca & pacata in huiusmodi impressionibus, victa est, & reflexa in seipsa, & in sua natura.

XII. Altior & nobilior fortitudinis diuinę status, est efficere vt numquam anima impatientiā moueatur ex diuturnitate suarum mortuorum.

XIII. Sunt aliqui ita corpore debiles, vt vix quidquam pati possint, quod existimo ex duplici oriri capite, scilicet magnā

g Spiritus

Spiritus nuditate, & non usu tolerantia; hi tantò fortiores esse debent Spiritu in cruciatuum violentia, quantò sunt corpore imbecilliores.

XIV. Impatientia & cordis amaritudo, ex fundo immortificato procedit amore sensibili vacuo, seque dumtaxat in suis operibus respiciente, licet ipsi contrarium videatur; indè repugnantia ad sufferendum, & in sufferentiis querimonia.

XV. Vera virtus & charitas ex fortitudine & constantia mensuratur in perferendis generosè subtractionibus necessitatum tam Spiritus quàm corporis. Nam caritas fortis est sicut mors, & aquæ tribulationum numquam eam debent extinguere.

XVI. Ne sis vmquam inquietus quidquid acciderit tibi, quia inquietudo ianua est per quam Diabolus intrat in animam; ita vt etiam virtutes, & ipsemet Deus cum anxietate & sollicitudine exoptatus, aliud nihil sit quàm suipsius quæsitio, & propria satisfactio.

XVII. Sic debemus exterius esse dispositi, vt nullus casus vim habere possit, incutiendi menti nostræ & rationi timorem.

XVIII. Animi instabiles & inconstantes semper vt luna mutantur, non sunt idonei ad altiora Spiritus consilia, quia deest illis cor & generositas.

XIX. Anima generosa mauult millies mori, quàm vmquam animum abicere, circa varios casus, & rerum euentus, vt ex eorum vicissitudine, & alteratione mutationis quidquam patiatur.

XX. Fatendum est difficillimum esse assiduam malorum hominum exagitationem pati, multò plus Dæmonum omni humanitate carentium. Sed fidelis anima in iis Deum iugiter inuictur, qui operatur in illa, occultâ fortitudine; eam sine reflectione ad creaturam, his in asperis exercitationibus lætam in fundo suipsius efficiente.

XXI. Scientia bellantium amatorum, est, Deum non mutari, ideo necesse est, apud illos virtutem & amorem tendere indeficenter in Deum: & eò iucundiùs, alacriùsque, quò pœnæ, & afflictiones perferendæ horribiliores sunt.

XXII. Patientia est virtus affectiua Spiritus, quam fortitudo diuina

diuina producit, ad agendum & multò magis ad patiendum arduas aduersitates.

XXIII. Patientia quæ diuturnitate vincitur, ostendit fundum à quo manat esse imperfectum.

*De amorosa resignatione, & abnegatione nostri
ipsum in Cruce.*

I. Ignis amorosæ resignationis supprimit omnem sensum, tam intra quàm extra, vsque ad animæ medullas, & intimum eius fundum, quæ ad hoc desolationis & impotentis punctum deducta, vrit holocaustum suum supra omnem cognitionem, nesciens vtrum odio an amore sit digna, Deumque cognoscat, licet ipsi nudissimo & simplicissimo amore, occultaque fortitudine passiuâ, firmiter adhæreat, nullatenus de mediis se liberandi cogitans; omne gaudium eius, est, si Deo placeret, æternum in hac cruce mori, & creaturæ aptiores sunt ad malum eius exaggerandum, quàm ad eam consolandum. Huiusmodi animæ purissimæ sunt omnium in terra viuentium. Sed heu! vix scimus de quibus loquimur.

II. Licet aliquis numquam attingat supremum amoris gradum, si tamen abneget seipsum, & omnino exuat in priuatis rationibus & commodis, talis amor renunciatus, sæpe Deo acceptior est, quàm omnino liquefactus, & altè eleuatus Et in hoc hominis voluntas quæ omnis eius thesaurus est, omne suum imperium supra omnem influxum & sensum, Deo amorosè sacrificat.

III. Quando peruenimus ad centrum nostrum, transfusi, & annihilati in Deo, omnimodâ transmutatione voluntatis nostræ in voluntatem eius; iam hinc plenitudine sanctorum fruimur, etiam in mediis præliis, & cruciatibus nostris Quod mirum quidem est, Deum in nobis per omnia exercitationum genera magis ac magis perpoliendis, singulariter delectari.

IV. Hi inter sanctos sunt sanctissimi, qui sufferentiarum & angustiarum in earumdem abundantia, & diuturnitate, inexpl-

g 2 biles

biles sunt.

V. Dici potest inter sanctos quosdam gigantes esse quantum ad patiendum in corpore, & alios qui sunt quasi ipsamet infirmitas, cuius Deus valde expressè rationem habet. Sed negari non potest summum Dei esse donum, quando per altam sancti Spiritus fortitudinem, crucibus & sufferentiis interioribus exteriores adiunguntur, & hoc sanctitatis genus esse rarissimum & coram Deo pretiosissimum.

VI. Si desideratis scire quinam ad intra totaliter trahantur, omnimodâ extensione, & luminosâ sui ipsorum simplificatione in Deum dico eos esse, qui in aduersitate, & Spiritus desolatione versantur, imo quibus omnia de sunt necessaria: adeo enim absorpti & immergi sunt, in essentia diuina vt omnes infusas & perceptas veritates infinitè supergrediantur.

VII. Cauendum est pertrahere huiusmodi personas ad deductiones sermones, cum cruce has & mortales diuinarum subtractionem angustias patiuntur; tunc enim inopes sunt, & sibi & aliis: adeo vt quot verba exterius proferre coguntur, tot mortalibus aculeis expungantur.

VIII. Si vires internæ totaliter suspensæ sunt, & omnino actionis impotentes, perferendi sunt hi cruciatus, & Spiritus langores, in æterna resignatione, cum lætitia & voluptate; in hoc enim purior & excellentior sanctitas sita est animarum fortium & generosarum, quod sic Deum supra omnem affluentiam, & supra omne lumen sustineant.

IX. Renunciatio est omnimoda sui ipsius desertio, absque vlla operis aut temporis restrictione; in cuius argumentum nec vult, nec operatur, nec patitur creatura, nisi pro solo Dei beneplacito, purè & simpliciter.

X. Quod adeo ignotam efficit perfectam abnegationem, est vtrique quod creditur sitam esse sanctitatem, in sublimioribus intellectus eleuationibus, & non in perferenda cruce sua cum Iesu Christo, sufferendo cum illo vtrique & commoriendo in cruciatibus corporis & spiritus. Error, tenebræ, & miseria maxima, nam Dei donum & gustus, medium est dumtaxat ad obtinendam sanctitatem, & non sanctitas ipsa.

XI. Vita abnegata est super omnia Sanctorum miracula, quia cum

cum sit adeo supra naturam, & rara, multum de suo creatura tribuit, & aliquando omnia, ut videtur, propter magnam suam nuditatem, destitutionem, infirmitatem, & totalem virium suarum effusionem, & ignorantiam Dei, & sui ipsius. Quod sit ut nesciat an viva, an mortua sit; an lucretur, an amittat; an consentiat, an resistat. Hic est ubi agonisans, Deoque vitam reddens anima, dolore & angustia amorosa, moritur & expirat inter eius brachia, submissa, resignata, & ad omne quod ei placuerit renunciata.

XII. Vera amissio, seu sui ipsius exuitio ad aliquod tempus dumtaxat aspera est, utique tyronibus & novitiis, nam in medio facilis est, & in fine suavissima.

XIII. Animæ perfecte abnegatæ nihil adeo iucundum, quam oblectare Deum suis æternis sumptibus & impensis, malenti sanctitatem Dei in omnibus eius amicis, quam in se, & pro se ipsa, quod sit ut illa in veritate puri sui amoris, omnium sanctitate cumuletur & illustretur, vivens in Deo supra omnem scientiam, considerationem & discretionem plenè & semper æqualiter omni in euentu contenta.

XIV. Amissio duplex & totalis, id est secundum corpus & spiritum præcellentibus dumtaxat Sanctis convenit, quæ autem videtur esse tantum simplex, secundum spiritum suo subiecto dumtaxat convenit, tam in renunciatione quam in resignatione. Quod si quis liber est ad eligendum, sciat potius esse totalem.

XV. Rarus est Religiosorum numerus, qui se ipsos totaliter abnegent, ut sequantur Deum in simplicitate & nuditate Spiritus, per deserta & spinosa crucis itinera, absque fluctuatione & conversione ad se ipsos.

XVI. Pauci sunt qui sensibilis quietis iacturam patiantur, valium est firmissimum, ad quem transiliendum non libenter adducimur.

XVII. Perfecti tenentur se totaliter deferere sine restrictione in tempore & in æternitate, nunquam ut ita dicam in se, sed in Deum reflectentes.

XVIII. Quam locuples est thesaurus, posse se in pace & tranquillitate possidere; dum vires animales detinentur, occu-

pantur, & asperis affiduisque sufferentiis attentæ videntur.

XIX. Tempore cruciatuum, derelictionum, & desolationum, oportet gaudere in intimis Spiritus, illucque iucundâ & simplici abstractione fugere, ut Deum, solum inibi residentem, in quiete, & fruitione, passivè, extra nos, in ipsomet contemplemur.

XX. Qui sine Dei & creaturarum solatio pati desiderat, multum abest à repellendis accusationibus iniustis, quæ fiunt contra eum, etiam in maiori sua desolatione interiori.

XXI. Perfecti & solidi in charitate, aliorum planctum & commiserationem numquam desiderant: & si possent in suis morbis ignoti manere, summum eorum esset gaudium; itaque sic erga illos se gerere, crudelissima est mors, quæ possit illis inferri.

XXII. Oportet perfectum hominem exteriores cruces magnificare, quod si adeo prægraues sunt, ut cogitatu & sensu totus sit in illis, tunc præponere debet tales cruces & depressiones suæ Spiritus quieti, compescens quantum poterit motus & gemitus. Licet enim in his cruciatibus peccatum se habere exterius sit difficilimum, tamen in hoc, est ædificandus proximus, qui non nisi ex iis quæ videt, elicit iudicium.

XXIII. Pauci sunt qui ad declinandum ab aliquo inauspicato casu, ad extrema non prolabantur, & qui non facit, eminentissimè sapiens est.

XXIV. Religiosus qui Deo, & in Deo vivit, mediis in aduersitatibus corporis & animi, supra quam credi potest, est contentus, quia crux & iugis afflictio, tota vita & delitiz eius sunt.

XXV. Adeo delectatur Deus in sanctitate & fulgore supremo suorum sanctorum, ut ad aliquos excolendos plerumque vniuersam Ecclesiam, maximum damnum & iacturam pati permittat. Testis est sanctus Ludouicus in terra sancta.

XXVI. Subtilissima Spiritus resignatio, splendor est, vitæque verè liberorum libertate divinâ, sustinentium cuncta, nudo desiderio, & generoso, eos Deo immobiliter coniungente.

XXVII. Resignatio sensus, diuersos gradus habet & status, iuxta mensuram fortitudinis passiuæ, secundum quam exercetur. Sed accipi

accipiendo illam in sublimiori gradu, mors est animæ præsens, & cruciatus sui totius, à quo se liberare ipsi impossibile est, imò & liberationem in desiderio habere.

XXVIIII. Tribulatio fors est iustorum magis expetita, locuples eorum possessio, & hereditas in hac vita. Confert ipsis ad fouendam & augendam gratiam, seruans eam sanam & puram, & sicut ignis metalla expurgat: sic tribulatio iustorum animas emundat.

XXIX. Tribulatio maximus est thesaurus, quo possit Deus sanctos suos in hac vita honorare, si mali homines bonis sunt necessarii; imò etiam ipsi Dæmones ruinam nostram exoptantes, affligendo nos, maius bonum nobis præstant, quàm excogitari possit.

XXX. Tribulatio sola etiam in hominibus de vulgo, potest illos se ipsâ sanctos efficere, utique præcellentes, licet ad Deum numquam vitâ spiritus, & contemplatione retenderint. Quia tribulatio, ut verè loquar, totius vitæ actiue apex est, & multi sunt in cælis magni sancti, qui numquam fuere magni contemplatiui; qui ideo tales sunt, quia toto vitæ decursu sanctè passi sunt, cum quadam deuotâ spiritus & cordis eleuatione.

XXXI. Optimè sortitus est, qui eundem potum quem rex ipse, bibit, & qui hunc contemnit honorem, stultus est, aut ingratus. Vide igitur quo te Deus afficiat honore, cum tibi filij sui calicem propinat, & qualis erit ingratitude hæc, si alibi solatium tuum quaesieris.

XXXII. Vita humana, ut Deo accepta sit, sine tribulatione esse non potest, sicut nec corpus sine anima, anima sine gratia Dei, & sine sole terra.

XXXIII. Tribulatio amorosa medicina est ægrotantium spirituum, & bonorum torcular, unde exprimitur vinum delitiosum, quod ipsemet Dominus noster bibere dignatur ad voluptatem.

XXXIV. Quando Deus animam in intimis ipsius crucifigit, creatura non potest eam consolari, imò solamina eius etiam intima, graua illi & affligentia sunt.

XXXV. Crux altissimè in Religione plantata est, tanquam supremus eius fulgor & ornamentum; maximè in corde vniuersæque

cuiusque Religiosi, & Deus tantoperè delectatur eam in aliquibus profundius infigere, ut illam ipsis ad mortem usque relinquat.

XL I. Lugendi sunt qui sibi tribulationem tantum esse bonum persuadere non possunt, quia nihil præter creaturam, carnem & corruptionem sapiunt. Nos autem qui debemus esse alterius temperationis, & vstrinx, tantò plurius tribulationem facimus; quantò minoris ducimus vitam hanc, cum voluptatibus eius.

XL II. Quicumque non patitur etiam usque ad extremum, multum abest à seipso cognoscendo, & quandiu sic erit, iustissimum habebit & maximum sibi dissidendi argumentum, seque profundè coram Dei Maiestate in suo nihilo humiliandi.

XL III. Non est diiudicanda ex corpore, & eius sufferentis hominum sanctitas, sed attendendum est an læti sint, alacres, & intus immobiles, etiam cum corpus gemit & misèrè lamentatur.

XL IV. Tribulatio proprium Dei bonum est in hominibus, & vicissim proprium hominum in Deo bonum; adeoque tali bono frui, omnimoda Sanctorum in terra felicitas esse debet.

XL V. Pura & profunda sufferentia tantò actionem omnem excedit, quantò Empyreï cœli amplitudo, modicam nucem.

XL VI. Tanto Deus tenetur desiderio illustrandi, & exaltandi Sanctos suos: ut sæpe sæpius supernaturales sint, & ex ipso solo, causæ tribulationum quæ ipsis accidunt.

XL VII. Perfectiores sic debent agere, pati, & mori interius cum tribulantur, veluti si Deo sensibilibiter abundarent, & in eum secundum sui totalitatem actu raperentur.

XL VIII. Religiosus viuendo Spiritu Religionis veraciter animatus ita flexibilis est ad fluendum incessanter in Deum, in veritate Spiritus, affectus, & actionis; ut non videatur in eo aliud, quàm cruciatus, quàm mors, quàm opera & verba mortis, vitam tamen & Spiritum habentia. Pressuras pro deliciis habet, & nec de se, nec de re alia quacumque curat, modo Iesum Christum lucrificiat.

XL IX. Vanus est, & mendax qui nihil patitur, homo enim natus ad laborandum, utique & patiendum, quod à fortiori de

de electis & amicis Dei est intelligendum.

L. Imperfectorum vita, copiosam exercitationis, sufferentia, & mortis præbet materiam veris Religiosis: sed hoc ipsum illorum est gaudium, scientium per sapidam experientiam, illud esse suum purgatorium, & amorosum martyrium.

L I. Apud bonos Religiosos statutum est, & fixum, scabellum esse pedum totius mundi, & sub specie stultorum voluntariorum, toto vitæ decursu carnem & sanguinem in perfectum holocaustum, diuinæ Maiestati superimpendere, quæ ut eos tanquam aurum in formace excoquat, permittit cruce illis ex omni parte etiam superiorum aduenire.

L II. Religio in suis alumnis non recipit splendorem suum, nisi per flagella, malleos & ignem, voluntarie perpeffa.

L III. Religio est omnimoda suiipsius, & rerum creatarum amissio, per integram transfusionem, & resolutionem totius sui in Deum, ad non viuendum nec moriendum nisi in eo, usque ad perfectam consummationem carnis & sanguinis in igne amoris eius.

L IV. Refluenti per amorem iugiter in Deum, contrarietates vitæ huius lætitia sunt & gaudium, & eas sustinet forti & generoso animo, ope duplicis fortitudinis amorosæ, sanctissimi Spiritus. Ipse aquila est diuina, cœlestia contemplans, & ipsam Diuinitatem; & simul homo, cum hominibus humaniter agens, nec desistens esse cœlestis, nihil abhorret quam seipsum & sua, aliorumque bonum ad altissimam Dei gloriam incunctanter prosequitur.

L V. Anima non est propter corpus nisi secundario, neque corpus propter seipsum, sed anima propter Deum est, & deinde propter corpus quod informat, ut illud fraternè secum agere faciat, suauiter & liberè violentiâ ita domans, & subiiciens, ut totus homo possit in Deum, originem suam & finem amorosè & valde libenter effluere.

L VI. Non consistunt in vno statu veri iusti, sed semper in exercitio virtutum progrediuntur, ut magis ac magis carnem spiritui subternant, fiantque Spiritus Sancti templum viuens in corporibus suis & animabus, quod Deus delectabiliter inhabitet, usque ad sui amoris consummationem. & suæ diuinæ similitudinis in ipsis.

h

De

De Morte mystica anima.

I. **A**Ntequam anima totaliter deficiat operationi suæ, in abyſſo Dei obiecti sui amabilis, sustinendæ ipsi fuerunt mortales asperitates feruentis humilitatis per aliquod tempus, & plusquam feruentis per aliud; in nuditate, mortibus, renuntiationibus, amissionibus sui, indifferentiâ, & aliis similibus viis, quas ipsi sine vlllo subsidio, & solamine transgredi necesse fuit: adeo vt exprimi non possit, quantum in vnoquoque horum graduum perpeſſa sit.

II. Si quis ita fidelis suis exercitationibus inueniretur, vt regionem morientium omnino superasset, vel assiduz & profundæ mortes ipsi vitam radicaliter suppressissent, in amoroso igne vrentis & consumentis tribulationis, tam spiritus quam corporis: adeo præcellens hæc foret anima, & in hoc seculo rara, vt vix cognoscatur vna. Nam heu! omnes hodie occasiones, nos ad naturæ nostræ vitam educunt, quam nolumus suppressere; sed semper agere, sentire, & viuere volumus, vt ab hominibus videamur, & æstimemur.

III. Quod morientibus conuenit faciendum, est sic viuere, veluti si præter Deum & ipsos nihil in mundo foret. Hoc facientes citius se mortuos inuenient quam arbitrantur. O quàm felix est creatura, quando totaliter in Deum elapsa, & transfusa est, nihilque eius amplius in ea reperitur.

IV. Quicumque se Deo tanquam inutile instrumentum penitus subternit, Deus sua per eum altiora, & secretiora operatur mirabilia.

V. Mors est excellens priuari bono quod fieri non potest, sed longè excellentior, non posse pati quod multum desideretur.

VI. Ordo Dei est, vt nos in nobismetipsis annihilemus, & quantò plures videt huius annihilationis effectus, tantò plus sibi complacet in nobis: hæc autem exinanitio eò verior est, quò minus eam sentimus in nobis, propter horribiles nostras tenebras, & pessimos quos interiorius patimur effectus.

VII.

VII. Aliæ sunt mortes in perfectis, aliæ in imperfectis, nam gradui Spiritus semper respondent.

VIII. Præcellens sanctitas in hominibus est incognita, quia momentum nullum est, ut ita dicam in quo non oporteat in Deum expirare, saltem quantum verax est fidelitas, ita ut quo eminentiores & subtiliores sunt, eò quoque subtiliores, acutiores & profundiores morres, quæ terribiles effectus in impetu sui doloris foris producant. Tales fuere Sancti Iob mortes & dolores: & tristes ac dolentes quos elicuere planctus, satis demonstrant, crudeliores fuisse & horribiliores quæ possint excogitari. Nam in omnimoda sua derelictione non habebat quò pedem figeret, id est appetitum, ut tantisper quiesceret in se, & in creaturis, adeò arte, & vndique accerrimis doloribus & angustiis premebatur in anima & corpore.

IX. Id ipsum quotidie accidit magis intimis Dei amicis, quorum aliqui cruciantur in spiritu & corpore, alij sine affectu, sine consolatione & cognitione in spiritu derelinquuntur, ita ut in infernalibus suis languoribus ad inauditos verborum excessus erumpant, quibus homines qui hæc ignorant vesanos illos ac furentes arbitrantur. Sed homines diuini, qui & ipsi triste hoc & asperum traiecere desertum, longè aliter iudicant de illis, scientes hos excessus, tormentorum amoris vehementiam exprimere, radicalem in eis vitam modo inconceptibili suppressentem; & huiusmodi expressiones, tantò longiùs ab eis distare, quantò profundius toto hoc tempore, in Deo occultè immerguntur.

X. Plerumque accidit ut quò plus quis spiritus efficitur, minus contra seipsum potens sit, & pars inferior contra superiorem ita violenter insurgit, ut se credat perditum, cum non possit anima sibi persuadere Deum esse, qui terribili hoc vitur medio, ut compleat perfectam occultiorum eius proprietatum purgationem. Quod si non sit fidelis in sustinendo mortali hoc statu, forti & constanti patientiâ: credens se nusquam fuisse melius, ab excellentia sui status decidet in maximum sui damnum. Et si ad exteriora sua regrediatur exercitia, affligendo corpus suum tanquam pugnæ huius authorem, multum aberrabit, & per hoc vehementius quàm vquam impu-

h 2 gnabi

gnabitur, hic gradus ordinariè vltimus est appetitus actiui, & introitus ad regionem passiuam & mysticam.

X I. Ad hoc vt creatura perueniat ad totalem sui in Deum transfusionem, oportet vt sit perdita suo viuere, suo sentire, suo scire, suo posse, suo mori, viuens & non viuens, moriens & non moriens, patiens & non patiens, resignans se & non se resignans. Quod si hæc omnia infra illam sunt, in electino ipsius actu, tunc impassibilis, inattingibilis & immobilis est, quia creaturæ Deum non possunt attingere suis adinventionibus, vtique infinitâ distantia.

X I I. Qui nolunt transgredi regionem sensus, & semper videre cupiunt quò pedem figant, & quiescant: numquam introibunt ad arcana scientiæ mysticæ, licet illius scientiam, imò & gustum ex lectione habeant; sed fideles amantes qui amorem sciunt magis ex exercitatione æternæ mortis, quàm ex cognitione acquisita & scientia; ita perfectè & totaliter Deo subiiciuntur in omnibus mortis casibus, vt ignorent, an sibi an Deo viuant, quæ est veritas infinitæ extensionis.

X I I I. Animæ consummatæ in amore, non desiderant pat fieri, nec sibiipsis manifestari, nisi fortuito, & absque suo scitu ad hanc notitiam pertrahantur.

X I V. Exercitationes veri amoris postulant acres & strenuos ad amandum animos, qui numquam in pœnali, sed iucundo agendi, patiendi, & moriendi labore fatigentur. Varij enim successus, modò fruitionis, modò priuationis, modò pressuræ & doloris, adeò frequentes sunt, vt impossibile sit exprimere, hoc vnum dicam, scilicet:

X V. Quâ quis ratione sublimes hos amoris gradus conscendit: eò destitutiones, priuationes, & languores duriores sunt, & intolerabiliore efficiuntur. Et quò plus submersa est anima & inundata luminibus & deliciis cœlestibus, quò plus percepit, & experta est infinitam Dei amabilitatem, & excellentiam; hoc ipsum magis ac magis congeminat grauitatem mortalium eius cruciatuum, & miseræ, paupertatisque, ad quam se absentia sui beatifici obiecti redactam videt; minimum enim temporis interuallum separationis sensibilis horum subiectorum æqualiter matuò vnus ad alterum amore percitorum

torum, mors est animæ crudelis, quæ nihil respirat præter obiecti sui plusquam amabilis vnicuique fruitionem.

XVI. Mori & expirare in Deo, est nulli rei privatae adhære-
re, nec ulli lumini proprio & particulari, quantumcumque
subtili; quodcumque enim lumen accipimus cum adhæsi-
one, subtiliter inquietat subiectum suum, & in se, alióque refle-
ctit, ac proinde ex hoc à natura est purè, aut à Dæmone. Et
quò maius est quod præfert bonum, eò magis tale est æsti-
mandum.

XVII. Vnus, perfectè abstractus in veritate mortis, discer-
nit spiritus, & diuersas vniuscuiusque vias.

XVIII. Non existimo reperiri quæquam, qui velit om-
nimodè esse hominibus ignotus, per mortem & renuntiatio-
nem Spiritus.

XIX. Anima legibus & disciplinis viarum puri amoris rectè
instituta, tempore magnarum desolationum & languorum
internorum, non debet foris solamen in creaturis quærere, vt
apud aliquem conqueri, aut legere Spiritualem librum; hoc
enim esset occultè se ab amoroso patibulo liberare.

XX. Vt perueniat bona anima ad supremam quietem, con-
tendere debet fortiter mori, ad ipsam sponsi sui voluptatem.

XI. Qui nescit perdere seipsum, & omne suum prodige-
re, in vera Spiritus morte, supra omne exemplum, & imita-
tionem, numquam superabit sensum, timorem, pudorem, &
rationem, quia purum non attingit amorem: nam qui exem-
plo dumtaxat viuit, valdè infirmus semper est in genere vir-
tutis.

XII. Impossibile omnino est, vt quis incipiat sentire, &
vivere mysticè, in simplici intelligentia sapientiæ diuinæ & in-
fusa: quam per integram mortem, & suppressionem totius
sensitiui & rationalis appetitus.

XIII. Disciplina verè Sanctorum, est dimittere omnia in
seipsis qualia sunt, & in illis nullatenus implicari, nisi ex officio
teneantur. Quod si spectat hoc ad omnino mortuos, quantò
magis ad nihilum, & adhuc infinitè magis ad eum qui et si
viuat, numquam tamen ad vitam egreditur.

XIV. Generosa anima cui curæ nihil est, quàm in obiecto
h 3 suo

suo mori, non solum victrix est suorum inimicorum, sed etiam ad seipsam, & suum purissimum amorem illos conuertit, vt secum Deo perfectè subiiciat.

XXV. Si quis inter homines sciret tantum morientem amorem, vtique phoenix esset, nolim tamen dicere nullos esse, sed non agnoscuntur. Alij semper à se crucem excutunt, & Spirituales aliqui, in hoc se Dei voluntate cooperiunt. Res deploranda, quia veracem esse vsque ad quosdam dumtaxat limites: præstare nihil est. Semper Deo totum dandum est, semperque reddenda ei in agonia vita, sine spe solatij, & leuaminis vllius. Quod si Sancti non sic æternum agonizassent, Deus non tantum in eis glorificaretur, nec ipsi in eo.

XXVI. Mori & expirare in Deum est reddere se immobilem, & incommutabilem, semper sibiipsi æqualem, in omnibus obiectorum etiam difficillimorum generibus, gratiâ naturam his omnibus mori cogente, vt strenuè possideat suum in obiecto suo subiectum, in simplici pace, & spiritus tranquillitate, quæ exuperat omnem sensum.

XXVII. Animæ verè simplices aliud nesciunt quàm mori iugiter, vt viuant vitâ Dei, in quo ab omnibus creaturarum petitionibus immunes efficiuntur. Tanta enim numquam potest hauriri voluptas in illis vexandis & affligendis, quam tam ipsæmet ex suis pressuris & afflictionibus hauriunt.

XXVIII. Adeò rari sunt spirituales vt agnoscantur nulli; nescitur enim quisnam velit æternum mori, & nemo est, qui non se liberet per seipsum à cruce, quærens solatium in sensibus, & in creaturis; ita vt spirituales simus dumtaxat ad vsque quosdam limites.

XXIX. Qui non est mortuus proprio spiritui, fortissimo Dei spiritu, qui vnus vsque ad mortem ei dominari debet, non est dignus qui Religiosus vocetur, cuiuscumque sit Instituti.

XXX. Nam tam attendendum est ad id quod operatur in nobis Deus, quàm ad id quod, postulat à nobis, vt in omnibus rebus, diuinæ illius voluntati perfectè conformemur, in actionis eminentiâ, & mortis supereminentiâ.

XXXI. Deliciæ diuini sponsi, sunt videre castas suas sponfas suæ Majestati diuinæ immolatas, in ipsa supremæ paupertatis

ta tñ indifferentia ; crux & desolatio in tempore, & in æternitate.

XXXII. Debemus semper prosequi & expetere, viuere & mori in Deo, in eius amore, & ad vnum ipsius beneplacitum infinitum.

XXXIII. Miraculum est, Religiosum nancisci Deo & sibi veracem, quia nemo vult vbique, & semper mori.

XXXIV. Vnus verè moriens, aut verè mortuus, sustinere potest veram quietem, quæ est effectus diuini aspectus in vera & sancta otiositate, cui soli conuenit in suo obiecto æternum mori

XXXV. Solus fidelis in moriendo, sustinere potest asperrium, & penè intolerabilem simplicis otiositatis impetum.

XXXVI. Quantum anima consummatur per mortes mysticas, quæ videntur debere suppressere omnem naturæ vitam, tantum illi quies facilis efficitur ; quia fortior est ad eam sustinendam.

XXXVII. Sublimiorum contemplatiuorum felicitas, quantum ad illos, in sola eorum morte, amissione, & totali consummatione consistit, omni ratione, & modo possibili creaturæ ; ad quod requiritur summa Spiritus fortitudo, vt in diuturnitate inalterabiles maneant.

XXXVIII. Mortui est permanere in sua sepultura, illic vitam suam diuinam sapienter & plenè possidentis, in sua simplicissima & eminentissima quiete.

XXXIX. Quò quis sapientior est, eò religiosior circa minores suos defectus, seipsum fideliter obseruans. Optimè sentit Spiritualis se numquam satis posse coarctare se, secundum exigentiam veri mortui, qui vsque ad diem iudicij in sua sepultura permanebit, conconsultibus eum omnibus, & hoc cum consilio & voluptate, nullibi locum alium reperiens sibi proprium, & illic in obliuione creaturarum æternum positus, quæ eum, quamuis vbique scrutarentur, numquam reperient.

XL. Diuersitas statuum inter spirituales, in eo consistit quod non sunt æqualiter morientes

XLI. Deductio spirituum in æternam in simplici fundo, multum delectabiles, sed si in omnibus mortuus

fidet sapientis ignota; plus enim sita est in morte simplici & nuda, etiam omni actioni, & corporis sufferentiæ, quàm in actione, & operatione sensibili, aut etiam spiritali. Sic ab huiusmodi vita, visibile nihil est expectandum, & tales à seipsis dumtaxat & consimilibus agnoscuntur, quia viam omnem & exercitationem humanam sunt supergressi, tam in actione quàm in passione & sufferentia.

XLIX. Gradus & altitudines vitæ spiritualis tantum inter se dumtaxat differunt, quantum homines in exercitio moriendi, perdendi se, & in Deum fluendi, inæquales sunt.

L. Magna est distantia inter agere, pati, & mori, nam agere iucundum & delectabile est incipientium, nonnihil prouectorum; pati in actione est desiderium & effectus vere proficientium, & valde prouectorum ardenti suo cursu, in amoris stadio. Sed mori æternum, in passione & mortali sufferentia, radicalem animæ fundum in æuum suppressante, perfectorum dumtaxat est, quorum numerus adeo est modicus, ut vix vnus inter mille reperiatur.

LI. Nullo sensus moueri affectu, est esse hilariter mortuum, sed nescio an possint reperiri qui tales sint, quia vita nostra non est radicaliter suppressa, nec suppressibilis.

De Contemplatiua & supereminenti vita.

I. **T**heologia mystica sumpta in sua essentia, aliud nihil est quàm Deus ineffabiliter perceptus, qui non potest nisi ineffabiliter egredi, alium non habens introitum & exitum, seipso quàm seipsum, in illis qui in simplicitate essentia vnus sunt in illo, sine distinctione, sine differentia, in consummationis plenitudine. Hic videtur lumen illuminans, de lumine educum, non esse lumen: sed lumen de lumine, lumen ostendens non suis possessoribus sed suis indigentibus. Id ipsum est, in quo profunda & suprema mysticitas, in sua pura simplicitate, nihil extra simplicissimum admittit. Ideoque in verbis suis non debet iudicari, sed in simplicitate sua, tam egressa, quàm non egressa, & in sua infinita comprehensione luminosa, in qua

qua omnia videt non visa, & omnia iudicat iniudicata.

II. Ad introeundum in hanc tam sublimem & supremam spiritus vitam, oportet superasse innumerabiles penè gradus, qui omnes in perfecta purgatione, illuminatione, & vnione consistunt; cum sint hæc tanquam fundamenta huiusmodi graduum.

1. Gradus est vocatio interna de cælo accepta, excitans & exacuens animam ad nihilifaciendas res omnes creatas, maximè seipsam, & ad desiderandum se esse totius mundi fabulam & ludibrium.

2. Gradus est minimæ imperfectionis perpetuus horror. Vndè procedit

3. Gradus, qui est indifferentia per quam homo viuit & moritur, in tempore, & in æternitate, Deo omnino subiectus, suis superioribus, & omni humanæ creaturæ, quantumcumque vili, sine reservatione vlla appetitus naturalis quantumlibet subtilis, permittens moueri se ab illis, & trahi quocumque voluerint.

4. Gradus ex hac indifferentia procedens, est ardens & necessaria virtutum omnium exercitatio, quæ debent esse animæ ornamentum, absque tamen præsumptione acquisitionis illarum.

5. Gradus, & proximior dispositio ad diuinam vnionem, est cum quis supra dicta exercens, sentiet se adeo profundè in seipsum intractum, vt quasi sensibus orbatus sit, & eorum vñibus mortuus; tantum se ab eorum obiectis semotum sentiens, quantum si centum leucarum spatio ab illis reuerà distaret.

6. Et vltimus gradus est omnimoda sui ipsius dimissio superioribus suis, ita vt aperiatur eis omnes affectus, motus, sensus, cogitatus, & studia, quod est absolutè necessarium.

III. Si qui in via supereminenti diriguntur, in obseruantia regulari scienter se negligunt; argumentum est illos in pura esse natura, & non in Deo. Impossibile enim est ardentem animam, & Deo per fixum suum immobilemque aspectum adhærentem, vñque hoc modo deiformem factam, & quasi infinitam obiecti sui naturam omnino transfusam, posse quidquam scienter negligere.

Ter.

IV.

IV. Compendium graduum vitæ supereminentis, est post suppressionem actiui in amore supergresso, succedere introitum purgationis, quæ consistit in morte refluxus sensibilis.

1. Gradus consistit in morte & suppressione refluxus rationalis.

3. Consistit in morte & destitutione spiritus, per sufferentiam angustiantis actionis diuinæ, quæ initio sui lusus mori facit & expirare animam in seipsa absque lumine.

V. Post aliquot successus, Deus eundem suum exercet ludum actiuum, & angustiantem in anima; cum immenso lumine, & eruptione sui ipsius ad se, ut communicet altissima sua secreta in profunditate distinctionis.

VI. Post hæc succedit illuminatio pura, profunda, nuda, in vnico simplici, liberata à sufferentiis diuinarum actionum, quæ non sentit, neque cognoscit nisi extases sui totius extra se, in abyſso obiecti sui, ubi non habet potestatem, nec voluntatem exeundi ad expressionem eius quod habet, & quod est. Et quò magis occupat se foris anima, eò magis immergitur in abyſsum quæ eam rapit, dilatat, & transformat totam in se ipsam, sine distinctione, neque differentia, in fuitione perpetua sui totius, in suamet vnitate.

VII. Post hunc statum succedit consummatio, quæ in ipsamet vnitate & fruitione, neque luminosa est, neque profunda, neque simplex, neque extatica; eo modo quo præcedens, sed est, & possidet omnia hæc, supra infinitè, in ipsa vnitate, in qua est hoc ipsum quod est, tam in simplici perceptione, quàm in imperceptione.

VIII. Compendium graduum vitæ vnitivæ est, tres esse status ad complementum & perfectionem huius vitæ. 1. Est purgatus, 2. illuminans, 3. consummans. Et non sunt intelligendi hi status, sicut in viis præcedentibus, sed omnino aliter, conformiter ad huius eminentiam.

1. Igitur est luminosus & languorosus, habens diuersos gradus pro suo complemento.

2. Est luminosus & extaticus, habens etiam diuersos gradus illuminationis, per quos anima profundè illuminatur, & rapitur extra se, & omne creatum; in abundantia suauitatis & deliciarum.

3. Qui est supremus status & vltimus consummationis incipit cum per successionem temporis & graduum illuminationum abyssalium, quæ rapiunt subiectum in obiectum suum plene perceptum, quasi de profunditate in profunditatem, de abyssu in abyssum, quarum deliciae & saporis sunt inexprimibiles, cum inquam tales perceptiones sunt refusæ, & totaliter transfusæ in vnitate, supra fecunditatem.

I X. Status iste perfectionem suam non attingit, & integrum complementum, nisi per multiformes Dei effectus qui animam agitant in actione sua continua, quique diuersos faciunt gradus supereminentis resurrectionis, quod cum peruenit spiritus, & est totaliter in suo beatificante obiecto consummatus, eo fruitur, & eius supremâ quiete super omnem perceptionem possibilem.

X. Antequam perueniatur ad gradum consummationis, necesse est animam permeare infinita æstruaria, modò interno-rum & indicibilium dolorum, modò paupertatum & miseria-rum; propter recessus sponsi à sensu, numquam tamen à spi-ritu, modò abstractionum à seipsa, & à rebus creatis, modò indicibilium luminum extaticorum, quæ eam extra se profun-dè rapiunt. Tum abscedentibus & deficientibus huiusmodi extasibus, incipit status & gradus consummationis. Vnde pro-cedunt adhuc alij status per omnimodam destitutionem flu-xus sensibilis & actiui Dei, qui animam rapit & à sensibus auocat variis suis & profundis attractibus, arctissimis suis am-plexibus, simplicissimis & leuissimis suis accessibus & réces-sibus, summè vnitis delectabilibus, luminosis & extensis. Sed omnia hæc inconceptibilia sunt ei qui non est expertus.

X I. Homo igne diuino perasus adedè deiformis efficitur, vt ipsi mirentur Angeli, potuisse istud fieri, per liberam virium eius gratiâ prœoccupatarum applicationem in amando inde-fessè Deo, & eius amoris correspondendo.

XII. Postquam anima suis viribus & amoroso conatui præ diuinis contradibus, succubuit, tunc Deus conduplicat suos attractus profundos in ea, & eam magis quàm vmquam pene-trat, viuidis & ardentibus blandimentis sui amorosi ignis deu-orantis & consumentis omne quod aptum reperit ad susti-nendam

nendam suam actionem, ita tamen ut non moriatur, nec deficiat vitæ suæ naturali.

XIII. Subit tunc statum unionis, aspectus, gaudij, transformationis, quietis, & fruitionis omnino diuertum à præcedentis; tuncque moritur, & expirat æternum pro eius comprehensione: Deus enim infinitè melius comprehenditur moriendo amore, quàm amore languendo.

XIV. Nudæ contemplationes eorum qui nolunt sibi iugiter mori, sunt tantum pura vanitas, complacentia, & animi præsumptio.

XV. Posset ne quis inueniri, etiam eorum qui omnino demersi sunt in æterna Dei abyssu, quæ ætius nihil habens faciendum, in pura & æterna contemplatione viuere vellet.

XVI. Anima priuatis quibusdam exercitiis alligata, non est idonea ad effluendum totaliter in Deum; quia non se dimittit satis, ut eum purè & nudè sequatur, quod eam vult pertrahere in spiritum; quod utique impedit ne se omnino supergrediatur.

XVII. Deliciæ contemplatiui in eo sunt, quod scit & videt simplicem suum fundum obiectiuum & fructiuum, qui Deus est, non debere, nec posse vmquam comprehendi, nec attingi ab anima in amore consummata, & in hoc consistit omnis eius fruitio, aut ut melius dicam suprema eius felicitas.

XVIII. Perfecti contemplatiui cognoscunt & intelligunt clarè, & sine admiratione omne quod à literatis egreditur: quia supereminent omnem scientiam, intelligentiam, & cognitionem specularam.

XIX. Verè contemplatiui extra se sunt nudè, simpliciter, & totaliter, in Deum fusi, quem assidue contemplantur.

XX. Quidam luminosi satis & spirituales sunt, qui tamen sibi intus omnino viuentes, præ vi suæ imaginationis actiue, magis abstracti sunt à seipsis circa subiecta rationabilis imaginationis, quàm secundum spiritum: quod est valdè ponderandū, quia numquam poterunt fieri simplices in suo fundo, etiam si vellent, quin omnino sint mortui, suæ actiuitati naturali.

XXI. Quâ mensurâ diuinis splendoribus irradiatur anima, diuinisque motibus agitur, (qui varia secreta notionis (que con-

tinent,) eadem magis studiosa, inflammata, facilius actiua, & magis introuersa quàm vmquam inuenitur.

XXI. In via meditationis ordinariæ, intellectus post se rapit voluntatem, sed in via mystica & contemplatiua affectus intellectum rapit; nullatenus ferens illum secum suum partiri thesaurum.

XXIII. Vita mystica statim annihilat sensus & vires hominis, ita vt illico simplex & vnicus in igne diuini amoris eum in se transformantis, efficiatur.

XXIV. Sicut somnus quietem præcedit, sic extasis summam contemplationis quietem aptecedit: sed tam vastum interioret desertum, vt valdè pauci sint qui ad eam perueniant.

XXV. Quicumque perperam & sine causa contemplationis quietem vult deserere, proculdubio amore sui ipsius captus remanebit. Si anxium Dei & martyrij desiderium nequam est, quidnam erit de aliis quibusvis speciebus? igitur aliqua in vobis admittitis studia, vtique veræ mortificationis, humilitatis, contemptus, renunciationis, & confusionis esse debent; si modò sunt ordinata, amorosa, dulcia, & tranquilla.

XXVI. Multisunt gradus in statu fructuæ quietis, quorum vltimus est sine labore possideri, saltem respectu præcedentium mortium; & tamen propriam ipse mortem suam habet, sed quæ facile sustinetur, tum quia anima tota consumpta est igne amoris sui mystici, tum quia aptissimam ad hoc accipit fortitudinem.

XXVII. Qui occultis imaginationis suæ laqueis & decipulis irretiti sunt, vt mortui numquam transuolabunt in regionem infiniti Dei, qui est viuens principium omnium irremissibiliter mortuorum.

XXVIII. homo perfectus siue Deo abundans, siue destitutus, respuit creaturarum subsidium; quæ nihil ei præter infelicem mortem, & martyrium infernale conferunt.

XXIX. Sicut perfectè simplices habere modum nesciunt, sic cum hominibus agere, nullatenus eis conuenit: omnes enim creaturas transgressi, in Deum totaliter effluxi sunt viâ amoris & mysticæ transformationis. Dimittendi sunt, vt omnino inutiles terræ, licet eorum corpora inibi cum maximo animi dolore degant.

XXX.

XXX. Qui recusat pati ab hominibus cum expedit, manifestè deest amoris suo : & si perfectionis insignioris existimatur, iuste mendacij, falsitatis, & infidelitatis insimulari potest, & ut amore proprio falso lumine, errore, & tenebris plenus haberi.

XXXI. Ex quo aliquis diuinis attractibus potenter commotus est, relinquit extiora qualia sunt, & est impossibile aliter se cum habere circa illa, cum sufficiat ipsi ea non contemnere, sed tanti ducere quanti tenetur.

XXXII. Cum sit Deus in seipso ignis deuorans, deuorat, & conuertit omnia in se, in unitate sua infinita.

XXXIII. Suprema & perdita contemplatio, est magis expressa Dei inter homines imitatio : qui certè illum secum habere indigni sunt.

XXXIV. Numquam anima ex ultimo loco debet ascendere, nisi à suo ardenti amore importunè sollicitata.

XXXV. Vbi Deus sibi & pro se uiuit, ibi non est amplius creatura : sed ita est in Deo exinanita, ut non desideret nec possit desiderare loqui, aut intelligere quidquam ad supremam pertinens contemplationem. Dum enim aliquid expetit, non est essentialiter perdita, aut saltem non attingit omnino suam superessentialiam, ubi non est virtus nisi exemplariter, non est amor nisi essentialiter, non est essentia nisi superessentialiter, sine distinctione & differentia perceptibili.

XXXVI. Cum Dei spiritus sit ipsamet puritas, quies & lumen, requirit etiam in anima puritatem, pacem, attentionem & quietem.

XXXVII. Numquam deprehendetur vnde nam veniant maximæ attractiones, & fortes internæ occupationes, à natura, an à gratia : quàm per quietem perfectam, & subtilem inquisitionem.

XXXVIII. Ipsemet Deus, ut ita loquar, nostras debet operari actiones, magis quàm nos ipsi, viuendum utique in omni loco ipsius tantummodo instrumentum.

XXXIX. Perfecti nihil in se debent admittere, quod non sit voluntariæ actionis, & ab effectu motuque libero, nisi tempore manifestarum, & fortium Dei attractionum.

XL.

XL. Qui penitus in amore Dei demersi sunt, paruipendere debent cogitationes quæ eos leuiter & sanctè mouent, sed suum iter persequi debent, per simplicem suam, vnicam & amorosam in Deum actionem, ultra tempus, æternitatem, & seipsos.

XLI. Animæ contemplatiuæ, & in amore consummatæ maxima debetur reuerentia; nihil enim impurum habet, & est viuens in Deo de Deo ipso, splendens supra mille soles, sponsa est filij, patris filia, spiritus eius, & amor eius sunt in Spiritu Sancto: illam videndo, videtur Deus in corpore spiritui perfectè subiecto; ita vt non possit oculus eius visu & admiratione satiari.

XLII. Sunt animæ quarum via multum difficilis est & occulta, magna sunt earum exercitia, in figuris & imaginibus exercitata, tum mentis alienationibus, visionibus & reuelationibus; ista sunt valdè dubia & periculosa, propter magnam eorum cum natura rapaci congeneritatem.

XLIII. Non est necesse nec etiam vile, doctum esse mysticum, in pura theoriæ doctrina, quæ explicat mirabiles Dei effectus in anima, in vnoquoque eleuationis gradu, multò melius est puram eius habere exercitationem & experientiam; nam theoria quasi foris videtur, & sentitur: sed altissima praxis omnia ad vnum colligit, suo simplicissimo amoroso fluxu, qui in summè vnica simplicitate externum omne destruit in suprema spiritus vnitatem.

XLIV. Perfecta vita prius est actiua quam contemplatiua, & deindè contemplatiua & actiua.

XLV. Pretiosum munus vitæ contemplatiuæ, illorum est dumtaxat qui sub ipsis viles sunt, quique iugiter & strenuè exercitationibus amoris gratiam excolunt.

De Sapientia Diuina.

I. **S**apientia in seipsa, mare est absque fundo & ripa, quæ in sua simplicitate omnia vnice & multifariè intuetur: quis dabit ei terminos & limites?

II. Sa

II. Sapientia nostra non est sicut antiquorum philosophorum sapientia, sed diuina: non ei vacamus vt scientiæ speculatiuæ studio, sed arctissimâ animarum nostrarum vnione, & cordium nostrorum cum Deo: à quo excellenter, & abundanter amorem & sapientiam, quasi vnum accipimus. Eius ope, cum prudentia quæ ea digna est, vbique operamur, omniâque nostra opera diuinitus temperamus, nec vniquam ab ea, sicut nec à Deo, vel minimâ extrouersione discedimus. Talis est in nobis iugis effectus sanctissimi spiritus, qui per amorem suum inefabilem, omne quod reperit imperfectum absumit.

III. Sapientia non est coacta in suis exercitationibus, nec affectata, sed semper grauis & seria: ipsa est quæ nouit subtiliores naturæ effusiones, & discernit inter diuersos ipsius & gratiæ motus, omnibus sine sui damno prudenter obsequitur.

IV. Sapientia diuina stultorum est flagellum.

V. Qui se ad formam scholarum dumtaxat exercent, vix vniquâ manifestationes, blanditias, & delicias vitæ actiuæ proficiētis accipiunt, quibus fruuntur simplices & idiotæ: quia cum isti non ratiocinentur, aptiores sunt ad recipiendos in seipsis diuinos motus: Alij vero è contra semper ratiocinantur & disputant, illique semper hærebunt. Quod si Sanctorum Doctorum mihi obiciatur præcellentia, dico illos studuisse vt doctos, sed sanctè. Idèò plus eis Deus infudit doctrinæ, quàm acquisierunt: studebant Deo, & in Deo, & per tempus notabile simplici diuinarum rerum contemplationi vt sancti vacabant, & in simplicitate funditus perdita, & vt rerum omnium ignari, vt faciliorem ad Deum haberent accessum.

VI. Gustatur sapientia in verbis & in operibus sapientis, quia cum sit plenè dominus passionum suarum, affectuum, & motuum, apparet in omnibus suis effectibus tanquam aqua placidissima & quietissima, in qua manifestè videtur lucere sapientia.

VII. Sapientium est proprium multa facere, pauca loqui.

VIII. Sapientia in bono fundo fluxa & effusa, sapientiam subiecti recipientis acuit: & nihil iucundiùs quam iste diues, luminosus, & deliciosus fundi ad fundum, æqualis ad æqualem, & eminentiæ ad eminentiam concursus.

x

IX.

I X. Antequam diuina sapientia recipiatur , prius timor, sensus & ratio superanda sunt.

X. Melior sapientiz gradus & excellentior, vt ita loquar , est rerum experientia ; speciatim in scientia spirituum.

XI. Non modica est sapientum scientia , scire omnia referre ad Deum, eaque in profunda iudiciorum eius statere ponderare , iuxta sapientis dictum. *Pondus & statera iudicia domini sunt, & opera eius omnes lapides saculi.*

XII. Spirituales nullum proferre debent verbum , nec aliquid momenti veritatem , quam non sciant & credant viâ spiritus ponderandam.

XIII. Intelligentia veritatum mysticarum adeò abstrusa est, & occulta hominibus puræ naturæ, quantumcumque literatis, vt nihil in ea vmquam concepturi sint , quia scientia sanctorum est, quæ non se prodit nisi amorosis suis subiectis. —

XIV. Vnaquæque res sapit id quod est , homines sapientes sapiunt diuinam sapientiam , & caro aliud nihil sapit præter carnem.

XV. Hæc audiet & leget animalis homo , & numquam comprehendet, sed stultitiam arbitrabitur ; quia cum mystici scrutentur omnia etiam profunda Dei , homines animales è contra , tantò plus ab hac intelligentia remouentur , quantò in carne & sanguine , vita eorum bestialiter effusa est.

XVI. Etsi scientia mystica disponat hominem vt spiritualis efficiatur , nemo tamen purè discens, aut ex eo quod didicerit spiritus effectus est, & vmquam efficietur.

XVII. Etsi subtilis humana eloquentia, suauis appareat, non expertis vias spiritus ; qui tamen sapientiâ tantillum imbuti sunt , quantum differat à vera sapientia statim aduertunt.

XVIII. Vbi multa est scientia speculatiuè comparata , miraculum est si prædominetur sapientia diuina ; nihilominus cum sapientia & scientia ex æquo procedunt, res est miranda.

XIX. Proprius sapientiz effectus non tam est persuadere, & conuincere, quàm cor mouere & accendere, itaque ancillatur ei scientia dumtaxat, & non est necessaria.

XX. Magnificandi sunt in Religione viri docti, qui efficiuntur mystici, sed tanquam phoenix rari sunt.

XXI. Vbi deest prudentia, virtus vera nulla est.

XXII. Prudentia vno comprehensionis actu, agit in præteritum, præsens; & futurum.

XXIII. Sapiens qui ad hyperbolem & exaggerationes soluitur, seipsum trahit, multumque infirmum in spiritu, & absque sui attentione comprobatur.

XXIV. Egressiones sapientium, qui plus aguntur quam agunt, ordinatissimæ sunt, in numero, pondere, & mensura; & externum, mors illis crudelissima est.

XXV. Multum interest plus facere quam cognoscere, licet absque cognitione fieri nihil possit; sed qui se totum Deo funditus prædandum tradiderit, non carebit sufficienti cognitione ex parte illius, imò nec radiantibus luminosi & delitiosius amoris contactibus, quibus mysticam sapientiam diuinitus infusam, exundantibus fluctibus accipiet.

XXVI. Sancta est, & præcellens ignorantia, quæ subiectum suum simplex, sibi quæ ignorum facit, ad discretionem non necessariam moruum suorum; quia ipsius occupatio actualis in Deo est, & non sinit eum super hoc, multò minus super aliud quodque vllatenus reflectere.

XXVII. Aliud omnino est sanctum esse in vero sanctitatis fundo, quam agere vbique sancte, nec esse in seipso sanctum.

XXVIII. Prudentiam illorum qui in oculis suis sapientes sunt semper comitatur concitatio, aut ratio concitata; sed prudentia simplicium diuinam semper prodit sapientiam, & est luminosa, simplex, & immunis ab omni rationis commotione.

XXIX. Tantum distant à reflectione verè simplices, quantum si numquam in carne vixissent: semper vltèrius se extendunt tanquam faces in vita sua præfulgentes.

XXX. Sapientia est intellectualis æternarum rerum cognitio, quæ potius contemplatio, quam speculatio vocari debet: vnde dixit Psalmista in persona simplicium, eò quod illiteratus esset, accessurum se ad scrutationem omnium potentium Dei operum: quæ sunt opera eius infinitæ bonitatis, sapientiæ, & potentiæ.

XXXI. Scientia, naturæ cognitionem parit; & sapientia,
x 2 Dei,

Dei , eiusque bonitatis in nobis scientiam infundit; illa vult cognoscere , quod non assequitur nisi cum labore & sudore, hæc idipsum vult ignorare , abundans tamen notitiâ rerum omnium. Demùm hi in Deo immersi viuunt , isti circa orbem vniuersum assidue detinentur , & in cœlorum inspectione , vbi nidum videntur fixisse.

XXXII. Ratio illuminata in sapientia , est alta eleuatio , & simplicissima spiritus constitutio in splendoribus æternis, vnde prospicit eminenter & simpliciter acutissimâ oculorum mentis acie , & simplici aspectu , omne quod ipsi inferius est, & quod ad propriam eius viam , constitutionemque spectat.

XXXIII. Homo non est verè homo , nisi dono supernaturalis sapientiæ reformatus, tuncque omnium puræ naturæ hominum verè superior est , & omnibus diuini spiritus donibus, in suis viribus exornatur.

XXXIV. Discretio est effectus præuisionis illustratæ rationis , quæ simplici & penetrante intuitu , omnes actionis circumstantias attendit. Hæc virtus non addiscitur, nec ab extrinseco prouenit, sed ab interiori dumtaxat, estque iugis effectus gradus possessi luminis.

XXXV. Dies nostri nunc mali sunt , & absque simplicitate , carnalique prudentia , & politica hodie homines aluntur ; verba , & affectus spiritus , sunt ipsis flagellum , ita vt summa prudentia & attentio necessaria sit ad agendum cum illis.

XXXVI. Excellens & diuina sapientia subiectum suum facit simplex, vniiforme , spirituale , & totaliter introuersum , simul tamen multum & affluenter in spiritu , & lumine , supra omnes sensibiles species , dilatatum.

XXXVII. Sapientia diuina mouet & attrahit fortiter corda humilium & docilium sibi funditus subditorum , eaque implet sensum sapidorum abundantia.

XXXVIII. Qui suasionem exteriori dumtaxat fertur in bonum , absque forti & efficaci sapientia diuina , facilè à suo desiderio diuertitur ; quia nudam Dei presentiam & actionem in intimo cordis , & virium suarum sustinere non potest.

XXXIX. Maior hominum pars ex opinione uiuit & , secundum

dum quod sensu & imaginatione afficitur, dumtaxat iudicat. Ille verò est sapiens qui de rebus iudicat secundum quod in veritate sunt.

XL. Omnis hominum labor in hac vita, omnis scientia, & omne lumen, ad hoc vnum tendunt, vt possint falsum à purè, vero: sed subtiliter apparens à veraciter vero discernere.

XL I. Veri & solidi diuinæ sapientiz effectus sunt, intelligere, penetrare, & supergredi omnia creata, vtique seipsum.

XLII. Sapientia diuina simplex est, suasionem habens viuam, suauem, efficacè, afficientem cor sapide, compendiosam, simplicem, vnicam, colligentem omnes cordis in vnitatem suam vires.

XLIII. Non appropinquant nisi distantiam infinitam tempestates, serenissimo verè sapientis animæ cælo: licet enim aliquando maximè nuda sit & derelicta, foris tamen sunt, & fremunt tempestates.

XLIV. Spiritus diuinæ sapientiz implet suauiter, dominatur fortiter, acriter accedit, & excellenter illuminat, eos qui se eius directioni subiiciunt.

XLV. Sapientia nil coactum, nil affectuum habet, sed semper, & vbique seria est; si quando festiuum profert sermonem, ad laxandos tantisper animos, conuenientissimè facit, comiter & pro breui tempore.

XLVI. Obiectum diuinæ sapientiz est Deus infinitus in seipso, qui eam abundanter infundit iis omnibus, qui illam in amoris, & humilitatis profunditate reuerentur.

XLVII. Eloquentes & diserta industria humana, sensum prætergredi nequit, & continuò in seipsa mollescit, subiectum suum funditus euacuat, faciens illud effluere, tanquam vas millefore, ita vt homo, & omnis eius eloquentia ad nihil redigantur, & se inuicem annihilent. Sed

XLVIII. Non sic de mystico fluxu, qui est diuinarum emanationum effectus, & prælibat beatitudinis æternæ, quibus creatura omnia penetrat, omnia permeat, omnium obliuiscitur, in fruitione quam habet Dei.

XLIX. Quod me attinet existimo huiusmodi conciones, compositas sermonibus ad eò vanis, effusis, exquisitis, intextis genealogiis, vanis fabulis, & descriptionibus operum naturæ,

nullatenus esse verbum Dei, sed hominum dumtaxat, affectatum; & auro adulterato subtiliter deauratum; huiusmodi concionatores corrumpunt christianos, pascetes eos vento, & vanitate, & hi, & isti cor Deo vacuum habent. Magistri sunt qui pascunt ventum, vento subtiliore, & venenoso, auerentes sensim simplices à fide & deuotione sua, & præbentes illis pro pomis folia, pro pane lapides, & pro alimento terram inspidam, venenato melle illitam. Venatores sunt honoris, & vanæ gloriæ, titillatus, & applausus, & hæc sub speciosissimis causis & prætextibus.

L. Qui profundè, simpliciter, & vnicè in Deum sunt demersi, non se iudicant infallibiles in sua mente, lumine, & affectu, ita vt omne quod ex eis procedit sit veritas infallibilis, quia possunt eos latere circumstantiæ subtilissimæ; quo fit, vt in iudicando, & determinando de rebus alicuius momenti, tardiores sint & cunctabundi.

LI. Vera prudentia & charitas nescit quid sit zelare indiscretè pro bono communi, in damnum & ruinam particularis.

LII. Perbellè omnino, qui dixit, discretionem diuinam, omnium nostrarum actionum, & agendi rationum esse motricem, & informantem animam. Sed aded rara est, vt qui illà præditi sunt phœnices in terra vocari possint, quorum sub regimine, quò inferiores meliores sunt, & sanctiores, eò & feliciores: sed difficillimum est, eos qui de communi tantum sunt, semper cum illis viuere contentos.

LIII. Cum purè in nobismetipsis sumus, doctrina spiritualis non multum extenditur, nec magnum habet effectum, sed cum in Deo sumus, illic quoque doctrina nostra est, quæ semper mirabiliter suum producit effectum, intus & foris, sed magis specialiter intus, vt nos rapiat, comburat, & liquefaciat diuini amoris igne.

LIV. Verè sapientes lenti & tardi sunt in consiliis suis, timidi in suis propositis, ordine, prudentiâ, & consilio affluentes, in omnibus ad quæ procedunt; & in præmaturis vbi præpoperè egerunt, optimè norunt desistere in gloriam Dei, non adhærentes honori suo; aliundè scientes quantum magis intersit humiliter cedere, quàm disrumpere; hi sunt qui Sapientis vique dictum

dictum experiuntur, esse mortalium timidas cogitationes, & incertas prouidentias nostras.

L V Sapiens ponderare & tantiducere debet vnamquamque rem, quanti est meriti: nam si deesse sapientiz humanæ, etiam in minoribus eius effectis, sit non esse hominem, quid esse debet Religioso culpâ suâ deesse sapientiz diuinæ? Qui igitur diuinam reuerentur sapientiam, paruum nihil arbitrantur, cui non prouideant, aut præsens remedium adhibeant.

L V I. Proprium est spiritus luminosi secundum diuinam sapientiam nosce spiritus per intuitum, & penetrationem illorum, secundum simplicem & viuam aſtutiam oculi sui simplicis Qui igitur primo aspectu, per modum dicendi, non penetrat occurrentia spiritus subiecta, nec simplex est quantum ad hoc, nec spiritus.

L V I I. Licet docti aliquas habeant spiritus scintillas, in materiis spiritualibus, hoc tamen non prouenit ex fundo simplicis & eminentis sapientiz, quæ à formis & speciebus quasi à morte abhorret.

L V I I I. Anima sancta in abundantia sapientiz, amat res omnes, secundum gradum bonitatis & sanctitatis quæ habent, & nõ secundum apparentiam, & ille iuste & sancte uiuit, qui rerum vt in se sunt, verus & integer æstimator est.

L I X. Admixtio etiam modicæ scientiz, æternum impedit profundam, puram, simplicemque diuinam sapientiam.

L X. Purè morales abalienantur à simplici diuinæ sapientiz fluxu, quia non resident in suo interiori per simplicitatem, perditionem, & omnimodam sui ipsorum mortem

L X I. Docti discursibus suis plenam Dei cognitionem attingere nequeunt, vnde fides ignorantiz illorum terminus est, non verò curiositatis. In subiectis æternis temporales sunt, quia non possunt se, nec tempus aſtutiz suæ industriæ conatu supergredi. Hoc utique simplici, & sapienti debetur sapientiz, quæ per operationes suas alumnos suos, ad æternitatem prouehit; ubi eorum & cognitio & fides æterna est, & ubi eorum fides penè idem ac amor eorum est.

L X I I. In scientia mystica exercitatio theoriam præcedit, à contrario artium & scientiarum naturalium.

LXIII.

LXIII. Diuina sapientia abundanter infusa, est omnis cognitio, & omnis amor.

De Abstractione.

I. **O**Mnes deiectiones nostræ ex eo procedunt, quod abstractionem perfectam altè, essentialiter, & in vno suo centro non exercemus. Et cum hoc in nobis deprehendimus, multum aduertere debemus, quidnam illud est quod, nos intus impedit.

II. Non oportet cor suum aptare omnibus quæ dicuntur, vt eis respondeamus, aut consentiamus; sed multa per abstractionem sunt remittenda, quasi non audirentur.

III. Optimè dixit Sapiens, doctissimum esse eum, & pretiosissimi animi, qui verba sua nouit moderari; Et re ipsâ oportet omnes nostras actiones in trutina discretionis, & sapientiæ diuinæ examinare, nosque abstrahere ab omnibus actionibus & sermonibus vanis, insanis, faceris, inconsideratis, leuibus, dissolutis, & falsò liberis: hæc videntes tanquam non videntes, & tanquam ad nos nullatenus pertinentia.

IV. Paucissimi sunt debitè, & vt par est, abstracti ab eo omni quod non est verè purum, & mundum, & qui non sæpè commisceant spiritali profanum.

V. Vix reperitur qui abstractionem debitè exerceat, propter licitum, & prudentiam.

VI. Quicumque non est veraciter abstractus, in omnimoda abnegatione sui ipsius, nullatenus est capax veritatum & luminum spiritus.

VII. Veri simplices viuunt in abstractione rerum omnium, tam intus quàm foris: ita capaces sunt plenissimum de diuersis instinctibus, motibus, & affectibus, ferre iudicium.

VIII. Qui non est abstractus à visibili & sensibili, manebit semper sibi ipsi alligatus, nec vmquam potietur verà libertate cordis, & spiritus; quia frequentes creaturarum inordinationes se consiliis eius, aut potius Dei in ipso, incessante opponunt.

IX.

IX. Qui in nullo implicat se foris, nisi prudenter, & in iis quæ ad ipsũ ex officio spectant, hic perfectus est. Huiusmodi homines in collegiis rari sunt, multum audire & parum loqui gloriantur. Sibiipsis vacare in profunda attentione & abstractione exterioris, à quo sensus eorum tantũ mouetur.

X. Quando cœlum & terra soluerentur vt ita dicam, bonus Religiosus semper quod debet & potest operatur: æqualiter suum prosequens tramitem, nec respiciens nec reflectens foris, quid fiat, aut quid non fiat.

XI. Plurima sunt abstractionum genera, quidam abstracti sunt in natura, & in vi bestialis suæ imaginationis, morales abstracti sunt in apice rationis: verè spirituales sunt supernaturaliter in altiori sede spiritus, denique alij adhuc magis nudè & simpliciter, cum sint omnino essentialia.

De Simplicitate.

I. **S**implicitas est mors totius appetitus naturalis in se reflexi. **S**tam secundũ sensum, quàm secundũ rationem: quod fit vt verus simplex res aspiciat non secundum speciem, sed secundum quod in veritate existunt, qua ratione sine villo artificio & affectatione est, vt omnia credat, sustineat, & perferat, quia in Deo funditus immerfus est.

II. SimPLICITAS est inclinatio amorosa in anima sublimiter in Deum eleuata, quæ eam in fundum suum efficaciter trahit, & illic reducit omnes eius vires in vnitatem spiritus, vt inibi viuat, abstracta, perditam, & liquefactam, nudè & essentialiter, simplici & moriente vigore, sine appetitu sensibili ratiocinandi, & reflectendi ad quemcumque ordinem aut inordinationem: ita vt sit semper in simplici æternitate Dei perditam, si talis est qualem suppono.

III. Tres sunt constitutiones aut status simplicitatis, 1. Est, esse mortuum præ iugi sui in Deum fluxu, per actionem & eleuationem Dei ipsius in eius vires. 2. Est, nolle reflectere super obiecta simpliciora, animo illic datam operam rationandi, nisi ex officio nos contingat, 3. qui spiritu omnino respondet, non solum

solum facit hoc, quod supra, sed etiam subiectum suum habet mortuum supra omnem apprehensionem, & cogitationem, stabile & firmum ad omnia perferendum, altissimo, & fortissimo modo, numquam inde pro re quacumque exiens.

IV. 1. Status simplicitatis diuinæ, est illud omne quod actionem purè spectat. 2. est actionis simul & sufferentiæ. 3. est pura & mortalis sustentia secundum magis intimam & vitalem radicem, fundumque animæ, quæ moritur & expirat in doloribus atrocissimis & indicibilibus, nec inde exire cupiens, secundum purum sui cordis fundum.

V. Qui in communi conuersatione seipsum nihil faciunt, sustententes cum in suo fundo & honore perstringuntur, sine oppositione, & cum lætitia, reflectentes in Deum, & non in seipsos, verè simplices sunt, & sui ipsorum inimici.

VI. In hoc differt luminosa natura à simplicitate vera, quod sola natura benè attemperata & disposita semper operabitur, & sine difficultate / sed eius potestas & voluntas semper deficient in passione & sufferentia, specialiter si pungatur animal ad viuum in suo fundo, quod non faciet vera simplicitas.

VII. Diuina simplicitas oculum mentis & intelligentiæ ita iugiter apertum habet, ut eius subiectum numquam nisi in luminosa & radiosa charitate prodeat, in bono ordine, prudentia, & discretione; omnes ædificans.

VIII. Proprium simplicitatis profundæ & vnicæ est subiectum suum verè & perfectè omnibus mortuum seruare, & impedire ne casibus extraneis moueatur, qui illud non contingunt.

IX. Verè simplex numquam ridet, nisi eum grauitate & modestia, absque præiudicio iugis suæ abstractionis.

X. Impossibile est eos in quibus natura aliquatenus reformatæ est, & tamen nimis actiui remanserunt, posse vquam perfectæ simplicitatis punctum attingere; quia semper foris circumcursant, per imagines quæ nimis in eis viuunt: quod si aliquomodo à sensibus sunt abstracti, vis imaginationis est, quæ semper aliqua versat interius, quorum speciebus, ut mare fluctibus, furiosè agitantur.

XI. Simplicis est omnia prospicere, anticipatione & penetratione

tione simplicis sui luminis; agens ubique cum sancta & diuina libertate, cum præuisione illuminatæ rationis. Numquam iocatur sub prætextu recreationis honestæ, sed semper æqualiter grauis & verax est, numquam se peritum in vlla materia probat (exceptis paucis circumstantiis) sed de eo quod scit, etiam per scientiam acquisitam, loquitur simpliciter, luminosè & essentialiter, in totali abstractione omnis scientiæ more simplicium & profundorum mysticorum, & hæc exercitatio, maximi est illis momenti.

XII. Verus simplex omnia credit simpliciter, vnitatem suam numquam excedens, nisi ratio illuminata illum aliter doceat.

XIII. Natura veram simplicitatem aliquando ementitur, verum est enim naturalem amorem in se tantummodo reflexum, omnia simulare, & quamcumque vult formam induere; sed non potest quod non vult, scilicet sibi ipsi, priuatisque rationibus suis nuntium remittere, maximè si in suo fundo, & honore perstringatur, non sustinebit, aut certè ad modicum tempus.

XIV. Indicia hominis non simplicis, sunt aliquem ementiri in gestu, arguere in actionibus purè naturalibus, & quæ aliquatenus ad honorem spectant, vt ipsius malè prolata verba resumere, ridere, & iocari passim in omnibus, putà si quis aliquid ignoranter, & bona fide protulerit; alterius impotentiam ludere & irridere, & hæc omnia consultò, potest enim risus, & alia inordinatio contra voluntatem erumpere, sed postea sufficit ab astantibus veniam postulare, & in hoc casu martyrij aliqua species est.

XV. Simplex consummatus numquam procedit contra verum ordinem rationis profundè illuminatæ, nam simplicitas vera sustinere tantisper non potest quod ipsi contrarium est, vt sunt tenebræ, & falsum lumen.

XVI. Simplicitatem quæ naturalis dumtaxat est, sæpè comitatur animi abiectio, pudor & pertinacia.

XVII. Nihil vnquam simplicibus accidit quod eos terreat, quia in lumine superiores sunt omnibus: & ab æqualibus tantum agnoscuntur.

XVIII. Vniuscuiusque mortes, iuxta gradum suum, sunt character, & probatio simplicitatis eius.

XIX. Simplicitas amoris sensibilis prodit ad necessitatem, ut se effundat in creaturas; & qui illam habent ut flumina videntur exundantia amore, simplici doctrina, & luminibus suauitatis & deliciarum ineffabilium. Sed simplicitas amoris puræ caritatis, numquam seipsâ effunditur, moriens, & expirans semper, in vnitate sui obiecti.

XX. Spiritus simplex monachalis & claustralis, hodie totus in politicum versus est; & prohi dolor: primarius noster finis & præcipuè mouens est politia, quæ nos rapit & secum inuoluit.

XXI. Politici sunt omnino fidei, habent mille diuerticula, & obliquitates, ut suum finem consequantur; toti sunt in honoribus, & vrbantate verborum: Magnatum beneuolentiam ambiunt, & priuatas rationes suas semper aliorum commodis anteponunt.

- XXII. Simplicitas lumem est in anima à Deo infusum, quod paulatim crescens simplicem illam facit, à quo inescata, respuit libenter omnes voluptates, & sensus bestiales, qui in comparatione huius sapidi luminis, aliud nil sunt quàm error & mendacium.

XXIII. Impossibile est animam non fieri simplicem per frequentes Dei attractus, si fidelis est.

XXIV. Simplicitas ab extrouersione, imaginibus, figuris, & omnium sensuum recreatione tanquam à morte abhorret. Quod si anima sancta interdum nonnullam sanctam acceptat recreationem, hoc facit ad extra tantum & ignita, quia omne gaudium eius intra est: vbi rex ipse est; cum quo quietem suam, & voluptatem omnem accipit.

XXV. Astutia, duplicitas, simulatio, artificium, spiritus politiz, & humanorum respectuum, infernus sunt animarum simplicium.

XXVI. Animæ simplices in statu paupertatis, & priuationis donorum Dei sensibilium, apud se statuunt potius perire in suis pœnalibus mortibus, quàm pati simplex suum desiderium, & fructuum appetitum, extra Deum effluere, ut reflectat in se, & sensu

sensuum leuamen emendicet.

XXVII. Simplicitas actiua per quam verè simplices fiunt, in sua delectabili suauitate aliud n̄ h̄il est quàm introitus ad perfectam simplicitatem, quæ non possidetur perfectè, nisi in statu nudo, & passiuo, veræ mortis, & subtractionis diuinarum influentiarum.

XXVIII. Omnes conatus simplicium animarum, in eo adunantur, quod decreuerunt mori magis mille mortibus, quàm fauere partibus sensuum suorum, nec per se, nec per quamlibet creaturam.

XXIX. Ille nondum simplex est, qui per actionem, adhuc diuisionem & multiplicitem ex specierum attractione patitur.

De vera filiorum Dei libertate.

I. **H**omines profundè spirituales faciunt & dicunt quod volunt, & quomodo volunt, in suo amore, lumine, statu valde Deiformi, & eminentia spiritus Dei, in quo resident supereminenter, & sunt summè liberi in operationibus suis, non curantes nisi rationabiliter hominum iudicia, quia nec hominibus, nec sibiipsis sed Deo, & in Deo viuunt.

II. Vbi est eminenter Dei spiritus, ibi est bona & summa libertas.

III. Vera libertas est qualitas summè spiritualis, quæ crescit ad mensuram excellentis charitatis, per quam plenè possidetur Deus, in plena satietate, & desiderij repletionè.

IV. Vera libertas est thesaurus filiorum Dei, quæ, quò profundius se in Deo immergunt, fit magis diuina, quia coactionem pati non potest nequidem à carne, etsi in ea habitet.

V. Libertas cum qua passi sunt Martyres, in hoc elucet, quod eorum amor omnibus tormentis fortior fuit.

VI. Spiritus vera libertas aliud n̄h̄il est quàm disereta, & extensa ad omne quod fieri & dici potest egressio, sine quæstione, & istud in ordine, & dispositione simplicissima, & præ-

senriffima illuminatæ rationis, quæ simplici intuitu anteoccur-
pat omne quæ dicitur & debitum est, in actiuis suis egressi-
sibus.

VII. Quicumque adhuc aliquomodo egreditur, aut non
operatur cum sancta libertate in egressionibus suis, hoc ipso
est adhuc plus minus-ve imperfectus, & naturæ suæ adhærens:
nam non esse omnino liberum, cum oportet esse, multum est
à seipso detineri, & sibi vivere.

VIII. Quò quis est perfectior, eò plura facere & loqui, ipsi
licitum est: sed numquam agendum, nec loquendum est, nisi
cum expedit.

IX. Si perfecti ab aliquo sibi cauere debent, maximè ab inor-
dinata libertate, quia, præterquam quod illam Dæmones ip-
sammet reputant superbiam, seipsos in propriis suis egressibus
excedere possent.

X. Bona est dumtaxat sancta libertas in conuersatione, inter
verè spirituales, qui de nullo scandalizantur, & omnia in bonum
interpretantur.

XI. Quicumque vult agere in sancta libertate, debet esse
semper suiipsius superior & dominus, alioquin breui concitatus
& cæcus fiet.

XII. Libertas spiritus & sensus valdè similes sunt, sed in hoc
differunt quod hæc totum hominem per impotentem animi mo-
tus foris effundit, & omnem eius fundum videntibus eum pro-
fert: sed sancta libertas sit in pace & tranquillitate totius fun-
di, per omnimodam in Deum eleuationem. Vnde qui eam
possident, ad actus suos comiter & vrbane procedant, ita vt
nemo possit nec debeat ab illis moueri.

XIII. Diuina libertas fructus est eorum qui viuentes mori-
untur, quæ eos extendit supra omnem comprehensionem, in
amplitude Dei ipsius, quo summè perfruuntur, quantum fieri
potest in hoc mortali corpore.

XIV. Libertas diuina subiectum suum semper æqualiter, altè
profundè, & immobiliter eleuatum, Deoque coniunctum ha-
bet, in altissima illius similitudine, moriens incessanter omni
creato, & hac ratione viuens pacifice & tranquille, vtrique ele-
uatum supra creaturarum ordinem & inordinationem. Sed
hæc

hæc non consummatis hominibus totaliter ignota sunt.

XV. Summè liberi, extrema cum iustis mediis sapientiâ suâ & discretionè conciliant.

XVI. Bona & discreta austeritas adedò necessaria est summè liberis, ut absque illa non sit nisi dimidiatus amor, & hæc est multorum annorum experientia.

XVII. In Deo est summa hominis libertas, quod maximam habet gradationem ante consummationem suam; sed quando totus homo consummatus est in statu passiuo & fructiuo, tunc ipsius libertas diuinâ quodammodo est, & similis beatorum libertati.

XVIII. Vfus liberi arbitrij in hominibus post Adæ peccatum, dimidia tantum est libertas ad bonum, licet integra ad malum.

XIX. Nihil ad cognoscendum difficilius verâ perfectorum humilitate, quia vera libertas nihil illius in eorum actibus prodit, transgrediens omnem priuatum affectum & commodum, omnem timorem, & omnem humanum respectum, ut vnam Dei gloriam intendat.

XX. Aliud est libertas cordis & spiritus in Deo, & pro Deo, & aliud libertas eiusdem spiritus ad fluendum spiritum & vitam eterni: Ista est pro possidente eam in ipsomet Deo: hæc extra illum prodit intentione & oculo simplici, in simplicissimo Dei ipsius intuitu.

XXI. Libertas egressa charitatis studiosissima est, neminem offendit, sed è contrario omnes ædificat, alioqui numquam egrederetur, sed libertas carnis corruptionis & peccati, omnia destruit, & subuertit.

XXII. Timor in vere sapientibus inordinatio maxima est, quia creaturarum damnum & incommodum nimis metuentes, sibi metipsis magnum afferunt detrimentum, omittentes sæpe quod possent aggredi bonum, (si satis fortes & perditii essent ad euolandum in Deum, supra omnem respectum & considerationem humanam:) & præ nimia prudentia in carnis prudentiam degenerantes.

XXIII. Non est vera libertas supra libertatem verè filiorum Dei, qui sub eius legibus sanctè viuunt, & feliciores sunt omnibus

nibus hominibus, etiam in suis aduersitatibus; quia in illis sunt immobiles.

De studio scientiarum.

I. **M**isera est maior pars hominum huius temporis, qui ad hoc tantum student, ut insatiabilem naturæ curiositatem expleant; quæ illos quasi lento consumit igne, in sua bestiali sciendi auiditate, qua ratione eximia mundi pulchritudo, quæ eorum utilitati multum prodesse debebat, mortale illis venenum est, quia non student ut vitam æternam consequantur.

II. Studium quod non ordinatur ad solam Dei gloriam, breue est ad inferos iter, non præcisè propter studium, sed propter superbiam quem parit statum. Idcirco sapiens sollicitat homines ad citò operandum omne quod poterunt bonum ut æternitatem promereantur; quia non est ars nec scientia in inferno, quæ ipsis ad hoc prodesse possit.

III. Satis mirari non possum quosdam sacerdotes tam regulares quàm seculares, qui sibi studium omne licitum putant quantumcumque leue, & profanum; dicentes debere se omnia videre & scire, ut secularium difficultates super horum malitia aut rectitudine dissoluant. Iste sensus valde rudis est & inconditus, & pura naturæ quæritio, quæ spirituales olfactum corruptiori exponit cælo, quod possit dici; Deicere est statum suum in corruptione, & non ut par est, supra angelos extollere.

IV. Vitium est satis commune subtilioris ingenij hominum, & status insignioris, ut magis cognoscere cupiant quàm facere: & illorum intellectus adeò cognitionis est auidus, ut non nisi cum ingenti studio eloquentia, & labore satisfieri illis possit. Hoc prouenit ex eo quod seipsos dumtaxat pro fine habent, & priuatum commodum, voluptatemque pro obiecto. O millies deploranda corruptio & cæcitas humanæ misterii in vniuersali inordinationis huius effectû, quò fit, ut huiusmodi homines scientiâ sanctorum vacui, quæ est sapientia diuinitus infusa, aliò

aliò non confugiant quàm ad aquas putridas & corruptas, vt inexplabilem suam sciendi sitim extinguant; vndè veri sapientia diuinæ alumni difficilem aut nullum ad eos habent accessum, nisi sint bonæ indolis, & omnino alij à vulgo.

V. Non malè loqueretur, quid diceret scientiam maioris partis hominum esse scientiam peccati; non quod seipsa mala sit, cùm sit studio legitimo comparata, sed quia tertia pars hominum in ea quiescit, & non in Deo suo finali obiecto.

VI. Inter cognoscere & operari maxima est differentia, homines propriæ excellentiæ & proprij amoris ad primum sunt valdè ardentes, & ad alterum valdè remissi. Sed verè iusti & sancti cognoscere nolunt, nisi vt ament.

VII. Difficillimum est eos qui manifestè proficiunt, aut qui adhuc in spiritualibus initiantur, posse scientias acquirere, & in illis exerceri, absque magno sapientiæ diuinæ dispendio.

VIII. Qui in spiritu Dei studere volunt, huic principio firmiter adhærere debent, scilicet sui ipsorum possessionem, & frequentem, omnimodam, simplicemque cum Deo vnionem, Religionis beatum esse finem; & in hoc vtique desiderio scientias naturales debere comparari.

IX. Non est necesse per studium, præsentiam Dei sensu percipere, & nullam in eo delectationem habere: sed sufficit non esse totaliter effusum in ea voluptate quæ ex illo oritur, seque gerere vt solent ingenui & spirituales homines in cibo & potu, vbi delectationem quidem habent, sed in ea non quiescunt, & istud purè propter necessitatem operantur.

X. Etsi anima sentiat se valde distractam & multiplicatam extraneis occupationibus, vi tamen & ardore sui desiderij distinguere non debet, inter contemplationem & opus externum, quando istud est præcepti aut necessitatis.

XI. Qui vult sanctam studiis operam dare, numquam debet in vilo in casu, appetitus sui & propensionis in Deum sensum amittere; non quod semper oporteat hoc sensu affici, sed identidem hanc attentionem ad Deum reuocare; & non ex omni appetitu, affectuque naturali in studiis effundi.

XII. Natura post peccatum non quærit aliò suam beatitudinem

m . . . nem

nem quàm in seipsa, semper rediens, quomodo potest ad se ipsam, vtrique omni sui intellectus acie applicando se naturalibus scientiis.

De Morte naturali, & quomodo se in morbo gerere oporteat.

I. **Q** Vicumque ad dandam Deo vitam suam, mortis expectat articulum, valde timendum est, ne Deus repudiet oblationem eius, quia purum non est illius morituum.

II. Optima Philosophia, bene vivere ad bene moriendum.

III. Bonis tantum in articulo mortis dicendum est ut se committant diuinæ iustitiæ, alij enim nullomodo capaces sunt.

IV. Docti magis sensati & minus superbi morientes agnoscunt studia sua nihil sibi contulisse, quo sufficienter contra Dæmones præualeant, illic eos scientia deserit, illicque eam abiicere debent, ut corda sua cum simplicibus sermonibus Directoris concilient.

V. Bona simplicitas, & pro bona vita, & pro felici morte multum est utilis.

VI. Anima verè amorosa omni momento moritur, ex eo quod huic tristi vitæ non moritur, quæ in tantum ei molesta est, ut eam tristitia obrueret, sine Dei præsidio, in quo omnes huius vitæ varietates ad eam excolendam dumtaxat ordinantur.

VII. Martirium amoris non habet dolorem nec tormentum amarius, vitâ præsentem, & absentiam dilecti: nam anima Dei pulchritudine quem à longe prospicit, abrepta, studio eum plene & aperte videndi moritur, & consequenter è viuis excedendi, sed hoc ab iis qui Deum non gustauerunt, ignoratur.

VIII. Quamuis verus amator, verè humilis, merito Dei iustitiam metuat, tamen pro nullo tempore mutatur, nam talis est illi mortis articulus, qualis vita confidentior & securior, cuius oppositum maximam arguit infidelitatem. Heu! nunquid non satis misere vita nostra in ignotis innumeris quæstionibus

tran

transfigitur, vt nos scienter & manifestè in nouissimo vitæ halitu quæramus, defectu amorosæ & confidentis fidei, & fidelitatis in Deum, reflectentes super nos, sicut homines de vulgo, abiicere est hoc amorem Dei, se protegendî gratiâ clypeo propriæ suæ iustitiæ, & credere Dei iusticiam se repressurum in hoc diffidentis puncto, super præteritis suis infidelitatibus. Quod ad me attinet difficillimum mihi est concipere, nec ausim soluere, vtrû huiusmodi homines in aliquo charitatis gradu post hæc permaneant.

I X. Postulanda est ante mortem venia, quàm humillimè fieri potest; sed simpliciter sine exaggeratione, aut vlla suiipsius exquisitione.

X. Qui verè humilis est, multùm sibi cauebit ab exhortatione aut admonitione cuiusquam in extremo vitæ spiritu: nec vllus facere id debet, quicumque ille sit, si non est sanctus in miraculis, nisi fortè in particulari, erga aliquem specialis confidentiæ.

XI. Etsi literatorum vitæ, rectæ rationi conformes sint, modus tamen illorum Deum concipiendi, ferè non est aliud quàm animalis sensus, qui eos obnubilat tanquam paries densus Deum inter & illos oppositus. Quare cum in extremis sunt, vix scitur quid illis dicere oporteat, ne offendantur in viis suis, quas dimittere non auderent, ne perirent; itaque capacitati illorum quoad melius fieri poterit, seruiendum est,

XII. Si Religiosus in claustro purgatorium suum ex amore sustinet, ad quid metuenda post mortem longior in purgatorio detentio? & si amans Dei est, cur non Deus iusticiam in seipsa, sicut & misericordiam in casu quocumque exaltabit.

XIII. In morbis & grauioribus doloribus, possunt leues & humiles coram Deo emitti gemitus; quis enim potentis Dei manus super se pondus sustineat sine genitu, imò etiam sine clamore valido, si dolor est vehemens & acutus.

XIV. Sanctæ diuini amoris sponsæ, erant sæpissimè ne eis vita prorahatur, ex appetitu infinito & famelico ipsum possidendi propter ipsius delectationem, non propter infinitam & delectabilem suiipsorum satietatem.

XV. Sepulchra regum ad prædicandam Magnatibus mortis

necessitatem & illius horrorem auferendum, posita sunt.

X VI. Ad bene moriendum dumtaxat in Religionem venimus.

X VII. Deo & ipsius amori in momento mortis diffidere, est illi maximam quæ excogitari possit iniuriam inferre; attentâ eius infinitâ misericordiâ.

X VIII. Maior pars ægrotantium plurimum decipitur, dum sub prætextu suarum infirmitatum, credunt Dei esse voluntatem, ut naturæ, & suis sensibus totaliter indulgeant.

X IX. Lætitia ægrotantium debet esse in intimis spiritus eorum, ubi Deus residet solus; & ubi debent esse sua in impotentia summè hilares & contenti.

X X. Tres sunt modi se recreandi ægrotantibus, iuxta tres vias spiritus, scilicet actiua & spiritualis, proficiens, & perfecta, primi se recreant in suis desolationibus secundum naturam, per finem supernaturalem, qui Deus est: Alij se recreant in suis desolationibus supernaturaliter, quantum ad materiam suarum recreationum in Deo ipso. Et perfecti se recreant supernaturaliter, modo incomparabili, etiam in natura quantum ad subiectum; quod in hoc ipso quod existunt quales sunt, fit & efficitur supernaturale.

X X I. Quando volumus recreare nos in nostris morbis, abstrahere debemus à malis & afflictionibus, & adherere memoriâ & voluntate simpliciter simplici obiecto nostro, ut de eo tantum, & in eo solò delectemur.

X X II. Grauiissimi morbi satis ex se loquuntur, quare parcendum est multiplici consolationi, utique tædium parienti.

X X III. Cum sint homines tam humilis naturæ, non possunt aliò ægrotantes intendere, quàm doloribus suis, eorumque liberationem somnò aut aliâ quauis ratione meditari; & qui secus afficeretur, contrariumque haberet appetitum, in his ægritudinum extremis, valdè admirandus esset, tanquam plenus, possessus, & penitus à spiritu Dei actus.

X X IV. Si personæ simplices & deuotæ in seculo ita se diuinæ voluntati in suis afflictionibus subiiciunt, ut illas suorum languorum non tædeat, quid de nobis esse debet, qui ad statum omnino alium euecti sumus? nunquid non debemus in malis nostris

nostris amare & respirare Deum amorosè, per humiles gemitus, & interna suspiria, non vt ab eis liberemur, sed vt Deum in omni patientia & humilitate sustineamus.

XXV. Quid aliud agimus cum sani viuimus, quàm rubiginem & sordes contrahere, sicut inutile ferrum.

XXVI. Quod non potest æger actuali & vigorosâ cum Deo conuersatione, hoc eius dolor pro eo præstat, si intus hilariter patitur, non secundum sensum, sed secundum purissimum spiritum, & rationabilem voluntatem.

XXVII. Miseriæ quibus nos mancipauit peccatum, vsura sunt voluptatis in eo haustæ quam soluimus; sed miseriarum miseria est, hanc ignorare veritatem, & in tantis miseriis semiserum non putare.

XXVIII. Castigatio & paternus amor, idem est apud Deum.

XXIX. Homines miseriarum sumus in terra, non vt inibi iaceamus, & permaneamus miseri; sed vt nos ipsos erigamus, virtute heroicâ & diuinâ, etiam in ipsis grauioribus afflictionibus, & doloribus, in Deum, quem in intimis nostri ipsorum gerimus.

XXX. Miseriæ corporis nobis donantur ad sanandas animæ miseria; sicut & animæ miseriæ, ad sanandum nos in totali nostro.

XXXI. Vellem equidem de alio numquam philosophari, quàm de miseriis humanis, nam hoc secretis mirabilibus omnino refetrum est.

XXXII. Exerceri à Deo morbis & afflictionibus, citra comparisonem præstat omnibus exercitationibus à nobis susceptis ad expianda peccata, propter imperium Dei in creaturam absolutum, & creaturæ nihilum, & eius indignitatem, & ipsius peccata. Itaque morbus continet eminenter pro quibusuis omnia exercitationum genera.

XXXIII. In tribulationibus quantò plus, tantò melius: hoc enim modo manet homo perditus & immersus in Deum, in ampliori latitudine, longitudine, altitudine, & profunditate, & est ante illum splendens & radians velut sol coruscans inter minores soles, id est inter homines minoris perfectionis.

XXXIV. Inueniuntur & semper inuenientur Religiosi, quique suo in tempore, qui alijs speciem & exemplar patientiæ & amoris erunt, in tribulationibus, angustijs & morbis, tam in spiritu quàm in corpore; inter quos sunt etiam aliqui toto vitæ tempore in hac laboriosa & pœnali exercitatione, quod in veritate adeò excellens & locuples est, ut æstimari sufficienter non possit.

XXXV. Perfectissimi Religiosi, sunt quasi tribulationum & sufferentiarum famelici & sitibundi.

XXXVI. Deus omnia prospicit; præcellentes homines horum vident aliquid: sed reuera omnia tribulatio probat, ubicumque sit.

XXXVII. Magnarum animarum est, quæ retro sunt obliuisci, & ad ea quæ priora sunt, extendere seipsas. Quod si quæretur quænam sint illa priora, Credendum est non tantum esse gloriam quam ex Dei misericordia speramus: sed etiam Saluatorem nostrum patientem, crucifixum & morientem; viuendamque & iugem ipsius, ac diuinæ, humanæque eius vitæ in totalitate nostri ipsorum, imaginem.

XXXVIII. Non oportet ægrotantem in fide, tentatum contra Dæmones luctari, rationes inuestigando muniendi se gratiâ, & quo erit eruditior, eò & humilior, confidentiôrque in hoc casu esse debet.

XXXIX. Oportet ut in morte ab omnibus suis fratribus, & à quolibet se in Deum moueri patiatur, consolationemque eorum libens accipiat. Quod si molesti forent, ad Superiorem recurat.

XL. Pati non debet se ab infirmitate deiici, & obrui more vulgarium hominum, qui non magis quàm bestię in suis doloribus de Deo acceduntur.

XLI. Corde simplex omnino esse debet, & ab omni appetitu naturalis proprietate exutus, submittens se simpliciter Dei & Superiorum suorum, aut ab illis commissorum regimini, hâc enim viâ securus ibit ad Deum: ita ut Dæmones non possint præualere contra eum.

XLII. Tempus mortis tempus est omnimodæ sui ipsius abnegationis: & tunc si vñquam metuendæ plusquam infernus pro

proprie exquisitioes, & omne velle, nolléque reiiciendum.

XLIII. In morte non aliter resistendum est cuilibet tentationi quàm illius contemptu, ac fide, spe, & charitate; verùm fide per seipsam, nullos circa mysteria eliciendo actus, sed Deo nudè & simpliciter adhærendo.

XLIV. Anchora morientis tentari debet esse fides, confidentia in Deo, spes, & sui ipsius diffidentia.

XLV. Nullatenus secum nec cum Dæmone loqui debet; sed cum Deo tantùm, exponendo ei præsens suum discrimen, necessitatémque.

XLVI. Si aliud non potest quàm sustinere & pati, sciat, præliari contra seipsum & Dæmones, aliud non agendo, quàm Deum simpliciter & fixè intuendo, gémendo leuiter, eumque purâ & affectuosâ resignatione sustinendo, istud esse optimum quod præstare possit tam viuens quàm moriens.

XLVII. Caueat sibi à curiosis repræsentationibus, & sublimibus obiectis, iucundæque delectationis, quæ Dæmon aut natura ipsi in hoc momento poterunt suscitare; sciâtque Dei lumen simplex esse & diffusum, animam in se colligens, absque naturæ conatu, absque labore, absque industria, & speculatione, quæ semper timeri debet plus esse à natura quàm à gratia.

XLVIII. Cum liber erit, agat cum Deo colloquiis affectuosis, cum verò erit in profundis angustiiis & desolationibus internis; vtatur clypeo impenetrabili fidei, spei & charitatis.

XLIX. Minus habeat timoris de iustitia Dei, quàm confidentiæ in bonitate illius, misericordia enim Dei videtur esse in illo, & de illo, iustitia autem in nobis & de peccatis nostris. Præterea

L. Multò maior est consolatio & lætitia, resignare se iustitiæ Dei, quàm misericordiæ eius se dedere: hæc enim videtur esse in homine reflexo, & adhærente suo privato bono, estque hic vulgarium Christianorum vsus: in hoc tristi discrimine misericordiæ Dei se committere. At resignatio diuinæ iustitiæ videtur nihil habere ex homine: sed esse omnino Dei in homine, qui non reflectit aliò, quàm super magnitudine & insinisa gloria Dei, vt ei quocumque tandem pretio satisfaciat.

L I. In momento mortis sola opera siue bona siue mala præsidium erunt contra Dæmones. Quod si sanctiores in illa hora tremunt, videntes & iudicantes se maximos esse peccatores, quid debet esse de nobis qui nonnisi putredo & corruptio sumus?

L II. Sunt aliqui qui de morte cogitare, nimiam esse sui deiectionem arbitrantur: sed non est ita, potest enim hæc cogitatio optime conuenire & conciliari cum altioribus vitæ spiritualis exercitationibus: cui enim amarissima est huius mundi vita, eidem mors est optatissima, & utique in hac circumstantia dulcissima. Illud apprimè nouerat singularis Dei amicus, qui tæto cum ardore postulabat corporis sui dissolutionem, vt esset, & regnaret cum Iesu-Christo.

L III. Qui Deum amant, mortem non reformidant, nec dolores, sicut ij qui eum non amant. Quod cum ita sit, boni tamen non cerò sciunt se Deo esse acceptos, imò etiam fieri posset, vt quo plus Deum diligerent, eò minus in seipsis securi essent, quia verus & humilis amor præsumptionem à suo subiecto debet expellere, & quia norunt Dei & hominum iudicia omnino esse diuersa. Adde quod eorum metus non tam est super se reflexus, quàm super Deum, cui timent pro viribus, & debito non satisfecisse.

L IV. Veri Dei serui optime norunt., iudicaturum Deum hominum iustitias omnino aliter & magis rigide quàm putant, sed hoc ipsum apud illos paruipenditur, præ desiderio & appetitu quem habent Dei, & satisfactionis ipsius: nam beneplacito eius in æuum sunt resignati, exerceat si velit suam in eis iustitiam.

L V. Mors propter iudicia Dei dumtaxat horribilis est.

De Senectute.

- I. **N**on nos senectus sanctificat, sed nostrum est senectutem sanctificare per veram fidelitatem nostram.
- II. Non efficit senectus, vt perfecti cum hominibus deductionem

ationem temporis quærrent; non conuerfantur nisi ex necessitate, & pro breuissimo quo possunt tempore, credentes suum esse tacere, magis quàm loqui, omnesque se sapientiores arbitrantur.

III. Perfecti qui senuerunt in exercitationibus virtutum; perferunt quidem in suis corporibus senectutis incommoda, sed his eorum animæ nullatenus aggrauantur, è contra subtiliores sunt, in operibus suis, in conceptibus, in prudentia, certiores in suo sensu, fortiores & constantiores in sufferentia & in morte. Et eorum maturitas, grauitas, & compositio illis semper & vbique dignissima est, comitem habens suauem in conuersatione lætitiā, etsi aliundè valdè solitarij essent, & ab hominum conuictu remoti.

IV. Si senectus inuenit aliquem imperfectum, numquam alter erit, & qui in viis suis semper adolescit, tempore senectutis ipsam adolescentiam non euacuabit; id est inordinationes & imperfectiones naturæ. Vnde & senectus ipsi iam ex hac vita infernus erit.

V. Vera senectus in hominibus non est aliud quàm sapiens & canus intellectus.

VI. Si senectus non est oneri suo subiecto, vix & aliis erit.

VII. Ante senectutem moribus & sapientiā senescendum est, quia senectus annorum numero dumtaxat computata, vt plurimum stulta est, & misera.

Regula Conuersationis.

I. **P**ossunt aliquando tractari materiæ simplices, sublimes, & abstractæ, sed hoc breuiter ne tædium pariant non intelligentibus; & vt plurimum, de rebus bonis, quæ omnibus placere possunt dumtaxat agendum est.

II. Oportet in verbis esse maximè simplicem, & non nisi absque magna necessitate vti æquiuocis, & bene illud in Deum tanquam in eius voluntatem seriò ordinandum est; alioqui non est adedò spiritualis qui non fiat duplex & politicus.

III. In conuersatione agendo de rebus diuinis non sunt com-

n munican

municandi excessus (qui vt plurimum secreta sunt spiritus maioris momenti) iis qui secundum puram naturam viuunt , siue doctis siue indoctis; ad extrema enim semper prorumpunt, nec vmquam in vero medio quiescunt , siue in se , siue in aliis, quod spiritualibus maximè noceret.

I V. Cum aliquis mouebitur ad prodendum suis inæqualibus spiritus excessum , sciat esse exquisiitionem sui.

V. Perfectorum est dumtaxat , omnes induere formas in bonum & vtilitatem proximi , demptâ infantium puerilitate , & tamen iustum seruare medium simplicis & moderatæ gravitatis , confidendo in Deo , qui illis erit propitius in iis agendi rationibus , ad quas ex proximi charitate feruntur.

VI. Ex quo videtur quispiam alium simulare , iusta habetur ratio iudicandi illum non esse perfectum & simplicem beneuolum , & spiritualem.

VII. Quando conuenit aliquem salutare , protinus, cum modestia , & rationabili metu excedendi in hac actione , salutandus est : vitando excessum gestuum , blanditiarum , verborum , & applausuum , qui parere possent propriam exquisiitionem , & sensibilem intus & foris affectum.

VIII. In grauioribus angustiis ostendenda est facies serena , hilaris & tranquilla , quæ nos tristitiæ & afflictionis incapaces fratribus nostris possit probare.

IX. Si contingat nos coram fratribus ex infirmitate in culpam incidere , nullatenus turbari debemus : sed culpam agnoscere cum serenitate vultus & animi æqualitate. Quod si videris quemquam ex infirmitate cecidisse , habe vultum hilarem ad illum , & amicitix signa quæcumque poteris (& si repugnet natura) illi ostende.

X. Si de culpis tuis admonearis , non te excuses : sed esto lætus & hilaris , nihil dicendo propter exquisiitiones ; substerne tuum fratri tuo iudicium : & hoc accipe tanquam ab amico tuæ perfectionis studiosissimo.

XI. Quando vehementer commotus es super aliorum defectus , non adeas tunc Superiorem : sed expecta donec passionis ardor deferbuerit , & tunc clarè perspicies , quomodo se res habuit.

XII.

XII. In iis quæ innocenter & simpliciter egisti, si Superior astruat culpam, cum humilitate credendus est.

XIII. Numquam procedendum est ad opus vllum, sine cogitatione & certa scientia illuminatæ rationis, vt discernatur an tale opus ædificaturum sit proximum. Et ad certò sciendum num in processu nostro fuerit culpa, ad aliquem eiusdem nobiscum viz referendum est.

XIV. Cum aliquid egeris quod per diutinum tempus, rationabilem tibi sensum commouerit, finitâ actione non statim cum alio loquaris, donec remisso calore qui sensum excitauerat, simplex & supersensuale tuum lumen recuperaueris.

XV. Religiosi cum secularibus multum simpliciter debent conuersari, tempore destinato, & quasi festinatè, sine astutia, furo, & dissimulatione. Si diceris aut caillationibus perstringantur, heroicâ patientiâ sustinere debent, absque doloris sensu: si laudantur, huiusmodi laudibus inescari non debent, propter quæstiones quæ inde sequuntur, vt se excusare, iustificare, vilipendere, & sub specioso prætextu atque apparentia. Si seculares in verbis effrenati sunt, caueat Religiosus huiusmodi licentiæ, risu suo tacitè suffragari, & statim eos relinquat. Si ad expiscandum nos, de aliis religiosis ordinibus loquantur, vituperantes eos, nostrumque commendantes: his omnibus nullatenus mouebitur Religiosus, sed manebit sibiipso semper æqualis & immotus, vt Deum in vnitate sui spiritus possideat.

XVI. Si quis scurram & ludionem agit, numquam ei corrigendum est, ne risu nostro firmetur eius scurrilitas, dispendio, honoris Dei, & exempli proximo debiti. Quod si quis nos singularitatis super hoc, imprudentiæ, & inurbanitatis arguat, non debemus hoc laqueo irretiri, sufficit prodire cum illis ad aliquos ludos & moderatas actiones, & hoc dumtaxat exterius, semperque reuerenter: hoc illos sibiipso restituet, nobisque pacem conciliabit. Quod si è contra cum illis omnino effundimur, contemnent nos, & postea condemnabunt, etsi non ob aliud quàm vt licentiam suam excusatam habeant.

XVII. Vt hominum ingenia, indolēsque diuersa sunt, sic

n 2

cum

cum illis dissimiliter est agendum, observando eorum gestus, motus & actus, multamque illis loquendi faciendo copiam, ut tractemus cum illis iuxta hæc omnia: quod si adeo dissimulari sunt, ut deprehendi non possint, graviter cum illis & serio semper agendum erit: quod de extraneis non de domesticis intelligendum est.

XVIII. Si quis nos in conversatione, ex indignatione, aut alia ratione pungat, oportet ut graues, modesti, læti, & sine doloris sensu simus interius, nec malum nec bonum dicendo, nec ridendo super hoc. Sic alij ad seipsos reuocabuntur.

XIX. Quando quoad melius potuimus, egimus ante viros graues, si actionem nostram defectus alicuius arguunt, quacumque tandem ratione, dimittenda est res pro ut est, non aliter se explicando, aut interpretando (nisi ægrè ferrent) alioquin eos pro ignavis & indiscretis haberemus.

XX. Superbia est aliorum sermones, & propositiones anteoccupare, maxime verò numquam fieri debet super sermonibus maiorum, & se digniorum.

XXI. Non est in conversatione de rebus inscienter loquendum, hoc repugnat rationi, & vrbانيتati, non est etiam per sententias & ænigmata loquendum, sed clarè & luminosè, conformiter ad vniuscuiusque captum, si fieri potest saluà semper discretionem bonà.

XXII. Ridendo proximo vera dicere, subtilitas est naturæ ut celet passionem, & occultet venenum, quod sæpissimè peccatum est etiam mortale. Etsi igitur aliquando non sit illicitum, de aliorum factis moderate loqui: tamen satius est spirituali, ab hoc laqueo distantia infinita esse semotum, quam assuescere huic praxi, & seipsum excæcare, utique semper esse sui ipsius superiorem & magistrum.

XXIII. Quidam Religiosi qui simplicitatem præ se ferunt, reuerà sunt tantum purè politici, quod manifestè cernitur cum de eorum honore agitur, ubi deberent, se peiori quæ posset contingere, ex eiusmodi casibus, conditioni exponere; nam optimè norunt tales ictus declinare, & super humeros simplicium excutere, qui hoc & vident & vtrique bene sentiunt, cum durissimum sit crucem perferre à qua se alius iniuste liberauit.

XXIV.

XXIX. Indignatio est effectus vitæ malæ mortificatæ, & secularum proprietatum omnino plenæ; talisque est illius ubiilitas, ut vix spiritualis inueniatur (quantumuis mortuus esse possit) qui ab ea penitus immunis sit.

XXV. Spirituales malè mortificati in suis sermonibus propriâ complacentiâ referti sunt. Contra vero verè spirituales loquuntur suo tempore & loco, timidè, protinùs, cum certo pudore, sine auiditate & quæstione. De aliis loquitur sapiens cum dicit, cor fatui non posse sapientiam retinere, quia vas omnino contractum est.

XXVI. Non est prodeundum inter doctos; ad manifestationem veritatum spiritualium, nisi rarò; est enim hoc, se exponere illorum contradictioni, & onus suscipere illos rationibus conuincendi, quod est artem eorum exacuere, & naturalem procedendi modum, scilicet ipsum destruere.

XXVII. Effectus est diuinæ prudentiæ, homines metuere in viis suis.

XXVIII. Oportet mortuum Deo viuente, cauere sibi ab omnibus & de omnibus, paucissimis dumtaxat confidens sibi similibus: sed quia nescitur quibus, nemini fidendum est; Dico etiam secundum omnem bonæ libertatis extensionem, qualis est amici ad amicum.

XXIX. Stupenda res est, videre verum spirituale, non posse sustinere quod non est benè conceptum secundum lumen & veritatem spiritus; eò quod non dimittit res secundum quod sunt in se ipsis, nec attendit sibi, ut in obiectis sensibilibus non effundatur.

XXX. Numquam alterius libertati obex ponenda est, maxime quando cum prudentiâ educitur, sed fieri debet libera vnicuique se exprimendi copia.

XXXI. Tamen si rectæ societatis leges non permittant in conuersatione pro diutino tempore non loqui, tamen spirituales non debent hodie huic regulæ mancipari quia non possunt tam modicè loqui quin reperiant laqueos vndequaque in suam ruinam dispositos, à quibus per excusationes expedire se tentantes, magis ac magis in illis innoluuntur. Mortuus qui hoc facit, est omnino nescius, sine lumine & experientia, in tenebrosa sua simplicitate.

XXXII. Verè illuminati nullatenus consuetudinem & vsum, etiam suorum similium, extra tempus ad hoc præfixum expetunt.

XXXIII. Quantò minus perfectus viator supermundaniter cum hominibus negotiari cogitur, tantò magis & melius in Deum immergitur.

XXXIV. Habet hanc vim in homines consuetudo familiaris eorum, ut sapientiam immutet, & à iusta sua intentione remittat.

XXXV. Adeò seueti & rigidi esse deberemus in hominum consortio, qui penitus foris effusi sunt, ut omni humanitate exuti videremur.

XXXVI. Ne loquaris vñquam in conuersatione de bono & meliori esse corporis, nec de re vlla vñquam conqueraris.

XXXVII. Qui sunt naturæ mollioris & magis allicientis, debent esse aliis grauiores & modestiores, ne à quoquam inescantur, & in aliorum inordinationibus prolabantur.

XXXVIII. In conuersatione ne vñquam singulariter loquaris de vira spiritus, æqualibus tuis aut inferioribus, quasi ad ostendendum te aliis doctiorem.

XXXIX. Delectare æqualiter in omnium vñu, minus tamen si fieri potest, cum his qui te à Deo auertunt, immorare.

XL. Summam modestiam, exterius seruare debemus, & compositionem corporis nostri maximè ordinatam, nec non & sensuum ipsius, animæque & omnium eius virium, ut prælucentes quasi luminosæ faces in medio corporis lucidi accensæ, aliis & nobis præfulgeamus; omnesque ædificemus, ad altissimam Dei laudem & gloriam, & sine affectione, propriæque exquisiitione videamur, tanquam verè diuini homines, magis quàm terrestres & corporei.

XLI. Ita nos debemus in conuersatione foris componere, ut indè recolectio nostra, & stabilitas interna animaduerti possit.

XLII. Nec bonum nec malum quisquam de se habet dicere, nisi sit agnitæ sanctitatis consummata, quia bonum dicere est laudare se manifestè: dicere malum est alios præoccupare ne ipsi dicant, & nos pudore suffundant.

XLIII.

XLIII. Verè spirituales serpentis prudentiam debent habere inseparabilem comitem simplicitatis suæ columbinæ; vt Deo inhzentes, prudenter & simpliciter conuerlentur.

XLIV. Perfecti non possunt nec debent aliter se recreare quàm proponendo sibi obiecta lætitiæ mirabilia Dei, amoris eius, & mysteriorum fidei nostræ opera.

XLV. Si nostra conuersatio in cælo est, & in Deo, quid nobis cum creaturis terræ mortalibus? si modò cum Iesu Christo surreximus de morte ad vitam.

XLVI. Quando spiritus æquales sunt, illuminant se mutuò in conuersatione, & æqualis ad æqualem conceptus, non dicuntur egressio, sed manifestatio luminis & veritatis, quæ afficit recipientem viuiddâ impressione penetrante, lætâ, sapidâ, & deliciosâ.

XLVII. De perfectè spiritualibus loquitur Spiritus Sanctus cum ait, Dicite iusto quoniam omne quod operatur, omne quod loquitur, omne quod cogitat consultò, bene omnia facit quia Deus in iis omnibus summè glorificatur; ideo fructum adinventionum suarum comedet.

De Sacerdotum dignitate.

I. **S**Æpe qui diuinorum thesaurorum pro se & pro aliis dispensationem habent, omnibus aliis pauperiores, indigentioresque sunt. Et hi vtique æternum futuri sunt iusta Angelorum sanctorum, & Dæmonum fabula & ludibrium.

II. Desolatione repleta est terra, eò quod sacerdotes vitâ diuinâ & supermundanâ non viuunt, vtideberent, & Dei verè incuriosi sunt; homines illos vt sanctos & vt diuos habent, sed inbenè multis eorum plurimùm falluntur, quia Deo & eius gratiâ vacui sunt, cumque sint aliorum medici, in seipsis languoribus spiritualibus abundant.

III. Conditio Sacerdotum etiam Religiosorum est sublimis & abiecta, pauper & diues, sancta & corrupta, luminosa & tenebrosa; non quod tales in se defectus habeat, sed propter abusus ad quos contrahitur.

IV.

I V Sacerdotes non tantum pascere debent populum doctrina & verbo Dei: sed etiam edificare exemplo bonorum operum, siquidem dictum est, non in solo pane vivere hominem.

V. Quid prodest sacerdotibus sic eminere supra populum, si illorum vita huic status sublimitati non respondet? Et quomodo populus illis honorem habebit, si profanos videat, vanos, curiosos, leues, & passionibus scaturientes, & malo suo exemplo omnes in vita & conuersatione offendentes.

VI Quando sacerdotes populo peiores sunt, proculdubio desperata sunt omnia; quandoquidem non superest, qui iuste Dei iræ fulmina contineat, quibusnam enim iustitiæ diuinæ se opponere conuenit quam sacerdotibus?

VII. Omnis qui ad sacerdotij dignitatem est euectus, hæc duo præstare debet, scilicet illuminare, & accendere: quod si quis multiplici doctrinâ non est instructus ad illuminandum, probitas eius vitæ, modestia, grauitas atque integritas morum in societate pro utroque supplebit. Sæpè enim viuidum & profundum incendium effectus est ardentis & luminosæ sapientiæ, quæ illuminat simul & incendit omnes qui illa afficiuntur.

VIII. Sacerdotes tanquam Deo dupliciter dicati, debent ducere vitam omnino Angelicam, & valdè Deiformem.

IX. O Sacerdotes agnoscite cum suauitate sensus, dignitatem vestram, & admiramini iugiter, tanquam super cœlestem & diuinam. Nolite ei contradicere moribus & vita, sed hoc facite vt consuetudine vestra Angelica, populus ad sequendum vos, & salutem suam efficaciter operandam, excitetur. Quia scire debet, utique sapida experienciâ, quantum dulcis est & suavis Deus gustantibus eum: nisi vos, qui oculis estis & doctores populorum, panisque cœlestis dispensatores, cuius amor eos magis ac magis famelicos reddit? Qualis infamia si panis iste minoris est virtutis, in vobis, quam in inferioribus vestris? Certè obstupesco super hoc, & in admirationem rapior, super infinita inquam Dei liberalitate, & hominum ingratitudine, qui cum sint ei tot thesaurorum debitores, & nesciunt, & nequidem cogitant, & nullomodo curant.

Regulæ & documenta pro Superioribus.

I. **Q**ui ad Superioris dignitatem euecti sunt, debent sollicitè se in suo nihilo immergere, arbitantes, & sentientes se peioris conditionis ante Deum, inferiorum suorum minimo: quandoquidem homini fragili, longè tutius est, & præstantius obedire, quàm imperare.

II. Conueniret Superioribus esse Angelos humanatos, vt se iugiter possiderent firmiter, & totaliter: maximè in reprehensionibus & correctionibus suorum inferiorum.

III. Superiores diligenter & sedulò obseruare se debent in congressu & colloquio, ne quid ex illis prodeat, quod hominem redoleat, infirmitate aut præcipitatione, inordinato affectu, leuis animi motu, aut falsâ libertate.

IV. Deploranda magis quàm cogitari potest Superiorum conditio, cum suo muneri, totis viribus, omni studio, & sollicitudine, non incumbunt.

V. Superiores eruditione, & cœlesti doctrinâ pleni esse debent, sapientiâ, fortitudine, consilio, prudentiâ, suauitate, mansuetudine, lumine, intelligentiâ, commiseratione, charitate humilitate, & affabilitate, non debent esse timidi & pusillanimes, vt sustineant aut corrigant malum tempore & loco, cum ampliori caritate quàm iustitia: famam suam paruipendentes, & Dei beneplacitum iugiter aspicientes: qui eos non super Angelos, sed super homines, superiores constituit.

VI. Superiores sunt sal, lumen, speculum, fortitudo, sapientia, charitas, humilitas, simplicitas, rectitudo, statera, pondus, puritas, sanctitas, diligentia, patientia, benignitas, commiseratio, iustum medium, veritas stabilis & firma, discretio, cautio, remedium, exemplum bonum, perfectio, & sanctitas inferiorum suorum in hac vita.

VII. Melancholici, morosi, frigidiores, tardiores & grauiiores, ad regimen non sunt idonei, sed ingenuæ & bonæ indolis, maturi, sapientes, discreti, fortes, generosi, audaces ad aggrèdiendum, & efficaces ad exequendum, magis sancti & perfecti

fecti, si fieri potest, quàm docti.

VIII. Omnis probatus superior has debet habere conditiones & dotes. 1. Debet esse summè luminosus & spiritualis, subtilémque spirituum omnium, tam pro, se quàm pro aliis habere discretionem, ita vt ab exterioribus vnus cuiusque animum, facillè exploret.

2. Debet esse studiosus & sollicitus idoneos ad spiritum & perfectionem perducere.

3. Debet esse dulcis & mansuetus; sine indignatione & passione indiscreta, confidens inferioribus suis, facillémque illis dans accessum & libertatem aperiendi animum suum, vsque ad secretiore motus, sine diffidentia & exasperatione.

4. Curare debet vt regulæ & statuta obseruentur cum suauit rigore, docilibus facillè se præbens, & discipulis post longam patientiam mediocriter rigidum.

5. Adimplere debet hoc apostoli effatum, vos qui spirituales estis, instruite vobis commissos in spiritu lenitatis, considerantes proprias infirmitates vestras, ne & vos tentemini illusionibus, superbiâ, falso zelo, & aliis naturæ exquisitionibus, quæ aliorum infirmitatibus compati non vult.

6. Non debet esse frigidus in consolandis ægrotis & afflictis, nec eis necessitates & postulata negare; deficiens his charitatis muneribus, quæ possent illi inferiorum animos conciliare in gloriam Dei, prælaturâ indignus est.

7. Gerere se debet instar veri patris, non magistri & domini, auctoritatem cum paterno amore in filios (vt par est) commiscens; si quidem in Religione captiuus nemo est, nec seruus, nisi Dei infiniti.

8. Inire consilium, imò & saniori etiam nouissimorum libenter vti debet, nec sustinere se ab adulatoribus & assentatoribus, leuius credendo in seruitutem redigi.

9. Omnibus omnia fieri debet sine cuiusquam acceptione: admonendo vnumquemque cum charitate, priuatim & publicè, nec ferendo minores à maioribus per calumniam aut nimium rigorem obrui.

10. Speciem pro veritate accipere non debet, nec sub aliquo prætextu secularibus à Religiosis plus nimio tribui.

11. Inferiorum suorum operâ non debet vti imperando, sed rogando dumtaxat, in eorum se statu constituens, tam in agendo quàm in patiendo.

12. Neminem debet premere, nec cuiusquam vires siue lîtras, siue foris excedere, sub quacumque specie.

13. Regimen illius plus quàm par est politicum esse non debet, sed ordinationi diuinæ voluntatis consonum, quæ vtiq; est, vt sicut sanctus esse debet Superior, ita suorum inferiorum sanctitatem in omnibus illorum actionibus debet promouere.

14. Ex his esse non debet qui ad consolandum & sanandum inquietos aliud præter crucem remedium non habent, quod est defectus non leuis, siquidem non est istud sanare sed augere malum, nec subleuare aut euertere cruces, sed nouas fabricare.

I X. Superiores magis timere debent, tenaciores esse quàm faciliores ad concedendum suis inferioribus quæ postulant ab eis; cum nihil sit quod tam vergat in Religionis ruinam, quàm ipsis iustas necessitates negare: & licet inferior se manifestè in sua petitione quærat, nihilominus debet dissimulare Superior, seruans tamen in iis quæ supra, luminosæ leges prudentiæ.

X. Superiores multùm solliciti esse debent, ne sui inferiores vllam in spiritu & corpore necessitatem patiantur, vt possint Dei præsentiam cum quiete & cordis stabilitate colere: statim - atque enim ac Religiosus quidpiam notabiliter siue in spiritu siue in corpore patitur: debet præsumi illic ex necessitate esse penitus immersum, sine pace & quiete, consequenterque introuersionis in seipsum, & conuersionis omnimodæ ad Deum incapacem.

XI. Quod si Superior aliquid inferiori negandum putat, consultum erit rationem ipsi indicare, vt inde in Superiore non deesse charitatem agnoscat.

XII. Qui vitam spiritus penitus nesciunt, Superioris onus recusare debent, quandoquidem plus illis damno quàm vtilitati; & ruinæ quàm saluti verteretur.

XIII. Res est valdè deploranda in Religione, quod tradantur filii eius & teneri alumni nutricibus mammas non habentibus.

id est defectuosis Superioribus, cœcitas est, ignorantia, & crudelitas, sic liberos in cunis suffocare.

XIV. Necessè est Superiorem omnem, esse non solum mortificatum in vita sua & exemplarem, sed etiam prolixum in oratione, recollectum & solitarium: nihilque ei in suis inferioribus aded placere debet, quàm vita verè interna & solitaria: relinquendo spirituales & solitarios in sua ipsorum quiete absque impedimento, siquidem huiusmodi sunt qui regulam nostram in suo splendore primarioque & supremo seruant spiritu, in quo Superior charitatem & veram sanctitatem manifestè notam faciet.

XV. Quandoquidem Religio & Superiores ex superfluis aliquos pauperes ad ianuam sustentant: In nomine Domini, saltem eâ ratione nutrant humiles Religiosos, & pauperes Dei seruos, in pace & quiete spiritus, qui desiderant ei toto corde seruire, sub auspiciis & præsidio suorum Superiorum: sperantes à Deo illorum precibus benedictionum eius abundantiam.

XVI. Probatì Superioris lætitia est, scire suos inferiores in pace interna viuere.

XVII. Superiores certò credere debent, Religiosos verè spirituales firmius esse Religionis propugnaculum, & tanquam canales per quos Deus fauores suos, & benedictiones in reliquum corpus effundit.

XVIII. Superiores suis in exhortationibus frequenter exponere debent, in quo consistit nostræ professionis spiritus: scilicet non in externo fulgore multaque specie, sed in interna cum Deo occupatione: non in externa mortificatione ad conuenientiam, splendorem & externam domus politiam (quod diuturnum non foret) sed in profunda annihilatione antè Deum.

XIX. Superiores numquam committere debent iuniores Religiosos regimini Directorum viarum Dei penitus inficiorum, & sapido eius spiritu omnino vacuorum; numquam enim aliâ vitâ, aliòque quàm suo spiritu huiusmodi iuuenes imbuent.

XX. Valdè deploranda res, Superiores aded charitate & commiseratione deficere: vt nolint sentire in suis inferioribus quod ipsi non sentiunt, nisi actu sicut & illi realiter infirmantur.

XXI. Superiores magnam habere debent commiserationem lapsuum suorum inferiorum, distinguendo inter malitiam & infirmitatem; nec umquam corripientes feruente animi motu, in seipsis siue in eo qui corripitur, alioquin seipsos excœcarent & plus læderetur, quàm humiliaretur, mutareturque delinquens. è contra

XXII. Nullus est tam ferocis & indomitæ naturæ, qui paternâ sui Superioris charitate non emolliatur.

XXIII. Superiores qui in suis correctionibus velut tonitrua fremunt & debachantur, in omnibus indifferenter casibus, aptiores sunt ad hebetandum, & omnia destruendum, quàm ad Religionem promonendam.

XXIV. Superior qui Religiosum, in suis reprehensionibus excessit, veniam ab eo petere debet, etiam publicè, si culpa fuit publica. Hoc duriora ei consiliabit corda, & humilis, charitatis studiosi, atque iusti, nomen acquirat.

XXV. Prudentia Superiorum summâ habere debet rationem timiditatis paruulorum, qui ad eos accedere non audent, propter suam tenuitatem, & modicam in honorificis & præcellentibus Religionis muniis, seruiendi aptitudinem; & minus attendere ad eos qui multa faciunt, quàm ad illos quorum virtus quidem ad pauca, voluntas autem, vtrique infinita, ad omnia extenditur.

XXVI. Quando Superiores, inferiores suos contristare metuentes, non promouent Religionis bonum, nec disciplinæ regularis feruorem fouent, sciant certò non esse Dei, sed carnis hanc prudentiam.

XXVII. Superiores moueri non debent, cum vident delinquentes suos Religiosos, modò ad se redeant cum emendationis proposito: maxime verò Nouitiorum meliorem frugem magna cum patientia debent præstolari, si modò dissimulati, mendaces, & malitiosi non sint, his enim in casibus, nisi Deus eos miraculo mutaret, dignè in Religione perseuerare non poterunt.

XXVIII. Ne libertas Spiritus, & Superiorum facillitas erga suos inferiores, vertatur in sensualitatem, debent esse rigidi, graues, & serij, acriter eos, & industriè mortificantes.

XXIX. Superiores sub mortificationis obtentu non debent exigere à suis inferioribus impossibilia, aut tam ardua, ut eos vexent, & animi quietem auferant.

XXX. Nihil debet iniungere generaliter Superior, sub prætextu zeli & magnæ perfectionis, quod animos nimis premat & suâ libertate spoliât.

XXXI. Probatus Superior Religiosos suos semper lætos & alacres seruare debet, cum sit lætitia, signum Deo placentis animæ.

XXXII. Non debet tantam habere rationem eorum quæ operantur, quàm animi quo operantur.

XXXIII. Cum ei aliorum culpæ deferuntur, non debet dare signa lætitie, nec applausus, ne exinde exaggerationis ansa arripiatur.

XXXIV. Si perfectio Religionis expetitur, oportet omnes Superiores in gloriam Dei & commune bonum priuatarum rationum studiis nuntium remittere.

XXXV. Nimia autoritas in Superiore amorem minuit; minor verò contemptum parit, itaque seruandum est illi iustum medium.

XXXVI. Superiores qui per ascensum & autoritatem magis ut magistri & supremi domini, quàm in spiritu lenitatis & charitatis, ut patres imperant, non imitantur excellentius Dei erga homines regimen, quos ut amantissimos filios per famorosam prouidentiam gubernat.

XXXVII. Numquam excedere debet Superior, nec in facilitate, nec in rigore; quod si quando excedit, in facilitate potius quàm in rigore sit excessus.

XXXIII. Summum ius suum, à nullo vmquam exigere debet, siquidem si crudelitas non est, saltem indiscretio magna & imprudentia.

XXIX. Arbitrari non debet se plus luminis & intelligentiæ quàm omnes suos simul inferiores habere, nec ea propter bonos eorum sensus & consilia respuere, alioquin ad regimen ineptus est.

XL. Ita vniuersalis & omnibus communis esse debet, ut possit videri absque singulari cuiuscumque consuetudine.

XXI.

XL I. Si tantæ quæ requiritur in Superiore dulcedini non adiungatur diserera seueritas, mollities est, & ignauia, potius quàm vera dulcedo & virtus.

XL II. Oportet corripientem & mortificantem summâ vti discretionem, prudentiâ, & providentiâ rationis illuminatæ, vt tempore, & loco conuenienti hoc munus exequatur.

XL III. Corrigendo peccatorem oportet quodammodo peccati obliuisci, & ad animæ huius excellentiam dumtaxat aspicere, quanti constiterit Domino nostro.

XL IV. Superiores non debent mortificare perfectos Religiosos nisi priuatim; quia cum sint veluti faces in aliorum directionem positi; destruere esset, magis quàm ædificare.

XL V. Superior numquam imperare debet cum dubio & ambiguitate.

XL VI. Superiores debent attendere vt ab inferioribus suis semper dignè occupati videantur, non in sollicitudine negotiorum, & cum secularibus: sed intra, in exercitiis vitæ regularis.

XL VII. Probatu Superiores durioribus operibus primi manum admouent, & optarent, si possent, soli omne sustinere pondus, vt sui inferiores pace fruerentur, ad maiorem eorum perfectionem.

XL VIII. In capitulis & deliberationibus oportet quemque inferiorem posse Superioris opinioni aduersari: vt veritas melius elucescat.

XL IX. Magna miseria videre homines, quibus commissæ est pro se, & pro aliis diuinorum thesaurorum dispensatio, aliis omnibus pauperiores & indigentiores.

L. Religiosi qui semper studere debent paupertati religiosæ, nihil vniquam expetere, nec postulare debent à suis Superioribus, nisi purè necessaria.

LI. Exponere rationabiliter damna & grauamina quæ sustinenda sunt, si non habeantur commodè necessaria ad implenda obedientiarum suarum munia, tempore & loco, non est iniustum, sed rationi valdè consonum.

LII. Inferiores qui fratrum suorum culpas Superioribus deferunt, hoc cum humilitate & charitate, non iudicando, nec ponderando, & exaggerando, præstare debent; alioquin in
suo

suo inferioris statu, Superioris iura & auctoritatem vsurparent, cuius est iustitiæ stateram moderari, & trutinare delatum.

L I I I. Zelus & correctio siccarij sunt perfectionis spiritus in inferioribus.

L I V. Inferiores continere possunt aliorum inordinationes, in silentio non approbationis, sed horroris.

L V. Nihil est quod inferioris nonnihil religiosam adeò pun-
gat conscientiam, quàm cum sensit se Superioris non implere
voluntatem: sed qui omnino nequam est, illico hos stimulos
multiplici obtentu & speciosis rationibus extinguit.

L V I. Sciant inferiores aliud non esse medium Deo placendi,
quàm placendo suis Superioribus.

L V I I. Inferiores numquam debent arbitrari se à suis Superi-
oribus offensos, nisi in quantum ipsorum perfectioni mani-
festè nocebunt, & hoc in veritate conscientiz iudicabunt.

L V I I I. Superior qui sub obtentu suæ potestatis vult in omni
materia, putà melancholià, aliisve imperfectionibus inferiores
suos iocari, & vellicare, est semper in statu peccati mortali
valde proximo.

L I X. Caue ne in rebus minoris momenti sis nimis iustus &
sapient, inuestigans plus æquo in te vel in alio culpæ & accu-
sationis materiam, vbi non est: hoc enim faciens nimium mul-
tiplicarieris, & actiua spiritus tui intentio impediretur.

L X. Superiores dignioribus dumtaxat suorum inferiorum,
rationem suarum propositionum debent reddere, alioqui ne-
mini se fidere demonstrarent.

L X I. Non debent Superiores in suis sermonibus contradici,
sed licitum est dumtaxat, eis obicere, & respondere cum pru-
dentia & dexteritate.

L X I I. Numquam est rogandus superior de eo quod est ip-
sius iuris & potestatis, sub obtentu honoris ei deferendi.

L I I I. Superioribus tantum exaggerare licet, quod nec etiam
illis semper est faciendum.

L I V. In alterius regimine, facilè ad extrema pròrumpitur.

L V. Superiores nihil ex suo munere ad suam perfectionem
accipiunt imò, in maximo sunt periculo maioris imperfectionis;
quod si auctoritatem sibi in inferiores arrogant, aliter quàm in
profun

profunda humilitate & charitate, desperati sunt, & seipfos semper magis ac magis excecabunt.

LXVI. Maximè patientes esse debent Superiores in dissimulandis motibus, passionibus, & eruptionibus naturæ concitatæ suorum inferiorum, quod si tentationes forent contra ipsos, summa cum familiaritate & suauitate agere debent cum illis, exponendo ea hæc nihil esse; non tamen priuatim in camera nisi prudenter eos admittendo.

LXVII. Superior non debet alumnis suis spiritum timoris & rigoris inspirare, sed puræ & simplicis libertatis.

LXVIII. Superiores in mortificationum exercitationibus, numquam excedere debent æquam & veram inferiorum suorum rationem: quia in hoc simplices fieri nullomodo possunt.

LXIX. Non est committenda iuniorum directio nouiter reuerfis à studiis, qui spiritum simplicitatis, sapientiæ, & simplicis luminosæque directionis amiserunt; quia cum toti sint in seipsis: suffocant in alumnis suis simplicem & verum Dei spiritum; volentes eos regere iuxta suum spiritum, qui non nisi in passione, violentia & inordinationibus effunditur.

LXX. Si quando Superior necessitate cogitur, propter quosdam sensuales, cautos, & purè naturales, aut omnino corruptos, politiam regimini suo admiscere, oportet huiusmodi medium fieri diuinum, in ordine & voluntate Dei ipsius; raro adhiberi, & non nisi cum horrore talis processus.

LXXI. Qui sunt dulciores & ad actionem tardiores, non sunt ad regimen idonei, nisi post longam experientiam: permittunt enim suo omnia fluxu effluere, monitiones inordinationum contemnunt, humilésque & exiguos obrui patiuntur absque vlla protectione.

LXXII. Superior etsi iunior sustinere non debet se à quocumque quantumvis sene & sensato publicè argui sub specie defectuum qui domi accidunt: sed ex tempore huiusmodi superbis debet ostendere, se eos videre, absque vlllo tamen animi motu, & semper in bono ordine.

LXXIII. Quotidie experienciâ discimus optimum esse, abstinere ab opera eorum qui per præsumptionem & arrogantiam se omnino necessarios arbitrantur.

LXXIV. Superiores debent esse docti, luminosi, charitate & virtute ex omni parte præditi; nec refert eos esse aliquantulum infirmos, ut in seipsis aliorum necessitates experiantur.

LXXV. Benigni esse debent, tractabiles, & facilis accessus in particulari, alioqui timorem sibi, non amorem conciliarent, sed in publico authoritatem suam cum mediocri gravitate ostendere debent.

LXXVI. Sanitas Religiosi argento omni & diuitiis anteponenda est: Deus enim est qui tribuit argentum ad subueniendum necessitatibus omnium.

LXXVII. Sapientes & discreti Superiores diligenter inuigilant suorum inferiorum sanitati & dispositioni, tam corporis quam animi, nihil non impendentes in eorum sustentationem secundum æquum medium, quotidie ægrotos visitantes, & non permittentes citò reduci conualescentes ad communem viuendi rationem, ut natura firmitus reparetur.

LXXVIII. Sæpè vituperandum est vitium, non nominando personam, ut non vulneretur, sed sanctetur.

LXXIX. Superiores qui non possunt opinione suâ alteri cedere, in rebus magni momenti, Religionem destruunt præsumptione & temeritate suâ.

LXXX. Superiores qui nolunt vmquam contradici vllis horum aut illorum rationibus, non agunt ut homines, sed ut animalia; & hoc non est procedere diuinè, & in simplicitate spiritus, qui numquam est sine humili lumine, humili prudentia, & humili suiipsius abnegatione.

LXXXI. Superiores non debent frequenter introducere seculares ad communes actus Religionis sub obtentu deuotionis, hoc enim nimium redolet ostentationem, & secretam mendicitatem. Quod si Religiosi simpliciter agerent, & non ut politici hominibus seruientes: procul dubio ab omnibus colerentur.

LXXXII. Superiores numquam debent quemquam alligare aut obligare muneribus quæ vires eius manifestè excedant, & tunc inferior obedire non tenetur, in rebus quæ ad conscientiam suam spectant; cum sit exponere se manifestè pluribus peccatorum periculis. Demum non propter illud Superiores

periores nobis præficiuntur, sed ut nos ad perfectionem promoucant.

LXXXIII. Non oportet Superiores adeò esse audaces & præsumptuosos, ut Religiosos suos exponant etiam minori periculo & discrimini, exempli gratiâ laboribus, qui non nisi operosis hominibus conueniunt; hoc enim esset contra charitatem: nec propter hoc illis à Deo donati sunt.

LXXXIV. Quando detrahitur alicui Religioso notabile quid virium suarum, accessione & incremento laboris, natura cogitur postea per diutinum temporis spatium vires suas duplo recuperare.

Lumina & veritates circa vexationes & illusiones Damonum.

I. **A** Liquando Dæmon ut animas decipiat, lumen illis adeò suaue & cum tantis deliciis infundit, ut diuinum esse videatur: sed sensuum superficiem dumtaxat attingit, & per illud numquam anima totaliter à sensibus abstrahitur, & supra seipsam eleuatur.

II. Effectus nostrorum luminum ordinariè digni videntur spiritu à quo effusa sunt; Et si à Dæmone procedunt, aliud nihil sunt, quàm superbia; alterius contemptus, & alia peccata.

III. Quos videt Dæmon suis supposititiis delectari luminibus, eos magis ac magis omnibus illusionum generibus decipere delectatur.

IV. Solus Deus illabi potest intimo spiritui: contra Dæmon viribus sensitiuis se fortiùe inserit, & ultra progredi non potest, illique spiritum Dei ementitur; & mille molitur inordinationes.

V. Dæmones explorati & reiecti recedunt, nec ampliùs eodem tentationis genere laceffunt; quare multum interest eorum qui tentantur & illuduntur, citius & fideliter se magistris spiritualibus aperire.

VI. Numquam vitur Deus Dæmonum operâ , vt nobis reuelat quæ scire nos conuenit : habet enim Majestas sua sanctos omnes Angelos maximè attentos omnibus quæ necessaria sunt ad salutem nostram.

VII. Omnis motus turbulentus , aut inquietus à natura est , aut à Dæmone.

VIII. Naturæ instinctus instabiles sunt & inconstantes , Dæmonum verò superbi & instabiles , si eis obstitatur ; & Dei valdè stabiles , permanentes , pacifici , & animam veritatis suæ certiores facientes.

IX. Dæmones tentatores & illutores meliùs contemptu , quàm omni aliâ ratione superantur.

X. Supposititia lumina procedunt semper ex delectatione , & inordinato donorum Dei amore.

XI. Sicut insignes bellatores non illicò sua omnia secreta , nisi in magna necessitate produnt : sic Dæmones callidiores suas artes & versutias non statim iis quos aggrediuntur aperiunt , sed paulatim pro fortitudine & resistentiâ , quibus opponuntur.

XII. Quâ ratione vnusquisque in virtutibus radicans est , & ad resistendum Dæmonum congressibus robustus : eâdem à fortioribus , eminentioribus , & sublimioribus in natura Dæmonibus impugnatur. Et quot habet homo passiones , & inclinationes diuersas , tot & habet Dæmones ad exacuendum eos , iuxta proprium cuiusque munus.

XIII. Quicumque se in exercitationibus suis siue corporeis siue spiritualibus manifestè remittit , hoc ipso in se Dæmones admittit , & eorum partibus fauet ; sicut è contra bonos Angelos summâ afficit tristitiâ.

XIV. Nihil aliud possunt Dæmones quàm circuire à longè eos qui actionem & passionem in Deum transgressi sunt , sperantque tantùm in ultimo vitæ discrimine de omnibus naturæ suæ viribus cum eis decernere. Sed imperfectos instigant vt malè de illis iudicent , & sine causa ex ipsorum actionibus offendantur , nec vllum gyrandi & versandi finem faciunt : donec cælum & terram aduersus eos concitârint , vt videant num huiusmodi perfecti aliquâ inæqualitate & animi impotentiâ ad quidpiam inordinatum moueantur.

XV.

XV. Quando Dæmon aliquis strenuâ fidelis animæ resistentiâ superatur, non hoc defert suis confortibus, nam non tantum irrideretur, sed etiam acriter ab omnibus flagellaretur.

XVI. Raro eadem ratione iterum decipitur Dæmon, propter suam superbiam quâ, vîfertur, citius in rabiem ageretur, quàm secundo vîarte quæ ei male successit.

XVII. Dæmones qui forti & hercicâ perfectorum virtute funditus sunt prostrati, non audentes ad inferos se recipere, propter irrisiones & ictus quos illic, sustinerent, & ne cogantur suam fateri imbecillitatem, simulque captivi ut pusillanimes detineantur, malunt subiacere tanquam mancipia eorum imperio, à quibus sunt superati, qui iam in illos ita dominantur, ut possint illis quodcumque volunt bonum præcipere, etiam aduersus alios Dæmones, ut in quibusdam antiquis anachoretis apparuit.

XVIII. Si visitationes quas recipit anima, ex Deo sunt: statim initio timore corripitur, & in medio & fine sapientiâ perfunditur, cum fame & appetitu virtutum. E contra quando sunt ex Dæmone statim initio, hilarescit anima: & demum in fine confunditur, tenebrisque inuoluitur. In his & in illis abicere se oportet, & profundè humiliare, nam Deus libenter adit humiles, quia sibi in eis maximè complacet; Dæmon autem eos sustinere non pote, stydeo statim evanescit.

XIX. Qui ardentius exercitationi amoris incumbunt; hoc ipso contra se Dæmones laceffunt.

XX. Proprium est Dæmonum tormenta sua dissimulare vsque ad extremum.

De Possessionibus Diabolicis.

I. Infamia non est possideri aut agitari à Dæmonibus, hoc enim in æterna Dei præscientia ad maiorem eius gloriam, & creaturarum suarum bonum mirabiliter ordinatum est. Obstupescit mundus ad hæc spectacula, sed nos quibus explorata sunt aliquo modo Deiconsilia, non possumus quin infinitè ei benedicamus, videntes creaturam fortiorem ad pferendum,

& ardentorem ad expetendum tormenta Dæmonum, quam ipsi Dæmones, ad ea inferendum.

II. Deus diabolicas possessiones permittit, & etiam sensibilem suum concursum à possessis subtrahit, ut eos magis expurget, & vsque ad purum colat, sitque cor eorum ita mundum & ab omni priuato amore liberum, ut illud possit tanquam suum possidere paradysum.

III. Deus nihil vtilium & necessariorum obliuiscitur, ut creaturarum suarum corda, quæ sunt vasa sacra & pretiosa perfecte emundet. O qualis electio, & ad quanta præordinatio, sic inter mille secerni, ad perferendum alacriter & amorosè adeò durum sed dulce exercitium, & præ se ferre veram lesu Christi in suis tormentis angustias & doloribus, effigiem!

Vide regulam 79. mystici armarij: insignis doctrina de differentia possessorum & obsectorum.

IV. Deus differt sepe Ecclesie suæ concedere ex Dæmonibus victoriam, ut vnumquemque filiorum eius in humilitate custodiat, nec glorientur in ipsius diuina præsentia.

V. Non est ex ore possessorum fidei nostræ querenda confirmatio.

Regula pro Exorcista.

I. **E**Xorcista quàm poterit arctissimè secundum spiritum viuere debet, arcta enim via, sanctorum via est, quare.

1. Mortificationi studeat animosè, spiritus quidem in omnibus, corporis verò cum discretionè, tam enim per veram sanctitatem, & puritatem corporis & spiritus, quàm per Ecclesie virtutem, & auctoritatem, Dæmones cruciantur.

2. Non sibi displiceat, nec afficiatur tædio in labore huius muneris; optimum enim illi est, pro animarum salute pati, in exercitio in quo parum priuati amoris inuenitur.

3. Curet personam possessam mortificationis studium amplecti: hoc enim ei imprimis est necessarium; nec tam ad corporis quàm spiritus mortificationem attendat.

4. Intusilet animæ & corpori posselli, obseruans omnes eius motus

motus, & sæpè eum breuiter exhortans ad amorem Dei, ad conuersandum cum eo affectuosis colloquiis, & colendam sanctam eius præsentiam, ad sanctos inuocandum, amplectendam pœnitentiam, passionumque suarum mortificationem, & resignandum se amorosè ad patiendum. Demum exponens illi possessionem nullatenus animæ erga Deum amorem minuire, è contra magis augere.

5. Grauis sit & serius in exorcismo; alioqui Dæmonem in arce sua confirmaret, vnde ipse Exorcistas variis astutiis & strategematibus diuertere conatur. Hic enim superbix spiritus tardius quàm potest rabiem suam infernalem ostendit.

6. Deuitet omnem curiositatem, & cum Dæmonibus familiaritatem, præcipiens cum imperio, & nullo modo complacens eis, nisi velit operam ludere.

7. Non sustineat se laudari, nec applausum & adulationem per callidam & subtilem Dæmonum malitiam, prorsus patiatur.

8. Non permittat Dæmoni ludere & cauillari, nec etiam loqui nisi ad subiectum de quo agitur.

9. Exagitet eum semper, nec vllam ei condonet nequitiam, nec vllam à fortiori blasphemiam, de qua publicam non exigit satisfactionem.

10. Præter vocales & publicas preces, sæpè debet Dæmonem mente & spiritu insectari: omnia maledicta in eum cõiciendo, & ad Deum pariter spiritu magis quàm voce se conuertendo.

11. Non sinat se à Dæmone percuti, nec in sua fama lædi, quod si eum inuadit, debet illum prosternere, & pedem non premendo nec lædendo possessum ad fauces apponere, pronunciando hæc verba Super aspidem & basilisc. amb. &c.

12. Ad exagitandum ac magis humiliandum Dæmonem, disciplinis benedictis, aut flagello canum ad hoc benedicto, verberet eum, vel etiam fuste percutiat leuiter super vestimentis possessorū. 13. Deferat semper secum veram crucē, & alias reliquias veras, vt Dæmonem à sensu suorum inuasionem prohibeat.

Præliandum est aduersus Dæmones iugi vitæ mortificatione, sic impugnantur, sine consilio, aliter enim eos aggredi periculosum est, paucisque conuenit, vtique habentibus in Deum fortitudinem & fiduciam.

FINIS.

VENERABILIS FRATRIS

IOANNIS
A S. SAMSONE,
LAICI CARMELITÆ
OPUSCULA.

CONFITEOR TIBI PATER,

*Domine Cæli & Terra, quia abscondisti hæc à
sapientibus & prudentibus, & revelasti
ea paruulis. Matth. 25.*





PRÆFATIO.



GAUDET Apostolus, & singulari ducit beneficio, quod primitias Spiritus acceperit: suosque charissimos hortatur Thessalonicae filios, ad rependendas Deo grates, quod eos elegerit. *primitias in salutem in sanctificatione Spiritus.* Scilicet adeo pretiosum est hoc diuinæ pietatis munus, quod D. Ambrosius prima & potiora Spiritus sancti dona; & D. Chrysostomus primos fructus, & pinguedinem Spiritus appellat: ut merito gaudere, & sibi ipse gratulari possint, qui illud ex speciali ipsius munificentia & liberalitate sunt consecuti. Enimvero moris est apud Deum, cuius ordinatissima sunt opera omnia, vberiore hanc gratiam Religiosorum cætuum. Institutoribus, nec non & reparatoribus etiam aliquando cum affluentia diuinæ consolationis elargiri: ut & ipsi illam in filios suos, & hæredes, veluti fontes in riuulos effundant. Et qui illorum vestigia sequuntur, huiusmodi charismatum suauitate illecti, firmitus ipsis adherentes: ab eorum quoque virtutibus, & instituti ratione non desciscant. Talis fuit profusa plane cælestis numinis erga V. Fr. Ioanem à S. Samfone prouidentia; qui etsi laicus dumtaxat:

& cæcus: primum tamen reformationis nostræ fundamentum, & strictoris obseruantię, Turonensis Prouincię princeps columna fuit.

Subiectâ igitur vitę & virtutum eius tabellâ, adiectisquę spiritualibus theorematibus, passim ex eius operibus excerptis: prodimus etiam nonnulla eius opuscula, dum se nobis plura in lucem edendi, dabit occasio; vt opera illa (quę verë opera lucis sũt, & non tenebrarum) ex silentio & solitudine in qua concepta sũt, educta: tandem aliquando palàm fiant; & omnibus mystis, iugique cum Deo negotiationi vacantibus, maximè Carmelitis (quorum pars est optima) tanquam faces, & allecimenta æternũ præferantur; quibus & suauiter alliciantur, & acriter accendantur, ad æmulandum pretiosa huiusmodi: nunquam non æmulanda spiritualis vitę charismata.

Primum Opusculum est spiritualis institutio, quam scripsit de mandato, & ad postulationem D. Antonij DE REVOLE tunc Episcopi, & Comitæ Dolensis in Britannia Minoris; Illustrissimi reapse, & dignissimi, cùm pietate, tum eruditione, Ecclesię Præfulis: qui exploratâ singulari gratiâ, & mirabili cælestium donorum exuberantiâ, quibus ditauerat Deus humilem hunc Religiosum: (cùm esset Ecclesię Dei, & Pater, & Princeps) spirituali eius directioni subdere se non dubitauit.

Secundum continet theoriam & praxim affectuosę aspirationis, humani cordis in Deum.

Tertium est quasi epitome & compendium status, eminentioris contemplationis, & perfectioris magisque consummati amoris, ad quem in hac vita datur aspirare. Hic tractatus abundat excessibus, & extaticis eruptionibus spiritus

ritus amore faucij, & diuinis perfusi luminibus, in quo actus à Deo hic homo planè diuinus, statum suum, & quæ Deum inter, & se expertus est, exprimit ingenuè; quantum hæc adeo sublimia, atque ineffabilia, humanis sermonibus, enuntiari queunt arcana myſteria.

At ignari viarum & operationū Spiritus sancti in lectissimis suis sponſis sanctioribus animabus; inquirent fortasse quī fieri potuit, vt Religioſus adeo humilis, & appetens nesciri ab hominibus, qualem suprà adumbrauimus, de seipſo, viſque ſuis: tam eminenter scripſerit; institutionēſque & documenta Superioribus ſuis, tam intra quam extra ordinem, tradere præſumpſerit? Ad hæc breuiter respondeo, hæc cum motu diuini Spiritus, Superiorum ſuorum præcepto, ſinceræ charitatis ſtudio, erga eos, qui id ab eo potiùs extorquebant, quàm expoſtulabant, & ob ſuam propriam neceſſitatem, dumtaxat præſtitiffe. Quod aliquibus inter alios plures, ex eius ſcriptis eductis, euidentibus locis, ad eximendum penitus hunc ſcrupulum ex animis in iſta curioſiùs inquirentium, operæpretium eſt comprobare. Sic igitur ille in contemplationē 29. eandem ſibi, imò & fortiorem opponens obiectionem.

*Sed (amor meus & vita mea) ad quid egredi, & deductio-
nem aggredi, cum nihil concipiamus tanquam poſſidentes omnia
in plena fruizione noſtra? cur prodimus ad manifeſtationes ſimpli-
ciſſima, & infinita tuæ Maieſtatis, quæ nos iugiter rapit actu ſuo,
& aſpectu, in imum eius ipſius: cum ſit ineffabilis noſtra fruizio
in ſimpliciſſima perceptione: eo modo quo me aliàs & concipere
voluiſti, & ſcribere?*

*Egredimur (inquit) & care mi amor, & credimus egredi, ſed
immanentes, & id quidem non in alium ſinem, quàm vt aliquan-
do ſtatum noſtrum & conſtitutionem nobiſmet ipſis exhibeamus,*

ut de ea loqui possimus inter consimiles, & sæcundè fluere ad simplices tui, tuorumque effectuum manifestationes, inter eos qui sunt inferioris gradus & viæ. Eo quod nobis videtur quod omnia de te ignoramus, nescimusque quid verè possumus, ut amorem nostrum sæcundè & diuinè alijs effundamus. Adde quod sat sæpe de rebus omnibus (ut ita dicam) deductiones & expressiones postulantur à nobis.

Idem repetit in alia contemplatione. Quandoquidem (ô amor meus) nos ab omnibus omnino fecisti liberos, sumisque funditus perdit in totali tuæ superessentia, præ amabilibus nostris immersionibus: æquum est nos in ea remanere intentos te videndo, & contemplando semper æqualiter, in omni plenitudine fruitionis obiectiue, quantum, & quo possumus in hac vita modo. Et si autem sublimes profunda que speculationes multò sint his inferiores: non est tamen abs re, & ratione eas videre, & tempore conuenienti scriptis digestas consignare. Non ut videamus, aut sentiamus, aut inquiramus: sed ut nos videamus, & amplius cognoscamus, & nosmetipsos non ignoremus. Quia enim non sentimus quæ tibi debemus, eo quod non videmus, nec sentimus, nisi tantum simpliciter: possemus nobis in latitudine, & libertate sensus plus æquo permittere: nisi ad hæc & similia, magis intimis amoris tui effectibus consona, identidem conuerteremur.

Quod scripsi magis perditum supra alios Mystas (ait in suo manuali) scripsi dumtaxat ob meam propriam necessitatem, & aliquem fortè, quem eiusdem contingeret esse viæ.

Accepto à Religione mandato (ait in præmio suorum commentariorum ad nostram regulam) scribendi quod iudicarem conueniens in bonum Observantia regimen: arbitratus sum nihil me posse aggredi utiliùs: quàm si Regula nostra spiritum aperirem, & palam facerem.

Et in præfatione libri quem de suo regimine conscripsit,

psit, hæc dicit ad propositi sui difficultatem. *Attamen nullo modo mihi ipsi innitens, nec in me ipso confidens, in eo quod possum, quod nihil est: me ipsum quoad hoc, sicut & alia omnia, bonitati, & voluntati Dei committam; qui cum hoc determinatè voluerit, statueritque me huiusmodi implere mandatum, & hoc in gloriam suam: propterea sanctissimam suam voluntatem in me perficiet.*

Constat igitur præcellentem hunc virum scripsisse dumtaxat, cum ad obediendum Deo, & Superioribus suis: tum in suum, fratrumque suorum usum, & necessitatem. Vnde contra studium viuendi vitam ignotam nullatenus offendit; neque enim in Sanctis studium esse debet vllum, Dei voluntati, consiliisque oppositum. Hæc autem erant super hunc oculatum cæcum Dei consilia uti eius operâ ad reformatum Carmelitarum Ordinem; primum in Obseruantia Rhedonensi, deinde in omni prouincia Turonensi, exinde in tota Gallia, denique forsitan in toto Ordine, ut ex eius bonitate & misericordia sperare est. Certum est enim, & experienciâ constat, cæcum hunc verè videntem, à Deo fuisse electum, nobisque ab eo datum, ut esset vitæ spiritualis quasi Archimagister, & restitutor in operosa suborientis nostræ reformationis efformatione: hoc autem in negotio mirum quantum diuina prouidentia sapienter est operata; ut enim tanti viri virtutes, & feruentes amoris æstus, ipsi medullas animæ clanculum depascentes, non omnino nobis exciderent, dictantem illum sua scripta, sapientissimè Spiritus sanctus tam potenter agebat; ut à seipso prorsus abductus, ex incredibili amoris, luminisque quâ exundabat, abundantia; mira tunc de se & stupenda proderet, quæ ad se reuersus libentissimè suppressisset, nisi Deus eum prohibuisset. Sacramentum est hoc, & insigne sapientis prouidentie Dei portentum, quod D. Paulus, D. Augustinus

stinus, S. Brigitta, S. Theresia, multique alij sic palam faciant, quæ intus apud se supra morem diuina patiuntur, illibatâ manente altissimâ eorum humilitate. Sacramentum, inquam, quod ei vni conuenit, qui matrem seruauit virginem; eamque humilem hanc suæ dignitatis gloriam foris enuntiantem: & alia multa in mysteriis nostræ salutis, (cum ea, quam sanctiores animæ quotidie sapiunt, suauitate & dulcedine) coadunat, & coniungit extrema.

Et verò quale damnum pateremur, quòve dolore æternum premeremur, si diuinis huiusmodi luminibus, pretiosisque gasis & opibus destitueremur. Siquidem præter institutionem eorum qui ad veram spiritus vitam, (vtique Carmelitici instituti partem optimam) aspirant: non est quisquam lumine cælesti vtrumque perfusus, & gratiæ vias expertus; qui non ex iis omnibus ansam arripiat, altissimam demirandi animæ huius in Deum immersionem, qui eam quò volebat, agebat anagogicè, abundantis sui Spiritus impetu, non tantum absque reuifu, sed etiam reflectione. Quod meo quidem iudicio efficax est, nec vltima, licet vltimò attexta obiectæ difficultatis solutio. Adeo enim erat simplex, & sibi ipsi mortuus, adeo immerfus & absorptus in Deum, super omnia eius dona, emanationes, & lumina, perfectus hic Religiosus: vt hæc omnia eodem planè puncto refuerent, & refunderetur in Deum, quo recipiebantur ab hac purissima anima. Sicque solâ ipsi remanente nudâ & simplici suâ contemplatione: poterat interdum his egere luminibus, & diuinis affectibus, ad propriam suam directionem. Vnde & Deus propter quem se spiritualibus his diuitiis exuebat, eum identidem impellebat, ad dictanda huiusmodi lumina: ne studio & sollicitudine illa conseruandi, & in necessitate ad memoriam reuocandi, intus

imprimere

imprimeretur, atque impediretur. Quam vnam ob causam fere omnes scripsere Mystæ.

Gratias igitur immortales diuinæ Majestati, primisque nostris Superioribus, quod mouerunt, & impulerunt humilem hunc laicum fratrem, ad scribendos sensus suos & affectus, utique nobis & posteritati commendandos. Letissimum est istud regalis munificentiae Numinis æterni munus, quod mysticas diuinæ scientiæ, & sapientiæ aquas, propriis ex fontibus haurire possimus; Quod igne quem Spiritus sanctus in nobis accendit, calefieri & collustrari possimus; Quod puriores, affulgentis nobis luminis, radij, tenerioresque spirituales deliciae, ex diuinis cæci huius tenebris & obscuritate prodierint. Quod quidem munus, ut est arctissimum omnibus eius institutum, viuendique rationem proferentibus vinculum, efficacique ad gradiendum per eius semitas incitamentum: ita maximum est spei singularis argumentum, his auspiciis directam à Deo reformationem nostram & ipsius præsidio atque munimine fore conseruandam. Si quidem ipsi pro suâ bonitate, lumen contulit & spiritum, in subsidium, & ornamentum. Et verò non latuit cæcum nostrum hoc Dei consilium; quod ex eius commentariis in Regulam nostram in promptu videre est; vnde & huius ergò hoc vnum dumtaxat hic afferam locum. Die quadam cum scriberet in illum finem, & accuratius se ad multa diffunderet, quæ non poterant non esse ei grauissima, & à Mysta tam eminentis viæ, qualis erat, maxime aliena: admonitus ab aliquo Superiore, qui tum secretarium agebat, quod ad minutiora & viliora descenderet, liberiùs respondit, in iis, quæ ad regimen spectant, omnino nihil esse omittendum; iisque quantumcumque infimis, prouinciam aliquando opus

B

habituram,

habiturā, quod pr̄ferebat ita firmo animo, vt de consilio Dei ipsi planē & certò constare videretur. Sed eius humilitas, multa huiusmodi Spiritus S. charismatum nos celauit adiuncta; vt & alia infinita maximè miranda, que secretò operatus est in huius sui famuli, sanctissima anima.

Quantum ad eius stylum, scribendique rationem, nemo non videt, Primò hominem cæcum ab incunabilis, fratrem laicum, nulli alteri quàm Iesu-Christi scientiæ additum: non adhibuisse omnem in scribendo accuratorem, & verborum proprietatem, quam aliqui desiderare poterunt, quanquam is est spiritus S. loquendi modus, qui omnem humanæ eloquentiæ artem pro more respuit. Secundò hanc loquendi formam, quæ huic homini Dei omnino singularis est, euidenter probare scientiam eius mysticam, & eminentem contemplationem, ex libris & scholis hominum non esse depromptas; sed è cælo manasse, & à Deo verè infusas. Tertiò denique lectorem monitum velim, ne hyperbolem arbitretur, aut amplificationem multiplices terminos, quibus noster hic perspicax cæcus, cum aliis pluribus mystis vtitur, quales sunt hi: [Amor consummatus, transfusio in Deum vsque ad vltimum identitatis punctum;] addit vt plurimum, possibile creaturæ, & semper ita intelligit; aliisque multi similes, quibus inexplicabiles, & ineffabiles suas experientias conatur exprimere. Eruditi enim quique nullā mentis emotæ anteoccupati affectione easdem inuenient in D. Paulo, Dionisio, & aliis Ecclesiæ Patribus loquendi formulas, vt mihi esset probare facillimum, si tricus studendum esset, & non ædificatio-
ni animarum. Adde quod, omnibus notum est, quamlibet scientiam & disciplinam suos habere singulares terminos, & proprias locutiones. Qui Logicam ad Rhetoricæ
numeros

numeros, & eloquentiæ lepores vellet adigere; præberet se deridendum. Mathematica, Medicina, Architectonice, Philosophia, & Theologia Scholastica, ab iis dumtaxat intelliguntur: qui eas profitentur, quod à fortiori de Mystica, quæ omnium secretissima est, & maximè arcana, verissimum comprobatur.

Porrò sapiissimè dixit author noster (præterquam quod sua omnia scripta Ecclesiæ iudicio & censuræ humillimè subiiciebat) singulariter se exoptare: ea in manus eruditiorum, pietatem colentium, potiùs incidere, quàm illiteratorum, & eruditione carentium; qui sibi fortè in animum inducerent huiusmodi inusitatas locutiones (quæ sunt ut plurimum impetus & excessus Spiritus) doctrinæ communi & orthodoxæ esse contrarias; aut certè aliter quàm oporteat, eas intelligerent. Ut occurramus huic incommodo, operæpretium est eum inducere semetipsum super hoc plenius aperientem, simul & omnem scrupulosius hic hærentium difficultatem, radicitus euellentem. Nonnulla (inquit) verba usurpavi conuenientia ad eminentiam huius sermonis, qui utique est animarum, quæ præ iugi suo in Deum fluxu æternæ factæ sunt; qualia sunt (gloria consummata, plena beatorum felicitas, &c.) Quæ numquam intendi ad hoc subiectum absolute profari, sed ijs usus sum, ut similitudinibus idoneis ad manifestandum incredibiles, ignis omnia in creatura consummentis, effectus; cum admirandis manifestationibus, & notionibus, quarum dulcedo atque suauitas, omni hoc tempore, completus est huiusmodi animabus, paradisus. Dicendum est, & intelligendum gustus consummatus, & consummatio anima in omnibus mysticis statibus, qui præcedunt quietem, sicut quies præcedit gloriam quam expectamus in Fide, Spe, & Charitate. Idipsum est intelligendum his terminis, [susus, transfusus, & omnino perditus ad-

bus suis in omni Deitate.] Ita sentitur, ita percipitur, ita gustatur. Sic sumantur, sic capiantur (hîc est ubicumque quid simile reperietur) verba mea, non prout sonant, sed secundum me, & sensum meum; Et ita caueatur ab offensione in superbiam, & cecitatem, in quas profecto impingeret qui spiritus excessus, & altissimas eius notiones, mensura rerum naturalium & communium coaquare, & admetiri vellet.

Pösssem & hîc quartam adiungere admonitionem, circa digressiones, & artificialis methodi defectum, qui in huius contemplatiui operibus obseruabitur: sed nulli non est peruium, utcumque versato in studiis sacrarum Literarum, & mystarum scriptis: stylum hunc esse, & loquendi modum; huiusmodi Sanctorum scientiæ.

Quod autem versionem nostram attinet, ingratum fortè videbitur cuiuspiam, & insulsum, res adeo abstrusas, & ex seipsis intellectu difficiles, aliquando etiam vix intelligibiles: tum ob suprà memoratum methodices defectum, frequentissimâsque digressiones: tum ob inexplicitum nec plerumque dilucidum illarum conceptum, tum denique propter ipsammet sæpe barbaram, nec sibi cohærentem vernaculam locutionem: ingratum inquam, & insulsum, res huiusmodi Latinitate donare; quod non potest non esse summe lubricum; aut certè arduum; & obscurum, spissiori caligine inuoluere. Verum respondeo primò non esse ita abstrusa, & intellectu difficilia Cæci nostri opera, ut à pluribus non capiantur, si non omnia, & ex omni parte, saltem benè multa; ut efficacissime probat quæ in dies augetur apud pios omnes, & eruditos, eorum fama & opinio; proindeque in usum aliquem & commodum rationum exterarum Latine potuisse conuerti. Secundò esse quidem difficillima, & verè, iis qui nihil eorum penitus experti

perti sunt imperuia : sed non iis qui vel modicū internæ recollectioni per diem vacantes , aliquam habent cum Deo consuetudinem. Vndè & infero hanc nostram versionem , iis dumtaxat intellectu fore difficilē , quibus est & ipsa natiua Authoris lingua , non utique propter obscuritatem rei , sed inhabilitatem subiecti ; & à quibus intelligitur ipsius idioma vernaculum : ab iis etiā omnibus (utique Latinam linguam scientibus) hanc nostram translationem fore intelligendam. Tertiò denique si seruitum est Ecclesiæ ædificationi , & alendæ multorum pietati , cum vulgata sunt huiusmodi opuscula ; ut beneuola eorum susceptio , & summa quæ de illis habetur , attestatur opinio : An non amplius seruitum est , cum tantum bonum naturâ suâ diffusiuum , hætenus intra septa regni conclusum , ad alia transmissum est ? & in omnes exterarum nationes huius operæ versionis effusum ? Certè debuimus hoc incredibili feruori , & ardenti nostræ reformationis studio tot prouinciarum Ordinis nostri ; quæ , ut illam in dies ex animo complectuntur & alumnos nostræ Prouinciæ , qui eis opem ferant , vndique supplices expostulant : ita & hæc opuscula , quæ sunt veluti fontes , aut quasi cunabula totius spiritualis , nostræ strictioris Observantiæ , perfectionis , sollicitius amplexabuntur , & pro tenerioribus habebunt deliciis , vti iam pridem nobis significarunt , & frequentissimè contestantur.

Porro de nostra in huiusmodi translatione scribendi forma non est hic repetendum quod , suprà diximus in calce primæ præfationis , Nos scilicet non exquisiuisse flores eloquentiæ , & Latine dicendi apices , sed in aliquibus ipsam etiam sustinuisse barbariem , ut scilicet ex verbo ad verbum , & ex conceptu ad conceptum auctori nostro religio-

sius inhærentes, mentem eius perfectius assequeremur, aut certè liberam unicuique, prout veriore, sinceriorè inque iudicauerit, relinqueremus.

Supereſt igitur vt huic præfationi finem imponamus quaſi coronidem: catalogum, ceu ſeriem librorum, & tractatum, quos hic noſter acutus & perſpicax Cæcus nobis reliquit. Ex quorum ingenti numero, prudens Lector attendet, quantis, doctus hic illiteratus diuinæ Sapientiæ & intelligentiæ donis abundauit. Eos omnes ad tres claſſes ſummatim reduco. Prima tradet in genere vitæ communis inſtitutiones; etſi Myſta noſter multa ſemper in illis interſeuerit ſublimia, & ad altioris viæ gradus pertinentia. Secunda continebit ea, quæ ſpecialiter ſpectant ad noſtræ reformationis regimen, genuinumque religionis Carmelitanae Spiritum. Tertia denique præſentat ſupereminentis viæ diuini huius hominis completetur exercitationes.

CATALOGVS MYSTICORVM OPERVM, ET
Tractatum V. Fratris Ioannis à S. Samsone.

PRIMA CLASSIS.

1. *Speculum & flamma diuini amoris, ad poſtulationem Illuſtriſſimi D. Antony DE REVOL Episcopi & Comitûs Dolensis conſcriptum.*
2. *Diurna exercitatio pro V. Sacerdote ſeculari, Rectori paræſia de Roz, in Diœceſi Dolensi.*
3. *Tractatus myſticus de alta Sacerdotum dignitate.*
4. *Tractatus de Mundo, & ipſius moribus, pluribus Sanctorum Patrum ſentiis in modum paraphraſis illuſtratus.*
5. *De infinita Dei excellentia, & quanti eam homines facere debent.*
6. *Tractatus de tribulatione, cuius pars ſecunda variis Patrum ſententijs illuſtratur.*
7. *Tractatus de infinito tribulationis bono, ſcriptus ex occaſione poſſeſſionum diabolicarum, cum inſigni epiſtola de re eadem ad S. Vrſula Moniales Iuliodunenſes miſſa.*
8. *De Senectate, cuiusque variis in hominibus effectibus, & quantum eam*

eam formidare debent.

9. De spirituali fortitudine, cuius secunda pars multis S. Patrum sententiis exornatur.
10. Causæ, spiritualis hominum ruina. Et quomodo dignoscere quis potest suum ad perfectionem profectum.
11. Singularis admonitio ad cognoscendos diversos amores, & discernendum à naturali diuinum.
12. Triginta meditationes pro decem dierum exercitationibus.
13. Multa litteræ, & spirituales Epistola.
14. Remedia scrupulorum.
15. Directoria eorum qui agrotantibus assistunt.
16. Duo exercitia preparationis ad mortem.

SECUNDA CLASSIS.

17. Quid sit Religio, & quid sit esse Religiosum.
18. Compendiosa directio deducens ad Deum sapientem animam.
19. Spiritualis exercitatio, ostendens nostra religionis spiritum, in gratiam filiorum Montis Carmeli.
20. Tractatus mysticus de vera humilitate in 10. articulos diuisus.
21. De excellentia Religiosa paupertatis.
22. De Studiis scientiarum.
23. Directorium perfecti Confessarij.
24. Tractatus de frequenti Communione.
25. Commentaria in regulam Carmelitarum, variisque alij tractatus ad Superiorum regimen pertinentes.
26. Directorium Superiorum Religiosorum.
27. Directio spiritualis Nouitiorum & Professorum Carmelitarum Provinciae Turonia.
28. Regule conuersationis religiosa.
29. Secretarium mysticum directorum magis perspicacium & oculatorum.
30. Speculum Religiosarum conscientiarum.
31. Praxis spiritualis, dirigens animas usque ad perfectam cum Deo unionem.
32. Differentia via mystica, & communis.
33. Exercitium in usum animarum nouiter transcurrentium à vita actiua ad contemplatiuam.
34. Triginta nouem contemplationes super mysteriis fidei, & passione Domini nostri Iesu Christi.
35. Praxis essentialis amoris in seipso, cuius theoria diuina est.

36. Mystica

36. *Mystica reflectiones ad varias Patrum sententias.*
37. *Speculum animæ ad viuendum cum Deo unitam.*
38. *Exercitatio dirigens animam in Deum transfusam, usque ad perfectam amoris consummationem.*
39. *Epitome statuum vitæ supereminentis.*

TERTIA CLASSIS.

40. *De rebus necessarijs ad vitam supereminentem attingendam.*
41. *De duro consummantis amoris patibulo.*
42. *Reuersio, & firma fruitio animæ in Deo.*
43. *De aspectu diuino.*
44. *De nequam otiosis, & de supereminenti quiete.*
45. *De vera libertate eorum qui sunt magis perditii in spiritu.*
46. *De questionibus, & subtilioribus naturæ proprietatibus.*
47. *Eminentior diuina sapientia status.*
48. *De vera vitæ in unitate, absque differentia.*
49. *Tractatus de consummatione subiecti in suo obiecto.*
50. *Supplementum eiusdem tractatus.*
51. *Regulæ exteriores, pro personis mysticis.*
52. *Primum Soliloquium continens exercitationem illuminantem & affectiuam animæ iam à Deo mota, quæ aspirat ad perfectum & supremum amorem eius.*
53. *Secundum Soliloquium animæ quæ præ amore, amor effecta est, aspirantis amabiliter & unice ad Deum, in statu cruciatuum & agonie.*
54. *Tertium, Conuersatio familiaris sponsæ cum sponso suo carissimo Iesu Christo.*
55. *Preludium ad quartum Soliloquium, aut tractatus de amore puro & eius excellentia.*
56. *Quartum Soliloquium de animæ saucia & languente amore, in amore ipso.*
57. *Quintum Soliloquium Epithalamium diuini & incarnati sponsi, & sponsæ, quæ effecta est diuina.*
58. *Duo volumina integra mystica pœseos.*

TRACTA



TRACTATVS I.
SPECVLVM ET FLAMMÆ
DIVINI AMORIS:

Quibus disponitur anima ad Deum in
seipso amandum:

A VENERABILI FRATRE
IOANNE A S. SAMSONE,

Religioso Carmelita, Prouinciæ Turoniæ, digesta;

Ad postulationem Illustrissimi Domini

ANTONII DE REVOL,
OLIM EPISCOPI ET COMITIS DOLENSIS
in Britannia Minori.

Proæmium Auctoris.



VANDOQVIDEM tempus est videri, & tempus non
videri; prodo meipsum, & manifesto talem, qualis
ego sum, & quàm simplicissimè fieri potest in hac
exercitatione; quam vt opinor, inscriptionis suæ
nominibus verè dignam iudicabis. Quòd si rudis
est, & impolita, crediderim te rationem huius imperitiæ non habi-

C

turum;

turum ; cùm is qui ad verborum dumtaxat ornatum attendit, quàm longissimè distet à dispositionibus requisitis ad introitum in Spiritum Dei ; adhærens enim folio, quod operit fructum visui pulcherrimum, & gustui suauissimum, vacuus remanebit, aliquid se habere putans ; eum non excellentem rerum in seipsis substantiam, sed regentem eas corticem, pretio ducat. Hunc igitur deuotans errorem, expendes si placet, spiritum, substantiam, flammam, & doctrinam, quæ sub verbis meis abscondita sunt ; credēsque vt enixè te obsecro, hæc omnia me quàm simplicissimè potui deduxisse & digessisse ; vt in eis vitam, & Spiritum amoris, in ipso amore nancisceris ; & hac ratione his excitatus inflamareris ; mediisque amabilibus eiusdem amoris fluxibus, in te post has omnes exercitationes abundè succedentibus iugiter alereris. Tuum est autem apud te constituere affectuoso huic operi animosè instare, quatenus semper in meliùs contendens, secundum Dei in seipso dignitatem, & huius exercitij consilium, præstante Deo (cuius honor & gloria infinitè magis semper agitur, quàm tua priuata utilitas) plenum & integrum suum sortiatur effectum.

Videor mihi in hac institutione sufficienter explanasse, tuas omnes maioris momenti exercitationes, vt benè Deum inter, & te, tam intus, quàm foris opereris, & conuerferis. Quòd enim ad singulares euentus attinet, de iis constitui certò nihil potest sufficere, tibi communes exhibuisse cautiones, vt proficiās in omnibus casibus, nihilque tui amittas. Quod si quando nimium exteriora te attraxisse persenseris, poteris recurrere ad huius lectionem exercitij, vt has importunas species abigas, corque tuum & spiritum in pace & libertate apud te recipias ; sicque de nouo ad opus redeas. Arbitror equidem futurum tibi optimum, & tutissimum ducem : si modò te in Deum, vt par est, perdidideris, planè viuus moriens, teque semper abnegans, & Deo in omnibus tam paruis, quàm magnis, iuxta hæc documenta committens. Quòd si tuum excedit præsentem statum, ideo feci, vt te summi tui boni feruenti & strenuæ prosecutioni, iugiter intentum efficerem. Licet verum sit satis esse in hac via, eum qui celeriter currere non potest, conduplicare passum. Demum inspectis omnibus, & attentè consideratis nihil tibi in omni genere hac in exercitatione defuturum puto ; nec aliter de ea sentio, quàm cum mihi pro ea locutus

locutus es. Enimuero per te fas erit mihi, talem tibi qualis est libenter offerre, iuxta ea quæ illam dictando & vidi, & sensu, conformiter ad noticiam & ordinem effectuum, quos potest producere, fideliter obseruata; adeoque si illâ vtaris, breuî te mutatum, & ex bono statu in alterum millies, vt ita dicam, absque tamen exaggeratione, meliorem restitutum senties. Ad hoc igitur vt rite & conuenienter procedas, oportet te ardentè appetere, esse verè spiritualem, & verè amoris amantem; Siquidem infelix ille proculdubio est, qui cum possit eum totis viribus, & perfectiuo amore diligere, diligit tantum amore omnibus Christianis communi; de quibus dici potest, non amare eum secundum omnem mandatorum eius latitudinem, sed valdè à longè, vtrique contentis illum dumtaxat in aliquibus casibus sustinere & pati. Sed credo te non esse super hoc commonendum, cum sit id ipsum quod infinitè luges, secundum omnem extensionem, & argumenta ipsiusmet amoris. Multò aptius profero tibi hoc sancti Bernardi effatum, in ipsiusmet terminis ne malè traducam. [Non est vestrum circa communia languere præcepta, neque solum attendere quid præcipiat Deus; sed quid velit. Aliorum est enim Deo seruire, vestrum adhærere: aliorum est Deum credere, scire, amare, reuereri: vestrum est sapere, intelligere, cognoscere, frui.] Et istud eiusdem sancti, quod adhuc conuenientiùs nostrum probat intentum: [Magna res est amor, si ad suum recurat principium, si suæ origini redditur, si refusus suo fonti, semper ex eo summat, vnde iugiter fluat.] Prouocauit me Sancti huius Patris solertia, in aperienda nobis & exprimenda vitæ suæ vita, ad te hic eâ stimulandum; vt hoc duplici punctus aculeo, ad indefessam cursus tui contentionem, vsque dum apprehenderis brauium, acriter excitareris. O quantum lætaberis aliquando, amorem ipsum ardentè amâsse, & hâc nunc horâ, tanti nobis omnibus momenti, parî actiuitate, & ardore amare. Viuas ergo ex amore, & in amore.

CAPVT PRIMVM.

De Cognitione suiipsius, & Dei, &que amore eius.

SECTIO PRIMA.

Quæ sunt principia & effectus vera cognitionis suiipsius.

COrdati homines, miseros nos esse à peccato primùm commissio sat perspicuè intelligunt, sed qui verè sapientes sunt in ordine sapientiæ & scientiæ diuinæ, ipsis abundanter & sensibilibiter infusæ in abundantia, & impetu fluxus eius simplicis, ab amore & voluntate Dei, mediâ ipsorum amabili diligentia; hi, inquam, aliter omnino norunt, scilicet per sapidam experientiam, hominem per peccatum ipsammet miseriam esse factum. Vnde cœlesti hac & sapidâ, diuini amoris collustrati scientiâ, obstupefcunt attoniti, & in seipsis confusi, videntes se, & sentientes iam eductos, & aliquo modo ex statu corruptionis in statum Spiritus mutatos, qui eos acceptâ liberalitate, & misericordiâ Dei mediâ, facit idoneos, ad seipsos cognoscendum, & per hoc se ad eius agnitionem amorémque erigendum. Ex hoc stupore & admiratione mouentur, & excitantur, ad se millies effundendum coram Deo, in totalitate vitæ suæ (vidētes scilicet, & sentientes se tam suauius ab eius bonitate & misericordia præoccupatos) nec non & æternum deinceps vsurpandum in ardore amabilis sui appetitus hoc Psalmistæ consilium, Gustate & videte quantum suauis est Dominus. Hi sunt qui apertos habentes oculos, & cor luminoso simplici que amore faucium, gustant, & experiuntur simplicissimam eius, & summè delectabilem dulcedinem; in quam intractis, collectisque corde & viribus sensitiuis, inde miserum rerum omnium creaturarum nihilum conspiciunt. Amissumque tempus omne vitæ suæ tam miserè & infeliciter in statu corruptionis transactæ, prout maior minörve fuit in ea plurimùm detestantur.

Hi igitur quid cogitare, quidve facere debeant, in sui desiderij ardore nesciunt, vt Deo satisfaciant, qui dignatur eos tam amabiliter præuenire, vt destruat & annihilat in illis primam eorum carnalem

carnalem & animalem vitam. Quod utique præstat cum sedulo, & ardenti suo amore: tum amorosâ eorum diligentia ipsi respondente in totalitate ipsorum; ut hoc assequantur, die ac nocte incumbunt amoris exercitationi pro ordine & amore quem exoptat Deus, & instanter ab eorum fidelitate expostulat.

Vt autem contra seipfos recto ordine procedant, felicemque exitum fortiantur, secundum æternum Dei super ipsos propositum; statuunt apud se inordinatos omnes abnegare appetitus, passiones, motus, & propensiones tam intus quam foris: nihil umquam sibi condonando, videntes, sentientes, & experientia tenentes, quanti sit momēti hanc exercere iugiter abnegationem, ad eodē necessariam sibi, & omni homini cupienti vnire, & coniungere se arde Deo, quantum possibile est vili & infirmæ naturæ: ut propter hoc inimicos suos, quos dixi appetitus & concupiscentias naturæ corruptæ, omnibus conatibus acriter insectentur.

Quodd si quando contingat eos in conflictu deficere, quodd non potest non euenire sapissimè, propter infinitas ex eorum parte rationes, extempore resurgunt, & ad pugnam redeunt fortius & vehementius, quam vnquam, satis scientes quanta sit fortitudo malitiæque suorum hostium, & quid contra ipsos possit: cui, si soli permitterentur, actum de illis foret. Sed habentes Deum, eiusque auxilium ad eodē secundum, & in seipsis actiuum (licet sæpè non aduertant, nisi speciali quam habent fide in infinita eius bonitate, quæ eis in necessitate deesse non potest) hoc ipsum eos roborat, & figit, ut magis ac magis confidant diuinæ suæ Maiestati, sibi ipsis pariter diffidendo, pro sua veri nihili sui experientia.

Sic planè confidentes in Deo, & diffidentes in seipsis omnibus in euentibus, quæstionem sui ipsorum & satisfactionem execrantur ut mortem. Quapropter ut nunquam orientur in hac sancta amoris exercitatione profundæ cordis humilitatis, mansuetudinis, & omnium aliarum virtutum actibus, iugiter occupantur; manentes semper quieti, quantum in ipsis est, in amabili & vnica cordis sui & Spiritus recollectione, cuius in silentio, vult Deus solus secretò loqui, & humiliter reuerentèrque auscultari.

Vt igitur nil faciendum omittunt ac perferendum, in omnibus quas sustinent naturæ contradictionibus, fortes efficiuntur & animosi aduersus seipfos, ut se superent & transgrediantur, in ardenti



Dei amore, in ipsomet Deo, à quo præoccupati sunt. Itaque præcipuum eorum negotium, & assidua cura, est amabilis oratio, cum exercitatione semper æqualiter auida virtutum omnium, non obstantibus omnibus impedimentis & perturbationibus, eos ab hac auertere conantibus, quæ utique vnicum est amabilis eorum vitæ medium, in bonum & gloriam Dei in ipsis, infinitumque & charissimum ipsorum amorem.

In vehementioribus, quas Spiritus Dei operatur inundationibus, & attractionibus Spiritus eorum ad se, liberè coguntur, & amorosè sic eum ex intimis suis, dulciter & amabiliter affari. Ha! chare mi amor quàm bonum est amare te! quàm bonum est nudè, & simpliciter extra se, & omne creatum adhærere tibi. Ha! chara mea vita, quàm verum est, sed verissimum meliora esse vino vbera tua! vinum intelligo deliciarum omnium etiam honestarum, nec prohibitarum, quas creaturæ extra te, & sine te hauriunt. Nouerim me, chare mi amor, & nouerim te: hæc sunt amabilia verba & his similia, quæ mirabilis ipsorum amor eis in abundanti illorum ebrietate suggerit.

Verum est hunc tam excedentem excessum, tam intensum, tam extensum, tam luminosum, tam simplicem, & copiosum amorem, non esse vnius dici opus, sed supponere fruitionem ipsiusmet boni, plurimorum annorum laboribus plenissimè comparati; nihilominus ad eò bonus est ipse amor, ut non possit deserere creaturam, quam ipsemet fecit sollicitam, languidam, & iugi studio suam præsentiam appetentem. Non potest non blandiri sensibilibus & fruiuiue nouæ suæ sponsæ, tempore necessitatis eius, infirmitatis & inopie; agglutinans eam mammis suis delectabilibus, in effectu & impetu amoris sui, magis amorosè quàm se gesserit ynquam mollior & tenerior nutrix erga suum alumnum.

SECTIO SECVNDA.

Necessitas vita purgatiua, ad cognoscendum Deum, & seipsum; & differentia filiorum Dei, & mercenariorum.

OMnis hæc præcedens deductio tot in se complectitur veritates reductas, & deducenda media, quæ exercitatio ista quasi iam transgressa supponit, ut mirabile sit atque stupendum. Non enim

enim hic loquimur de vitiis, & peccatis, de passionibus, & inordinatis affectibus, quos circumcidere necesse est, de vanis & superfluis cogitationibus, & speciebus cuiuscumque creaturæ, de curiositate tam intellectus quam voluntatis, nec de naturalibus erga se, aliisque creaturas studiis. Nec etiam loquimur de venialium peccatorum horrore, quæ diligentissimè vitanda sunt; quorum aliqua perpetrantur ex affectu, & numquam condonantur manente huiusmodi affectu, etsi centies in die pœnitentiæ sacramento subiicerentur; alia puræ infirmitatis sunt, quorum facillima est venia, annihilante ea, tanquam paleolas in ardentem fornacem iniectas, amorosâ animæ exercitatione. Quâ de re obiter dicam, peccatum mortale Deum in anima occidere, vt ita loquar: veniale verò eum lædere; primum est euidens, si benè concipiatur: alterum verò dimittendum est meo sensui, qui vtique excessus est, & in excessu rationi valdè congruo.

Nec etiam hic loquimur de necessitate diuinæ fortitudinis, quæ requiritur tanquam armatura bellica, ad subeundum onus omnis generis tribulationum, & si opus sit æternum perferendum, absque vlllo Dei, naturæ, aut cuiuscumque creaturæ sensibili solatio, fauente naturæ, & contrario amoris diuini; quem animæ de quibus hic agitur, valdè instanter, ardentè, indeficienter, siue intermissione & ad exanimacionē vsque prosequuntur. Denique illud omne prætermittimus, quod impedire potest amantem animam, ne arctè se cum Deo vniat & coniungat, quem amat infinite, tanquam summum suum bonum infinite amandum; quia supponimus iam prætergressum ab anima fideli, quæ hanc sapidam, diuinamque Dei, & suiipsius attigit cognitionem, quod tamen non impedit quominus de iis aliquid passim in hac exercitatione dicamus, pro vt se dabit occasio, licet hic propriè non nisi de amore agatur.

Ad exponendam autem differētiā, quæ intercedit verum inter & falsum amorem, dicemus verum amorem perfectum, & perficientem homines amabiles suos subditos & sponsas, quatuor aut quinque habere ætates, aut gradus. Primus est infantia totus lacteus. Secundus est subductio ab vberibus. Tertius est adolescentia. Quartus maturitas. Vltimus virilitas perfecta, per quam ætatum spatium, Dei amor ad suas sponsas, & sponсарum ad Deum, suum habet bonum suumque malum; suum gaudium & tristitiā, suas tenebras

tenebras & lumen, suas prosperitates & aduersitates, suas paupertates & diuitias, suos languores, suas fruitiones; suas vniones, suas effusiones; suam pacem, suum bellum; suum damnum, suum lucrum; suum totum, suum nihilum; suos amplexus & eorum subtractionem, suam cognitionem & ignorantiam; suam vim & infirmitatem; suum ornatum, suam nuditatem; & omnia his similia. Quibus in omnibus vicissitudinibus, si Dei sponsæ fideles illi sunt, nulum patientur detrimentum, cum veris amantibus omnia coeperentur in bonum, iis inquam omnibus, qui (secundum Dei propositum) vocati sunt sancti.

Sed in iis maximè tam variis & plerumque funestis euentibus, verè agnoscuntur fideles sponsæ, & mercenariæ dumtaxat, quæ sponso pro donorum ratione seruiunt, hæ enim deficientibus donis, illico & amore erga sponsum, & corde deficiunt, vnde apparet quòd illum non amabant in illo, & pro illo ipso, sed in se dumtaxat, & pro seipsis. Huiusmodi animæ summoperè lugendæ sunt, eo quòd desistere nolunt ab adoratione priuatorum suorum idolorum, quæ sunt excellentissima Dei dona in illis, quæ ad se traxêre, & in proprios vertêre gustus; vt non sit aliud omnis eorum affectus & sensus, quàm priuatus amor, sensualitas spiritus, & omnis alia huius generis miseria: fideles è contra non seruiunt ei, nec diligunt eum ratione sui vilius priuati conmodi, sed in omnibus supradictis vicissitudinibus semper æquales in amoris eius exercitatione persistunt; vt aliàs fusiùs explicui.

Ex iis omnibus satis perspicies quid possit diuinum lumen in anima potenter & abundanter infusum, ad eius reformationem, ornatum, & perfectum complementum, quod eam magis ac magis vsque ad mortem fidelem efficit; cuius rationes aliæ non sunt, quàm mutuus & reciprocus amâris ad sponsam, & sponsæ ad amantem amor. Posset quidem sponsa fieri infidelis si vellet, sed hoc in casu, creaturarum omnium ad amandum electarum, maximè ingratam & perfidam, Deo, Angelis & hominibus se probaret.

Quæ autem hic requiritur fortitudo, pro ratione virium & debilitatis vniuscuiusque maior, aut minor esse debet: Sed in iis debet esse maxima, qui quocumque in statu & euentu possibili amplius scire nolunt quid sit ad seipsos, creaturasque reflectere, & qui seipsos semper transcendentés fortissimè, constituunt se, &
stabiliunt,

stabiliunt, non quoquomodo, in suo essentiali fundo, sed in Deo ipso, in quo se immergunt, & magis ac magis absorbent, cui immobiliter affixi, idem cum eo, in ipsiusmet totalitate efficiuntur. Hinc oritur omnis fulgor, & omne bonum, huiusmodi sponfarum, in earum cum hominibus consuetudine, qui illas agnoscere, & quales sunt in sua excellentia discernere possunt. Quòd si qui videntur in eis aliquando minimi defectus, hoc ipsum earum fundo contrarium est. Et hæ ipsæ infirmitates, subiecta sunt doloris earum, renunciationis, & mortis, humiliantium se ex illis profundius quàm cogitari possit.

SECTIO TERTIA.

Quòd hac humilitas, & sui ipsius cognitio scientijs naturalibus non comparatur.

AD statuendum discrimen, de quo hic agitur sciendum est duas esse humilitatis species, aliam quæ præ vi luminis, & puræ rationis exurgit, vocaturque clara humilitas; alteram quæ ex forti, & puro amore, aut etiam in amore nudo, & in ratione supra rationem prodit; ista oritur & procedit ex magnis & validis quæ habentur humiliandi se argumentis; hæc nec argumenta nec rationes admittit, sed eas omnes destruens, puri amoris argumento dumtaxat utitur, qui in omni materia euentuque eam abiicit, utique eleuando in Deum amabile suum & beatum obiectum: hæc doctrina magni momenti & ponderis est.

Omnis autem Scholarum scientia, nihil horum seipsa cuiquam conferre potest, nihil enim aliud præstat, nisi quod naturam ad speculandum instituit, ordine & medio puræ doctrinæ, viuacitatis, & naturalium rationum plenæ, deducendo vi sensuum & naturali viâ, omne quod habet persuadendum, quod ad aliud non est idoneum, quàm ad efficiendum hominem moralem, qui hoc utique medio ad summum dumtaxat naturæ apicem euehi potest quo vitæ moralis altior gradus continetur; adeò ut sola scientia, & naturalis vita, ne vnum quidem gradum spiritus conferre queant, imò speculationes eius exercitationesque, tantum spiritui opponuntur, quantum hauriuntur & comparantur studio conatuque naturali, & doctrinæ cognitioneque pure rationali, fundatâ dum-

D

taxat

taxat in natura, quæ huiusmodi industriis seipsam non potest vnquam supergredi, cum hi omnes discursus ad nihil prosint, quam ad eam irretiendam, & seipsâ intra semetipsam inuoluendam.

Qui igitur sic viuunt tantùm distant à Spiritu, & verâ simplicitate, quantùm naturalibus ratiocinationibus abundant, & intra naturæ limites dumtaxat arctantur, consequenterque vacui sunt sapientiâ, & diuino lumine, quod fundit sensibilem amorem, eleuationem, & gaudium, in simplicissima animi recollectione; quibus diuinæ huius sapientiæ alumni, in veritate & simplicitate fundi, Spiritus efficiuntur. Hoc te monitum volui, vt ostenderem tibi pondus duplicis huius vitæ, & doctrinæ, licet quod hætenus in teipso es expertus, sufficienter tibi illud probauerit. Stupendum est autem adeò rudes inueniri homines, vt huiusmodi veritates per totam suam vitam ignorent; cuius rei ratio est, quod illi, nemini vnquam præterquam sibi seruire volunt, vtique in vana & sensuali satisfactione & delectatione priuati sui amoris, eos excæcantis & decipientis.

CAPVT SECVNDVM.

De præsentia Dei.

SECTIO PRIMA.

Quomodo cum Deo conuersandum est, & in eo solo quiescendum.

DVo sunt animæ necessaria, quæ se incunctanter ad Deum optat conuertere, primum est humillima, vilissimæque sui ipsius opinio, alterum altissima, infinitæque de Deo existimatio; per istam videt se anima, reputatque id quod est, scilicet ipsummet nihilum, & per hanc videt Deum esse infinitè in se, & propter se infinitum, atque mirabilem in omnibus creaturis suis, quæ totum hunc constituunt orbem, qui tamen respectu Dei, est velut nihilum, & non amplius; itaque animæ Deum concupiscenti, viuendum est iugiter in hac pura & fidei exercitatione, non secus ac si præter Deum & ipsam, nihil in mundo foret.

Aspectus

Aspectus & actualis sensus diuinæ huius præsentia, debent eam tenere Deo semper, ex omni corde & ex omnibus viribus actu adhaerentem, vt cum in perpetua & simplici cordis tranquillitate possideat, videatque & sentiat semper intus in seipsa, vi & ardore famelici sui appetitus; atque vt hoc ritè & conuenienter exerceatur, interius cum eo in spiritu, conuersandum est affectuosis & familiaribus colloquiis. Pone tibi ob oculos priuatam & familiarem duorum intimorum amicorum consuetudinem, qui sint eorum gestus, adus, sermones, viuendi ratio, & reciproci, mutuique cordis amantissimi affectus; & sic intra te, cum diuina sua Maiestate age humiliter, suauiter, familiariter, & liberè, semper tamen cum magna reuerentia, ita vt perfectâ amborum vnione, successu temporis & recti ordinis, efficiaris regnum, & omne gaudium ipsius, tuâque anima tanti regis sponsa, vera sit regina in perpetuum, & absque fine.

Ad sic autem cum Deo conuersandum, poteris vti argumentis petiris ab eius magnitudine in se ipsa sumpta, aut ab amore eius & bonitate infinita, per quam ad nos vtique tam viles & miseros, in proprium nostrum bonum mirabiliter exiuit, donans se nobis, nōsque sibi assumens, denique iis omnibus, quæ est, & operatur in nobis. Quam amabilem conuersationem, cum nos miseri, & humiles successu amoris, temporis & graduum, sumus adepti: possumus dicere, nos in hoc, & secundum hoc ipsum, quiescere in summo nostro bono, centro nostro, finalique obiecto, cuius aspectus, scientia & sensus, tantam in nos æternū vim habere debet, vt deinceps nesciamus, in terra quid sit aliud reflectere, siue ad creaturas, siue ad nos ipsos, sed magis ac magis erigamus nos, ad conuersandum humiliter, reuerenter, & amabiliter in præsentia Dei considerati cum in se, tum propter se, & in iis quæ operatur in nobis, vtique ad hanc dumtaxat exercitationem, & esse, & vitam, & motum habentes.

Cæterum non est perfectio nostra in horum omnium scientia & speculatione sita, sed in sincera amoris praxi, & exercitatione virtutum, quæ in horas occurrunt, vt ardenti & indeficienti amore exerceantur. Suppositoque quoddam habeatur omnis horum cognitio, veram & fidelem attestatur praxim, quæ non consistit in actione naturæ delectabili, quoddam vtique imperfectorum est, sed

in paupertate, destitutione, morte, renunciatione perpetuâ, circa obiecta sensibilia, rationabilia, imò etiam & spiritus, qui in sua simplici nuditate, Deum in seipso, plus minùsve pro statuum diversitate aspicit & attingit.

In his derelictionum, renunciationumque distinctionibus, comprehenduntur omnes spiritus paupertates, consequenterque diversa internarum mortium exercitia, quas iugiter, animosè, constanter, & virili, generosòque animo perpeti, & sustinere debet anima, si vnquam introire vult arcanum puri & simplicis amoris Dei secretarium, quò cum peruenerit, hæc dulcia ab eo excipiet, & familiaria verba. Hactenus vocavi te seruum meum, sed nunc, & in perpetuum dicam te intimum, & amicum meum, quia seruus nescit quid tractet dominus eius in secreto cordis sui; sed amicus, qualis es, crìsque in posterum, scit, & æternùm sciет, quod decerno & constituo in intimis secreti mei, quod non fiet, nec possidebitur à te, nec in te, nisi in intimo meipsum, ad nostram mutuam intimamque voluptatem.

Tuum est igitur deliberare quid habeas eligere, facere & aggredi, & in quo delectare te, & quiescere cupias. Quod si de Deo, & in Deo, siquidem infinitis proculdubio titulis iuribusque teneris; vide vt accipias quæ tibi ab eo constituta sunt ad hoc mediâ, illisque sedulò animosè, & cum gaudio vtaris, vt ex necessitate conuenit, in omnibus difficultatibus te ipsum superans, in fide quam habes, animam tanti sponsi, qualis tuus est, sponsam, non debere amplius desiderare, & iacere in terra, & in sensibus, quandoquidem rex ipsius Dominus & sponsus, totus diuinus, & totus spiritus, nequidem ei permittit in vllò donorum suorum, quantumcumque sanctorum & præcellentium, sed in se solo, & pro se solo dumtaxat, quiescere.

SECTIO SECVNDA.

Quod excellentissimum ad hanc Dei præsentiam medium, est ire ad illum per ipsius Filium Iesum Christum.

Cvm altior animæ perfectio sit, omni virium suarum operâ iugiter in Deum assurgere, haud dubiè exercitationes eius, & internam conuersationem, huic conuenientem esse, & conformem omnino, necesse est. Vt igitur, sicut iam antea diximus, bonitas & amor

amor tantæ Maiestatis erga nos, incessanter exacuere nos debet, ne vñquam ampliùs in terra desideamus, oportet vt iuxta hanc practicam veritatem, nobis ordinatum, tritum, & ab omnibus strarum ducamus tramitem, qui fideliter confectus, nos ad terminum deducat, & ad securum portum sanctarum nostrarum intentionum appellere faciat.

Hic autem trames debet esse pro nobis & in nobis, altior effectus, amplior, & vniuersalior eiusdem amoris & bonitatis Dei, scilicet eius filius homo factus, in humanitate nostra manens Deus, & iugis eius in heroïcarum virtutum actibus ad mortem vsque perlata passio. Hæc tam vehementer nos excitare debent, tamque ardentè erga Iesum Christum amore succendere, vt in horum aspectu & sensu ampliùs nescire debeamus quid sit creaturis & nobis ipsis adharere, exinde voluptatis quidpiam & gaudij percepturi; Ex quo Deus, homo factus est passibilis, & mortalis pro nobis, qui præ vi amoris sui, infinitè patitur, & demum moritur, expiratque in arbore crucis pro nobis, vtique pro nostro exemplo & remedio; Quod spectaculum infinitè mirantur scientes & intuentes omnes Angeli, simplicitérque credere debes, quod si conditionis fuissent alterius & naturæ, vi doloris fuissent annihilati.

Tu autem ad quem negotium istud ex omni parte attinet, quid facies, quidve dices his omnibus, quæ numquam à desiderio tuo, cogitatu, & practico amore excidere debent? Ad quid ampliùs cor habebis, quàm ad ardentè amandum, oculos quàm ad largiter, & amarè flendum; reliquosque internos, & externos sensus, quàm ad illa omnia intrinsecus simplicandum, non in specie sed in veritate, quod fiet ope potentis & efficacis Dei gratiæ, quæ manat abundanter & fluit in te, conformiter ad capacitatem tuam, vt hic producat diuinum hunc effectum, per seipsam, sedulamque tuam industriam, & iugem strenuùmque amorem.

Enimvero hic animaduertendum est, Deum, & fluentem in nobis eius gratiam, virtutem habere infinitè aliam in anima, quæ vniuersum habet desiderium, & instanter in ea operans, ad efficiendam illam summè Dei amantem, quàm omnes naturæ conatus si modò tamen se in tranquillitate & patientia cordis ac spiritus velit possidere, in iugi exercitatione sua, sicut in abundantia & prosperitate: ita in penuria & ariditate.

S E C T I O T E R T I A.

*Quod aliquando Deus ab anima secundum vires sensitivas abscedit,
& quomodo hoc in statu, Iesum Christum imi-
tari oporteat.*

Prospexitatem dicimus influxus omnes, sensibilibus dulcedinum Spiritus Dei, qui nouiter conuersis, non secus ac amabilis nutritrix alumno suo seruiens, defert eos suis delectabilibus & teneris, diuinarum consolationum mammis affixos, cogitque in hac fruitione & experientia dicere; Infinitè meliora sunt, o sponse mi, vbera tua vino, & omnibus pretiosissimis vnguentis. E contrà appellamus aduersitatem, cum videtur sponfus velle animam ablaetare, adeò vt conqueratur & gemat, velut infantulus, sustinere non valens vim & violentiam harum quas patitur subtractionem, non quidem omnium statim initio, sed paulatim aliquarum, & deinde omnino omnium.

Oportet autem vt anima constanter mori statuatur in huiusmodi difficultium probationum tolerantia, ante oculos dilecti sui, qui confortat eam, impeditque ne in desperationem labatur, & animi impotentiam; credere enim certissimè debet, cum eò peruenit, numquam se melius, & in meliori statu fuisse; & si res illi, non sic ex aduerso acciderent, statum suum fore valdè suspectum, sed sic se rebus ægrè in ea habentibus, per ablationem sensibilis concursus Dei, non est quod timeat, cum in securitate sit, adeò vt nec Dæmones, nec ipsemet infernus illi tunc nocere possint.

Vtinam animæ, quæ spiritualem profitentur vitam, hoc in suis destitutionibus, paupertatibus & desertionibus crederent, non eum superbè quærerent vt faciunt, volentes Deum cogere vt se illis prodaret, accusantes eum mille exprobrationibus, quas in medium adducunt, occasionis quam Deo dedere, sic cum ipsis rigorosè agendi. Estò verum foret, ad quid hominibus exponere, cum agatur de soluenda ex tempore pœna, effectu iustitiæ Dei, qui non raro cogitur ab anima se subducere in pœnam manifestarum eius, aut secretarum superbiarum.

Cæterum non est semper verum, præcedentem aliquam culpam diuinæ subtractionis esse causam, sed Dei moris est, primò paulatim

latim & postea vno impetu abscedere ab anima, quæ protestantur amare eum, vt illi ex vna parte infinitam suam exhibeat miseriam, & verum nihil, cui si dimitteretur, ne vnum quidem elicere actum, nec aliquid boni cogitare posset: & ex alia fidelitatem suam ad expetendam dilecti sui præsentiam, quam sibi videtur amisisse, aut ad manifestandam ei suam infidelitatem, quando stadium præliumque in hoc discrimine deseruit, vt quæ eret seipsam, vtrique sibi viuendo, sensuum remissione, aut quæsitio, appetitu, aut fruitione consolationis creaturarum.

Quod spectat ad animas quæ se fideliter habuerunt in aspera absentia dilecti sui pugna, reditus eius æquanimiter expectatus, & amorosè concupitus, consolatur eas, plusquam exprimi potest: Adde quod licet non tam citò rediret, neutiquam tamen inquietæ forent, quò fit vt semper æqualiter tranquillæ & hilares sine conscientia stimulo intus permaneant: è contrà animæ infideles agunt se præcipites, & magis ac magis immergunt in horrores, mœ orēs, & inquietudines, vnde fit vt nullius gaudij, nullius boni, pacisque, secum, nec cum alio quocúmque potiantur; quidquid eis ad consolationem vtilius, & conuenientius dici possit.

Cum autem post aliquod tempus misertus, huiusmodi animarum reuertitur Deus, & se illis conuenienti tempore manifestat, nolens eas in perpetuum deferere, hic reditus & possessio, plus illis tristitia & doloris, quàm latitia parit, propter voluntariam suam infidelitatem, quæ eas acerrimis conscientia stimulis exagitat, quòd huiusmodi subtractiones generosâ & heroicâ fortitudine non sustinuerint. Nihilominus anima, quæ se hanc intulisse videt iniuriam tantæ, tamque infinitæ Maiestati, quæ eam adedò tenere diligit, vt illius vnus curam habere videatur: veniam petit humillimè, quòd tanto videt facitque melius, quantò profundius & efficacius diuino irradiatur lumine, & se illi Deus plenius & abundantius ostendit.

Ex iis facile colligit, non esse sitam sanctitatem in sensu aut non sensu Dei in animam fluentis, aut eam inundationibus suis & diuinis irradiationibus attingentis, sed in vero, essentialique amore practico, qui operatur omnia in Deo, sine lumine & deuotione sensibili, tempore durissimarum & asperrimarum ariditatum. Solet enim Deus suos charissimos visitare & exercere, vt similes efficiantur

ciantur Iesu Christo, in morte & passione eius; sicut in moribus, gestis, sermonibus, sensibus & affectibus vitæ ipsius; qui omnes effectus amoris erant, & bonitatis, diuinitus in homines fluentis, ut eos diuini fluxus sui rapiditate, ut ita loquar inuolueret, & amore succenderet, ut exundantis talis Maiestatis, quæ tantum in efficiendis amorem hominibus, tæque singulariter delectatur.

· S E C T I O Q U A R T A .

*Prærogatiua anima, quæ præ suo in Deum fluxu amor effecta est:
Et quantum differt ab ea, quæ actioni dumtaxat
incumbit.*

COnsequenter igitur ad supradicta, oportet ut anima vim patiatur & suauem violentiam, ab influxibus internis magis quam externis, talis & tam profundi amoris, qualis est Dei erga ipsam. Sed licet mirabile sit quod operatur in te Deus, tuamque excedat intelligentiam, huius tamen non habebis rationem tantam, quantam illius quod vult & à te postulat, ut te diuinæ suæ voluntati perfectè conformem efficiat semper in omnibus, & utique in eminentia actionis, & supereminentia mortis, ut per hanc exercitationem sis deinceps vnum cum illo, absque vlla dissimilitudine inter ipsum & te, tuamque & ipsius vitam.

Cæterum apud te statuendum est, ut non solum non permittas extinguere ignem diuini amoris in corde tuo, sed etiam idipsum cor tuum igne eiusdemmet amoris ardentem, iugiterque accensum conferues, ut illic omnes tuæ incidentiæ & defectus qui puræ infirmitatis sunt, ex tempore consumantur, & ad nihilum redigantur. Sic solus amor supererit sedis Dominus, id est animæ & cordis tui totius, & exercendo, uti debes, amorem in totalitate illius, in intimis spiritus tui, ab eo omni quod est intellectuale & sensibile summe remoti, inibi talis amoris, talisque sponsi qualis est tuus, dignis deliciis, pace, & quiete fruëris.

Ha: quam dulcis hæc, adeoque iucunda vita, hominibus est ignota, imo etiam multis operantibus magna, sed solum in ordine vitæ suæ; hæc enim vita, est in multis absque vlla alia Spiritus negotiatione, huiusmodi delectationem percipientibus in omni

bono

bono opere, quod foris ad iuuandum in necessitatibus proximum possint operari.

Licet autem vita actiua in sua perfectione tam spiritualis, quam corporea, Deo sit accepta, & utilis profitentibus illam, hi tamen, priuatis Spiritus adhesionibus in seipsis abundant, etiam in negotio proprii sui boni, quod plus minusve optant & expetunt in suis naturalibus proprietatibus, etsi non agnoscant, illorum enim tenebræ & quæsitus, in eo consistunt, quod naturæ vias, quæ eos multis detinet subtilissimis nexibus, & proprietatibus spiritualibus, in seipsis non agnoscunt. Et hoc nunquam agnoscunt, nisi successu diuinarum & frequentium illustrationum in illis acriter manantium, vt eos purgent in vno tempore, illuminent in alio, & in alio vniant, liquentque, liquent, inquam & perficiant in totalitate diuini ignis, in quo deinceps sint æterni, & supra tempus, sicut amor qui eos absorbet, & immergit in se æternus est. Et huiusmodi deinceps in nullo damnum pati, aut lucrari se arbitrabuntur; mortui enim creaturis, vt erunt, sponso suo viuunt, & in suo sponso secundum sui totalitatem, quod est omnia complexi. Ibi nil eligendum ampliùs habebunt, viuunt enim quocumque in statu & euentu, in omnimoda abstractione & solitudine spiritus, veluti si sponsus & ipsi soli in mundo forent.

Interim nulli desunt debito operi externo, quando cum creaturis aliquid agendum est aut tractandum, quod semper conuenienter præstant, purè, & citò, sine vlla sui detensione, & specierum extranearum impressione, aded vt ab eis nihil desideretur, quod non exequantur cum summâ & diuinâ discretione. Et reuerâ multum aberraret qui crederet, nos per hæc intendere, quemquam ita solitarium constituere, vt ab officij sui muniis & oneribus eximeretur. His enim expressè astringi à Deo, indubium est, & quantum vnusquisque proprium Dei bonum & beneplacitum, proximique salutem prosequi tenetur. Porro hi de quibus hic loquimur, huiusmodi muneribus exactè persolvendis magis intenti esse debent, cum sint veluti conductores quibus commisit Deus, hæc plus minusve excellentia munia, vt ab iis, eius providentiâ, opera, & fructus maturitate plenos abundanter recipiat.

Verum est igitur, dictu esse impossibile, quantum progrediatur, & proficiat anima quam Deus eleuat, agit, & amorosè iugiterque

E

de

de se, & in se occupatam habet: vnus ille scire potest, qui non percipiendo, se spiritum factum, agnoscens non viuit ampliùs nisi vitâ, & in vita spiritus, abhorrens tanquam à morte à vitâ sensuum honesti & liciti morali, quod vulgarium est dumtaxat hominum. Ipse enim in vera spirituum regione constitutus, & in fruitione æterni amoris illorum, suo modo & ipse æternus factus, multum attonitus est, & confusus in sua morte, aut vt melius dicam in sua vita, vbi quid gustet, quidve sentiat in Deo, dici non potest, quem videt & contemplatur, quo fruitur purè & plenè in omni sua immensitate suo possibili modo, adèd vt gustus, vel vt meliùs dicam imagines rerum creaturarum, etsi foris tantum pulsent per externos sensus, tam ægrè, & inuito ferat animo, vt non sit concipere.

Cæterum isti sic addicti Dei ordinationi, ad exteriora non reuertunt, nisi modo suprâ expresso, quod est magna exprimere. Videri poterit radius aliquis huius status in omni hac expositione, etsi propriè nihil illius exprimamus, secundum quod in veritate est: scilicet, huiusmodi simplicitas spiritus non nisi à longè prospici potest, de qua loquemur alibi.

C A P V T T E R T I V M.

Debere amorem prodire ad opera virtutum, tanquam ad proprios effectus suos.

S E C T I O P R I M A.

Virtutes exerceri posse in proprijs suis motiuis, donec superata sint præamoris in Deum fluxu.

EX omnibus quæ supra, satis videre est, amandum nobis esse charissimum, & valdè vnicum animarum nostrarum sponsum in ardenti & puro amore, & iuxta ordinem virtutum omnium incessanter occurrentium. Numquam est accipienda vlla exercitatio, aut euentus, tanquam à creaturis, sed à pura & liberalissima Dei manu, qui disponens tantâ cum sapientiâ totius nostræ directionis

rectionis ordinem, deducit nos per vias non solum suæ Maiestati acceptas, sed adhuc magis directè conuenientes, & tendentes ad nostrum bonum, quod nobis adeò stupendum videtur, in effectu infinitæ ipsius bonitatis, vt non possimus non acceptare planè altissimè & vt ita dicam, absque reflectione, nisi ad media dumtaxat benè & conuenienter agendi aut patiendi.

Quapropter amorem, tanquam morricem causam, Deum, suum finem immediatè intendentem, ad omnes occurrentes virtutes tanquam ad proprios suos effectus prodire credimus. Verum est tamen cum qui sentit se non posse excedere motiua & argumenta virtutum in seipsis, vt faciliè euolet in amorem, per amorem, posse delectari virtutibus in ipsismet virtutibus. Quod utique faciet, & in eo tamdiu exercebitur, quamdiu se sentiet illis inferiorem, procedendo semper in aduersam sui partem, donec strenuis & assiduus exercitationibus eas omnes sit supergressus. Sic erit illi facilitimum habere eas omnes subiectas tanquam ancillas obedientissimas, & in iugi exercitio altissimi purissimique amoris qui forti & penetrante obiecti sui amabilis infusione ipsammet infusionem, & omne creatum excedit, vt deinceps contemplationi vacet, viuaturque splendoribus, in ipsis splendoribus amoris in se omnino infiniti.

Per hoc autem dicere non intendo virtutem vt virtutem absque amore esse, nam, si amor finis ipsius est, utique & ipsa subiectum, & materia amoris erit, sed amor non est alterius quam sui ipsius, egens, nec indiget eo quod ipso inferius est, præ subtilitate & celeritate sui volatus omnia in momento penetrantis, nec sustinentis vllum sibi oppositum medium, quin ex tempore vires suas omnes in vnum colligat, actiuitatēque suam conduplicet, ratione magis, spiritu, & corde, quàm sensu & capite, quod utique in hoc nullomodo contendit; adeo vt nunquam quiescat, donec se immediatè statuerit ante Deum; circa quem, si sic loqui licet, habitat suum supremum fundum, quem obseruat, & diligentissimè colit, prohibens vndique, & præcludens creaturis omnibus aditum, amabilibus suis excubiis, viuidis & assiduīs, ita vt creaturæ circa sensum foris deinceps versare cogantur; sicque intellectualis homo illi omnino perditus; omnes huiusmodi supereminet conatus; qui status adeò nobilis est, & præcellens etiam supra

vulgarium spiritualium in via spiritus minus prouectorum, statum, ut idipsum, sit etiam concipere maxima. Sed infirmorum ad altiora, & altiorum ad altissima gradatio est.

SECTIO SECVNDA.

Lapsus infirmitatis, & indiscretionis non esse semper inutiles amanti Deum anima.

Virtutes ad quarum opera exeundum nobis est, ardenti & strenuo amore præter alias multas, quæ omni homini secundum proximam virtutum morali, conveniunt, hæ sunt; scilicet humilitas, patientia, mansuetudo, paupertas spiritus, & affectus, castitas, temperantia, cognitio contemptus & odium sui ipsius, sobrietas, iusta compositio interioris & exterioris, compassio & benignitas erga proximum, clementia & misericordia, simplicitas, humiliatones & mortificationes, discretio virtutum omnium magistra, & his similes; quæ omnes variis in occasionibus sibi inuicem succedentibus occurrunt, quibus utique vacandum nobis est intimo & puro amore, cum iugi & omnimoda nostri ipsorum abnegatione, ad eò ut nos propriorum defectuum voluntariorum numquam cor nostrum conscientiaque stimulet, ut non nisi ex debilitate & infirmitate cadentes, fortius inde per amorem resurgamus ad aspectum & horrorem propriæ nostræ infirmitatis, nosque in Deum amabile nostrum centrum ardentius quàm. umquam immergamus.

In hoc utique sensu utiles sunt & proficuae filiis spiritus humanæ incidentiæ, non ut tales, sed ut excellenter & penitus exinanitæ, strenuo amoris exercitio, ad eò ut nihil præcedentis fulgoris amittant, è contra magis ac magis adaugeant activam suam fidelitatem, ad summum Dei gaudium sponli & amoris ipsorum; quò fit ut milles mori malint quàm iacere in terra, id est in sensibus & creaturis, quantumcùmque præcellentibus, sed amoroso appetitu effluentes & prorumpentes acriter ardentèrque se totis in Deum, incum se irrecoverabiliter immergunt in abundantia ineffabilis lætitiæ Dei, à quo prorsus absorpti sunt.

Propter hoc corroboratur amor noster; ut ad Deum perveniat, & in eo remaneat tanquam in sede quietis suæ, ubi felici suo frui-

tur

tur obiecto, quod ex se infinite beatum, beatificat in se, & de se animam, dulci quem operatur in ea effectū, & amabili imperu, conformiter ad facultatem excellentis eius habitus amoris infusi, & acquisiti, ut eam magis ac magis, & melius in melius transformans, sit deinceps vnum, & idem omnino cum eo, eius spiritus, eius amor, eius gaudium, eius lumen, eius supremum ornamentum, & eius totalitas non quidem naturā, sed per gratiam, & amorem.

Ecce qualis est effectus incidentiarum filiorum amoris, de quo verum est dicere, summam esse & valde differentem gradationem, tam eorum, qui labuntur, quam eorum qui resurgunt. Quod si verus est amor, numquam graues sunt casus, etsi profundæ humiliationis argumenta, verus enim amor tantum verè humilis est, quantum verè amor.

Hoc tamen non impedit sanctæ & bene ordinatæ libertatis spiritus effectum; licet enim verum sit, amorem fortem se in anima reperientem, erumpere plerumque ad excessus spiritus, quod videtur offendere vulgares homines qui horum incapaces sunt, utique multo inferioris viæ: Vbi tamen excedentes huiusmodi exitus inueniuntur, ibi feruentis amoris mustum nondum sat bene decoctum est. Vnde mirabilis huius, & tam delectabilis ebrietatis spiritualis æstus, hominem extra se rapit, ad producendos & eructandos alios amoris effectus, ei planè dominantis, existimantem eodem omnes ardere igne, & eodem quo ipse inebriari amore. Vide igitur num tales inordinationes quæ hominem magis patientem efficiunt, & extra se abductum, quam purè actiuum, vel tantillum culpabilem illum constituent. Super quo mihi multa forent deducenda, sed satis est, quod ex iis mentem meam iuxta rectam & luminosam rationem, sufficienter assequaris.

SECTIO TERTIA.

Quod aspectus & ingis representatio Saluatoris nostri, optimum est medium, ad purum amorem acquirendum & cuiuscunque generis virtutem.

SVnt igitur virtutes omnes, quæ debent conferre pulchritudinem, & supremum ornamentum homini tuo sensicuo & exte-

E 3 rior

riori, in ordine & motu amoris, vt modò explicui; Quare pro fine & scopo in quem aternum intendas, increatum & infinitum Dei nostri optimi amorem habere debes, tam in eius diuinitate sola, quàm in humanitate diuina Saluatoris nostri Dei & hominis.

• Eapropter imago eius interior & exterior debet esse in corde tuo altè defixa & impressa, vt cum in amore ardentissimo incunctanter imiteris, nullam præbens requiem amorosæ sed discretæ, & benè ordinatæ actiuitati tuæ: donec totus homo tuus exterior & interior, infinito eius spiritu, amore, charitate, bonitate, dulcedine, humilitate, fortitudine, patientiâ, mansuetudine, denique diuinâ eius similitudine in eminenti harum omnium virtutum gradu superindutus inueniatur. Et huic seriò tibi incumbendum est. Verum certò scias, quòd si hac ratione procedens, teipsum funditus exuere volueris, non adhærendo Dei in te donis, vt quiescas in illis, (etsi reiicere non oporteat, vt ex iis fructus quem Deus intendit, percipiatur) certò inquam credas breui te supremum Dei amorem consecuturum, à quo potenter actus, æque facile te in eum & de eo excitabis, ac respiras & halitum emittis. Cuius ratio est, quod cum amor sit infinitus, eius actio, vtique conatui ipsius conueniens, talis & eiusdem facilitatis esse debet. Sed cum non tam hîc de eo agatur, quàm de amore passiuo, verè & penitus in æuum abnegato, tam vt sentiantur, quàm non sentiantur gratiæ & dona Dei, aliæque similia; hoc vltimum nobis multò conuenientiùs est, quia in illo placere Deo, magis quàm in statu præcedenti possumus. Et huic ergo firmo animo accingere nos debemus, nihil prætermittentes faciendum, aut perferendum, nobis possibile, quod non ad Dei amoris nostri beneplacitum adimpleamus.

Hic autem altissimum tibi secretum aperio, scilicet amorem in seipso summè exercitatum ab omni subiecto, dico ab anima in omni suo obiecto quod est Deus, esse infinite alium in statu & constitutione: quàm operari & viuere secundum ordinem voluntatis Dei, purè & simpliciter. Et quando eris funditus immersus in vastum infinitum totalis Oceani ipsiusmet amoris, cognosces vtrum, & quare verum dicam, quod in se multa continet arcana, cuius te volui monitum vt minus nobile pro nobiliori dimittas, & quod est minus, imò & multum, vt totum obtineas. res miranda.

SECTIO

S E C T I O Q V A R T A.

Affectionem amoris esse simillimam priuato amori, & consequenter suspectam; nisi comites habeat virtutes, & mortificationem.

Multa hic dicenda forent de affectione amoris quantum ad summam eius cum naturâ plurimorum mollium conformitatem, & vtrique difficillimam diuini amoris à naturali discretionem. Qualemcumque intentionem habeant, non puto me debere credere, amorem ipsorum esse purum, sanctum, & mundum, cum difficile multum sit in iis, quæ valdè expetuntur naturam non inferere, & opponere Dei gaudio, priuatam suam voluptatem, Quod fit à nobis tam subtiliter in operibus & obiectis delectabilibus, quæ spectant ad concupiscibilem, vt obseruare non sit in nobis, adeo cautè & cito ad nos ipsos propendimus & inclinamur in nostram satisfactionem.

Sed vbi de voluptatibus non agitur, nec etiam de bonis adedò sensibilibus, & naturæ congruis non est tam timendum, in his enim sentimus nos satis indifferentes ad habendum aut non habendum, operandum aut non operandum, dandum aut retinendum, sciendum aut nesciendum, reiiciendum aut acceptandum, intelligendum aut ignorandum; tunc certum est rectam & simplicem sufficere intentionem, vt reddat purum amorem nostrum, nostrum desiderium; nostram electionem & exercitium. Certum est tamen, vbi cumque noster appetitus ardens est ad prosequendum aut appetendum hoc vel illud, ardorem hunc naturalem actiuitatem, manifestare nobis argumentorum impuritatem & motuum, consequenterque appetitus nostri. Tunc rutius est non adhærere illico studiis & propensionibus nostris. Imo etiam quanto maius nobis apparet bonum, tantò subtilius à nobis ipsis cauere debemus, existimantibus vtrique amorem boni in nobis, respicere Deum alius, in altissima & strictissima vnione nostri totius in eo toto.

In mortificatione autem, humiliatione, contemptu, morte, odio sui ipsius æterna resignatione, plena est seclritas, in iis enim cum pro viribus omnibus exercentur, amorem proprium non inueniri indubium est. Et si verum est duo contraria adedò opposita,

• vt

ut sunt viuere , & mori ; vita & amor proprius , & mors amorque gratiæ in gratia ; esse infociabilia , necesse est amorem proprium succumbere , & penitus exhauriri , ubi Dei amor penitus dominatur , tanquam in proprio suo regno.

S E C T I O Q V I N T A .

Conclusio & admonitio ad prædicta.

Multa hinc tibi exposui profunda secreta , valdè recondita , & mystica , sed non refert , scies & intelliges aliquando Deo dante in vera & theorica scientia , subsequente in te amorem , scientiam & practicam experientiam sicut in omni anima fidei . Hæc omnia admiranda sunt , implentque homines diuersis temporibus stupore , exultatione , & iubilatione . Sed quid ? Dei lusus est in hominibus , miseris & infelicibus vasculis , qui pro eo quod fideliter ei seruierunt , ad infinitum ipsius amorem , modo & viâ omnino extraordinariâ à sua Maiestate admissi sunt .

Contende igitur in melius , ut secundum hæc omnia iugiter opereris viuens in exercitatione tua valdè indifferenter , statuens omne tuum gaudium , & omnes delicias in vita & voluptate vnius suæ Majestatis , viuensque in ea omnino perditus , non secus ac si præter illam , & te , amplius nihil esset , sicut supra dixi .

Insuper rationem habe subtilissimarum omnium manifestationum , expressionumque veritatum huius exercitij , nec quid te fugiat , ita tamen ut liberrimus sis in tua introversione , facilèque habeas introitum , non solum ad cor tuum & fundum tuum , sed etiam ad Deum , ut illic sis inattingibilis , inuulnerabilis , & impassibilis . Super quo tibi iterum dico , quod si tantum fueris fortunatus , ut illuc præ tuo in dilectum fluxu , omni virium tuarum nauitate peruenias , scies vtrum , & cur verum dicam .

Porrò omnis hæc doctrina , & eius experientia , neque per aures , neque per sensus ingreditur , sed omnis huiusmodi notitia , hi sensus , hæc theoria , omne hoc lumen , gaudium eius , & ineffabiles deliciæ ; effectus sunt diuinæ sapientiæ abundanter infusæ cum ipso amore , amorem summum & altissimâ sapientiam fundentis in anima , quæ eo frequenter mouetur , trahitur , & illustratur , tanquam proprio ,

proprio vnico, & vniuersali ornamento, cuius splendor & fulgor conspici non possunt, ab iis qui viæ inferioris sunt absque profundo stupore.

CAPVT QVARTVM.

De exterioribus quæ fieri debent vnicè in amore.

SECTIO PRIMA.

Quomodo se gerere oporteat in actione & externa conuersatione.

CVM tibi aliquid, foris fuerit operandum, caue ne tibi species eius attrahas, præbeasque cor tuum & affectum, plusquam necesse est, vt illud benè conuenienterque facias. Enimuerò quidquid sit, rationabiliter timere debemus huiusmodi exteriora ad nos conuertere, illisque depingi, & post actionem impediri.

Ne quæras negotia, præter ea quæ tibi facienda sunt ex conditionis debito. In spiritualibus tuis exercitationibus esto imperuius, & oclusus hominibus, quibus hæc nullomodo conueniunt, velut ea quæ penitus ignorant.

Esto semper æqualiter idem, & lætus intus & foris, plenè & perfectè tuipsum Dominus, obseruans fideliter tuos omnes motus, & cogitationes nulli vmquam siue internæ siue externæ inordinationi, quauis subitanè leuique perturbatione, aut indiscretionem, quantum in te erit, locum præbens. Scias semper secundario fine, quid, & cur operaris, quid eligis vel admittis intra te, Quomodo & quare vt homo tuus. tam interior, quàm exterior sit excellentissimum Dei viuientis templum, thesauris & diuitiis spiritualibus plenum, & tale appareat, in ædificationem spiritualem ram tuipsum, quàm creaturarum, cum quibus tibi humanitus est tractandum. Idipsum est quod effertur esse summè & excellenter doctum, & moralem, cum purè doctis & moralibus, de quo nulla tibi præferibo documenta, quippè docenti (vt Ecclesiæ Dei doctori, & magistro) conformiter ad tuam eminentiam, omne quod tibi subiectum est, quod eo ipso doctrinâ tuâ illustratur & pascitur. Nec etiam modò de hoc quæritur, sed de hoc dumtaxat vt cum

F
tuis

tuis similibus & inferioribus agens, cor tuum & spiritum omnibus quæ dicuntur & audiuntur non præbeas, sequens in hoc Sapientis consilium prohibentis cor omnibus quæ proferuntur accommodare. Verum à modò scis usquequo recta debeat actio procedere, siquidem vera gravitas cum effectu & ordine convenientis ei prudentiæ, hoc minimum potest, utque in Episcopali dignitate constitutus tanquam fax accensa, omnibus excellenti tuo exemplo præluccere debes.

Ne etiam si sit possibile permittas, præsentem te detrahi virtuti, filiisque & magistris, aut patribus vitæ spiritus, sustinens eos omnes æqualiter in ordine sanctæ tuæ & gravis prudentiæ. Quod si qui etiam eorum errasse inveniuntur, excusatos habe pro conditione hominum non confirmatorum in gratia, & utique suis in luminibus errori obnoxiorum. Siquidem huiusmodi, spiritibus, & à spiritibus, magis quàm ab operibus, diiudicari debent; maxime si opera ex se non sunt peccata, quod tamen semper, sicut & quodvis aliud sit tuæ prudentiæ & discretionis dimissum,

Denique nosti quid in his omnibus exterioribus occasionibus, exposcat à te Deus, scilicet ut lux tua sic luceat coram hominibus, ut te videntes glorificent patrem tuum qui in calis est.

SECTIO SECVNDA.

Quomodo in actione externa, attentio ad Deum haberi potest.

Sic ergo te in tuis exterioribus negotiis habere debes, ut interioris nihil auferant, nec pacis, nec quietis, nec libertatis spiritus, nec tuæ simplicis & affectivæ cum Deo negotiationis, utens omni hoc tempore vivis & vnicis aspirationibus paucorum verborum & imaginibus, sed ex te toto acriter eiaculararum, harum instar: O chare mi amor! ô chara mea vita! quid mihi hîc agendum & tractandum cum hominibus? ha! quàm bonum est, chara mea vita, quàm bonum est adhærere tibi, amorosè, nudè & simpliciter.

Ha! chara mea vita, foris sum, sed tamen intus vivo, pars mei utique minima, ô chare mi amor, foris versatur, etiam in ordine amoris tui, dum potior vacat tibi, & in te in quo est vita mea, gaudium meum, & omnis voluptas.

Ha! si liceret mihi viuere solitarium, etiam corpore, quales deliciae! Sed si non est hæc amoris tui dispositio, bene sit; modò in hoc ipso tecum amabiliter negotier omni hoc tempore, essentialiter, subtiliter, nudè & simpliciter, aspectibus, suspiriis, & gemitibus amabilibus, & simplicibus conuersionibus, per simplices imagines & inflammatas, quæ me totum in te dilectum meum abripiant.

His inquam similibus vtêris. Imo etiam cum non aliter quàm sic aspirares ex te toto, ô amor meus, pro vna vice. ô mea vita, chara mea vita! ô totalitas mea; chare mi sponse! vnicè te diligam; in te dormio, & cor meum foris vigilat, ne quid in me sit inordinatum. Quæuis huiusmodi aspirationum pro vnâ vice sufficit. Has omnes amoris flammæ, & infinitas alias his similes, & ardentiores, quas accendet in te amor, in externis huiusmodi occupationibus vsurpabis. Porro amor vehementer accensus in suo subiecto, neque scit, neque seruat modum, neque mensuram; quod semper intelligitur saluâ discretionem, ad euitandas naturæ inordinationes, tam intus quàm foris, quæ possunt accidere in appetitu rationabili & intellectuâli, cum plus amare cupit, quàm possit, & per amorem liceat, ratione indispositionis, & inhabilitatis subiecti in quo est.

SECTIO TERTIA.

Quomodo possunt amoris filij sine præiudicio sui amoris, magni momenti negotia componere, studere, recreare se, &c.

Cum occurreret aliquod magni momenti negotium, quod vt conuenienter assequaris & impleas opere, seriam animi tui deposceret attentionem, præsta illam per omne præfixum quod constitues tempus, vt non cogites amplius de eo. Quod si res est multum difficilis & abstrusa, cum adinueneris media eam, ad finem suum perducendi, optarem te aliqua illius digerere aduersaria, vt his postea speciebus per orationes tuas non oppugnareris; hic modus est optimus ad figendum cor, rerum imaginibus abductum, quas meditari & versare animo necesse fuit. Quod si his adhuc speciebus postea molestaris, tanquam extraneæ & impertinentes

acriter abigendæ e unt, quod multò faciliùs præstabis, si vt dixi scripto faciendâ redegeris.

Cùm tibi studio aut lectioni erit incumbendum, esto in iis vt in omnibus aliis ex ordine tui ipsiusmet amoris in omni puritate & sanctitate. Auerte oculos sapiùs à libro, & ad amorem id est sponsum tuum, hac simplici aspiratione amabiliter conuertere.

I ego & studeo, o amor meus, & vita mea, non tam vt sciam & cognoscam, quàm vt te amem, quatenus doctrinâ & eruditione sufficienter instructus muneris mei onera sustineam.

Peracto cum attentione sufficienti ad perficiendum negotio, ne sis villo pacto de euentu sollicitus, sed omnia Deo committe, & quemuis sortitum fuerit exitum, gratum habe, tanquam proprium sanctissimæ eius & diuinæ voluntatis effectum,

Quod spectat ad tristitiam aut lætitiâ, paucis hoc tantum dicam, scilicet cum te penitus, & omne creatum supergressus fueris, streuuo in Deum per ardentem & iugem amorem fluxu, tristitiâ tantum à te abfuturam, quantum illud quod omnino non est, quia verax in tua interna occupatione, semper & in omni euentu contentus eris, & lætus in omni lætitiâ, gloria, & felicitate Dei, qui totus tuus erit in omni sui totalitate: sed non erit istud nisi postquam fueris penitus effluxus, transfusus, & perditus in eum totum: & antequam illuc peruenias, oportet vt teipsum & omnes occurfus qui tibi tristitiâ parere poterunt, infinito amabilis tui appetitus ardore transcendas, quod tibi non erit difficile, si fidelis fueris.

Satis animaduertis quomodo ab omni circumferentiâ spiritus recedo, id est ab eo omni quod spectat ad eminentem vitam moralem, vt te inducam in spiritum Dei, tanquam in proprium tuum centrum, naturale, supernaturale & æternum. Et certè multò mihi foret difficilius, ad has procedere multiplices deductiones, quam eleuare te simpliciter in abstractione & puritate vitæ, qualem postulat spiritus. Adde quod ita fusè de moralis huius virtutis exercitationibus scripsere sancti, vt in vnoquoque eorum digestæ, omnino & distributæ inueniantur, ad multiformem vniuscuiusque gustum & spiritum. Equidem hic tibi, ni fallor, eligo remotissimum, simplicissimum, & abstractissimum spiritus fluxum, vt nihil habeas huius exercitationis omittendum, quod non strenue

nudè & nauiter exequaris; non quod non sint itatus, & viæ alterius omnino cursus, abnegationis & exercitij; sed hic & huic similes aptissimi sunt ad reformandam prorsus, & summè, excellentèrque sanctificandam in Deo obiecto suo, animam.

Quando cum domesticis dabis te honestæ alicui recreationi, quodcumque videris pulchrum, & aspectui iucundum, debet te in admirationem Dei mirabilem rapere, qui tanta tamque diuersa in gloriam suam, & bonum voluptatèrque hominum operatus est, in quo certè amplissimum habes argumentum. Sed præcipuè ad eius bonitatem, amorem, sapientiam, liberalitatem, misericordiam, scientiam, pulchritudinem, iustitiam, magnitudinem, & infinitam essentiam, omnique creato & creabili incomprehensibilem attende.

Non dico tibi cum fidelibus tuis domesticis, sicut cum amicis esse agendum, cum sit hoc virtutis verè honestæ & moralis proprium.

SECTIO QVARTA.

Regula quedam & consilia ad seruandum Dei amorem in actionibus externis.

NON tantum nobis est inueniendus, sed etiam possidendus ubique Deus, viuendumque eius vitæ, & in eius vita, magis quam in nostra propria viuentes, semper æqualiter in eo immersi, sensusque nostros internos & externos capropter vndique diligenter occcludentes, ne mors apud nos irrepens thesaurum nostrum, vtrique Deum summum nostrum amorem, aut totum, aut secundum aliquid nobis surripiat. Scio equidem, esse hoc omnia exprimere & complecti, sed amor paucioribus satisfieri non potest. Quod si voluntariè minimum remittitur in sua intentione & actiuitate, iam amplius amor non est, quoad omnem suam possibilem nauitatem, consequenterque adhuc minus amor quoad summum; quandoquidem animæ veraciter amanti nedum sufficeret ipse Seraphinorum ardor & amor, ut amoris suo, & sibi ipsi secundum sui totalitatem satisfaciatur.

Amplèctere semper medium, tam in te, quam in aliis. Hic

ordo summè luminosis singulariter hominibus & discretis dumtaxat convenit.

Quia frequenter pati, & perferre conuenit plus minúsve nostris commodis aduersantia, consequentérque esse humiles abnegatos, sibiipsi omnino mortuos, charitatisque studiosissimos, in similibus alijsque occasionibus in quibus debebis esse tam in actione, quàm in passione mortuus, vtere huiusmodi aspiratione ex intimis cordis tui; Quis me separabit à charitate Iesu Christi amoris mei; quam poteris prosequi vsque ad finem excessiuæ huius Beati Pauli enumerationis, multùm deductæ, reductæ, concisæ, & essentialis, consequentérque aptissimæ & conuenientissimæ puro spiritui charissimum amorem suum ardentèr amanti.

Præterea si veraciter es abstractus, tantùm aberis à reflectione, quantum à voluntate agendi.

Curabis insuper diligentissimè fugere omnem tentationem, pro vero falsum non inducendo, & ab apparenti bono, propter eius cum vero affinitatem, cauendo; in quo sicut & in omnibus aliis, magni momenti negotiis facies sapientissimè, si in materiis puræ doctrinæ doctos, & in purè spiritualibus sanctos, sapientésque consulueris. Demum res inspiciendæ sunt, non vt apparent, sed vt reuerà sunt in seipsis.

Nec etiam aliorum casibus, & quidem magis spiritualium & Sanctorum moueri debes; hi enim motus omnes & sensus quibus afficimur in huiusmodi defectibus, aliud nihil sunt, quàm effectus ignorantie suiipsius sui nihili, propriæ miserie & vilitatis. Et hoc est non solum temerè exire à Deo, & à seipso, ad quarendum apud alios eorum perfectionem, cum periculo, & magno sui amoris dispendio: sed etiam dedere se prædandum Damoni & naturæ, vtique & ad grauiores casus imperfectionésque se exponere. Quod si mortuus es (saluo honore tuo propter dignitatem) facillimè credis te ab omnibus, in diem vsque iudicij pessundandum, qui sensus à propriâ vitâ, zelo erroneo, & falsa compassione valdè est alienus: iuxta quem non erit tibi difficile omnem hominem te meliorem, & dignioremque coram Deo credere. Accipe hanc in meo sensu veritatem, & cum sufficienter à Deo fueris intractus, vt ames illum amore languenti, intelleges ad aspectum tuæ nihilitatis, istud ipsammet esse veritatem. Quod est pauciora tibi

tibi subiicere pro eo quod erit necessariò , ratione amoris in se toto , & in te toto.

Sapienter omnino , si in aliquibus defraudare naturam possis, in omnibus eius necessitatibus , sed attende , difficillimum esse , iustum in hoc nancisci medium , idcirco consultum est , magis contra se paululum excedere , quàm pro se , quod tibi iugiter in usu, sicut & necessaria mortificatio, iuxta ordinem luminosæ tuæ discretionis & prudentiæ , esse debet.

Et si contemplatio citra comparationem præstat actioni , convenientissimum erit tibi , & meritiissimum , pauperibus pro viribus, & omnibus tuis facultatibus compati, ordine & virtute ardentis tuæ charitatis , maximè verò ægrotantibus & mendicare non valentibus.

SECTIO QUINTA.

Admonitio circa illusiones Daemonum, & conclusio totius capitis.

Vix exsurgunt somnia purè naturalia & illuvia in cordibus animisque iugi amoris in seipso exercitationi assuefactis & etiam virtutum , in excellenti & eminenti gradu habitibus instructis. Quòd si permittente Deo , oriuntur in huiusmodi animabus , utique ad earum exercitationem magis quàm ob ullam aliam rationem , supposito inquam quod verè humiles sint. Cùm autem id accedit amor soluto , aut etiam semisoluto somno, destruit & annihilat huiusmodi imagines , phantasmata & sensus in ardore amabilis earum obiecti, cui se vniunt in ipsamet repulsa & suppressione æquè ardentè & amorosè : ac ægrè & amare. Ex quo penitus expergefactæ , amabiles suos gemitus , per aliquod temporis spatium prosequuntur ; contemnentes insuper omnes huiusmodi effectus , sicut & ipsum dæmonem illorum sæpius artificem. Quod si culpabiles se deprehendunt , propter laxiorem & liberio-rem in aliquibus viuendi rationem, veniam humiliter à Deo charissimo suo amore petunt , nec amplius de iis cogitant , quieti suæ vacantes, ac si nihil accidisset , nisi quando confiteri tenentur.

Denique capitulum istud , hoc magni momenti lumine concludo , scilicet exterius ex interiori debere procedere , esseque proprium interioris effectum , exteriora in se conuertere successu temporis

temporis, & numquam è contra, quia de iure & ratione est, magis nobile trahere ad se minus nobile, vt illud ex se, & in seipso nobilitet, omnia autem exterioris sensus opera, comparata ad interiora in se sumpta, aliud non sunt quàm plumbum, hæc autem quasi verum & purum aurum. Quòd si fiant in eminenti aliquo acquisiti amoris gradu, sunt in summo quasi veluti adamantia, & pretiosi carbunculi ad aspectum Dei. Sic clarè perspicis in quònam stare debeat bonum tuum, actio tua, vita, & amor, tam inrus quàm foris. Quære igitur vbi quærendum est, & scienter consultoque deesse noli, nisi pro creaturarum omnium quæ natæ sunt, vt amor fiant, præ iugi suo amore, ergatam amabilem & desiderabilem sponsum, qualis est tuus, maxime ingrata, & infidà haberi velis.

CAPVT QVINTVM.

De Via Mystica.

SECTIO PRIMA.

Diuinam sapientiam huius vie esse fundamentum, & quam habeant inter se oppositionem via Scholastica & mystica.

Sapientia quam Deus cum amore sanctissimi Spiritus infundit in animas, quas ab æterno ad se summè, & excellenter amandum elegit, mirabilis est & incomprehensibilis in effectuum suorum diuersitate, quos omnes tam multifariè in infinita viarum itinerumque diuersitate producit, vt huius admirabilis ratione ordinis, dixerit tanquam admirans Sapiens, multiplicationem ingressus sapientiæ quis intellexit. Ecclesiasti. 1.

Idipsum est quod altissime mirari debent, qui sapientiæ huic omnino mancipati sunt, quatenus magis ac magis diuinis eius generationibus impleantur, donec illis æternum supereffluant, in omni Diuinitate, de cuius amabili flumine incessanter bibent, in æterna sua siti, repletionem & societate.

Hæc inquam est infinita sapientia, cuius Spiritus sanctus infinite essentiam

essentiam exaltat & effectus; & hoc vtiq; fundamento adeo stabili & firmo, quod potuerimus de via Mystica nobis dicendum est.

Non est tamen mea mens ingredi nunc altissimam hanc abyssum, neque loqui de infinita profunditate & altitudine ipsius essentia, inintelligibiliumque effectuum, quos in suis operatur alumnis; ut enim in eam ipsam, ad totalitatem eius transmutati sunt, & omni creato perdit; eorum altitudo & eminentia attingi non potest, etiam eodem fluxu spiritus qui fluit in eis. Mens igitur mea est, ostendere dumtaxat meliorem, vtiliorem, & magis proficiuam, breuioremque & compendiosorem viam, qua perueniatur ad mysticam sapientiam, super quo rationum infinitarum, quæ fundi huius maiorem extensionem, circumferentiamque componunt, ambitum pratermitto.

Itaque viarum quæ illuc deducunt, alia sunt remotiores, alia proximiores, sed naturæ & eruditis maximè consona est speculatio scientificè elicitæ, cum appetitus dulcedine & voluptate, qua ascendunt ad Deum quomodo possunt, ut eum cognoscant, id est à rebus visibilibus ad intellectuales & inuisibiles, & ad Deum ipsum, ut eum amare possint horum subsidio luminum.

Omnes autem qui hanc sequuntur viam, quam vocant Scholasticam, numquam absque miraculo perueniunt ad viam mysticam, nec ad excellentiam diuinarum huiusmodi vnionum, transformationum, notionum, simplicitatis, & aliorum plurimorum effectuum, qui amorem infinitum, gaudium & delicias, ad totalitatem creaturæ operantur. Hi inquam nesciunt, nec scient vnquam quid sit Spiritus, & quantum Deus suavis est, & amabilis iis qui in immenso eius igne fusi sunt; quod si quando tenui aliquo diuinæ claritatis radio collustrantur, mirum quidem est, sed multò magis mirandum, eos ex hoc non effici amantes Dei, qui eos amabili sua claritate dignatur, cum enim hic radius cordis eorum & sensuum superficiem dumtaxat attingat, huic quidem veraciter intendunt & reuerenter omni hoc tempore, sed eo elapso statim reuertuntur ad primam suam viuendi, intelligendi, & agendi rationem, in imperu vitæ suæ rationabilis & sensibilis, in ordine & actione scientificæ speculationis, vnde numquam intelligent:

in hac vita quid sit perdere se in Deum, & hærebunt semper in proprio conatu, & industria, nec vnquam transcendent vitam purè moralem, ad cuius fastigium mirum erit, si vnquam peruenire possint.

Via mystica in seipsa huic omnino contraria est, si enim quibusdam videtur considerationibus in initio, ita se habet in illis, vt voluntati omnino conuenientes sint, sicque dimittens huiusmodi considerationes, voluntatem accendit omnibus omnis generis affectionibus, conformiter ad eas quæ præsentiores ipsi sunt, tanquam considerationis eius partus. Et hæ sic excitatæ ab huiusmodi personis affectiones, sibi inuicem succedunt non secus ac catenæ vnius annuli, & prima affectio extenditur, & diffunditur in seipsa conformiter ad ordinem, & effectum veræ praxis; & inde manat alia alterius generis, & deinde adhuc alia; sicque consequenter secundum ardorem appetitus operantis. Et huiusmodi sic concatenatarum affectionum subiecta, sunt aut necessariae virtutes, aut amor, qui est stimulus, nutritius, fotor, magister, sanctificator, & totalitas moralium virtutum, ad splendorem, & ornamentum spiritus necessariarum.

Licet autem hæc mystica via sit verè simplicium, huius tamen non sunt omnino incapaces bonæ indolis eruditi, qui quærere se nolunt, & scientiam naturalem nihili ducunt, vt magis nociuam, quàm vtilem & proficuam amori simplici, puro & vnicò, non enim maior illis cura est de scientiis suis, quàm de eo quod non est, nec illis vtuntur nisi suo tempore, & loco, ad docendum, disputandum, aut concionandum, post quæ vacant simplici contemplationi operum Dei: infinitæ eius essentia in sua veritate, aut in fecunditate naturæ: personarum productarum, & ex hac fecunditate emanantium, huius quidem viâ generationis diuinæ & æternæ, alterius verò processionis à duabus primis. Quod eminenti, & quodammodo extaticæ contemplationi conuenit, quâ plus aguntur quàm agunt qui ad eam sublimati sunt, si talis est eleuatio qualem suppono.

SECTIO

S E C T I O S E C V N D A.

*De altissima simplicium contemplatione, & quæ sit eorum occupatio
extra diuinum motum & attractionem.*

ETiamsi speculatio tam spiritualis, quàm naturalis perfectio-
num, & essentia Dei pro contèplatione habeatur & reputetur,
vt modò dixi, attamen dicimus contemplationem fieri in stabilitate
fixæ mentis, summè eleuata, altè perfusæ & abreptæ, prorsus adhæ-
rentis Deo, firmo intuitu, cuius pulchritudo, & suauitas animam
abducunt: saltem supra se, & omne creatum, quod tamdiu du-
rat, quamdiu & iste imperus: sic eam docti Mystæ aut non absimili
modo definiunt.

Nihilominus autem Deus, perfectiones eius, & amor illius sim-
pliciter spiritualitèrque consideratus, effectus sunt & signa mul-
tum prouectæ, & proficientis animæ, in via amoris. Sed non
omni amanti datur sic posse simpliciter speculari, at iis dumtaxat
qui scientiâ aliquâ, & doctrinâ instructi, eâ vtrique tanquam
simplici instrumento, ad hanc simplicem, amabilem, & vnicam
speculationem vtuntur.

Sed simplices non carent contemplatione, neque in Deo, neque
in eius amore egresso, & omnibus effectis ipsius tam secundum
gratiam, quàm secundum naturam, quod eos ita auocat à seipsis,
vt illic penitus immersi & perditī sint, ex quo nonnulli eorum rari-
ssimè ad se redeunt, & qui via communi huius status incedunt
ab eo se sentientes abductos, illico se immergunt, & agunt præci-
pites in hunc diuinum oceanum, in quo est verum gaudium, &
vera vita, eò quod aspectus, & sensus eorum quæ de foris sunt,
morte illis crudeliores sunt.

Posito autem quod illi liberi sint, nec actu, potenti & extraor-
dinario Dei motu rapti, communis eorum exercitatio est aspirare
in Deum, quàm maximè amabiliter, ardentè, & essentialiter pos-
sunt: Quod ipsis tam facillè est, & ferè æque ordinarium ac respira-
re, & aspirare, propter contractum & multoties iteratum habitum.

Hi iam in omnem Dei amplitudinem excessère, nec habent
ampliùs aliam quàm eius vitam, neque alium quàm eius spiritum, &
eorum sublimis excellentia talis concipi non potest qualis est.

Varia autem sunt aspirationum species illis conuenientes, alia sunt simpliciores, & remotiores, pro iis qui in sensibus magis versantur, alia excellentiores pro iis qui naturali præstant ingenio, eleuatione, lumine, & amore theorico, alia adhuc iis excellentiores pro prouectioribus. Denique sunt & alia pro animabus funditus perditis, quarum omnium author, motor, & magister est Spiritus sanctus. Aded vt huiusmodi homines, & hæc vita, & via diuina, veram efficiens contemplationem ita perditam, & suauem, & delectabilem in Dei totalitate, sint deliciae Dei in terra; & hæc ipsamet vita summè veraciterque contemplatiua, est etiam eorum paradysus in hoc inferiori mundo.

Est igitur negotiatio amoris ardentis, quæ talium est via & exercitatio, per quam illis Deus obuiam occurrit, sicut & illi Deo celeriter occurrunt. Illicque subeunt arctissimi ineffabilisque amanti ad dilectam complexus, in amore, & ineffabili suauitate Dei totius, quod tam sæpe frequentèrque quibusdam temporibus accidit, vt mirum valde sit quomodo tales animæ possint viuere in huiusmodi congressibus tam suauibus & amorosis, & plerumque valde rapidis & vehementibus.

· S E C T I O T E R T I A .

*Mirabilis anima in Deum perditio, quem nudè supra:
amorem amat.*

Hæc via mystica, prout, & omnino aliter quàm modò exposuimus, merito deberet esse via omnium hominum electorum ad cognoscendum Deum, & eum excellentèr amandum, non verò alia, quam etiam leuiter & per transfennam attigimus, cum huius verum sit obex, & impedimentum. Sed quid? adeo pleni sunt seipsis homines, & amore proprio in hac vita, consequenterque aded tenebrosi, vt Deus eis appropinquare non possit, si ita loqui licet, vt illuminet illos radio suo viuifico & extraordinario. Qui verò à sua Majestate ad tam nobilem electi sunt statum, maiorem in eo dant ipsi gloriam in hoc mundo, quàm cogitari possit, hic addiscitur scientia mystica, sed citò, licet de ea exprimi nihil possit ad eius eminentiam infinitam. Quidam Sancti de ea:

de ea scripsere mirabilia, quæ tamen omnia nihil sunt, si cum illâ prout est in se comparentur. Hic induuntur Deo, & omnibus eius proprietatibus tanquam vestimento. Hic docti efficiuntur, & diuinis generationibus implentur. Hic incessanter venit Deus de nouo in animam, & anima vicissim in Deum vadit ex omni suo appetitu. Demum tota hîc creatura in æterno eius pelago omnino transfusa est: fitque istud, & possidetur in creatura, supra ipsam.

Sed hæc omnia non tanti ducimus, relinquentes ea qualia sunt, supra omnem discretionem, & considerationem huius aut illius, habitantes proprium nostrum fundum, aut potius Deum infinitum in ipso, summè intenti fixæ eius contemplationi, acutissimo, simplicissimo, & ardentissimo obtutu, qui subtilissimus est, perditiſſimus, & simplicissimus apud summè perfectos, in supereminenti eorum statu. Sed vt dixi istud est cui minus attenditur, & Deum quem videmus, & qui nos incessanter rapit, dumtaxat intendimus, dico vt ei placeamus, nos tam intus, quàm foris fideliter obseruantes. Qua ratione supra amorem sumus amantes, etsi non simus sine amore, imo in amore infinito, qui simplicissimus est intus & extra nos.

Da veniam si placet excessui meo, sed non adeo refert, siquidem oculis tuis subiectus sum. Hanc tibi volui omnem exhibere deductionem, valdè secretam & absconditam, vt in veritate plus & minus agnoscas, & vile à pretioso discernas, tæque verè amantem ipsiusmet amoris efficias, his quæ hîc meliora sunt, & tibi conuenientiora mediante amoroso tuo appetitu. Quo feliciter succedente, vt ex toto corde sperare debes, primum dabis te ad cognoscendum in amore, & deinde alio successu efficiaris amans supra cognitionem, in omni cognitione, quæ haberi possit obiecti amabilis in seipso, in maxima luminum, gustuumque abundantia. Vnde colligis quanti intèrest amorem ipsum in omni humilitate & reuerentia, & tamen cum plenâ confidentiâ in ardenti. & feruido amore exercere. Varij enim sunt dispositionis gradus propter hoc in habitu ipsiusmet amoris tam infusi quàm acquisiti, iuxta ordinem effectuum diuersorum successuum effectuum, & motuum, amorosi Dei fluxus in animam.

Cæterum non tantum hîc ponderanda est amoris plenitudo, in

qua plus patimur quàm agimus . quantum substractio huius fluxus in qua non superest quidquam animæ præter simplicem fortémque habitum ipsiusmet amoris, efficientem & operantem amorem, in eminentia sui superelatuati fundi, vbi spiritus & intelligentia, & potior nobiliórque animæ pars residet , vt iugiter contempletur Deum , eumque intueatur quantum, & quo potest modo videri in hac vita, quæ tamen constitutio in valde differenti gradatione inuenitur.

Nouissimi etiam huius status, nullis rebus creatis, neque vllâ subtili earum proprietate detinentur, & impediuntur, vnde manent semper æqualiter intenti fruitioni infinitæ pulchritudinis, quæ eos ex se, & de se abripit, & hoc ipso fortes sunt & generosi, vt seipfos, & omnia transgrediantur, etiam atrociora tormenta, non obstante simpli spiritus sui nuditate, quod ad verum, purum, & essentialem amorem pertinet.

Est igitur substractio quæ magis consideranda est, & exponenda, verè proficientibus, cùm abundantia vt diximus, tantum conueniat infantibus; Et si visus est aliquando torrens diuini amoris per diuturnum tempus plurimos inundare amantes, multi emêre huiusmodi blanditias eorúmque corpora graui alicui cruci iugiter affixæ fuere, cuius sunt rationes infinitæ.

Quod spectat ad nos qui de vulgo sumus, valde indignè, & à longè, nostrum est pro viribus operari, secundum ordinariam & tritam verè mysticorum viam, ad imitationem Saluatoris nostri Iesu Christi, in omnibus nobis, cui non possumus esse tam perfectè conformes, in totalitate vitæ nostræ exterioris & interioris, vt magis adhuc fieri non possimus, satis scientes optimum lectissimúmque vitæ amoris, & efficacissimum medium transmutandi hîc amabiliter amatum in amantem, esse plenam & æternam conformitatem sui totius, ipsimet amanti; itaut in hoc ipso vtrique in crucibus quæ sibi inuicem frequentissimè succedunt, ad has Apostoli erumpamus voces, *Quis nos separabit à Iesu Christo, tribulatio? an persecutio? an gladius?* Sic vbi amor est, aut minor aut maximus, talis quoque est eius fortitudo, de quo infinita mihi dicenda forent, ad exponenda tibi varia incommoda, oppugnationes, casus, & misérias, debilium, & inertium huius amoris militum. Sed authorum scripta his referta sunt. Tuum est obseruare quid amori debeas,

debeas amori, vt ei semper, & in omni euentu restituas, nec vel vno puncto deficias.

SECTIO QVINTA.

Continuatio præcedentis materiae, vbi puri amoris virtus ostenditur.

QVi notabiliter in huiusmodi viis progressi sunt, ex hoc, non indigent vt ipsis fusè, & latè exponantur varij euentus & occursus, quibus præmonendi sunt, nondum ablactati infantes, qui primum ingrediuntur hanc puri amoris viam, quod ingenuè subiecit Apostolus dicens, se eum primùm factus est vir, euacuasse quæ erant paruuli, quod magna complectitur & ostendit in operibus tam actiuis, quàm passiuis, verè amantis Deum.

Dico igitur verum amantem multò fortiozem esse quàm putat in sua desertione, adeò vt plerumque cum se prostratum credit, stet in pedes, victor perfectè sui ipsius, naturæ, & etiam Dæmonum. O Deus! quàm miseri sumus & indigentes, cùm soli relinquimur, sed quàm robusti & diuites, cùm circumdamur vndique à charissimo nostro amore, licet nesciamus, est enim ordo secretissimus ipsiusmet nostri amoris, qui vt nos in nostra puritate & diuitiis nostris tueatur, subtrahit nobis aspectum, & scientiam donorum suorum, sui que ipsius, imò aliquando etiam fidei, spei & charitatis erga se.

Porrò hi sunt languores, in quibus iustus ex fide viuít, & simplex puraque charitas facit eum Deo perenniter adherere, modo simplici, & nudo pluris ducentem amarum calicem, & duram crucem, cum omnibus quæ eum intus & foris potenter affligunt, pretiosis omnibus donis, quæ Deus vniquam illi contulit, aut conferre potest, vt maneat hoc omni tantæ desolationis tempore, firmiter immobilis in Deo charissimo suo amore. Et supposito quod pessimis, importunisque tentationibus impugnetur, hoc ipso foris tantum, & extra se affligitur intus autem securus est in pace diuina.

En igitur ad quod creati sumus ad redeundum & ressuendum in nostrum infinitum amorem actiue; ardenter, incomparabiliter, purè, & incessanter, mediante tamen actiuo ipsius, potenterque in nobis

nobis efficaci amore, secus non; & hæc omnia secundum ordinem & effectum amoris ipsius in nos, & nostri respectuè in eum. Cuius gratiâ, omnia nostra conferre & impendere amorosè debemus, nihil enim vmquam fuisse & contulisse poterimus, quod possit vires rependere, & satisfacere infinito amoris nostro, ante quem omnis creatura mendax est, & homo nihilum.

Angeli & homines infinitè plus Deo debent quàm habent, & possunt; & si possent infinitè, hoc ipsum deberent impendere Majestati suæ infinitæ, incessanter, fortiter, & purè, ad exigentiam reciproci & mutui amoris creaturæ erga suum creatorem: sed quia istud esse non potest, cum simus tam arctis finiti limitibus & terminis; demus saltem illi omne suum, & omne nostrum, sine exceptione & restrictione, & absque indulgentia erga nos, saluâ tamen semper discretionem.

Quod autem te attinet, amor in suis effectibus extenditur extra, & intra te, secundum verum eminentis tuæ dignitatis munus, ordinemque eorum omnium quæ debes ouibus tuis, & filiis ut verus pater, & naturalis pastor, in quocumque tempore, A modo scis quomodo & cur istud esse debeat, bonumque ex omnium partium suarum integritate, constare, sicut & malum ex minori oritur defectu.

Ceterùm non est horum omnium speculata scientia, quæ te beatum facere debet, sed gustus Dei ipsius, qui se gustandum præbet veris suis amantibus in sui ipsius totalitate, præ quo reliquum omne mors est, atque mendacium. Quod autem his omnibus abundantius dici potest, latè fuit expositum ab omnibus Mystis præcellentibus, sed tam minutis non indiges inductionibus, satis agnoscens plus & minus in eminenti toto; Quod si minoris egeres, recurrendum tibi esset ad huiusmodi scripta, quæ sunt diuerſimode lata & stricta, latèque & strictè theoria & practica, Dicam tamen liberè, alia te non reperturum adeò reducta, & concisa, nec tam puræ praxis, non quod non potuissent authores, sed quia de facto non fecère. Hæc enim exercitia continent & ostendunt quæcúmque dici possunt in purissimo ipsorum spiritu, fundique latitudine, & eminentia. Sensus illorum suauiores sunt, magis penetrantes & compendiosiores quàm possit concipi, cuius ratio sita est in latitudine, & altitudine spiritus redigentis, & contrahentis omne

omne quod est theoricum fermè ad suos conceptus sic concisos & reductos; quorum fluxus & expressio, tantum profunda est, quantum lata & supereminens, adèd vt idipsum, manna sit suauissimum, & ei qui dat, & ei qui accipit.

CAPVT SEXTVM.

De Aspiratione,

SECTIO PRIM A.

Definitio Aspirationis cum primis eius exercitationibus.

Hic igitur conuenit nobis reducere viam Mysticam in seipsam, vtique ordine exercitationis & praxis, sed antequam ad illud procedamus aliquid nobis de aspirationis effectu dicendum est, quod quidem ipsâ eius definitione patebit. Aspiratio igitur non est tantum affectuosum colloquium, licet hoc ipsum, optimum sit exercitium, vnde etiam oritur & manat aspiratio; sed aspiratio est amabilis & inflammata cordis & spiritus eiaculario per quam anima seipsam protinus, & omne creatum transcendens, arctè se Deo vnit in amabilis suæ expressionis impetu, quæ expressio sic essentialiter facta, superat omnem amorem sensibilem, rationalem, intellectualem, & comprehensibilem, pertingens vehementiâ spiritus Dei, sui que conatus, ad diuinam vñionem, non qualitercumque, sed per subitanèam transformationem spiritus in Deum. Spiritus inquam superat in Deo ipso omnem amorem cognoscibilem, & intelligibilem, in abundantia & ineffabili suauitate Dei ipsius, in quo amabiliter est absorptus. Hæc est aspiratio essentialis in seipsa, in sua causa, & in suo effectu.

Adèd est excellens hæc aspirationis via, latè exercitata, colloquio familiari, reuerenti, facili, & amoroso, animam in Deum effe-
rente, vt breuè, qui eâ vsus fuit, peruenturus sit ad perfectionis summam, & futurus ipsius amoris amans.

Oportet autem aspirationem iugis exercitij & praxis, succedere

H meditationi

meditationi & affectiua, faciliq; orationi, dico affectiua, & facili, vt ostendam hic non esse implendum curiositatibus intellectum, sed postquam opera diuina apprehendit, ad se conuertit, considerauit, & sufficienter agnouit, debet ea subiicere voluntati, vt iis inflammetur, & tanquam proprio pabulo nutriatur. Et quemadmodum qui cane ad venandum vitur, cum prædam inuasit, non eam illi permittit in escam prædatitiam, ita nec intellectus debet plusquam oportet, nec aliter, frui excitato lumine, & veritate exploratâ, nec ei dimittenda est vt placuerit dilatanda, sed cum eam sufficienter penetrauit, debet eam sibi voluntas in proprium & supernaturale alimentum assumere, vt se eâ excitet, & inflammet, secundum omnem virtutis suæ extensionem. De quo multa haberem dicenda, sed hæc humiliora sunt, & nimis effusa in ipsa materia. Hoc Mystæ præstiterunt satis abundè qui prima diuinæ huius scientiæ elementa & institutiones tradidè. Inter quos maximè R. P. Granatensis. Hoc solum hic dicemus, voluntatem omnes huius exercitationis, vt ita dicam, obtinere partes, etsi conuenientissimum sit, considerationem per longum tempus præcedere aspirationem, id est affectionem indigere præcedenti intellectus motu, luminosâque representatione, post quæ lumen illud statim amplectitur, seque eo, in ordine amoris Dei, excitat, & accendit.

SECTIO SECVNDA.

*Quinam sint ad hoc aspirationis exercitium idonei, & eiu
mirabiles effectus.*

Qui singulariter proficiunt in hac diuina scientia, citò apti sunt ad hanc aspirationis exercitationem, maximè si naturam habent affectiuam. Sunt enim nonnulli ad hanc nunquam idonei, qui Deo vacant, & in Deo, simplici & amorosâ speculatione, quæ adhuc excellentissima est via Mystica, vt capite præcedenti ostendimus. Cæterum multum refert, quod non citius, nec prius quàm dixi, suscipiatur hoc exercitium, quod tamen in extensione sua laxiori diuersos recipit gradus. Quod si quis serio dare se velit amori prædandum, breui sufficienter instituetur in hac diuina scientia, vt negotietur

negotietur cum ipsomet amore, in ordine omnium eius exercitatorum, & succedentium graduum.

Porro amor medium, est ad amorem, minus præcellens, ad excellentiorem, & hic iterum ad supremum, summûsque & vltimos amoris actiui effectus, quæ omnia media gradûsque, habent suam singulariter theoriam & praxim, & omnia maximè postrema, habent contemplationem leuem, subilem, altam, profundam, latam, simplicem, vnicam, & eminentem, in obiecto ipsiusmet amoris, quod semper vt ita dicam potenter agit, rapitque fortiter subiectum.

Sed ingressus in hanc viam facilis est affectiuis, & difficilis nullo modo affectiuis, itaque alij notitiâ pulchritudinis obiecti facillimè rapiuntur, alij absque tanta notitia ad amandum abripiuntur; quia obiectum quod eos vehementer trahit, voluntatem eorum simul cum intellectu rapide inuoluit. Et quidem hic amor in multis adeo fortis est, vt amabilem amoris sinum sola voluntas ingrediatur, vbi eum degustat supra omnem intelligentiam ineffabiliter, & supra omnem expressionem. Manente interim intellectu foris ad ianuam, quasi attonito, & ab actione sua suspensus.

Hæc sunt opera, fluxus amoris rapidè in amantes fluentis, qui eas rapit, inundat, & in medio fluctuum suorum inuoluit, vbi sunt vnum cum eo, eius spiritus, & Deitas, quantum creatura potest esse in hac vita. Ibi nihil est præteritum, nihil futurum, nihil etiam æternum, sed omnia præsentia sunt, in hoc delectabili pelago; vnde egressus & in se reuersus spiritus, minorem se sentit, & videt minimo puncto, & atomo. Ex quo conatum suum non in se sed in Deum vehementius erigit, in cuius lata infinitè extensione, optat immergere se, vt viuat tam ipsius vitâ, quàm suâ propriâ.

Sic amor iste, suus est sibimet effectus, adeo supernaturalis & diuinus in Deo, vt sit & medium, & simul finis: medium quidem quia creatura suum amorosè confert, finis autem, quia hic quiescit in amore, gaudio, & deliciis ineffabilibus, ad aspectum mirabilis pulchritudinis Dei, eam in sinu suo delectabili quasi sopitam habentis, & hoc supra omnem formarum, & similitudinum expressionem.

SECTIO TERTIA.

Quid vitandum in hoc aspirationis exercitio: Et quomodo in illud introeundum.

QUod hic vitandum est maximè in initio huius exercitatio-
nis, est nimia contentio, non solum capitis, sed etiam cor-
dis. Hoc enim forè animam efficeret inhabilem ad tam nobile
& præcellens exercitium, quod tam perfectè, tamque facile &
potenter conciliat vnionem ultra vnionem, si sic loqui licet aman-
tis creaturæ cum Deo beato suo amante. Hoc multum est obser-
uandum, & sedulò euitandum dico sic ultra mensuram vires in-
tendere, maximè ad suam priuatam volupratem, quod esset ini-
quum & ipso amore indignum. Licet enim huiusmodi eleuatio-
nes sint Dei in creatura, & vicissim creaturæ in Deo bonum: vult
tamen diuina Majestas sufficientes sibi vires retinere quemlibet,
ad obeunda vitæ humanæ ministeria, & officij proprij, conditio-
nisque mtnia.

Quod spectat ad multifarios motus, inuasiones, impetus, rap-
tus, & extases, quæ seipso Deus operatur in dilecta sponsa, susti-
nendus est, Dominus enim est, qui vtique frui debet excellenti
suo dominio, suâ videlicet sponsâ, quæ se videns à sua Majestate
sic dilectam, & in deliciis habitam, perferre cum, quibusuis
sumptibus & pati debet. O quam dulcis mors, dulcem adedò vi-
tam exciperet, si illic mori contingeret!

Quod igitur in hac via diuina conuenit tibi faciendum, est
contendere eam à longè ingredi colloquijs amabilibus, quibus
debes te commouere ad amandum ipsummet in seipso amorem,
super omnes amoris eius effectus naturæ, gratiæ, & gloriæ. Et sicut
homines inuicem colloquuntur, stupentes ad effectus bonitatis
alicuius regis, maximè si excedentes sunt, rari, & mirabiles: sic,
sed à fortiori omnes homines, & tu singulariter, mirari debent &
obstupescere ad infinita quæ vident & videre debent prodigia
Dei nostri boni, in amore ipsius extatico in seipso qui tam variis
adedò supernaturalibus modis egressus est ad nos, viles & miseros,
in gloriam suam infinitam, bonumque nostrum infinitum: adeo
vt sicut in eo sumus, viuimus, & mouemur: sic in eum strenuo
& inde

& indefesso amore reflucere debemus, non tantum vt cum excellenter agnoscamus, sed etiam ardentissime, & iugiter amemus, eoque fruamur in omnibus nobis, excellenter, plenè, & perenniter, expectantes plenam & consummatam possessionem nostram beatificam in immensitate totalitatis ipsius, & in amabili fornace, infinitè lata, & ardentè ignis eius infiniti, post miseram hanc vitam. Siquidem illa quantumcùmque sancta & amorosa, satis ostendit, & experientiâ probat viatores nos esse, consequenterque nobis nihil esse miserius.

Porro exhibitâ tibi tam abundè excellentiâ verorum Mysticorum, in via mystica, modisque in eam vtiliter introeundi, proficiendi, & finiendi, saltem secundum ipsius latitudinem, cum cautionibus ad vitanda damna & pericula; hic tibi insuper practicæ aspirationis specimen relinquo, quæ te feliciter quasi manuducet in hac via tam sancta, tam amabili & delectabili omni animæ sciendi & volenti eam suis sumptibus & impensis, obire.

SECTIO QVARTA.

*Exercitium aspirationis conueniens anima incipienti Deo
interius vacare.*

Quid tibi ô Domine Deus meus cum vniuerso orbe creando, cum ex hoc non sis in te ipso beator?

Numquid non tibi ipsi sufficebas ad tuam infinitam beatitudinem, absque eo quod per creationem te tam diuersis creaturis communicares, quas noueras maximam partem, tanto dono nunquam vsuras in vtilitatem suam. O bonitas, ô immense amor! educere voluisti ex æternis tuis ideis, has creaturas in euidentiâ suiipsarum, vt te cognoscerent, amarent, & semper operentur conformiter ad excellentem tuum amorem.

Vtique eas creasti vt non cognoscerent, neque amarent aliud præter te, super omnia alia, vt hoc modo semper æqualiter insignitz manerent diuinâ tuâ similitudine, quæ est earum pulchritudo, & supernaturale complementum. Quidnam est hoc ô amator hominum & Angelorum? quanta distantia entis ad non ens & nihilum, ex quo mundum hunc omnem extraxisti, in tantam,

H 3 tamque

tamque sublimem quam habet excellentiam. Si mirari hoc Angelis conuenit in infinita infinitate amoris & pulchritudinis Manifestatis tuæ, quantum magis nobis, qui in comparatione Angelicæ naturæ nihil sumus.

Eia bene sit, ipsi & nos mirabiles sumus effectus amoris tui excessiui, & excedentis in te ipso, in Angelis beatis & sanctis hominibus. Illic operaris effectus, qui omnes sufficientes sunt ad annihilandum homines tuæ operationi in seipsis non respondentes, accipientes omnia dona tua, & accepta omnia corrumpentes, utique ea, & se, ad usus peruersos usurpantes.

Interim, ô amor meus, contenti sunt & quieti in naturalibus suis bonis & commodis, absque vlla tui consideratione, qui esse eorum es, & omne bonum.

Ego autem Domine, quisnam sum, & vndenam per creationem, & recreationem eduxisti me, ex limo, & de terra, in qua verè pauperior eram ipsamet paupertate, quantum ad veram intelligentiam & operationem amoris, & hoc Domine, vt inter principes populi tui electi, & dilecti me collocares.

O amor, ô bonitas, ô misericordia immensa, ô Majestas infinita, quæ implet omnia, & sanctificas omnem hominem venientem in hunc mundum, & quæ non diligis mundum.

Quis dabit tibi terminos & limites, in eo ipso quod operatus es in me, & quod utique sum? nemo Domine, nemo potest: infinite enim sentio me deuinctum infinitæ Maiestati tuæ, tam ratione eius, quod in seipsa est, quàm beneficiorum omnium usque nunc ab ea acceptorum ad completum bene esse meum, tam secundum gratiam, quàm secundum naturam.

Si naturæ dona recensere volo, coram Majestate tua, quot reticebo veritates, & subiecta admiratione digna? si gratiæ, etiam supra communia recreationis, baptismi, & electionis munera, quomodo procedam, cum id ipsum sit quod tam parum promerui. sed nec promereri potui, absque speciali gratia tua & amore. Non amor meus, & vita mea, super hoc obmutesco in admiratione mea, cum nihil habeam meum, & si quid habeo scilicet meipsum, adeo pauper sum & corruptibilis: vt meipsum continuo immergam in omnis corruptionis abyssum, idest peccatum.

Sed, ô chara mea vita, & chare mi amor, quandoquidē meipsum
mihi

mihî dedisti, vtiq; libero meo arbitrio: eo ipso reddo meipsum tibi, in purum & perennè holocaustum, quantum in me est, infinitèq; doleo te tam sero cognouisse & amauisse, ô tam noua & æterna veritas. O quàm sæpe creaturæ in laxiori sua vita petierunt à me, vbi est Deus tuus? quibus respondebam quod non erat conueniens. Tu enim in me es, tanquam in proprio tuo regno, & tamen non semper sciui scientiâ & amore efficaci, qui me liberè coëgisset vt te quærerem, cognoscerem, sentirem, amarem, & possiderem apud me, tanquam in proprij regni tui sede, cuius tibi sanctificatio in desideriis ab æterno fuit. Hoc est chare mi amor quod infinitè doleo.

Ha! quæ maior potest excogitari miseria, quàm sibi viuere, & ad se, & non operari & intendere ad amorem. Dei perfectiūm in seipso.

Quid est hoc, ô vita mea, dixisse te mihî vt perfectus essem & sanctus sicut tu es, & tamen ac si te non audiuissem, huic nullo modo operam me dedisse.

Sed chare mi amor, & chara mea vita, damnum meum ægrè ferens, non in me, sed in te per me, cupio nunc strenuè operi manum admouere, quod præstabo absque venia, & indulgentia erga me.

Iam nunc refluere volo in te, omni virium mearum internarum actiuitate, & toto corde meo: vt te quouis pretio perenniter amem.

Heu! heu! chare mi amor, olim cor meum iugiter æstuauit velut mare sæuis tempestatibus agitatum, vnde instabilis eram, & sine quiete cordis, ignarus causæ miserationum mearum.

Ha: chare mi amor, & chara mea vita, quid est de corde quod non applicatur ad amandum te, nisi latronum omnis generis latibulum, quorum vnusquisque raptat & distrahit illud, quo partem suam obtrineat, adeò vt homo sic propriis voluntariisque hospitibus miserè dilaceratus miser sit supra miseriam omnem in captiuitate sua, cui quisque inuigilat, ne eum præda effugiat.

O millies & millies inexcogitanda hominum miseria, tantò miseriorum, quantò sibi in sua miserabili seruitute complacent, quærentium, & exoptantium tot & tantis infelicibus dominis se mancipare.

Eia

Eia mi amor, & vita mea, quandoquidem tuâ misericordiâ disrupta sunt vincula, & vtique liberatus sum ab iis, qui me secum in perditionem arreptabant; te, te inquam qui fecisti, amare volo, amore summè perfectiui, amore forti, amore excellenti.

Propter hoc me tantum bonitati tuæ confido, quantum mihi ipsi diffidere debeo.

Ex hoc vides latitudinem amoris, qui quantum crescit, tantum constringitur viuâ & inflammata aspiratione. Porro amori vtilia sunt omnia, qui sine ordine, & delectu, cordis sui flammæ eructat ardentè, simpliciter, abundanter, & iugiter, discretionem nesciens, modum nec mensuram, quia rapit eum dilectus suus, motu suo dulci, & summè amabili pulchritudine, in quem optat irrecuperabiliter se immergere, & de facto magis ac magis immergit.



TRACTATVS



TRACTATUS SECVNDVS.
 DE AMORE ASPIRATIVO,
*Aut de affectuosa Anima ad Deum
 aspiratione.*

CAPVT PRIMVM.

*Exercitationem aspiratiui amoris presupponere odium
 & contemptum sui ipsius.*



ERTVM est nos non posse moueri, & perfundi interius, sapidis delectabilibusque, quos ardens, & aspiratiuus amor in anima fundere solet affectibus, nisi diuina Maiestas nos ad se pertrahat radio suo viuificante, & omnia quæ reperit disposita, consumente. Hunc autem non operatur effectum, nisi pro ratione actiue fidelitatis animæ, in moriendo sibi ipsi, & se æternum in Deo perdendo.

Ad inchoandum ergo hoc exercitium, sciendum est esse absolute necessarium prius nobismetipsis mori, nosque deiicere, & perfecte contemnere. Tales esse debent odij quo nos debemus prosequi rationabiles effectus, considerantes nos Deum, qui infinitæ magnitudinis est, peccatis nostris voluntariis, quantum erat in nobis destruxisse & exinaniuisse. Eapropter debemus odisse nos implacabiliter, cum ordine tamen & discretione.

Porrò ad procedendum vt par est, contra tam detestandum hostem, peccatum, & corruptos quos in nobis effundit habitus, semper eundem est in aduersam nostri ipsorum partem, perenniter, & indeficienter in omnibus: sicut in magnis, ita & in paruis, numquam

quam ampliùs nobis ipsis sed Deo soli innitentes, eique confidentes amore summè filiali, & fiduciæ pleno. Demum in omnibus prosperitatis & aduersitatis euentibus nos ad normam & perpendiculum desideratissimi, & desiderabilis eius beneplaciti, diuinumque & æternum regimen omnino componere debemus.

Ad hæc oportet vt erecti spiritu, & corde effusi, in eius iugi præsentia viuamus profundè demissi, ad aspectum & intuitum nihili rerum omnium, & nostris ipsorum, sub omnipotenti manu eius, & omnis humanæ creaturæ propter amorem eius. Ad quod nos exacuere debemus, argumentis petitis ex infinita magnitudine Dei in seipso, & egressuum eius exituumque ad nos: cum ipsi necesse nullo modo esset in gloriam & commodum suum. Primò creatione, qua formauit nos quasi Diuinitates quasdam præcellentes, ad imaginem, & similitudinem suam. Deindè redemptione: quippè nos inueniens ab hoc statu diuinæ suæ similitudinis prolapsos, & Dæmonis charactere signatos, metus misericordiâ, vi amoris sui, & infinitæ bonitatis, tempore præfixo, à tali morte, tamque durâ, tristi, & anxîâ Dæmonum crudelium nostrorum hostium captiuitate, recuperauit. Hæc est gratia, quam præstitit nobis bonus Deus noster, prærio sui totius infinitè infinito: donans se nobis utique similem nobis, in humanitate nostra passibilem, egenum, pauperem, miserum, & mortalem, sicut & vnumquemque nostrum, omnibusque nostris infirmitatibus exceptâ ignorantia & peccato circumdatum.

Ecce ô Religiosæ animæ quæ vestra debet esse æterna meditatio & amorosa negotiatio in amore Dei infinito, tam in seipso, quam in humanitate nostra, vt vos cum suis omnibus electis deificaret susceptâ: hoc autem non debet, nec potest impleri absque vera & fideli mortis æternæ vobismet ipsis exercitatione, vt possitis moueri, euehi, trahi, perfundi, illuminari, illustrari, & sanctificari ad summum amoris complementum.

Id ipsum est quod magis ac magis vos amorem efficere debet, manentes interim in hac vestra altitudine, & eminentia summè perfectæ, & omni Spiritus sancti igne & effectu, septiformique dono ornata. Quâ ratione valdè simplices & vnicæ efficiemini omnino mortuæ vitæ sensitiuæ, reflexæ, & animali, virtute obedientissimi, & perfectissimi amoris, à quo sauciabimini, & in eius
immensa

immesitatem prorsus liquabimini, & resoluemini. Quibus omnibus, habitu huiusmodi amoris adeptis quasi impossibile vobis deinceps erit indè egredi velle ad vitam sensibilem & naturæ soli placentem.

CAPVT SECVNDVM.

Vsus exercitij Aspirationis.

AD exerceendam in initio nobilem hanc, cum Deo negotiationem, debet intellectus rapere ad se voluntatē, eamque motiuis & argumentis ex intimo amoris eductis, iisdem aut similibus quæ antea protulimus, accendere; si enim videris amorem in seipso, & effectibus suis; & æqualiter utroque delectatus, vsus fueris industriā tuā, & actiuitate naturali, aderit proculdubio tibi Deus secundum suam bonitatem, & immensam misericordiam, quā nunquam præuenire, adiuuare & roborare omittit, exoptantem animam humiliter aggredi hunc amorem in seipso infinitum.

Non oportet tamen contemtionem caput disrumpere, nec lædere vires naturales, aut eis vim inferre in aspiratione, sed sensim procedendum est moderatā actiuitate, æque rationabili ac sensibili.

Nec etiam patiaris tædio te affici si potes, sed quiescere debes aliquandiu solo spiritu operans, donec remittantur vires diuini intensæ. Et interim manere fixus & stabilis, in contemplatione obiecti tui infiniti, cum maxima admiratione, simplici obtutu, & altissimo silentio, vsque dum sentias te exindè deiectum, seque in seipsa effundentem naturam, tunc suauiter & per frequentia temporis interualla, ad humilem tuam, reuerentem, & amabilem redibis actionem, quam semper hac ratione prosequeris.

Nihilominus cum ad certum amoris statum gradumque peruenis, multò melius erit contemplari & intueri diuinum tuum obiectum, quàm loqui aut operari: ad quid enim nostrā industria, nisi vt nos mediante Dei attrahente auxilio eleuet? Quod si iam, vel solo eius amabili motu, quo præuenti sumus, vel nostrā simul industria eleuati sumus, ad quid tunc tam multiplices actus?

Fateor istud bene multos supponere gradus, sed vbiicumque est amor, illic etiam sunt omnes amoris rationes in aspectu, actu, scientia & eminentia eiusdem amoris, adeò vt quò magis amor est acquisitus, eò etiam eminentius contineat rationes eius quod refertur ad rem amatam: & sic meritissimo iure dici debet, amorem nostrum diuinum in nobis, & pro nobis scientiarum & rerum omnium rationes, (hocque eminentissimè) tanquam vnum continere.

Itaque amorem dumtaxat & eius fluxum, tam extra, quàm intra nos reueremur & admittimus; sed alio omnino amore reueremur ipsum amorem per nos ipsos in seipso prorsus extra nos; adeò vt supremum reductionis amorosæ punctum, eleuet nos, & constituat in tali altitudine, eminentia, & nuditate, vt homines etiam mediocris bonitatis, nihil videndum in nobis & inuestigandum habeant, vt nos iudicent, arguant, aut condemnent, quia præter corpus in mundo nihil habemus, animà vtique in Deum cum omnibus suis viribus penitus immersa: & eam in se absorbet, rapit, & satiat seipso, in fruitione quam habet illius, magis delectabiliter quàm sit concipere. Illic & in huiusmodi fruitione, ineffabilia sunt omnia, distante ab hinc subter nos infinite, (etiam vt eo quod prorsus non est) imaginum regione. Sed ad propositum rediens, dico eos quibus liberum est agere fortiter, & validè in eminentia amoris, hoc vtique debere, tam in contemplando, & quiescendo: quam in actione, permittentes se subiectis & notionibus, quibus rapit eos Deus, reuerentes eius in semetipsis multiformes operationes, nec aliter quàm par est ad illas reflectentes. Itaque semper suum iter profequi debent pariter contenti in paupertate & abundantia, in lumine & tenebris, in vita & morte; semper sequentes amabilem se trahentem ductum, quocumque, & quo volet modo.

Porro qua ratione quis in hac via amoris proficiet, poterit diffundere se, aut comprimere in amore magis essentiali intra se, sed hoc fieri debet mediis valdè vnicis & essentialibus. Et eum successu temporis destituentur facultates virtute suà actiua, tunc vi amoris simplicis, eleuati, & luminosi, elicere conueniet paucarum vocum aspirationes; sic sæpissimè procedendo, sequendo impetum motus amabilis, trahentis & excitantis intus, ad se conuertendum & liquandum in dilecto suo.

CAPVT

CAPVT TERTIVM.

De spiritali dulcedine quam affert hic aspiratiuus amor, & de fidelitate cum qua debet anima internas destitutiones sustinere.

Non est exprimere, quantum amorosæ animæ, in quibus Spiritui sancto complacet suum amorem effundere, recipiant discretionis, cognitionis, & experimentalis scientiæ, in simplicissimis saporibus & deliciis, hoc in exercitio amoris aspiratui. Non est possibile exponere huiusmodi animæ, quas ipsa experientur multifarias amoris operationes; quas habebit manifestationes peccatorum suorum, & postea secretiorum suarum imperfectionum, bonique & perfecti nis quam exigit ipsemet amor, ad complementum amanti animæ Videbit hæc omnia, & sciet indubitanter, cum stupore & confusione suiipsius, quam comitabitur compunctio & gaudium diuersimodè producta, & percepta: Quod eam magis ac magis in excellenti suo habitu innouabit, & ad profundam coram Deo adducet sui abiectionem in iis diuinis abyssis, nescientem vtiue quid faciat, quidue cogitet vt respondeat infinito amor, eam omnino absorbenti, & deglutienti, in ardentissimi & consumentis sui ignis infinita immensitate.

Sed sciendum est hoc esse dumtaxat introitum ad verum amorem ex parte creaturæ, cui conuenit probari, & purgari igne vrentium tribulationum, paupertatum, miseriarum, destitutionum, languorum, & mortium spiritus, quarum ignoratur & numerus & modus; quibus in omnibus probationibus, longissimè abest sancta anima à conuersione suiipsius ad sensus; sed suum prosequens iter, tranquilla viuit, & læta intra se, vtiue cupiens, viuens & æternum Dei amoris sui infiniti, in infernalibus suis & æternis mortibus, esse holocaustum. Hoc eam terrere nullomodo debet, nec auertere à cursu sui contentione, in amoris stadio, cum omnibus veris & fidelibus Dei amantibus, siquidem ei indubitanter & plane secundus erit, quodd si aliter sentires, vide ne credideris nimiam enim esset ignauia erga amorem tuum infinitum, qui bonum tuum

in agis ardentem expetit in gloriam suam infinitam quam possis unquam apprehendere. Nemo probatio veri amoris in fidei amante Dei, est abundans fortitudo, quâ eum amorosè sustinet sumptibus suis & impensis propriis, in diuersis mortibus, quas ei sufferre conuenit in amore suo, supra amorem; etsi non sine amore, imò virili & robusto amore, quo omnia patitur & operatur, absque lumine & gustu in nuda, & yuida simplicitate fruētis suæ propensionis, quâ semper suauissimè & simpliciter agitur; adeò ut qui hunc attingit statum experientię, altitudinis, simplicitatis, & amorosæ profunditatis, iam in eo ampliùs non sit (ut ita dicam) non sic amare, propter profundos sibi succedentes diuini amoris attractus, imò etiam amoris mutui, & vicissim agentis & passi.

Hic omnia (ut ita loquar) subter hæc sunt, licet alia sit via, & vita absque comparatione altior: sed non refert, hæc, quæ est amoris vita amorosè exercitata purissima est, summè proficua alta & eleuata, eiusque finis dispositio est ad alteram; vnde etiam seipsa potens est beatum facere possidentem. Sed multò melius & certius; si extra illam in vigore & subtili fortitudine amoris sui infiniti, anima ei foris, & ultra seipsam in amore suo nudo & essentiali satisfaciatur, conformiter ad eminentiam sui fundi, qui non luget tempori, sed æternitati, supra omnes gustus & delicias perceptas & fluentes ab amore suo in vires suas.

CAPVT QVARTVM.

*Imagines creatas, & reflectiones, huic exercitio plurimum nocere,
& de libertate & puritate interna, quam operatur
in anima.*

Cum fueris intractus, & amoris in seipso dulcedine perfusus, tunc experieris quid sit impedimentum imaginum, & quantum res creatæ noceant introductioni animæ in Deum. Ab huiusmodi impedimento liberaberis hac amabili aspirationis exercitatione, & efficieris nudus, simplex, quietus, recollectus, & liber intra teipsum; vbi non secus ac purissimum speculum, excellen-
tiam

tiam & pulchritudinem Dei intrinsecus sincerè referes, foris verò sacram humanitatem charissimi & amantissimi nostri Saluatoris & sponsi. Sic eris compositus interiorius & exteriorius, velut amans fidelis, quæ semper assistit in conspectu Dei, dilecti sui.

Porro hoc habet qui amorem hunc exercet, quod res omnes in se transmutet, & conuertat; credatque omnes eundem secum habere spiritum; alioquin dimittens illas pro vt in se sunt, nequaquam eis implicatur, & rectâ viâ pergit in aspectu continuo & simplicissimo obiecti sui, cui soli placere & probare se cupit ex se toto, in perpetuum, in amore ardenti, & vnico, quous in euentu.

Ratio eius & norma, vnica est; æternumque motuum, voluntas Dei infinita; consequenterque ipsentet Deus. Vnde numquam excurrit obiectum suum vllò modo, nec extra illud abiectè reflectit, etiam in asperioribus pœnis & mortibus, cum huiusmodi sensus & reflectiones indignæ sint animæ generosæ exoptante omnia, transcendere, & reuerà transcendente, impetu amoris sui actiui aut passiu longè vltra actionem. Quod si quando reflectere videtur humiliter, vtrique dumtaxat ad momentum illico agens se præcipitem amabili suo comitatu, aut amorosâ patientiâ, in infinitum sui amoris obiectiui abyssum.

In hoc autem sincero amore ita est vnum anima cum dilecto suo, vt quasi non habeat ampliùs ordinem, rationem, nec reflectionem ad diuersitatem temporum; quippe cui suus vnicus amor semper vnus in omnibus est, & in seipso; eo quod amor est omnis voluptas, omnis ignis, omne gaudium, gloria, felicitas, repletio, sanctitas, essentia, & totalitas infiniti ipsius obiecti.

Qui igitur in amore est perditus, felicissimè viuit in imagine Iesu Christi & in sua summè amabili vita interna, diuina, gloriosa, & summè vnica, quæ multis occultissima est, & multis notissima. huiusmodi amor felicissimè & totaliter immersus est in abisso huius diuinæ vitæ & viuificantis charissimi nostri Saluatoris, & sponsi veri Dei, & veri hominis; amore hominum hominis facti, & vt trahat potenter & validè intimos suos ad se amicos, ne vquam ampliùs à se diuellantur; sed per gratiam non per naturam, æternum sint in illo toto vnium.

Quod si ad hunc aspectum, veritatèque liber remanes, cum pleno

pleno amatoris facultatis usu, qui te perfundet amor, coget ubique suavi suo, amabili, & facili impulsu super hoc subiecto aut similibus, in hanc exclamationem aut similes erumpere.

O dulcis, ô ineffabilis, ô summè penetrans, ô abyssalis, ô profundissimè, ô incomparabilis amor! quis dabit tibi terminos & limites non dico in teipso, cum sit impossibile; sed in egressionibus tuis & amorosis eruptionibus erga sanctos Angelos & sanctos homines, in quibus adeò excellenter tuum accendis ignem, ut eo æternum comburantur, ad infinitam ipsius voluptatem & dulcedinem? ô amor summè delectabilis, de quibusnam colloquuntur & loqui possunt creaturæ, in quibus es, & vivis, modo dumtaxat communi. Excessus est, quo erga te utor ô amor mi, & chara vita mea, consumptus enim amoris tui igne; reor & sapio omnes homines mihi similes esse debere. Sed tam pauci sunt qui intus quiescant, aut si faciunt, adeò imperfectè, ut propriis inuentionibus & exercitiis abundent, nescientes verum in seipsis bonum, & in te, amor mi, qui summè amabilis es, & dignissimus qui amaris sustinearisque in exercitio, supra omne proprium exercitium. Tibi vni est adhaerendum, ô amor mi, nudè in simplicissima quiete & attentione, in intentione & sensu simplicissimo, summèque vniiformi, nec vquam aliò reflectendum.

CAPVT QVINTVM.

De essentiali aspiratione, & propensione fructiva anima perfectè introuersa, & Deum amantis.

Posito igitur quòd hunc gradum attigerit anima, videbit & percipiet nihil esse amplius in se, quàm simplicem inclinationem, simplicem spiritum, simplicem fundum, simplicissimam vniiformitatem, simplicem cogitationem, denique simplicem essentiam. Quibus sic stantibus oportet ut simplicissimè, & essentialiter inibi negotietur, velut in momento, & in ictu oculi, frequentibus & assidujs aspectibus, intimis & omnia complectentibus, simplicissimis & eminentibus. Adeoque sic mortua manere debet,

imò

imò prorsùs consepulta & perdita, in abyssali & profundissima Iesu Christi charissimi sui amoris, & sponsi essentia. Vnde numquam exire debet vel minimo affectionis reflexæ motu.

Statue igitur apud te maturè, nullo modo quiescere in obiectorum multiplicitate, videlicet in eo quod cernitur pulchrum, bonum, perfectum, excellens, & similibus, quibus ordinariè immorantur, qui Deum dumtaxat foris quærunt, & propter seipsos, magnæ scilicet mercedis, & meritum quæ præstolantur, gratiæ: sed nullâ habitâ exteriorum omnium ratione, quæ videntur spectabilia & delectabilia, esto vnus in omnibus simplex, solutus, & perditus in nuda & simplici abstractione, quæ non sit coacta; Dei enim est eam in te efficere; ita tamen vt ei tali eleuatione, & exercitatione, qualem suppono, iugiter respondeas.

Tunc cogitatio tua vertetur in affectum, vt elicias amorem tuum, eúmque reduceas in actum insignis notitiæ & extensionis: vnde impressiones purissimi & profundissimi spiritus accipies, milles, magis diffusas, simplices & sapidas quàm antea; adde vt amplius alio non indigeas quàm tuarum eiacularionum vsu, sicut dixi, valde simpliciter & vnice, in amore tuo summè diffuso & omnia penetrante.

In hoc enim statu oculus tuæ mentis semper apertus erit, iugiterque suâ simplici fructuâ propensione intuebitur beatum suum obiectum, actu, & aspectu simplici, summo, eminenti, & continuo. Sic simplex tua mens Deo collustrata tanquam purissimum & perlucidum efficietur speculum, referens excellenter Deo diuinam ipsius imaginem, quæ omnem hominem exteriorem, & interiorem inundabit, vt totum excellenter intus abripiat, vnitate simplici, supra omnem considerationem, & cuiuscumque rei discretionem.

Tui tamen foras egressus, & quæcumque operaberis ad extra numquam erunt sine præuisione rationis altissimæ, summè & latissimè illuminatæ. Sed non contingunt huiusmodi eleuationes, aut certè rarè iis qui modicum exercitantur, & quibus satis est talem qualem viuere vitam, bis in die mentaliter orare, & frigidam in seipsis Dei præsentiam remissè colere. Nec etiam pro illis est hæc exercitatio, sed pro iis qui vehementer commoti, & intracti à Deo in ipsum, à vita animali tanquam à morte abhorrescunt; nuntium,

K

remittentes

remittentes omni super se reflectioni, aliter quàm conuevit, & supra quodcumque infra Deum.

Sunt præterea naturæ sensuales multum seipsas amantes, quarum affectio & amor mollietates naturæ tantum est: his etiam non conuenit affectuosum hoc exercitium, sed iis tantum qui per rationabilem amorem, mediantibus Dei in illis operationibus purissimum hunc, & spiritualem amorem acquisierint. Vnde non scribimus hæc infantibus, aut effeminatis, & mollibus; sed generosis animabus robustissimis & fortissimis, quæ verè sènt Saluatoris nostri sponsæ, fortissimis inquam in omni extensione amoris eius infiniti, vt magis ac magis exaltent in eo, illustrent & magnificent diuinam eius in seipsis imaginem, prout est hac in excitatione digestum. Adeoque qui illam motu suo, & absque directione usurpare præsumeret, nil nisi scopulos, præcipitia & cautes in ea reperiret.

C A P V T S E X T V M.

Quid facere debeat Anima, cùm sentit se eleuatam supra suam industriam, & propriam operationem.

CVm habueris comparatum excellentissimum aspiratiui amoris habitum, in omni simplicissimo ipsiusmet amoris fundo; illic te senties omnino reductum & immersum, in simplicissima & altissima fundi tui totius penetratione, in qua dilataberis ad totum aspectus & gustus, in altitudine, longitudine, latitudine, profunditate, & simplicitate, vt nullâ ad te illuc efferendum amorosæ tuæ industriæ indigens operâ.

Sic in hoc statu eleuatur anima in simplicitatem, & eminentem aspectum, intuitum & contemplationem Dei, vltra propriam omnem industriam; adeo vt sæpius sentiat se industriæ suæ, & actiuitati resilire dulci impetu & effectu, simplicis, nudæ, delectabilisque cogitationis, obiectiui amoris, qui Deus est. Tunc autem Deus aliter & nudè cõsideratus non vult animam aliter operari, quàm simplicibus quibusdam sui habitus actibus, qui sufficientes sint illam occupare.

pare, figere, & quietare illic, tanquam in Deo ipso, summo eius bono, supra sublimiores quas elicere posset propter hoc affectiones.

Porro ratio talis repulsæ, & contrarietatis spiritus est, quòd tunc simplicior est altiùsque eleuatus, quàm posset eleuari sedulà suà negotiatione diutius protractà. Vndè in hac lucta & agendi ratione, aut vt meliùs dicam contrarietate, sufficit quosdam amatorios identidem actus elicere, magisque immorari in considerando, contemplando, pereffluendo, & sibi complacendo, in intuitu & aspectu infiniti sui amoris, quàm in sermocinando quibusuis colloctionibus quantumcùmque affectiuis. Sic standum est tempus inter & aternitatem in simplici consideratione obiecti sui infiniti, longè vltra formas omnes & imagines.

Contemplatio in hoc gradu scientia est sine scientià, & quæ nescit modum, quæ percipitur & possidetur sine admiratione; cuius regressus admiratio est, quod addo ex meo sensu definitioni à Mystis traditæ. Dico igitur contemplationem esse in hoc & per hoc impetum effectumque spiritus diuini trahentis, eleuantis & rapientis ad se humanum spiritum, in quem diuinum spiritum; iste non tali quali modo receptus est, in altissima eius vnitate: sed præterea aliquando, imò etiam sæpissimè ita penetratur & præuenitur amabili motu quo agitur, vt se sentiat liquefactum & penitus effluxum, in immensum mare amabilis ignis, illic cum ardentis suæ penetrantisque actiuitatis virtute consumentis. Illic videt se ita immersum & absorptum in hoc igne, vt sit aternum idem cum illo, & in illo: sicut est eadem vita, tam in viuendo, quàm in moriendo.

Et si autem status hic & eleuatio, effectus sit singularis fructus, & maximi progressus, summa tamen desideratur prudentia vt non sit diuturnior sine actione, & vsu aliquo actiuitatis mora, procedendo ad hoc non cum sensu nimio, nec in seipso, sed quasi simplicibus spiritus exclamationibus, & gemitibus, intimisque propositis æternæ & strenuæ Iesu Christi imitationis, infiniti sui exemplaris diuini & humani, tam intus quàm foris. Deindè sic te habere debes per actualem hunc & iugè aspectum, vt nulli vmquam desis occurrenti occasione, cum imitandi, sicut in paruis ita & in magnis, quatenus amor tuus non tantum sincerus sit, sed etiam purus, excellens, &

elevatus: quod eo magis fiet, quod fidelior eris, usque ad supremum grauissimarum & æternarum mortium gradum.

Quod si omnis hæc exercitatio complectitur & peruatit multas veritates, notitias, diuitias & perfectiones, quæ splendorem & complementum animæ efficiunt, in amabili ipsius obiecto: propterea est, quod illam nec minoris nec pro minori viuere oportet: quæ porro minora desiderabuntur, ut reuerâ etiam diuturniori tempore desiderari possunt: apud auctores Mysticos inueniuntur deducta & digesta. Nihilominus istud à longè multum sumitur, etsi plenum affectibus, & fundis persuasibilibus, ac reductis, consequenterque excitantibus, & intus ad simplicem vnitatem trahentibus. Insuper moneo, licet summum huius exercitationis, videatur esse finis omnis actionis, & introitus in veram quietem: non oportere tamen in eo esse otiosum, nisi prout superius dictum est. Ideo subiiciemus hic specimina quædam, & exemplaria aspirationum, quibus uti quilibet pro maiori facilitate poterit, & ex his, quod erit statui suo conuenientiùs, educere.

CAPVT SEPTIMUM.

Soliloquium affectuosum Animæ ad Deum conuersa, super Iesum Christi passione.

Quid faciam, quod ibo Domine, qui te in omne hoc miserarum mare demersi? mare quod in sua longitudine, latitudine, & profunditate, non est vltimò nisi morte finitum.

Sed Deus meus, qualis mors? quia dicit? mors est crucis, magis acerba, magis crudelis, magis ignominiosa & infamis, quæ in æternum excogitari possit, quam sustinuisti Domine Deus meus, ut satisfaceres, plenè, & æmulatè pro me, & pro mille millenis mundis, si tot fuissent, ad summum rigorem, infinite Dei patris tui iustitiæ.

Sed quod est mirabilius in hac tam paterna & viscerali amoris abyssò, est utique, quod etsi non habuisses alium præter me redimendum, sanctificandum & excellenter saluandum, hæc omnia pro
me

me vno, sicut pro omni electorum tuorum multitudine prodigisses.

Heu, Domine Deus meus, & omnia mea ! hæc est abyssus in qua penitus deficio, nesciens quid faciam, quid dicam, aut quod vadam ut amabiliter regratier in ardenti & continuo amore, amor tuo infinite infinito. Apage (amor meus, & vita mea) apage voluntarias meæ effusiones, multò minus nugas, ludos, & pueriles cum creaturis recreationes, licet honestas & licitas; nisi quantùm & quomodo volueris, aut per teipsum apud me, aut per superiores meos, qui mihi semper erunt fideles voluntatum tuarum interpretes, explanatores, & denunciatores in omnibus meis exercitationibus, tam in agendo quàm in patiando His enim in exercitationibus & institutis altissimè per totam vitam meam quiescere peropto & intendo.

Quid est hoc amor meus & vita mea, fornax tua vehementer est succensa in terra, in qua omnes sapientes & sancti amici tui intimi, iam consummati sunt, aut consummandi: de me autem quid fiet? quæ mihi fors minor erit apud te? ô chara mea vita! non, non, nunquam minus, nec aliud præter te, in te toto, in omni immensitate & profunditate huius tuæ formacis amorosæ.

Heu! chara mea vita, quid cogitant homines? quid intendunt? quomodo viuunt? Possibilène est, ô Deus meus èstne: possibile, hominem aliquem belluinam vitam viuere, dum ignis tuus ardentè est accensus in terra, expectans qui se in eum præcipitem agat, ut se comburat, & suauiter, delectabiliter, amabiliterque consumat. O miseri homines, ubi est sensus vester? ubi intellectus? quidnam de animabus vestris intenditis, quas morti prædandas permittitis, tanquam ignari veritatis vitæ vestræ, sanctificationis vestræ, & eius qui vult eam vobiscum, sed non sine vobis operari.

Sed de hoc non hic agitur, utique de nobis Domine cogitandum est, siquidem cæteri simul homines, non æque ac ego vnus, tibi deuincti sunt.

Statuo igitur Domine Deus meus, amor meus, æternùm me perdere funditus in amabili tua fornace, quæ operata est, & produxit hominibus, & pro hominibus omnes omnino sibi similes effectus: dico in amabili passione tua, acerba, ignominiosa & amorosa, atque in sanctissimo, & augustissimo, altaris Sacramento, ubi certè videtur exhausta omnis tua potentia; sed non amor tuus: quem

amorem largiris aliquibus, & infundis abundantius quàm aliis, secundum vniuscuiusque capacitatem, & mensuram amoris, quo tibi amorosè respondet. Quod si magnus est, & intensus, multum eum diligis, si modicus, cogeris eum modicè diligere, sum mo tuo dolore, o amor meus, & vita mea.

Sed dimittens vnumquemque operari in meliùs, opto & ego seriò operari, incessanter, & vsque ad exanimationem, saluà discretionem requisitâ necessariâ ad hunc effectum, displicet enim tibi sponsarum tuarum dilectio, & charitas inordinata.

Ideo suauiter tecum negotiari volo, in nobilissimis & summè amabilibus infiniti amoris tui effectibus, digerens eos in eodem tuo amore, quàm potero suauissimis, & maximè affectiuis colloquiis, pro desiderio & virtute quàm mihi largieris, vt spero in omni humilitate, & reuerentia mihi possibili.

Quid? ipsi Angeli, etiam sublimiores Seraphini tremunt & ad nihilum rediguntur coram tuâ infinitâ Maiestate, & ego qui pulvis sum & cinis dumtaxat, ausim loqui tibi de rebus tam absconditis, & manifestis, tam cognitis & incognitis.

Vtique amor meus & vita mea, quia tale est beneplacitum tuum, honor tuus, gloria & laus tua. Itaque his & omnibus aliis similibus spiritus negotiationibus opto, volo & intendo viribus meis omnibus reuerti & refluere in te, ex quo infeliciter exiui iniquè & crudeliter peccatis meis, quorum tu vnus scis grauitatem & numerum.

Qui enim amor meus & vita mea, non est in te, vbinam est, nisi in se? & qui in se dumtaxat est, vbinam est nisi in vita bestiali, aut minimùm in vita humana & mortali, accipiendo illam in altioribus eius gradibus, aspectibus, exercitiis, & sensibus.

Hoc continet amor meus magnam secretarum notionum multitudinem, quas ardentes tuæ amantes percipiunt, tanquam summè eleuatæ, perditæ, fixæ, & stabilitæ in te, vt te firmiter intueantur indeficienti suâ, & amabili contentione in humili suâ æternâque in te confidentia & sui diffidentia; vbi, & in quo vrente iugiter earum amore, virtutes quoque illarum nec discretionem patiuntur, nec differentiam eiusdemmet amoris, cum sint ipsius effectus continui.

Norunt enim optimè tam in theoria quàm in vsu, quòd deesse etiam

etiam semel virtutibus, cum se dar occasio, est deesse amori, aut vt melius dicam carere amore, & non amare; quod huiusmodi animabus adedò graue esset & exorbitans, vt seipfas ferre & pati non possent.

Non raro tamen, ô amor meus, negligentia deficiunt, aut in dimittendis creaturis, aut in se introuertendis, & in te recipiendis, aut se ex omni parte obseruandis, in suis motibus, gestibus, actionibus & verbis. Sed ô amor meus, minimæ sunt, & quasi nihil ante te, tales incidentiæ, quia promptus & strenuus earum ad te ex omnibus viribus, & omni actiuitate reditus, delet hæc, & exhaurit penitus, in immensitate ignis tui amabilis, & omnia consummentis.

In hac autem omni deductione, & reductione affectuosa, ô chara mea vita, intendo comprehendere languores omnes virium mearum sensitiuarum, & aliarum, cum mihi tuam subtrahes præsentiam, & dulcedinem sensibilem; & peto à te millies magis mori, quàm similem fieri quibusdam, qui si non à te potenter moueantur cum ipsis libet, illico remittuntur, & deficiunt in via, & exercitio amoris tui; quem postea omnino dimittunt, redeuntes ad suam propriam vitam animalem, & sic viuentes quasi te omnino non cognouissent.

O amor meus, nonne istud euidentis est argumentum, quod te non amabant, sed magis seipfos? quod non te, nec amorem tuum, sed dona tua, & dulcedines tuas aucupabantur? Operarij mercenarij, qui dumtaxat ad oblectationem & retributionem seruiunt, quibus si frustrantur ad tempus, reuertuntur ad seipfos & creaturas, cum quibus deliciis & voluptatibus ingurgitantur. O amor vnice, mille potius mortes quàm huiusmodi infortunatis similem fieri, quamuis merear à te deferi, multò iustius quàm illi, tam propter rationes quas vides, & scis infinitas, quàm propter verum meum nihilum, qui enim nihil est, vtique nihil meretur.

Sic amor meus & vita mea, dona tua non quæro, delectabilisque gustus, sed te solum in illis & supra illos; me enim haud dubie: chare mi amor, multò melius & excellentius in te transmutabis, quamdiu me ad infinità tuam voluntatem plenè componam, æque ad languores, & cruces, ad passionem & mortes: ac ad dulcem diuinarum tuarum deliciarum ebrietatem; quàm si in ignis tui delectabilis:

lectabilis immensitate iugiter immergeret.

Sed Deus meus, amor meus, quàm hoc facile dictu est, ei qui horum nihil est expertus; qui non est passus, nec scit, quidnam est sibi ipsi mori, ei inquam qui ad hoc potente & abundanti spiritus tui infiniti gratiâ destitutus est.

CAPVT OCTAVVM.

Hic Anima amore languens dissolutionem suam cupit, se tamen resignans Dei beneplacito:

Quidnam est viuere? ô amor, quidnam est hîc viuere? ô amor meus, & vita mea? est mori, est mori, utique sibi, est pati est languere, est reuerâ mori, siue intus & secundum purum spiritum, siue quantum ad corpus secundum naturalem vitam, quod in his languoribus exinanitur, & paulatim languore, & debilitate consumitur, donec eius vita funditus exhauriatur.

Agedum amor meus & vita mea, tale est desiderium meum, & qui inter nos est mutus amor illud in me accendit, ut æternum tibi satisfaciam, super hac cruce, & omni quæ tibi placuerit aliâ, & etiam omnino aliter, si mihi constitueris.

Heu! care mi amor! quidnam est hæc vita, ubi tantum in vniâ expectatione boni sui viuitur, quo numquam aliter fruimur, quàm cum comburimur, redigimur in amoris ignem, & penitus consumimur. Quandonam amor meus, ero funditus redacta, fusa, & transfusa, ita, ut sum omnino idem cum illo, & in illo. O tristis & ardua vita, vitæ amoris mei adde contraria: sed qualiscumque sit amor meus & vita mea, talis exhibenda tibi est, qualem habeo & sentio, cum iisdem suis in me contrariis effectibus. Scis utique amor meus, quod reuerâ est, & quod sum, conformiter ad id quod possum.

Heu, amor meus, nihil sum & nihil possum, & hæc nihilominus notitia & scientia, toties à me experimento probata, est & perenniter erit omne gaudium meum, tam in vita quàm in morte, tam in actione quàm in passione, tam in æternitate quàm in tēpore.

Numquid

Numquid amor meus es: vita mea, & omnia mea: numquid Deus meus es? & carissimus sponsus? hoc mihi sufficit, vt semper æqualis mihi ipsi maneam in igne paupertatis & resignationis amorosæ, valdè internæ & nudæ, vt perenniter, simpliciter, & nudè tibi adhæream in simplici animi quiete, & simplicissima intentione & attentione.

Sed super hæc omnia maneo & manebo fixè stabilita in pace, & quiete spiritus simplicissima & summè vnica, in conatibus amabilium meorum gemituum externorum, & super ipsos in hoc tempore, & in idipsum,

Enimuerò per hoc ipsum intendo amor meus, & vita mea, exprimere tibi efficaciter ardorem amoris mei, qui me flammis suis acriter adurit, vt me præcipitem agam in abyssum ignis eius omnia confumentis, rationabiliter, & secundum omnes eiusdemmer amoris æqualis, & inter nos mutui, rationes, vt idemmet ignis me totum possit in se transmutare, ad infinitum eius æternumque gaudium, omnimodà mei totius amissione, & æternâ desertione.

Quâ ratione amor meus, & vita mea, quidquid videris, & omne quod videbitur, & audietur ex me, tam ab Angelis quàm ab hominibus, amabile meum probabit sacrificium, in æternum infinitæ tuæ Maiestati holocaustum.

Ha! amor meus & vita mea, quàm longè abes ab animo frustrandi me tuo in meipso, in ardore amoris mei: & ego tibi dico cum omni humilitate, & confidentiâ, me quoque te non frustraturum tuo, quod utique tribuis mihi, & semper ad eundem tribues effectum, magis ac magis, & melius in melius. Quod si de effectu impræsentiarum quaeritur, iam quoad hoc & per hoc ipsum, mutui nostri desiderij fruitionem & possessionem adepti sumus.

Quod me attinet cara mea vita, nosti quidem vtrum famelicus sit & insatiabilis appetitus meus, an non: quod si plus, imò multò plus, æternum à me exigis, da mihi idipsum, fac tu ipse, & tuum est.

CAPVT NONVM.

Anima amore undique perfusa credit se non amare, & huic est intentia vt se in cruce sacrificet.

O Mea totalitas quàm infelix est qui te non amat, quantum ad me scio te, & cognosco sufficienter ad amandum, sed heu mi amor charissime, non amo te sufficienter, nam desiderium meum infinitum est, vel saltem ad minimum amandi te in puritate, & ardore seraphico, in hoc mortali & terreno sacco, in quo amore languco, vt strenuè & conuenienter expugnem, & in bono ordine, tam intus quàm foris, omne quod amori meo contrarium est. Idipsum præstabis in me ô chara mea vita, in veritate & perfectione consummata, & ego te patiar præstantem, & sustinebo ad voluptatem, mediante tuâ bonitate & amore; in hoc versatur & positum est hic, æternum meum gaudium & quies mea, donec te penitus fruar omnimodâ, grauis huius terreni, & difficilis corporis dissolutione.

Illic amor meus & vita mea, illic omnia possidebo, te videndo, illic amabo te plenè, perfectè, & valdè deiformiter.

O qualis distantia, ô qualis mutatio, ô qualis maris abyssus, ô qualis immensitas ignis omnia deuorantis, & in se transformantis, vt in simplicissima eius æternitate vnum simus in illo, non naturâ sed amore summo & indicibili.

Quod ergo quæritur, est amare, ô amor meus & vita mea, est languere, & amore mori, sed multum & multò melius in ardore cordis mei, & in me ipsa tota quàm in solo corpore.

Videtur mihi amor meus, & vita mea, quas proferre possem amoris mei similitudines & expressiones, his multò esse inferiores, cum amor meus essentialis sit, & perditus secundum aliquem bonum sensum, in omni tua deitate humanata, in te inquam Saluator meus, amor meus, sponsus meus, charissimus, cum quo crucifigimur, & æternum crucifiget amor.

Non loquantur mihi amplius creaturæ de re vlla in æternum, quàm de gloriatione in cruce tua, in tuis doloribus & sufferentiis,
& in

& in morte tua acerbissima & amarissima ; Quia hæc omnia pro me passus es ; ipsa quoque sunt amoris mei obiectum , & ipse amor meus ô chara mea vita , & totalitas mea ; siquidem minora præstare , & his omnibus esse minorem , utique amorem in ore , non in corde , habere est.

Ha ! chara mea vita , numquam dicit amor sufficit , sed multò plus dare , quàm habet , quàm est , & quàm potest , semper exoptat ; sed in vera veritate , quodnam est amoris tempus ? istud utique amor meus & vita mea , & adhuc omne aliud , & omnino aliter quàm istud.

Cæterum enixè te obsecro , charissime mi amor , ut me ita à me ipso , & omnibus priuatis subtilibus quæstionibus liberares , ut nulla vnquam ampliùs inter vitam tuam , & meam dissimilitudo inueniatur.

O quanta videre & comprehendere est , hoc amor meus , & vita mea , sed summum quo teneris præstandi desiderium , anam mihi præbet sperandi , & plenè confidendi te præstiturum , & istud utique futurum ; quòd si semper plus pro minori tribuis , & plus adhuc tanquam dispositionem ad maius : ego quoque tibi reciprocè , & mutuo totum pro toto , & totum ad totum iugiter rependam .

Agedum , amor meus , solus ad solum , nec vnquam ex parte mea quidquam nobis impedimentum ponat & medium.

CAPVT DECIMVM.

Amor passiuus moriens & abnegatus.

EXpressiones meæ affectuosæ , ô chare mi amor , & vita mea , ludus sunt , & omnis voluptas intimorum tuorum & vnicorum amatorum . Capis me amor meus : quid ? vita mea , delectari de te , & negotiari tecum , & in te , numquid est omne gaudium creaturarum omnium , sed specialiter te amantium ? adeò ut sinceram meam & affectuosam tecum negotiationem , secundum meam totalitatem , non secùs ac propriam suam diligant , propter amoris infinitatem , operantis & recipientis amorem , ut refluat ex tempore in eundem amorem , strenuà & ardentè actiuitate suà , aut super hæc ,

L 2 in

in pura sustinentia, & nudissima, simplicissimaque contemplatione.

Illic ô vita mea, amatores amoris infiniti contemplantur fixè, & nudè infinitum suum & beatum obiectum, ad minimum simplicissimâ admiratione.

Porro in impotentia maximè, multum agendi, fidelis anima erigit se, & attollit ad exanimationem; sed vt melius dicam, ad ultimam vsque oculorum aciem, simplicibus obtutibus, multum expressiuis, magnèque exprimentibus magnæ extensionis, vt subtilissimo, & leuissimo spiritus impetû, aptissimo & conuenientissimo spiritui affectuoso, faucio, & languenti amore, tali qualem hic suppono in charissimo suo sponso.

Ha! meus amor & mea vita, quam bonum est adhærere tibi, supra sensum, supra tempus, & rationem. Gusto & experior, quod dico, expecto in altissima mea fiducia, ardentis mei & vnici desiderij effectum; de hoc in æternum, & quidem ex hinc quæritur. O amor meus, quam actiuus est & penetrans intimorum tuorum amatorum amoris intentus; quis intuebitur & dicet, nisi ipsiusmet amoris filij? qui & intimæ eius sponsæ sunt.

O amor, ô bonitas, ô magnitudo, quis tibi conceptu suo, terminos & limites assignabit, sed de hoc non est hic quæstio, ô omnia mea, verum de amore meo tibi perennè, sumiter, vnice, & incessanter impendendo, quomodo te scio, & qualem te video, cuius Maiestati respondere non valens nisi distantia infinita propter meum nihilum, cogor manerè suspensus supra propriam meam actionem, & quamuis aliam.

Sic ô vita mea, amari non potest, nisi à longè, sed longissimè, quamuis multum apud te foret, si vtrique fieret, pro omni conatu & virtute creaturæ humanæ. Noui istud apprimè & sentio, sed quid pendet à te, & semper pendeat chara mea vita, vi scilicet & virtute tui proprii, id est amoris tui erga me intimi.

Qui enim fieri posset ô charissime mi amor, vt ex meipso & mea infirmitate totalitati tuæ nihilum meum vnirem. Sed hoc non hic quæritur, verum fidelem tibi esse amantem, supra distinctionem, & discretionem sentiendi, & non sentiendi. Vide charissime mi amor, quomodo tibi exprimo omne quod debet & potest exprimi, supra omnem expressionem, sensum, manifestationem, & huius
aut

aut istius aspectum, utique quia quod appeto, & intendo in eminentia obrutus mei, supereminet omnia.

Denique de hoc quæritur, scilicet de amando amore infinito in seipso, æternis meis sumptibus & impensis, hoc est tibi omnia dicere, omnia complecti, & omnia videre, sicut est omnia velle, omnia operari, & esse totum ad fluxum, & supra fluxum sensibilis exuberantis tui amoris, in vnicis intimisque tuis sponsis.

Heu! heu! cara mea vita, quàm triste & durum mihi est hoc exilium, quàm diuturnum & molestum, præ infinito meo desiderio possidendi te plenè, & integrè, in te ipso toto.

CAPVT VNDECIMVM.

Protestationes affectuose Animæ ad suam dissolutionem propinquantis.

O Deus amor meus, & vita mea, quid est creatum omne, nisi amor ex tua parte? utique stupendum est infinitè ô sponse mi, & omnia mea, idipsummet omne creatum non esse amorem ex suâ parte. Sed cui bono ista profari? cùm tam expresse agatur de amore meo mutuo, reciproco, & infinito, si fieri posset, amori tuo erga me infinito. Facillimè mihi persuadeo quamlibet tuarum amantium, tantùm velle, desiderare, & loqui quod est infinitum meum gaudium, quia saltem inuenientur ex eis aliquæ, quæ melius & maius respectu mei semper operabuntur: attamen credere non possum, nec in animum meum inducere maius esse meo desiderium illarum, in hac nostra exercitatione vnica, in qua totus sum, & æternùm incumbo amori tuo. Enimverò quid mea interest amor mi carissime? gaudium meum est, plus, plus esse, & multum, multum: modo in totalitate mea quod amori debeo rependam, numquam mutando ad quodcùmque nec pro quocùmque, quodd est omnia complecti, & prospicere. O amor meus, & vita mea, plena est terra amore & misericordiâ, & exundat superfluitque, quid interim minus faciam, tanto amore, tam potenter acta, & mota? minúsne quàm dico amans ero, & penitus
L 3 immerfa

immerſa in mari infinito amabilis & feliciffimi amoris mei, qui alius non eſt, quàm tu ipſe.

O chara mea vita & amor meus, quid hoc eſſet? qualis infidelitas? quàm ingratus animus quid amabo cernitur ex te in me, quàm amor & miſericordia? quid videbitur, & videri vniquam debet in me, quàm amor amans amorem, amori blandiens, exaltans & magnificans amorem, in totalitate ipſiusmet, in qua fuſa ſum & per-dita, ſimplex & affectuoſa, ſupra ſenſum, & omnem comprehenſionem, & indè numquam exire volo, vt mihi ipſi creatòque vi-uam, quomodocùmque nec propter quodcùmque, quia illic ira cumulatè contenta ſum, vt nihil vniquam optatis meis ſit deſu-turum.

Ha, amor meus, & vita mea, hìc eſt, vbi videbis, & habebis ad in-finitum tuum gaudium pleniffimam meam, vnicam & æternam conformitatem, ſecundum debitum amoris mutui & reciproci amantiſ tue intimæ, in infinito ſuo amante. Inde ſit chara mea vi-ta, quòd de reliquo parum ſim ſollicita, deque eo omni quod de-foris eſt, ſicut tu noſti & vides optimè care mi amor, ſatis ſciens hæc omnia futura mihi, cum poſtulauerit neceſſitas ſecunda, tan-quam effectus tui ipſiusmet amoris, qui tunc nequaquam deerit.

Tu eſigitur ipſe ô vita mea, quem ſemper vnicè fixèque in-tuebor tanquam omnia mea, finale meum obiectum, amorem meum infinitum, & omne gaudium meum & lætitiā; ſed quod hìc facio ô amor meus & vita mea, eſt Reginam amoris adiurare, & omnes ſanctos & ſanctas, qui ſunt omnes humillimi, amantiſſimi, & beatiffimi eius famuli, vt me pleniffimè adiuuent, in amo-re meo integrè & perfectè implendo, quatenùs talis reuerà in-ueniatur, qualis eſt in deſiderio meo, in verbis meis & affectuoſis proteſtationibus.

Ha! quàm felix eſt amor meus, & vita mea, qui tibi ad gau-dium, ſed omne gaudium & oblectamentum pro viribus famu-latur; quid amor meus! hoc præſtabunt omnes & ego non præ-ſtabo? non, non ô amor meus & vita mea, non ita fiet iuuantē me gratiā tuā & auxilio,

Quòd ſi languēo amore, & amando, quid mirum videre me inter diuinas tuas manus morientem, amorēque & amando expi-rantem. Accende igitur amor meus, & vita mea, amabile tuum
holocaustum

holocaustum, quod ego sum amore ipso vehementer infuso & effluente in animam meam, & in omnes vires meas, ad hunc effectum, quatenus consumer accerrimo & dulcissimo igne ipsiusmet amoris, in eo ipso toto, qui non est alius quam tu ipse.

Hoc operare in me, ô cara mea vita, & quantum est in me, nec impedimentum afferam, nec remissionem ullam: vt se tibi plenissime probeat indignissima, sed humillima & pauperrima creatura tua & sponsa.

Hoc est obiectum admirationis Sanctorum omnium amatorum tuorum, ô amor meus, quod sim ego sponsa tua, qui propter hoc tantum abest, vt me dedignari velint, quod è contrâ subleuare me cupiunt, & efferre inter brachia sua amabilia, vt meipsum excedam, superem, & supergrediar, omniâque pericula, & inimicorum meorum insidias hoc in vltimo mortis discrimine, penitus euadam, mortis vtique mihi opatissimæ, cum sit introitus & initium beatæ vitæ meæ, & plenæ possessionis quam habebō tui, ô chare mi amor.

Quò te morti propinquiorem senties, èò magis innoca sanctissimum Iesu nomen, semper ei aliquam ipsius perfectionem comitem adiungens, maxime verò amoris, bonitatis & misericordia, ad formam sequentem.

CAPVT DVODECIMVM.

Aspirationes agonisantis anima ad dilectum suum Iesum.

O Iesus! meus Iesus! ô Iesus, amor meus, & vita mea, ô Iesus misericordia mea, spes mea, & omne bonum meum! ô Iesus fortitudo mea, constantia, & lætitia in hoc periculo! ô Iesus meus Iesus, ad quid passio tua amabilis? cui & pro quo plagæ tuæ amabiles?

O Iesus misericordia mea, & charissimum meum refugium! ô Iesus vnicum meum solatium, cui sanguis iste pretiosus tam amabiliter, & acerbè fusus pro peccatoribus? nonne mihi charissima mea vita?

O amor meus! surge festina auxiliari mihi, O bene Iesu, O omnia

nia

nia mea: in necessitate enim amicus agnoscitur, ò Iesus amor meus: absit hoc à me diffidere tibi, & infinito tuo amorì in hoc articulo: si enim æternum me amasti, quanto magis, melius, & omnino aliter amabis in amara & amabili mea agonia.

O bone Iesu, in tuo corde, & in tuis tencerrimis visceribus me recondo, & æternum perdo, vt ne minimum quidem voces aduersariorum meorum audiam. Tu es in me, & pro me, Iesus meus amor, quid metuendum est mihi? non vita mea, nihil omnino, nihil meruam, sed deridebo inimicos meos, in conspectu tuæ infinitæ Maiestatis, & amoris tui infiniti.

O Iesus ignis comburens, & omnia consumens: consume totum meum, & nihilum meum in immenso tuo toto: inimicique tui & mei æternum confundantur. Plena mea contra illos victoria, omnino erit tua, ò Iesus meus, & non mea, licet bonum eius infinitum, quod es tu, ego percipiam, ò mea felicitas, & completus paradisus.

O bone Iesu! ò Iesus amabilis! ò sanctissime Iesu, ò sanctificator meus Iesus meus, esto mihi Iesus, Saluator & sponsus. Salua nunc per teipsum, & amorem tuum infinitum, miseram tuam sponsam, & ab hiantibus communium nostrorum inimicorum faucibus eripe.

O Iesus meus amor meus, & vita mea! hoc te sancti tui omnes, & sanctæ, pro me instantè obtestantur, ad affectuosam meam & humillimam instantiam. De momento isto agitur ò amor meus pro amabili æternitate, pro amanda & laudanda æternum Maiestate tua, in plena illius fruitione, cum principibus populi tui, & charis amabilibusque tuis Iponsis. Sit mea fors hæc, & hæreditas æterna & infinita, ò chare mi amor, ad instantiam sanctarum tuarum & amantium creaturarum.

O dulcis amplexus! hæccine est igitur hora benedicta, in qua debeo te frui, & delectabilibus tuis amplexibus? ò quàm magna merces est pro tam modico, pro tam modicis laboribus. Sed ò amor meus dare non vis minorem amorì meo ardentissimo & purissimo erga te mercedem, te ipso, clarè & intuitiue videndo, infinitèque dulcem & suauem gustando.

Ha! Deus vitæ meæ, ò amor meus, quies mea, & totalitas mea, anhelo ad te omni contentione, plusquam ceruus ad decursus
aquarum,

aquarum, vt ardorem suum refrigeret. Sitio te infinite, ô Deus fortissime, fons viuus, quando veniam exutus graui hoc & terreno corpore? quandonam apparebo ante faciem Dei mei, quem tam sollicitè quæro.

O meus Iesus! ô meus amor! sponſus animæ meæ! ô chara mea vita & totalitas mea, in manus tuas diuinas commendo spiritum meum, suscipe velut tuum in mutuo amore nostro.

Tandem charissime mi sponse, ostende mihi faciem tuam benedictam, sonet hæc vox tua in anima mea, & in corde meo: Veni sponsa mea, amica mea, columba mea, & accipe à me paratam tibi ab æterno coronam, in infinitate amoris mei, vtiq; videndo me, & possidendo me, ad plenum optatum tuum, & gaudium, in omni mea æternitate. Amen.

CAPVT DECIMVM TERTIVM.

Alia aspirationes pro infirmis & agonisantibus.

Cuius est vita mea Domine? cuius-nam est vita mea? nonne tua est, non solum quia tu illam dedisti mihi, sed etiam quia tibi eam consecraui quamuis nimis imperfectè vt tuam.

Iterum ô Deus meus, & vnicum cordis mei centrum, offero tibi eam, & meipsum totum; posside me ad tuum beneplacitum, & fac, vt in extremo hoc discrimine vitam meam tibi fideliter exoluam.

Quis Domine? quis te carne induit? nonne amor & misericordia? induc me ergo te, ô Iesus & vita mea, vt sim fortis & generosa in hoc conflictu vltimo, non enim illum cupio, nisi propter te, & in te, vtiq; exoptans non solum in agonia & mortis colluctatione, sed etiam perenniter tibi omnino placere & satisfacere.

Quomodo potero tot & tam crudeles hostes, nisi in te, & per te vincere Domine: Diligam te fortitudo mea, firmamentum meum, & omnia mea, inuitis omnibus inferis: idipsum enim mihi præstabis ô amor meus, pro fide mea, & confidentia: & ego quicquid ex me ipso toto rependam.

M

Agcedum

Agedum, Deus meus, refugium meum, amor meus & totalitas mea, festina auxiliari mihi. Adesto mihi, si non vis me videre pereuntem; salva me ô Deus, erue me ab hostium meorum impetu, aut actum est de me. Pereo, surge, adiuua me, & per sanctissimi nominis tui amorem libera me. Ad quid Domine, & quibus vita tua, passio tua, sanguis tuus, & mors tua? Nonne peccatoribus, quorum ô Deus! pessimus ego sum. Hæc omnia merita diuinique effectus pro peccatoribus sunt, & ytique pro me: imo ô vita mea, secundum amorem tuum, bonitatem, & misericordiam, melius & ampliùs pro me quàm pro illis. Capis me ô Deus cordis mei, cor meum, & caro mea exultant in te, O Deus viuens, qui pro me mortuus es, vt mihi vitam præberes.

O Deus! ecce punctum habendi me in plenam tuam hæreditatem, puram & immaculatam. Ecce tempus ô bone Iesu, ô Deus meus, fauendi mihi plenissime, secundum amorem tuum, bonitatem & misericordiam.

O Deus infinite! ô bone Iesu! si pro me stas, quis erit contra? si causam meam defendis, quem timebo? non amor meus, non vita mea, tu es protector meus, præsidium meum, & defensio mea. Etiam si insurgat contra me infernus in hoc articulo, non timebo, tu es enim Deus meus, turris mea, & inexpugnabile propugnaculum, tu es mea totalitas; & quantò magis apud me ipsum debeo metuere, quando sine te sum: tantò magis ô Deus bonus, inimicorum meorum victoriam sperare debeo, habens te pro me, in me, & mecum.

Non, non, O bone Deus! non ampliùs mea sed tua, tua omnino res agitur, ô Iesus meus, ô amor meus, ô vita mea, ô totalitas mea; quàm apertè me vides, quàm optimè nosti, meam auxilij tui præsentis & efficacis necessitatem.

Ha! Deus æterne, & infinite, amicus in angustia, & amans in periculo cernitur. Pro me periculum maius esse non potest, esto mihi igitur omnino propitius, fer opem in hoc tam arduo desolationis articulo.

O Deus! quidnam esset, si præualerent hîc contra me inimici mei? quid de fide mea dicerent, quid de confidentia in te, & de meo amore? sed quid de te dicerent? nisi quod me iridentes modò dicunt: ubi est Deus tuus, qui non curat liberare te nunc ab insultibus

insultibus nostris, & qui te dimittit in manibus nostris, utique futuram inferorum nobiscum prædam, pro tuis demeritis? quid esset hoc ô bone Deus?

Non amor meus & vita mea: quia in te speravi, & spero constanter, tu me exaudies in extrema necessitate mea; hoc enim à te, pro me postulant bonitas & misericordia tua infinita, non obstante iustitia tuâ iustitiâ.

Verum est Domine, verum est te esse iustum, & iudicium tuum rectum & æquum, adedò ut si volueris erga quemcumque tuam exercere iustitiam, nihil sit quod te prohibere possit; quod si verum est de sanctis tuis, ô vita mea, quantò magis de tam maledicto & infausto peccatore qualis ego sum.

Sed in hoc ipso audeo confidenter ad te accedere, clamare post te, & in te sperare, proiciendo me in infinitum mare misericordiz tuæ, & amoris tui, ut conuertam me, protegam, & saluem in dulcibus & amabilibus tuis fluctibus.

Non amor meus, & vita mea, spero in te ex toto corde meo, & ex omnibus meis viribus, quod numquam confundar ab inimicis meis & tuis, & quod me ab eorum manibus eripies in tua iustitia infinita.

Propterea igitur ô Deus meus, festina liberare me, quandoquidem Deus meus es tu, saluator meus, protector meus, refugium meum, & omnia mea. Vides, ô Deus infinite, quos mihi tetenderunt inimici mei laqueos, ut me ad lapsum impellant, & prædam suam faciant æternam.

Ha: Deus meus, amor meus, & vita mea, illabere cordi meo, & omnibus meis facultatibus, easque omnes in te recipe, ut tibi arctè vnita & coniuncta perfectè, secure sim, & ab omnibus inimicorum meorum inuasionibus immunis. Tunc ô Deus meus parabunt, & foris instruent omnes suas machinas, intus autem abundanti pace & securitate fruar apud te. Saltem ô amor meus & vita mea, da mihi spiritus tui diuini fortitudinem ut te in hoc extremo sustineam conflictu.

Quidnam esset ô bone Deus? quidnam esset, si velles intrare in iudicium mecum tam indignâ & maculatâ creaturâ, cum nullus apud te iustificare se possit viuens? ha: Deus æternè absque numero sunt tuæ misericordiz, absque pondere, absque termino &

mensura, ideo abyssus mei nihili, tuam inuocat abyssum infinitam.

Ha! Domine, verè summa nox est pro me, si non ades mihi protinus, proculdubio præualebunt demones aduersum me tanquam propriam suam prædam, sed ô Deus meus, amor meus, saluator meus, quale tutius quæram contra funestos eorum conatus præsidium, quam benedictas & amabiles plagas tuas, quas idcirco accepisti & retinuisti in tuo corpore.

Idcirco, ô chare mi amor, & chara mea vita, illuc confugio tanquam ad proprium asilum meum. Illic est fortitudo mea, iustificatio mea, omnè bonum meum, vnica quies mea & futura gloria, & omnia mea. Illic inimicorum meorum clamoribus obfuscam. Illic apud te receptus, spiritu, penitus innouabor in abundantia diuinarum tuarum illustrationum, expulsisque tenebris, turba demonum, clarissimi, profundi, & simplicis aduentus tui virtute, debellabitur.

Sed ô bone Deus, etiamsi non venires ita abundanter ad me, saltem certò scio in infinita mea fiducia, daturum te mihi fortitudinem sustinendi absentiam tuam valdè sensibilem, & præliandi fortiter atque animosè, aduersos hostes meos in agonia mea

O benedictæ & sacratissimæ plagæ, quæ continetis affluenter omnes hominum diuitias, imò quæ estis paradisi illorum, in qualescúmque venire possint malorum angustias, tam in vita quam in morte: apud vos, & in vobis, omnes omnis generis abyssus in infinitum inuenio, vtique Dei hominis facti, Dei nascentis Dei poenitentem vitam ad exemplum hominum ducentis, Dei patientis & morientis in cruce, pro remedio & salute infinita, heroicè quæ hominum exemplo.

O fornax amoris quæ homines aduris illic se perdendi animum habentes! ha, quàm felix est qui tuo igne diuino succensus est, quocumque in statu possit esse in hac vita. Indè amor mi, exeunt & erumpunt ardentes amoris tui flammæ, quæ videntur debere & velle mundum vniuersum amore & suauitate inenarrabili inundare. Idipsum est, quod conuenienti fortitudine munit seruos & sanctos tuos, in amorosis quas sustinent impugnationibus, simplicissimâ virtute secretæ in eis tuæ operationis.

Ha! Deus infinite, Deus cordis mei & omnia mea, propter hoc
lætatur

lætatur in te infinitè cor meum, Deus meus salutaris meus, ad cuius amabilem aspectum oculi mei lætitiâ & admiratione deficiunt. Agedum, amor meus, vide obsecro cuius amoris & gaudij ignem in terra accendisti, ignem destruentem ignem, & omne quod contingit in se conuertentem.

Ha! Deus! introduxisti me in hunc diuinum ignem, ne permittas me vmquam ab illo pro quacumque te exire, ne permittas me vmquam aliò quàm ad illum reflectere, & aliud præter illum ex omnibus meis viribus appetere. Tu es enim idem ipse ignis, & ideo in quocumque statu sim, sufferentiæ, languoris, agonix, aut mortis, semper es optatissimum, & desideratissimum cordis mei centrum.

Quomodo ergo tristarer, etsi inimicus meus coram te ruinam meam molitur; non, non, in hoc ipso sperabo firmius in te Deo meo, & mea totalitate; qui vis me viuere vt laudem te, & benedicam tibi in perpetuum, non verò mori, & cum Dæmonibus interire.

Si igitur ambulo in medio vmbræ mortis vt nunc facio, non timebo mala, quoniam tu mecum es, & pro me; & in fortitudine, virtutèque sancti nominis tui misericorditer saluabis me, ad cuius probationem fugient omnes aduersæ partes meæ.

Sit igitur amor pro amore, virtus pro virtute, tolerantia pro tolerantia, vita pro vita, mors pro morte. Quod si hæc omnia nihil sunt pro ratione tuæ Maiestatis infinitæ: vide quæso, ô amor meus, esse istud omne quod in me est, & quod possum. Sed si per intimam & omnino præsentem spiritus tui infiniti cum meo vnionem, vis me in te ipso, & pro te vno, efficere præcellentem, talem me omnino habebis, totali amore meo.

Ad hæc si mihi dixeris, te in summa mea destitutione, sincerè, & essentialiter amasse me: de hoc ipso tibi in infinitum gratias ago, ô chara mea vita, & quantò minùs ex me possum, & per me solum, tantò maius, & melius id ipsum præstabo, vtique eò excellentius, quò me diuina & secretâ operatione tuâ in purissimo fundo, & centro cordis mei corroboras, quod præstabis ad vltimum vsque vitæ meæ spiritum.

Sic video, ô chare mi amor, supra omnem sensum, me in tua esse sancta diuinæque protectione, in qua sentio præsentissimum

amoris tui intimi effectum, etsi nudè & simplicissimè, expectans à te, quod maius & melius est, si tibi beneplacuerit. Alioqui ô amor meus, abundè mihi est perennè, beneplacitum tuum, in omni puritate affectuosæ, & intimæ resignationis, ex omni corde meo, ex omni sensu, ex omni spiritu, & ex me toto adimplere. Malo te habere, amando te, & tuam ferendo duram absentiam sensibilem: quàm sentire te, cognoscere te, & intelligere in abundantibus tuis, & radiantibus manifestationibus affectuosis, & in amore tuo simplici, profundo & luminoso, longè latèque diffluentibus.

Non, amor meus, non irrideant me inimici mei, etenim verissimum est, eos qui te sustinent & humili, parienti, fidentique amore expectant numquam esse confundendos.

Ha! infinita Maiestas, nonne pondus meum es, & ego tuum in tua amabili acceptatione, in virtute & veritate amoris tui, secundum totalitatem meam? capis me, mi amor charissime: & hic utriusque recollecta, perdita & omnino exinanita manere volo, in profundo mari amoris tui, ut in admiratione supra admirationem contempler te in omni tua immensa immensitate, quæ in te essentialiter immanens, à te diffluit per infinita amoris tui opera, hoc est quod etiam foris vastissimum & altissimum fundit mare, in bonum & æternam salutem charissimarum diuinarumque tuarum sponсарum, ut efficiat illas tui amantes in infinitum.

Non ô vita mea, non, scilicet intus est requies mea, in diuitate & humanitate; incarnatæ Majestatis tuæ pro me in carne mea. Et quid volo super terram, nisi te solum; sed quid volo ô vita mea in omnibus creatis nisi te solum, à te enim ipso perfectè & totaliter comprehenderis, à me autem & ab omnibus tuis creaturis es in infinitum amabilis.

Ha! si mihi liceret sublimioribus Seraphinis suam invidere beatitudinem, non propter altissimam suam & eminentem gloriam, sed propter summum & ardentissimum amorem erga te; quàm magno corde & volenti animo inviderem; sed ô amor meus cum sim tantum vilis creatura humana, & omnium aliarum simul vilissima, non est hoc in potestate mea, diligam te tamen infinite, imò, quantum illi omnes in impetu & ardore mei desiderij; etsi nihil sint omnes conatus mei, nihil refert, satis mihi sèper & abundè erit

dè erit iam iam mori in ardore mei desiderij. Scio apprimè, ô vita mea, scio conformiter ad hæc, non habiturum te rationem præteriti, sed præsentis, planè præsentis, quo se sic habente quietissimus in plenissima possessione & fruitione quam habeo tui, quantum permittit status meus.

In manus tuas benedictas commendo spiritum meum, ô Domine, qui me tam abundanter & copiosè redemisti. Tu es, ô Domine, qui pars es meæ hereditatis; quin potius integra hæreditas mea, calix meus, bonum meum, & totalitas mea.

Tu es, ô amor meus, & vita mea, qui nihilum pro toto mercatus, pretio tui totius, das semper totum pro nihilo intimis tuis amantibus, & hoc in amabili dignatione abiectorum nostrorum desideriorum, & nostri impuri amoris.

Agedum, amor meus, fixis oculis infinitam tuam Maiestatem nudè contemplor, super his omnibus amoris erga homines porrentis, & adhuc alio planè modo, supra hæc omnia ad totalitatem illius, à qua spero & expecto omne meum bonum, ex tempore, præsentis meæ dissolutione, in plena, & secunda quiete, donec te perfectè fruar, reuelatâ facie, planè, plenissimè, & facie ad faciem, vnde cumulatissimè satiabor, & simplici, diuinâque lætitiâ cum omnibus Angelis, & sacra cœlesti curia vndique supereffluam.

TRACTA



TRACTATUS TERTIVS.

*De suprema Anima in Deum per amorem consum-
matione: Simplici Theoriâ praxique
expositus.*

CAPVT PRIMVM.

In quo consistat iste status.



Hic status consistit in eleuatione spiritus supra omne sensibile creatumque obiectum, qua fixè sistitur anima intra se, Deum stabiliter intuendo, qui trahit eam in simplici vnitate, & nuditate spiritus: hoc vocatur simplex otiositas, per quam passiuè possidetur anima supra omnem speciem sensibilem, in simplicitate quietis, quâ fruitur in idipsum semper æqualiter, siue aliquid operetur interiùs, siue exterioriùs, actione quauis, aut actu rationis discretiuo.

Habitus illius qui in huiusmodi statu est, simplex est, nudus, obscurus, & absque scientia etiam Dei ipsius in nuditate & obscuritate spiritus, eleuatus super omne lumen hoc statu inferiori; in quo operari non potest internis suis viribus, quæ omnes vnanimenter intrahuntur & sistuntur, vi vnici & simplicis obiecti, quod Deus ipse est: detinentis eas simpliciter & nudè, in supereminencia notitiæ & essentiæ, in apice spiritus supra spiritum, & hoc in nuditate & obscuritate fundi prorsus incomprehensibilis. Illic enim omne quod sensibile est specificum & creatum, in vnitate spiritus,

N

aut

aut potius in simplicitate essentiae & spiritus solutum est. Tunc animae vires fixè sistuntur interiorius, omnes intentæ Deo stabiliter intendo, eas figenti & detinenti simul æqualiter omnes in sui contemplatione; rapit enim eas, & simpliciter occupatas habet, iugi operatione aspectus sui ad animam, & animæ vicissim ad ipsum. Ille est continuus aspectus spiritus qui purè agitur modo passiuo, quique aliud nihil agit quàm intueri suum obiectum, & iugiter contemplari in sua nuda, profunda & simplici fruitione. Et quânto magis ignoratur hoc à patiente, tantò melius, propter altitudinem & excellentiam status huius.

Hoc in statu siue habitu, neque est creatum, neque creatura, neque scientia, neque ignorantia, neque totum, neque nihilum, neque terminus, neque nomen, neque species, neque admiratio, neque differentia temporis præteriti, aut futuri, nec etiam præsentis, imò nec etiam, nunc, æterni. Omne istud fufum est, & solutum in hac obscura caligine quàm Deus ipse operatur; sic complacens sibi in animabus, in quibus nobilem hanc operationem exercere dignatur.

CAPVT SECVNDVM.

Quam fidelitatem, & amoris correlationem Anima Deo debeat in hoc statu. Déque intolerandis quas in eo reperit mortibus.

SIC nobilitatæ animæ, & in fundo, luminèque superessentiali transformatæ, conuenit ex se tota respondere ei quem videt, & qui illam in seipsum simplici rapit extasi. Illic iugiter intenta esse debet, vt non patiatur se naturalibus & spiritualibus obiectis, forè continud, licet simplicissimè, ex rationali facultate pullulanti- bus impediri; morèmq; gerat naturæ, ipsam perpetud, sollicitanti, vt cognoscat & sentiat statum suum, reflectatque super eo quod intuetur, & quod est. Vult enim natura, semper aliquod secretò possidere cui adhæreat obiectum, iugem sui ferre non sustinens, vt conuenit, abnegationem, extra sensum, extra specificum, & extra

& extra creatum. Quod tamen est necessarium vt facile in alta totius spiritus pace possideatur obiectum, in simplici & vnica quiete, cum simplicissimis & intimis luminibus, amore, & deliciis.

Porro si hæc anima verè fidelis est, quidquid foris patiatur siue in naturali commotione suarum virium, siue in suo corpore; huiusmodi motus eam magis ac magis, & profundius intentam obtutui suo diuino, simplici que quieti efficiunt, fruentem in idipsum aliquà ratione paradiso in terra: sed multò melius & altius in veritate perfectæ suæ attentionis, & virium suarum sinceritate; si modò ei quem videt & contemplatur vnice semperque respondeat. Quapropter illius est animæ quæ bonum hoc accepit attentione, in abyssalem Dei, ipsam de se, per se, & in se rapientis essentiam, & quantò magis sentit se aggrauatam distractamque ad sensus: tantò magis attentione suâ debet colligere se, & contrahere, quatenus mutuum suum munus fideliter obiens, beatum suum nudè & simpliciter, semper æqualiter contempletur obiectum, quantum possibile est animæ, bonitate Dei ad hanc sublimem dignitatem & status supereminentiam subleuatæ.

Sed multifariæ & innumerabiles quas pati necesse est mortes, in hac simplici nuditate, penè intolerabiles sunt, & nisi simplex fortitudo, ceteraque Dei dona simpliciter possiderentur, sustineri nequaquam possent; & adhuc benè multi sunt, non sustinentes, nisi cum magna impatientia, prodeuntes ad creaturas, & sensuum oblectamenta, aut etiam ad actiua sua exercitia regredi tentantes. Hoc prouenit ex eo quod neque possunt, neque volunt esse sine sensu & adhesionem aliquam: nec dare se ad moriendum semper æqualiter sensibus & non sensibus, vtique ad se tam verè, & eo modo, dimittendum, vt hæc omnia sint illis vnum, in contemplatione & fruitione perpetua sui obiecti; quo in obiecto fusi & refulsi, funditus esse debent etiam vltra transfusionem, quantumcumque penetrans, profunda & abyssalis esse possit, in qua simplicissima, subtilissima, & altissima perfusione, anima in Deo est suummet obiectum, sine distinctione & differentia, modo quo aliàs explicui; & quò minor est horum scientia, perceptio & sensus in facultatibus: eò sunt illa profundius & excellentius.

CAPVT TERTIVM.

Anima in hoc statu transiens in Deum modo incognito, fit ipsemet Deus, & eo ineffabiliter fruitur.

HÆc est nobilissima & simplicissima operatio attractiua, in qua vires animæ intimè attrahuntur, & fixè sistuntur, in hac abyssò obiectiua Dei ipsius, trahentis eas, & sic rapientis nobilissimâ suâ & summè penetrante actione. Tunc anima profundè intenta contemplando stabiliter simplici suo, vnico, & abyssali obiecto, gustat & sapit Deum, in simplici & vnica quiete, in fructiōnis plenitudine, si sic loqui licet; quod dico propter simplicissimas & efficacissimas ipsiusmet Dei, obiecti eius delicias, qui est, & qui operatur hanc quietem, in seipso, & in abyssali vnitate, omnino mirabili totius suæ fecunditatis. Vbi nihil est aliud quàm notitia & scientia in ignorantia, quàm claritas & lumen in obscuritate, quàm amor simplicissimus, in purissima & simplicissima charitate, quàm ineffabilis experientia vltra hoc, & in hoc ipso.

Non est enim concipere humanâ ratione, & adhuc infinitè minus exprimere, mirabilem saporem, suauemque lætitiā, quàm operatur & continet hæc vnica, simplèxque quies, quæ est ipse Deus, quâ fruitur anima in idipsum quantum possibile est. Et hoc tantò melius tenetur experientiā, possideturque extra se, supra facultates, in proprio suo spiritu, in omnimoda & simplicissima ignorantia, & nuditate spiritus, quantum idipsum est sibi ipsi supremus cumulus totalis felicitatis suæ, suusque paradysus propriâ & omnimodè omnimodâ sua felicitate. Hoc ipsum est, aut vt melius dicam, Deus ipse est, & paradysus eius, qui demittit & demergit animam in proprium suum fundum, non taliter qualiter, in totalem totius diuinitatis essentiam, vt amplius non sit aliud quàm ipsemet, de illo & in illo; Vbi funditus perdita per totalem suarum facultatum, & appetitus refusionem, sic omninò felicitate eius fruitur, secundum quod possibile est creatæ subsistentiæ, in hoc mortali corpore; cui felicitati prorsus intenta est, & affixa, vt eam magis

magis ac magis, & melius in melius contempletur, eaque fruatur absque impedimento, etiam ineffabiliter.

Ad hanc superessentialem contemplationem sentit se anima secretò abreptam simplicissimâ suâ, summè vnica, & secretissimâ operatione, quæ fit in fundo vsque ad inum ipsiusmet vnitatis & essentia diuinæ, propter ipsam, & infinitam omnimodamque ipsius quietem. Sicque anima penitus absorpta in diuina sua frui-tione obiectiua ipsasmet possidet delicias eius obiectiuas, quæ ei præsentès omnino sunt, in experientia gustus & saporis ineffabilis, etiam supra id quod ineffabile exprimit; vnde pater, & ex necessitate, & ex reuerentia, his operationibus diuinis debita, creaturam debere tacere, & non progredi vltra terminos proprii sui nihili, tentando inutili suâ & imbecilli virtute, has sine fundo & ripa comprehendere & exprimere abyssos.

CAPVT QVARTVM.

De Inundatione & supereffusione amoris, ubi Anima deliciis diuinis superabundat.

ADdendum est ad dicta superius, illic ibidem esse, vbi ali-quando paradysus elabitur in animam, qui eam inundat deliciis diuinis simplici amore, & lumine, in omnibus suis facultatibus, suauius intensius, & magis vnice quàm sit concipere. Sunt tamen aliqui, quibus hoc numquam contigit, nec continget vnuquam, nisi in mortis articulo, qui nihilominus hic constituti sunt, & detenti Deo fixè intuendo in seipso, modis omnibus supradictis simplici suâ nudaque fide; ex qua tanquam iusti viuunt super terram, etiam in ipsis durioribus mortibus.

At sunt alij excellentioris luminis & perfectionis, quibus sæpius, & alij quibus sæpissime panditur paradysus, vnde omni beatitudinis & perfectionis genere ita abundè cumulantur, vt facillimè in alios se se foris effundant.

Attamen altissimus, & intimus huius viæ status, est in simplicissima & intima Dei & spiritus operatione, quâ Deum incessan-

ter contemplatur in imperceptione , vt ita dicam , eorum quæ videt , & sentit ; & tamen probè scit , & percipit videre se & contemplari , in detentione & stabilitate firma , atque immobili diuinum suum obiectum in illo , & per illud ipsum. In quo , sic in spiritu sibi secrètè plenissimè satisfacit , sicut diximus. Et hoc non potest sic non esse , saltem quamdiu fidelis erit anima introuersioni suæ , & simplicissimæ , summèque vnice attentioni.

Quodcumque addi posset , & his ampliùs adduci , multò minus esset , quàm quod reuerà est , ideòque silentio prætereundum , quandoquidem effectus est diuinarum illustrationum in seipsis , aut potius in propriis illarum subiectis , in secretissimo silentio , in quo contemplatur se Deus , & omne quod in se , & ex se est.

Et reipsâ simplex hæc fruitio , perpetuæque purissimæ & simplicissimæ contemplationis scintilla , residuum est præcedentis gloriæ , acceptæ in pura & totali animæ substantia totaliter resoluta & consummata , in acri & omnia deuorante ipsiusmet Deitatis igne ; quæ accendit & operatur ignem hunc in omni propria sua substantia.

Illic anima tota consumitur , & exhauritur à creaturalitate sua , absque eo quod illius quidquam supersit ei , præter simplicissimam illam fruitionem à se possessam eminentiùs , quàm dici & concipi possit. Deus enim est ipse qui operatur hanc quietem , simplicissimâ actione suâ , quâ secretissimè rapit animam ad se & in se ; implens illam simplicissimis deliciis , lumine & charitate , vt fruatur in simplici quiete omni eo quod creatum comprehendere non potest.

Et verè adest etiam hîc ipsamet Deitas in seipsa tota , in qua spiritus sibiipsis mortui , iugiter innouantur ad totalitatem huius abyssi , in æternam suam , & omnimodam consummationem.

CAPVT QVINTVM.

In quo consistat punctum integræ consummationis Anima in Deum. Excellentia huius status. Et quomodo Anima in illo efficitur diuina.

VT finis cuiuscumque rei in seipso & iusto suo complemento, media omnia excedit ad ipsum ordinata: sic vltimus iste status de quo sub finem capituli præcedentis loquebamur, excedit infinire in seipso omnes manifestationes, cognitiones, & notiones illuminantes, purgantes, accendentes & consummantes omnium tactuum, attactuum, multifariarumque operationum, sanctissimæ Trinitatis.

Posthæc, sunt huiusmodi operationes successiue in amore, in anima omnino substantiata, ad totalem, & immensam totius vnice fecunditatis abyssum, & hoc ad certum tempus, & ad gl'oriam & propriam Dei felicitatem: sicut etiam fit istud in alio tempore, per successum, vltra hæc omnia, in infinita extensione simplicium abyssuum imperceptibilem Diuinitatis, infinire vltra omnem præsentem & possibilem creaturalitatem.

Omnis autem hæc obiectiua fruitio, tempore sui totalis fluxus & refluxus sic successiui, paradifus est effusus in terram, id est in animam corpori vnitam, qui paradifus vi suarum operationum potentissimarum & efficacissimarum, diuinique huius & actiui lusus, fundit in anima immensitatem amoris, luminis, scientiæ, cognitionis, & deliciarum. Nonne ergo ex iis inferendum est, animam esse prorsus liquefactam, resolutam & omnino consummatam in omni substantia Dei obiecti sui beatifici, amabilemque impetum ardorem totaliter consummentium, infinitarum ipsius & continuarum operationum, velut ignem deuorantem, aut fulgura, & coruscationes summè penetrantes, exinanire creaturalitatem eius: & ex toto redigere, atque transformare eam in omnem Dei substantiam, vsque ad completam amoris consummationem. Quæ igitur anima fideliter respondendo pro viribus consummanti diuino amoris, beatam hanc attingit consummationem, amplius non distinguit

stinguit hoc & illud , nec etiam æternos , fulgurantes , & summè penetrantes splendores , quos ante passa est , vi ignis amoris vehementer accensi ; qui eam infinitè meliùs substantiauit , liquefecit & in se conuertit , quàm ignis materialis quæ ipsi metalla subiiciuntur. Transactis autem iis omnibus omnino incendiis , media omnia iam tum ad vnum reducuntur in hac abyssò vnice fecunda , & hoc supra fecunditatem , tam in vnitatem quàm in fecunditate , vbi fruitio & contemplatio est æterna , & æqualiter æqualis tam in fecunditate quàm in vnitatem. Denique hoc est omnimodæ consummationis punctum , in quo notitia & cognitio huius abyssi vniuersalis est , sicut & ipsa abyssus in theoria & praxi , supra omnem theoriam & praxim , secundum ordinem purè theoricum mediorum omnium sine mediis hoc præcedentium.

C A P V T S E X T V M.

Quod ignis amoris agit semper in anima , quandiu in ea est aliquid consumendum.

Quandiu superest vis aliqua in creatura consumenda , ignis iste diuinus agit semper secundum suam totalitatem , vt conuertat creaturam in propriam suam substantiam , & totaliter transformet in omnem infinitam diuinæ suæ substantiæ extensionem , vnde exire velle , est impossibile , quia id ipsum est omnimoda animæ felicitas , & supremum ipsius in hac vita complementum. Quod si semper habuisset naturales vires consumendas , ignis iste immensi amoris omnia consumentis , semper etiam perseverasset , & operatus fuisset actione suâ nobili , & omnia in se conuertente. Sed quia fuit & est necesse , omne quod ex creatura est cedere consummanti amoris actioni , inde est ; quod hæc fruitio & æterna contemplatio , adedò pura est , simplex & intima , in simplicitate quietis , & deliciarum , sicuti est in hoc perfectæ consummationis statu.

Omnis horum theoria à Mystis est quomodo potuere , expressa , scilicet similitudinibus sumptis ab effectibus naturæ , secundum quod

quod aptiores & conuenientiores arbitrati sunt, ad ostendenda, & explicanda hæc omnia media statûsque simplicium manifestationum & notionum, quibus dilatantur & diffunduntur valdè luminosè & simpliciter, satis iudicantes quam habet super ipsos vim, ignis amoris æterni, vos incendentis vsque ad omnimodam eorum consummationem; vndè viuit in illis sic consummatis iste ignis, & fruuntur felicitate infinitè abyssali quæ ad eum pertinet, plenissimè & totaliter, in omni extensione actualis eius, æternæ & omnimodæ comprehensionis, & hac ratione omne quod transmutauit & conuertit in se hic ignis, fit & est ipsemet, absque differentia & distinctione, quantum hoc in creatura verum esse potest.

Et verè, possibile non est amplius animæ sic consummatæ, diuertere se ab hac simplici fruitione ex intentione & voluntate; quia vires eius omnes exhaustæ sunt, vt nihil vnquam contrarium appetat; dico ex intentione & voluntate, quia vita quâ hic viuitur æterna est, simplex, in quiete & fruitione essentiæ diuinæ æternæ & superessentialis.

Anima enim in sua consummatione est omnino recepta & perditâ in hac diuina essentia, cum beatis omnibus spiritibus, qui in ea continuis amabilibus, & validis suis immersionibus absorbentur.

In quam transgressis omnino, & nihil eorum amplius remanente, facit hoc intima hæc vnio, vt vna sit ampliùs dumtaxat simplex, affectuosa, & amabilis essentia, & substantia, ex qua omnes, & in qua, eadem vita, & eodem gaudio quo ipsa, viuunt.

Cæterum omne quod viuit æternum patri, viuit etiam æternum filio, & omne quod viuit filio & patri, viuit pariter Spiritui sancto, qui complectitur & rapit ad se, & in se omnem fecunditatem, nõsque cum ea, in omni extensione huius superessentialis essentia, cuius personæ iugiter prodeunt ad beatificam suam actionem, & pos cum eis, introregredientes incessanter nobiscum, in hanc suam ineffabilem, & infinitam quietem.

CAPVT SEPTIMVM.

Quod hic sublimis status non cadit sub sensum, nec potest exprimi.

STatus omnes qui hunc præcedunt, habentur apud authores Mysticos deducti in qualicumque via. Sed iste eos omnes modo satis diuino supereminenter continet, quo vtrique se videt & sentit anima ad punctum tenuissimum redacta, & soluta, quod est vnicum centrum, vnde ducuntur lineæ omnes quæ concipi possunt. Hic, sensus, & simplex specificaque perceptio, videntur potius demonstrare, creatum excellenti modo, quàm increatum in quo sistitur, & cui purè affigimur, supra omnem amorem in nuditate & simplicitate vnica, omninoque superessentiali, vltra omnes supradictos effectus diuini ignis incenditis & conuertentis in se omnem animam, actionis suæ tempore. Aded vt anima quæ huc peruenit, nihil inueniat quod dicat, neque quod cogitet, nec etiam quo exprimat quod videt aut percepit in præcedentibus statibus, multò minus in isto. Vnde plurimum aberraret, qui formas & discursus intellectualiter deductos, ad aliquid eorum exprimendum aptos esse crederet, cum quantumcūque simpliciter deducantur & reducantur; nihil adhuc sit exprimere in comparatione eorum quæ visa sunt, & percepta, & adhuc infinitè minus respectu eorum quæ actu percipiuntur.

Quapropter eodem tempore quo diuinus ignis totum hominem incendit actione suâ, ille qui eum tam acriter, suauiterque in omnibus facultatibus suis operantem percipit, magis ac magis eo comburitur & consumitur, in omni eius infinita amplitudine. Vt igitur ineffabilis & inconceptibili voluptate animus illius afficitur, conatur aliquid eius foris prodere ad proprium suum solatium, educens & reducens, prout potest, id quod exprimit, vt per id ipsum, morientem suam vitam, aded suauium & delectabilium attractionum effectibus corroboret, sed satis experienciâ probat, se nihil eius reuerâ exprimere, quia huiusmodi diuinæ operationes totum hominem sic incendentes & consumentes, non cadunt sub sensum,

ſenſum , ſicut nec ipſe Deus qui eas operatur ; non ſolum in eo quod Deus eſt propter ſe , & in ſe ; ſed etiam in eo quod eſt , & operatur potentiſſimis ſuis & ardentiffimis manifeſtationibus , in creatura in qua hæc adimplentur ; quæ utique cum ſuſtinet , non ſolum ut tota trahatur & videatur , ſed etiam ut tota tranſmutetur in hanc ſupereſſentialem eſſentiam , ſicut eſt reuerſa ſecundum ſe totam in eam transformata , omnimodâ ſui amiſſione , & defeſtione in hunc diuinum ignem ſupereſſentialiter ſupereſſentialem.

CAPVT OCTAVVM.

Differentia ſingularis ſtatus inundationis amoris, & ſupereſſentialis anima in Deum conſummationis.

Differentia autem harum omnium operationum diuinarum, quæ diuinum hunc ignem in creatura ſemper accendunt, quôque magis ac magis in ipſum transformatur, ſecundum omnem illius extensionem, differentia inquam ſtatus huius ab hoc præſenti, hæc eſt, quod Deus tunc ſecundum ſuam totam ſubſtantiam totalitati creaturæ aderat, quæ ex eo quod Deus erat, & coperabatur in illa , & quod illi manifeſtabat , tota abrepta & omnino Deo plena erat uſque ad ſupereſſum amoris & deliciarum , in infinitum , ſi ita dicendum eſt. In primo hoc ſtatu felix anima infinite diſſuſa eſt & dilatata , in omni hac vaſtitate diuina , tota amore inundata, lumine & gloria ; & in eo ſtatu quaſi numquam vidiffet aut ſenſiffet res creatas , nec à Deo ad ſeipſam intracta fuiſſet. Quod eam magis ac magis ſecundum ſuam totalitatem conſumit , liquans eam & ſemper abſorbens , in hoc infinitum , æternumque pelagus. Et conſequenter his adeo nobilibus & diuinis effectibus magis ac magis deificatur , nec umquam ceſſat Deus ab hoc diuino omnia conſumente ludo ; quin ad uſque omnimodam conſummationem redegerit ſponſam ſuam ſuſtinentem continuas operationes ſuas valde diuerſas & ſibi inuicem ſuccedentes , tam propter voluptatem & felicitatem Dei eas operantis , quàm animæ ipſius & ſponſæ, quæ eas patitur , & gratiffimis ſuis ſumptibus pati ſemper debet.

Huc igitur feliciter adducta, inuenit se in statu præsentis, qui consistit in eo quod supra dictum est; iamque nihil videt, nihilque habet sui ipsius, licet sit penes ipsam; esse, creaturas videre, & ad illas exire, si vellet esse sui tantum immemor, summam suam demencia, sed ut est omnino secundum suas vires, facultates & essentiam resoluta, & exhausta: hæc sistitur & stabilitur infinite supra præteritum omne in Deo. Sistitur inquam & figitur secundum altissimum virium suarum apicem, ad contemplandam in fruitione & quiete infinitam Dei in seipso immensitatem, in amore iugis sanctissimi Spiritus, sanctissimæque Trinitatis. Vbi, & in quam omnino trahitur, hac æternâ & infinitâ productione cum personis diuinis; & constituitur in quiete fruente, in amore infinito & æterno sancti spiritus, qui omnem ad se personalitatem trahit. Et quod magis creatura exiit & destituitur omni horum sensu, eò melius, & quanto magis illic est, tanto etiam magis talis est, qualem dicimus in hac supersubstantiali essentia, in qua quies eius & fructio omnem infinitè comprehensionem excedit, & tam subtili modo, quàm Deus ipse præstare potest quique re ipsa præstat illud in ea, amore utique ipsius iugiter agente, & iugiter patiente.

CAPVT NONVM.

Quod omnia quæ dicuntur de hoc statu nihil sunt, habita ratione eius quod in se est, & quare de eo Mystici non nisi excessibus loquuntur.

Hic infinita conformiter ad hunc sublimem statum exponenda forent; Nonnulla hæc, & aliàs expressi, sed hæc omnia nil aliud sunt, quàm balbuties & tenebræ, præ eo quod in se est. Mystici authores diuino hoc amore pleni, multos discretè scripsere constituereque status & vias, quibus utitur Deus ut accendat amorem suum infinitum in abiecta sua creatura, & eam in se transmutet. Quibus omnibus viis & statibus à se inuicem procedentibus, velut quibusdam gradibus, magna inulere, & expressere omnino incredibilia ei qui non est expertus; sed hæc omnia nihil
fuere

fuere nec sunt, quàm excellentia ineffabiliæque media ad suum ineffabilem supereminentemque finem instituta. Ad quem cum feliciter peruenit anima, omnimodâ suâ consummatione, aliquâ ratione paradysum suum possidet, siue in amore practico, siue in amore fruente, quod est omnia dicere & complecti in hac materia.

Porro qui, vt supra dixi, hoc amore præueniuntur, & ad eum euehuntur, scribunt sibi digeruntque quod possunt. Videntes autem se nec spiritum nec voces habere vt se exprimant, conformiter ad ea quæ sentiunt & vident, in hac infinita diuitiarum omnium, deliciarumque abyssu, sæpe ad excessus soluuntur, exprimendi se gratiâ; vti sunt hæc, *plusquam Deus, ultra Deum*, &c. quod quidem durissimum videtur; sed quia deficiunt illos termini, & nomina respondentia iis quæ vident, & quibus incenduntur tanquam igne deuorante, in hac immensa æternæque amoris abyssu, exprimunt se & aperiunt quomodo possunt. Quod utique faciunt non ex ignorantia, sed altissimâ prorsus experientiæ scientiâ quam habent eius quod est Deus in seipso, quia videtur, gustatur, & possidetur in omni infinita extensione sua. Sic non est hærendum in his similibus verbis, quæ verè terminos locutionis scientiarum communium prætergrediuntur; sed in affectu & spiritu sub illis contento, aut, vt meliùs dicam, æstuantibus qui eas foras emittunt moribus, nobis ipsis quod de Deo sentimus, & sumus in illo, aperiuntibus.

Verum est autem, quod quantò simpliciores sunt expressiones & loquendi formulæ, tantò meliùs & conuenientiùs ad id quod Deus est, & operatur in nobis. Effundimus itaque & exprimimus motus nostros, notitias & sensus, simplicissimos, vrentes & vnicos, qui cum sint diuinarum in nobis operationum effectus: nobis produnt hanc infinitam amoris & luminis abyssum, vehementer & efficaciter operantem, fundendo utique & producendo seipsam, cum implet omnino seipsâ vires nostras, secundum iugem totalémque suæ felicitatis actum, secundum quem funditus effusi, extensi, & penitus absorpti sumus in vnitatem eius infinite superextensa, & superessentiali. Illic manemus in amore purissimo quietissimo, & summè æterno, si sic dicendum est, quia inibi etiam supra æternitatem æterni sumus, in quantum totaliter perditum sumus, etiam istis

sensibus & notionibus vel minimùm distinctis ab eodem obiecto, nos immergente & absorbente magis ac magis in seipso. Vnde fit vt nullo teneamur hinc exeundi studio, vt reflectamus tantisper super nos, & videamus vbi, & quid sumus. Habemus enim certissimam scientiam status præsentis, per quem sumus omnino mortui & annihilati nobis ipsis, & omni enti, operatione Dei, sed præcipuè nobis ipsis, quod est omnia completi.

Et illic hæremus sic in eo fusi, & perdit, cuius operatione viuimus frutiuo & fruente aspectu infinitæ eius essentia diuinæ, pro ratione & modo quem seruat Deus in detensione & constitutione nostrarum virium.

CAPVT DECIMVM.

Quod modus exprimendi hunc statum, eò nobilior est, quo magis ad praxim accedit.

Verum est deductiones & reductiones practicas omnis huius status longè nobiliores esse affectibus & notionibus theoreticis, quibus manifestatur idem status. Theoricæ enim expressiones foras penitus abducunt, idque quasi arte, & scientiâ, vt exponant quod videri, & sentitur super hoc. E contra reductæ expressiones diuinæ huius praxis, & trahunt & colligunt in Deum ipsum, qui operatur eas, & producit omne quod foras videntur emittere. Et hoc, sub formis & expressionibus simplicissimis, conformiter ad simplicem & viuendum fundum, qui eas effundit in simplici suo & supereminenti aspectu, ad supremum suum bonum; & tanquam speculum ad vsum animæ, quæ videt inibi lucentem Deum, in immensa & ineffabili claritate.

Est tamen theoria his valdè conformis æque practica ac theoretica, quæ prodit ad expressionem suam modo valdè simplici, reducto & conciso: sollicitè deuitans omnem explicitatem contentam sub simplicissimis suis speciebus & loquendi formulis, quod est summarim omne quod authores Mystici in lucem edidère. Hæc theoria sic in simplicissimo manans fluxu, huic purissimæ & simplicissimæ

ciffimæ praxi fimillima, trahit ad extra per intra, etiam ad intra; tota rediens ad locum vnde fluxit, ad inum fundum fimpliciffimum qui eam effudit, veluti per fupereffluxum amoris, luminis, guftus, & fimpliciffimarum, valdeque diuinarum deliciarum. hæc theoria oftendit, & attrahit animæ Deum totum fecundum omnem fuam Diuinitatem, omnem claritatem, omnem amorem, omnem pulchritudinem & omnem felicitatis eius cumulum, quantum capax eft in hac mortali vita; Adeoque anima quæ fic fuccenfa eft igne huius fuperdiuinæ & fupereffentialis vnitatis, plenum deliciis paradifum poffidet, hoc ipfo quod fimplices eius formæ & manifestationes fapere eam faciunt in infinitum de ipfamet Deitate, quæ ipfas videtur infundere.

Anima nihilominus, quantum in fe eft permanere debet in fruitione tam fecundum fubtiliorem effectum virium fuarum interius nudarum, quàm in fenfibus, in corpore; & exterius; manens verè mortua, non folum fide fed etiam aétione, tam foris quàm intus vt diximus. Et licet effe debeat ad practicum puræ obedientiæ amorem summè difpofita: Directores tamen illius diligenter attendere debent, vt eam fi fieri potest in fuà quiete dimittant, aut faltem obferuare quibus eam operibus applicant, ne Dei in illa aétionem impedian; fed homines, huiusmodi labore non grauantur, cum vix inueniatur aliquis in hoc ftatu, vel etiam in itinere quo ad eum perueniat.

Sed abftrahendo ab hoc ipfo, dico multum referre & magni effe momenti, verè effe mortuum, etiam, vt ita dicam fine aétione myftica, & fuper ipfam myfticitatem in fuo obiecto æterno & infinito: illic operando fecundum regulam fubtiliorum fpiritus proprietatum, quas alibi tractauim.

Non tamen tantum referret, faluo omni meliori iudicio, myfticè agere, fed oporteret vt hoc imperatiue fieret, perfpecto fcilicet & expifcato, (minimo quouis figno, vel aétione variis in occurfibus diuerfarum neceffitatum foris prodeunte,) fuo ftudio; fi dicatur & hoc ipfum poffe effe adhæfionem, non contradico, cum regula mea adhuc fubtilior fit.

Attamen lumine & difcretione vti neceffe eft in fimili agendaratione; & meminiffe minus habentem foris, aut circa feipfum difcretionis, melius effe mortuum, & in æterna fuà abyffo immerfum.

sum. Idipsum est quod exprimere intendo in simpliciter, profunda & lata unitate scriptorum meorum.

Porrò deploranda res est, oportuisse talis exercitationis & status homines tam longas & peruersas experiri vias, nec earum explorasse causas, licet bonâ fide fuerit factum. Huic igitur standum est regulæ, siue ad reformandum se, siue ad se tuendum; reiiciendo quas passim videor permisisse licentias, etiam imaginis Saluatoris nostri, pro quocumque, & ad quodcumque sit; consistendumque in centrali sua, vnica, & obiectiua quiete, secundum purissimum; simplicissimum, latissimum & altissimum scriptorum meorum, aut aliorum similium meliorumve fundum. Huiusmodi enim perditissima sunt, & valdè supereminenter continentia omne quod in aliis authoribus, qualescunque esse possint, inuenitur; quia sunt in theoria & praxi valdè vna, valdè perditâ, valdè lata, profunda, longa, & sublimi, composita.

CAPVT VNDECIMVM.

Quòd reflectiones super seipsam, statumque suum, quibusdam in occasionibus prohibita non sunt Anima contemplatiue.

SI quid esset capax affligendi nos, maximè potestas reflectendi super nos ipsos, in quo videmur non esse in purissima charitate, hoc reipsâ verum est, secundum nos, & sensum nostrum, utique & facultates nostras, quæ semper in nobis in potentia sunt naturaliter operandi: sed quatenus, fide & veritate, secundum hoc mortui sumus nobis ipsis, & in Deo viuentes, ut demus illi plenam & totalem vitæ nostræ fruitionem, ad infinitum eius æternumque gaudium & satisfactionem; hac inquam ratione, & secundum hanc veritatem infallibilem in purissima charitate sumus; quia omne quod in nobis est naturale, est & fit sine nobis, & istud, est practicæ nostræ exinanitionis effectus.

Sed caute aduertendum est, vera hæc esse omnia in acceptatione difficultatum innumerabilium, qualescunque nobis Deus
etiam

etiam in infinitum suscitare possit, adeo vt ad implendum supremum harum omnium veritatum cumulum, munire nos debeamus armaturâ fidei & fortitudinis, quod aliud non est nec esse debet in nobis quàm Dens ipse, tam in vita sua diuina, quàm in diuinis suis effectibus.

Porro quamuis dixerimus cauendum esse sibi à conuersione ad sensus, licitum tamen aliquando esse poterit, scilicet ad videndos defectus suos, ordinemque suum, maxime verò ad perspicendum quid esse, operari, & pati conueniat, ibique explorandum, debere nos iugiter mori, & expirare in hac infinita essentia, vt in ea verè; & perfectè permaneamus; & ad obseruandas circumstantias omnes, quas illuminata ratio tam foris quàm intus, conformiter ad hanc viam, suggeret obseruandas.

Anima igitur diligenter obseruabit se à creaturis, & præcipuè à seipsa, ratione malignorum & subtilissimorum naturæ instinctuum quos in se non aduertit, non obstante omni attentione, quatenus ita sit pura in introversione sua, vt numquam vel minimùm Dei esse sibi vsurpet (sic enim est dicendum) ad vitam voluptatèque esse sui priuari, quod nihil est quàm miseria & mendacium. Denique attendat sibi ipsi vt se obseruet, ne quid, quocumque modo suâ propriâ voluntate faciat.

CAPVT DVODECIMVM.

Lumen ad explorandas subtiliores naturæ adhesiones.

Diximus superius non oportere seipsum quærere secundùm naturam, sed quia difficillimum est videre illam, si in seipsa, & per exteriora exercitia, spiritualis effecta est, propter maximam eius cum spiritu similitudinem; regulæ quædam ad eam explorandam hîc tradendæ sunt. Quod viâ spiritus præstandum est; cum enim externæ exercitationes naturæ sint delectabiles, iis inescatur, & maiori minorive auiditate in illis versatur. Hoc optimè demonstrarunt præcellentes omnes Mystici, & ego illis non comparandus, vix credidissem eam ita ad se conuertere priuata sua exercitia, vti verè conuertit; in omnibus enim quæ expetit, operatur,

P

aut

aut omittit, priuatum suum bonum, & quam intendit mercedem, dumtaxat aucupatur.

Apparet hoc manifestè, quando exinde auocanda est, & in aduersam sensus sui partem agenda, cùmque priuatur (vt illi videtur) conuenientioribus mediis & efficacioribus ad salutem suam, quæ tanquam supremum bonum respicit, vt in iis quiescat, & æternum delectetur; nihil enim scit aut sentit his melius & desiderabilius: Idcirco excitat se foris super hoc contentione sensuum ad lachrymas, lamentationes & gemitus; effundens se, & prodens omnibus concitatis affectibus, modò hac ratione, modò illà. Sic ostendit se quasi vesanam in seipsa, commouens rationem ad inquietam sollicitudinem, & maiorem aut maiorem indignationem: & quod est præcipuum, credit sic esse faciendum. Hunc in modum maxima pars eorum qui sic reguntur, ad hoc se vehementer excitat, & ad omnes hos motus, conatusque consultò & sponte cogit.

Ex iis videre est, quàm miseranda res est, & abiecta, non ferri in Deum internis exercitationibus, quibus cognoscitur, sentitur, & gustatur Deus in seipso, per verum ipsum amorem; qui amor creaturam ab exterioribus auocat alliciendo simpliciter ad intra, vt eam constituat, stabiliat, & firmet vera quiete in Deo solo, qualicùnque siue actionis siue sustentatiæ pretio. Ideo in nullo magis decipiuntur homines, quàm in iudicando spiritus; in videndo & apprehendendo per spiritum, quod iudicatur & manifestatur spiritu, & gustu, excedente omnem notitiam, & rationis moralis speculationem. Huiusmodi enim personarum miserabilium amor & deuotio, aliud nihil est quàm concupiscentia, priuatique commodi studium. E contra amor & deuotio verè interiorum hominum, est puræ erga Deum amicitiæ, absque consideratione huius aut illius.

Oprimè norunt voluntatem suam semper ex toto ad diuinam eius voluntatem componere, etsi nihil vniquam illis suorum gustuum, nec hinc, nec in cælo, largiturus esset in gloria sua; scite & sapienter inter vtramque rerum illarum, distinguentes.

Iuxta igitur has omnes veritates, omne quod lucet aurum non est. Spiritu utique & ex spiritu iudicandum est, non ex sensu, qui spiritum cernitur; multò minus ex corpore; cuius plerumque tota.

tota est huiusmodi actio ; sed vero spiritu , & ex vero spiritu , & per internam soliditatem iudicium eliciendum est , tam quoad verè incipientes , quàm quoad verè proficientes. Verum quidem est multos his laqueis aternum irretiri ; alij disrumpunt eos abundantia Dei gratiâ , sed hoc pertinet ad proborum & expertorum directorem scientiam , quibus qui se perfectè mancipabit , ad verum ordinem allicietur & deducetur , medijs solidarum virtutum exercitationibus , fundatus utique in profunda cordis humilitate , secundum omnimodam sui ipsius exinanitionem & contemptum.

CAPVT XIII.

De constanti & suprema resignatione Anima consummata in Deo.

Negari non potest superessentialem animæ nostræ quietem in Deo , non esse nobis summè delectabilem & iucundam ; quæ quidem quies supergreditur infinitè appetitum , qui in nobis funditus eradicatus est : hac enim quiete aliquo modo comprehensores sumus , licet cum maxime distantia , & absque comparatione , eius quod expectamus , & speramus aliquando in omnimoda nostrarum virium creaturarum repletionem. Nihilominus cum præsentī statu qui in nobis est extra nos , adeoque à totalitate nostra ita remotus , non sumus immunes à continuis miseriis , quibus grauamur in earum causis , id est subtilibus naturæ inclinationibus , viuētibz utique omnino in nobis. Hoc inquam nobis non sine sensus dolore probat , non esse nos vel infinitā distantiam , beatos sustinemus enim in infinitum intus , & foris pugnas , & dolores. Sed , specialiter quantum ad ea quæ foris sunt , debemus esse ad omnes huiusmodi tam acerbos , molestosque impetus , stables ; & tanquam scopuli medio in mari fluctuum æstu efferuescente , omnino immoti. Sic quodcumque nobis vñdecumque accidat , in via in qua viuimus (si tamen mortui sumus) cor nostrum nullatenus attingere debet , imò nec suprēmas vires , nec etiā sensituias ; quia Deus qui in nobis viuit , mouet , agit , & patitur in nobis , omnia

hæc sine sui alteratione per nos acceptat. Quod si qua inuenitur ex parte nostra voluntaria alteratio, hoc non pertinet ad ipsius esse, vitamque diuinam & beatissimam, sed ad infidelitatem nostram, quâ viuimus nobis eo ipso, & per hoc ipsum, vt aliàs exposui.

Quapropter nobis ipsis diligenter attendere necesse est, & obseruare, ne quid ex nobis quocumque modo operemur. Quod si esse mortuum, est esse sibi, & omnibus omnino perditum: oportet vt tales permaneamus in nostra sepultura, quæ est abyssus infinita & æterna Dei. Et hæc est abyssus ex qua numquam exire viuentes volumus. Ided, quæ retro sunt dimittentes, ad anteriora semper extendimus nos, prosequimurque ex animo, & ex vltimis viribus, cuius habemus tam diuinas arrhas (iam in hoc exilio) pretium. Scilicet quod Deus habet, & est in seipso, futurus vtique nostrum continuum obiectum, & continua, æternaque fruitio.

Certum est tamen nos in via esse quauis creaturâ pauperiores, propter vitæ nostræ exterioris dissimilitudines cum vitâ beati nostri Saluatoris: dico quantum ad id quod contrarium ipsi intus & foris sentire nobis conuenit, propter nostram simplicem spiritus nuditatem, & quia non aded vitam eius diuinam & humanam ad germanam speciem in nostra humanitate (sicut exoptaremus & conueniens esset) ex omnibus nobis exprimimus: sed in infinitum resignamus nos, tam super hoc defectu, quàm aliis quibuscumque euentibus. Sic resignatio nostra infinita est, & absque fine, & nec præfens habet, nec æternum, etsi verum sit finem nobiscum habituram. Ceterum non cogitamus de iis omnibus distinctionibus, & reflectionibus, quia non sumus, vtique nobis ipsis perfectè exinaniti.

C A P V T X I V .

*Quod Anima in Deo consummata vero paradiso fruitur, etiam cum omnibus presentis huius
vite miseris.*

DEus etiam cum infinitis quæ nos hîc inuoluunt miseriis, causa est nostri hîc paradisi, in eo quod est, quod possidet, & quod operatur:

operatur in seipſo, & per ſeipſum, quod eſt totalis eius infinita felicitas. Quòd ſi ea foret ipſius voluntas, vt numquam eum aliter poſſideremus, quàm modò poſſidemus per noſtram transfuſionem omnimodam in omnem eius diuinam extensionem, hoc ipſo & in idipſum noſtro potiremur paradifo omnibus in euentibus, etiam in ipſis inferis. Beatorum enim felicitas non eſt ſita dumtaxat in gloria & felicitate, quam videndo eum & comprehendendo adæquatè poſſident, ſed ſuprema & præcipua eorum felicitas, eſt ipſamet infinita Dei felicitas: quâ fruuntur in inundatione & exuberantia amoris eius erga ipſos conſummati. Quo eos eleuat, & induit ſuamet gloriâ & felicitate, in qua & per quam eum comprehendunt, in maxima fame, & pleniffima ſaturitate, abſque vlla contrarietate. Et ex eorum amore, ſcientia & gaudio, manant omnia eſſentialis & beatifici amoris argumenta, in plenitudine claritatis & lætitiæ accidentalis in eis. Quod interminabilem ab ipſo Deo ducit originem, & ab omni influxu æterno infinitarum eius communicationum glorioſarum: maiorem faciens hoc ipſo quòd in eis amorosè & glorioſè operatur, vniuſcuiuſque gloriâ, de momento ad momentum quaſi in infinitum. Vnde fit vt vniſquiſque beatorum poſſideat gaudium & gloriâ aliorum omnium, & eâ fruatur tanquam ſuâ propriâ, in multiſariis & differentiſ gradibus, pro ratione eius quam hîc habuerit erga Deum charitatis.

Actus autem charitatis quo nunc noſtrum obiectum in ſeipſo infinitum proſequimur, quando lumine gloriæ illuſtrabimur, erit tunc omnino plenus, perfectus atque completus; in immenſo amore, claritate, ardore, gaudio & latitudine totius animæ noſtræ; quæ conſequenter ad æternam ſuam repletionem, inundabit proprium corpus ſuum, his omnibus, & eo omni quod eſt. Adeoque homo ſic Deo plenus, erit Deus ipſe, omnimodâ participatione immenſæ & infinitæ gloriæ, vt creatura tamen, non vt Deus, quod impræſentiarum ampliùs perſcrutari nolo.

CAPVT XV.

Quod fideliter sequi debet diuinum radium, quò ad superessentialem unitatem, & consummationem in Deo cupit peruenire.

HEu! nolle hominem cognoscere Deum, neque seipsum, sapientià diuinà supernaturali, & sensibili, sed suà dumtaxat naturali scientià, quā considerat & speculatur non quod est, sed quod potest, & quod utique naturaliter operatur viribus suis naturaliter reformatis, aut non reformatis. Idipsum est cui vacat homo nauiter: non autem affectuoso Dei studio, & actuali amorì, vt cognoscat, & gustet cum diuinà sapientià, conuertendo se ad eum verà amoris & virtutis exercitatione. Effectus enim huius sapientiæ est diuortium facere prorsus inter nos & carnem, vt viuamus Deo, illique adhæreamus potenti virtute viui & amabilis radij, quo nostri cordis intima penetrans, omnes ad se vires nostras fortiter attrahit, cum ipsius amoris exercitationi sedulo incumbimus.

Tunc inquam videt homo, ex quo excellentiæ & altitudinis excidit statu, & ad quam redactus est miseriam utique impotens ex se ipso summum adire bonum, & infinitè minus ei adhærere, nisi hoc Deus ipse in eo præstet assiduus, & fortissimis radij sui viuidi effluxibus.

Quidam autem benè vtuntur hoc radio diuino, alij cum negligunt quasi rem leuissimam, quam numquam acceperunt, nec viderunt, nec perceperunt, imò etiam postquam acceperunt, securi sunt, & amicissimè complexi sunt: sed prudentiores & verè fideles, radium hunc in seipsis perfectiorem semper prosequuti sunt, eumque coëgerunt, si sic loqui licet, valido & indeficienti suo amore, redigere ipsos, & omnino conuèrtere in se. Postquàm ex toto sibi ipsis exinaniti, in eo sunt funditus immergi & resoluti, fluitantes ad longitudinem & latitudinem essentiae ipsius, in eius similitudinem omnem, & distinctionem actionis & cognitionis supra suas vires, viuentes in posterum proprià ipsius vità, extra distinctionem & differentiam, eo modo quo veri concipiunt Mystæ vt simplices

simplices & vnici in hac fruitione quiescant; quâ ratione vitam viuunt aded diuinam in hac ineffabili quiete, vt illius nulla sit species & forma, iugi & sollicitâ suiipforum morte; sic se magis ac magis immergunt in suum fundum congenitum, vndè ab omni creaturalitate abhorrescunt ingemiscetes, grauati sub durissimo corporis huius onere, quod non fruuntur diuinâ essentia totaliter & cumulatè.

Sic conscenditur gradus amoris diuini, amore & virtute simul inseparabiliter iunctis, & tandem aliquando ad obiecti finalis amorem consummatum deducuntibus, vbi variis diuinarum operationum successibus, anima magis ac magis impletur diuinis generationibus, continentibus infinitas veritates simplices, sapientiæ æternæ & infinitæ. Adeoque postquam se totaliter perdidit, inuenit se ibi omnino exinanitam & consummatam; omnimodâ suiipsius, omnis studij, omnis doni, omnis scientiæ & cognitionis refusione: illic Deum in seipso possidentem supra omnem modum perceptum & perceptibilem.

Hoc autem omne possidetur & continetur in hac infinitè superessentiali vnitate, in quâ illud penitus possidemus modo inconceptibili supra hæc omnia, & omne quod exprimi potest. Et hæc firma detentio, hæc immobilitas, hæc scientia infinita, hæc duplex fœcunditas, hæc simplex vnitas, hæc effusio & refusio, hic subtilissimus gustus, hæc ignorantia, hæc cognitio, hæc vita, & hæc quies, proprij sunt effectus inconceptibilis sapientiæ, quæ operatur & continet in se totâ, omne hoc nostrum, infinitum æternumque obiectum, in cuius & ex cuius vita omnino perdit & absorpti sumus; & demum prorsus consummati in ea, ex ea, & propter eam, irrecuperabiliter vt dixi.

CAPVT XVI.

Documenta & lumina magni momenti, ad se tuendum in hac superessentiali vnitate maximè vtilia.

O Portet animam esse summè intentam considerationi obiecti sui, secundum id quod est maximè nudum & purum: in hac exercitatione

exercitatione; id est, conformiter ad obtutum suum purissimum, simplicissimum, & maxime nudum & summe vnicum, sequens attentè propensionem suam, simplicissimam, summe actiuam & fluentem, quæ nos trahit in abyssum increatam obiecti nostri infiniti; sed, vt melius dicam, quæ cum aliquando nos in eam traxerit, sistit nos, & valde immobiliter ei affigit, ad eam in seipsa contemplandam summe extensos & perditos in omni eius totalitate supra omnem distinctionem & differentiam prout semper dicere & intelligere debuimus. Quod si quis superest in creatura agendi modus, in eo consistit, quod modò dixi, & quasi non distinguitur nec est distinguibilis ab ipsa operatione Dei in hac simplicissima & perditissima ipsius negotiatione; vnde cautè illi prouidendum est, vt numquam exinde ad quodcumque, & propter quodcumque moueatur.

Hic illi viuendum est in eognita in ignorantia, & in puritate, prohibendo naturam ab adhæione subtili speciebus procedentibus à studio sciendi, cognoscendi, sentiendi, & istud in subtilissima eius propensione; hæc enim sunt alio omnino modo, & infinitè subtiliori quàm antea in initio, & in progressu; quia anima hic fortis est, & firma potestatem habens in subtiles suas propensiones, vt colibeat, si sic est dicendum, simplici modo subtilissimam virium suarum actionem. Sed summa ad hoc requiritur attentio, omnesque multiplicitates cautè vitandæ sunt: statuendumque illi est mori & expirare in spiritu, vt omnino fixa permaneat in sua fruitione & diuina contemplatione.

Porro quod est in hoc magis molestum, est facilis facultatum stupor, qui communis est, & frequentissimus animabus in hoc statu existentibus, propter earum totalem destitutionem; cui medendum est seruando industriè liberas & alacres easdem facultates diuertendo eas simpliciter, tam hic, quàm alibi ab omnibus obiectis, & imaginibus naturæ delectabilibus, vitando omnem curiositatem & multipliciter; easque habendo omnino perditas & mortuas rebus creatis omnibus, qualescumque sint. Et quia corporis moles ad hunc stuporem plurimum confert, excutiendus est frequenti situs mutatione, si necesse sit.

Cauendum est etiam diligenter, ne impediatur in sua pace & detentione anima, excedentibus & indiscretis corporis aulteritatibus

ribus & sufferentiis ; nam quando nobis à Deo veniunt sine nobis, multifaciendæ sunt, sed si per indiscretionem vt alibi dixi, tota effunditur & elabitur in huiusmodi austeritatibus anima, quasi per vim trahens omnes ad se creatas omnis generis imagines, illæ imagines cū valdè spirituales, subtilissimæ & tenuissimæ sint, semper tamen phantasmata sunt, quæ animam aliquo modo detinent & implicanc, vndè hoc ipso non fruitur perfectè, & vt conuenit suâ quiete secundum omnem actiuitatem suæ simplicissimæ inclinationis, & transcendentæ ; sed melius est hic dicere simplicissimæ inclinationis, quàm transcendentæ ; & adhuc melius diceretur, neutrum illorum esse, sed esse simplicissimum & summè vnicum Dei tractum, qui nos apud se sistit & constituit, modo imperceptibiliter perceptibili, & vt plurimum omnino imperceptibili : quod quanto magis se sic habet, & sic fit, tantò magis & melius simplices sumus, vnici, extensi, & perdiri, in totalitate obiecti nostri infiniti ; & hoc scientiâ & notione excedente scientiam omnem & notionem eorum omnium, quæ hinc secundè fluere possent, ad exprimendum & manifestandum statum hunc perditum & vnicum. Soluens enim & reducens omnia in suam propriam abyssum, nihil scit, nec videt, nec sentit rerum omnium creaturarum & increatarum, absque differentia suiipsum, cum nihil aliud sit quàm altissima abyssus eiusdem obiecti, quod produxit & firmavit in nobis, aut potius extra nos in seipsa tota.



CAPVT XVII.

De vexationibus quas perfecti suslinent à Daemonibus, & quàm sollicitè seipsos obseruare debent.

Quidquid aliàs dixerim de molestia quam perfectiores à Dæmonibus patiuntur, valdè timendum est, ne ipsimet causa eius sint, scilicet subtili suiipsum quæsitione, retinentes actiuitatis aliquid, siue mentale, siue vocale, & secundum hoc viuentes, aut quoduis aliud ; sub prætextu metus excœcandi se, & obrebrandi conscientiam suam ; vndè non viuunt vt mortui, sed vt si biipsum viuentes. Et videtur illis quod tales actus, sunt actus mor-

Q

tis

tis sub obtentu actiue exinanitionis, sicque viuunt sapissimè in aliqua subtili suiipsorum, circa hoc aut illud proprietate, ex quo dæmonibus ansam præbent ipsos per noctes diuersimodè vexandi; vt aliàs dixi; præter alias subtiles suiipsorum quæstiones, quæ in eorum vita esse possunt. Quod utique semper erit donec funditus, & omnino perditum sint. Quod si verè mortui adhuc vexarentur, nihil refert, ad ipsammet mortem recurrere debent, quæ unicuique est remedium.

Poriò quod hic intendunt dæmones, est superbia, in eo scilicet quòd illusiones eorum sæpè nullius momenti iudicamus, nec aperimus confessariis & superioribus, vnde huiusmodi homines superbos arbitrantur, sed grauius hallucinantur, cum videantur hæc, & indicentur leui; adeò momenti, vt non mereantur exponi. Bonum est tamen, semel & non ampliùs eam manifestare, si copia & plena habeatur libertas, ad quod summa requiritur discretio.

Ex hoc patet, illos de quibus hic loquimur adhuc multa in seipsis habere metuenda, in hac vita, quæ optimè norunt, adeoque manere debere verè abstractos, absque v'lo quocumque impedimento. Caterùm qui impedimentum ab aliquo patitur in hoc statu, imbecillitatem, aut indiscretionem, aut defectum veræ humilitatis & suiipsius diffidentie, aut vt melius dicam exinanitionis omnimodæ probat, quæ dum in aliquo existunt, dicere potest multa esse in se reformanda.

Multum igitur cauendum est sibi, & externum omne cum interno statu cautè conciliandum; scilicet coërcitione sensuum, & totius corporis angustia, absque consideratione & differentia huius aut illius. Sed propter aliquas circumstantias, quæ sunt extra nos, & effectus, praxisque nostræ simplicissimæ, & vnice libertatis spiritus; omnes ad nihilum redigendæ sunt, ad perfectionem & complementum vnice & essentialis nostræ exercitationis. Nescitur fortè quod hic dico, sed nil refert, capio me, & intelligo; capiet qui poterit.

CAPVT XVIII.

De obscuritate diuina, & quomodo in ea se gerere oporteat.

Aliàs locutus sum de circumstante & premente Dei obscuritate, quâ, & in quam trahit quas libet illi animas, in maiorem aut minorem anxietatem & angustiam, vires eius acriter suâ suspensione constringens, vsque ad suppressionem virtutis reflexiua, sed non actus elicitî & imperati, qui foras egreditur. Quare hîc de ea, hoc tantum dico, scilicet diuinam hanc obscuritatem esse ipsammet diuinitatem, quæ sic obscura animæ efficitur, maxime verò intellectui, qui eâ inuoluitur præ abundantia ingentis sui luminis, quo intellectus offuscatur, & in quod diuinus eleuatur & suspenditur in admiratione supra admirationem, in summè admirabilem obiecti pulchritudinem; quod eum implet seipso & magis ac magis rapit in sui contemplationem super essentialiter, in abundantia & etiam in plenitudine deliciarum. Quod fit modo omnino nudo, & abstracto, simplici que, in vnitate superessentiali Dei ipsius, vbi homo sæpè nesciens eleuatur, & vbi nam sit ignorans de quo nec etiam loqui volo, cum hoc Mystici diuinitus præstiterint.

Sed quod hîc dicere intendo, est vtrique eos qui ad huiusmodi æterna spectacula rapiuntur, vbi inuoluuntur obscuritate diuinâ, quæ est ipse Deus operans illam, propter supremam suam gloriam, & propter creaturæ perfectionem, eos inquam, si adhuc imperfecti, & absque habitibus virtutum, ad hunc statum assumantur & eleuentur, vt verè dicam, perditos esse in hoc statu; etsi præter intentionem Dei, & propriâ duntaxat eorum culpâ; & hoc propter causas quas hic amplius promere nolo, satis est mihi, verum esse quod dixi statum hunc nullomodo ipsis conuenire, supposito huiusmodi defectu, & inordinatione. Indubium tamen est, quod si vellent, in ruinam illis non verteretur, vt permultis accidit. Cæterum hos inter, Deus puorum vult miseretur, vt non finat eos morte æternâ in suis peccatis spiritualibus occumbere, qualia sunt cæcitas, superbia, præcipitatio, & omne id genus miseriarum.

Q 2

Sed

Sed ei qui multum est exercitatus, & habitus virtutum acquisiuit in morte sui ipsius, maxime vero amabilem unionem in sapida ipsiusmet amoris consideratione, hæc diuina obscuritas nullo modo nocet. Ut enim est humilis & mortuus, est utique dispositus ad eam sustinendam, in virtute diuini spiritus, & sapientie, discretionisque suæ. Cui tamen inniti non præsumens, omnia sua negotia sensusque aperit ei quem debet, scilicet quem scit, in hac omni theoria & praxi, ad tutam suam directionem, esse perfectum.

CAPVT XIX.

Quod silentium deserti interni præstat incomparabiliter omni exitu, & productione sublimis huius status superessentialis amoris.

Incolatus spiritualis deserti infinite melior est, & quibus alius, libera foras egressione: etsi utrumque si conuenienter accipiatur, debeat esse vnum, & idem in hoc statu, si modò pura dumtaxat necessitas, & profunda charitatis discretio, nos ad modicum tempus exinde auocet. Idipsum est cuius rationem summam habere debent, qui in eo sunt constituti: dimittentes creata omnia, quæ non magis afficere & impedire eos debent, quam quæ nullo modo sunt, cum nihil veræ & essentiali solitudini profundissimi deserti comparandum sit, propter infinitas quas alibi protuli rationes.

Cui referendum est omne quod in hoc tractatu de eo locutus sum, cum vnum & idem sint, id est fundus summè superessentialis in infinita abyssu obiectiua totius creati & creabilis. De quo fundo iterum dico omne quod ex eo egreditur, secundum aliquam distinctionem & notionem, quantumcumque supereminentem, etiam ad modum fluxus huius: nihil esse eius quod sumus, illicque videmus.

Quod si qui egressus, notionisque aliquid horum nostris consimilibus exprimunt, in hoc utique, nos omnes non sumus alij, nec alibi, quam in hoc statu, adeoque formarum nostrarum intelligentia apud nos remanet, in nostra fruitione & possessione obiectiua
super

supereffentiali & vnica. Cuius expressio, deductio, & explanatio, nobis, remeritati magis tribueretur, quàm iustæ & veræ rationis nec etiam facimus, cautèque curabimus hæc ultra non egredi, quod nullo modo extra est, sed intra in ipsamet abyssò, sicut & illa. Quod si est aliqua distinctio, etiam in hoc ipso, tanquam egresso: est vtique ad aperiendam nobis, & manifestandam longè latèque hanc abyssum, sicut est in seipsa, & in nobis extra nos: & omnino aliter extra nos, quàm in nobis. Hic est, vbi nobis est manendum ad totale complementum vitæ nostræ, viæ nostræ, & fruitionis nostræ. Saluo eo quod in eadem abyssò nos ab ea facit egredi, non egrediendo: vtique immanendo, sine egressus & mansionis distinctione.

CAPVT XX.

Conclusio totius huius status. Vbi Author rationem reddit, quare plus quàm alij Authores Mystici descenderit ad singularitatem rerum mirabilium huius status.

Verum est nonnullos sanctissimos Mystas, & hoc infinito amore plenissimos, de quo in hocce omni tractatu locuti sumus, mira de eo dixisse, quod in puram ardentemque deduxere & contraxere praxim; quâ ratione videntur debere succendere & liquare spiritus omnes, qui eos vident, immenso infiniti huius amoris igne; cuius vnicam effusam in inferno guttam, exhausturam illum, & in paradysum versuram dicunt. Hoc verum est, & hic amor fuit in eis adeò fortis, adeò viax, & tam ardens accensus, tôtque stupendos in ei operatus est effectus, vt mirum sit eos de momento ad momentum non expirasse.

Potro non sunt aui omnes propter profundam suam humilitatem, hunc accerrimum ardentissimumque amorem, & omnes eius infinitos effectus ad purum actum praximque redigere, sed satis illis fuit, de eo agere theoricè vt diximus, simul tamen quidpiam ostendentes effectuum eius, conformiter ad theoriam quam edidère. Et nos, eos admirantes in profunda sua humilitate &

doctrina , accipimus ab eis , eorúmque eruditione quod nobis prodest , conformiter ad id quod nostrum est , iuxta id quod Deus operatus est in nobis , & iugiter operatur , amore suo infinito & bonitate ; quod deducimus & reducimus expressè ; vt in eo tanquam in exemplari & speculo Deum lucere videamus in infinita claritate sua , & in eo omni quod est & quod habet , vt iam à nobis dictum est.

Quod si etiam viri præcellentes priuatæ exercitationis , hoc non concipiunt , & non intelligunt , dimittere poterunt iis , qui constituti in vita , & via consummata , secundum viam , capiunt me , & intelligunt optimè , si non fortè in omnibus , saltem in permultis scriptis meis , si inquam tales sunt , quales eos suppono . Veritates enim improbare quæ leguntur , quia non comprehenduntur , ad leuitatem magis , & temeritatem pertinet , (semper autem ad ignorantiam) quàm ad sanum sensum , & sapientiam . Quare huiusmodi , si illis placet , nullatenus eis implicabuntur , memores insuper viam spiritus ignotam prorsus esse debere , eam in inferiori gradu possidentibus . Quæ cum ita sint , vt reuerà sunt , frænare debent & continere mundum omnem , vt quæ concipere & comprehendere non valet , demiretur.

F I N I S.

INDEX



INDEX RERV

Memorabilium, quæ in hoc libro continentur.

Numerus paginam designat : litera, v, Vitam : litera, t, Theoremata, & litera, o, Opuscula.

In quibus numerus signatus querendus est.

A



NEGATIO pura, summa, & perennis, est vera & perdita sanctitas, & purus spiritus. t, 64

Abstractionem pauci debite exercent propter licitum & prudentiam. t, 82. Idèd sæpe miscetur profanum spirituali. t, 82

Quicumque non est verè Abstractus in omnimoda abnegatione suiipsius, nullatenus est capax veritatum & luminum spirituum. t, 82

Adolescentiam quomodo transegit **V**enerabilis Frater Ioannes. v, 4

Affectus eius & p̄teras erga animas Purgatorij. 107

Affectus eius erga Crucem & austeritates. 121. 122. 123

Dicebat se tria habere in hoc mundo, in quibus vltro commoraretur; Crucem scilicet, amorem & mortem, asserens amanti animæ tria hæc esse vnum. 121

Crucem anteponebat sublimioribus luminibus quæ ipsi possent in contemplatione infundi. 121. 122

Amor Dei primum in corde eius dilucescens eum ab omni alio abducit studio. v, 3 5.

Amor est donum in quo omnia alia dona donantur. v, 2

Amoris plaga quid sit. v, 14. hac vulneratus est Venerabilis Frater, ibidem. Quando vixit semper illam gestavit. 15. Semper augebatur. ibidem.

Amoris sui flammam foris erumpere volentes intrus comprimere. 16. 17

Amor oriolus non est, & nunquam desistit, quousque omnem obicem & impedimentum superaverit. t, 6

Amoris

I N D E X

- Amoris prælum quid sit. v, 16
- Amoris consummatio quid sit. 64
- Amor potest ignorari præ supergresso in Deum amore. v, 80
- Amor supra amorem. ibidem. Animæ quæ amor effecta est actus omnes virtutum sunt amoris partus & non talis virtutis in specie. ibidem. Amoris paribulum quid sit. v, 125
- Amor nunquam quiescit donec se ante Deum immediatè statuerit. o, 35
- Affectu remanente nunquam condonantur peccata, etsi centies in die Pœnitentiæ Sacramento subiicerentur. o, 23
- Peccata per affectum ad seipsum & suum benè esse commissa inter venialia grauiora sunt. t, 15
- Ad ferendum iudicium de diuersis affectibus, motibus & instinctibus oportet esse vere simplicem & abstractum. t, 82
- Differentia inter verum & falsum amorem. o, 23
- Verus & perfectus Amor habet quatuor aut quinque ætates siue gradus ibid.
- In quo distinguuntur verè amantes & mercenariæ psonæ, o, 24
- Si Amor voluntariè minimum remittitur in sua intensione & actiuitate, iam amplius amor non est. o, 45
- Deesse etiam semel virtuti cum se dat occasio, est deesse amori, aut vt melius dicantur carere amore. o, 72
- Multò fortior est amans in sua destitutione quàm putat, & plerumque cum se prostratum putat, stat in pedes. o, 55
- Amor nunquam dicit sufficit, erubescit cum terminum difficultatis attendit. t, 36
- Animæ quæ se optat seriò ad Deum conuertere per amorem duo sunt necessaria. Primum humillima suiipsius opinio: alterum infinita de Deo existimatio. o, 26
- Anima nunquam est in meliori statu, quàm cum est in probatione & sustententia. o, 30
- Probatio veri amoris in anima est abundans fortitudo qua eum sustinet sumptibus suis & impensis propriis in diuersis mortibus, quas ei perseire conuenit in amore suo supra amorem. o, 70
- Qui sunt intracti & amoris dulcedine perfusi, experiuntur quidnam sit impedimentum imaginum & reflectionum. o, 70
- In hoc amore ita est anima vnum cum dilecto suo, vt quasi non habeat amplius ordinem, rationem, nec reflectionem ad diuersitatem temporum. o, 71
- Euidens est argumentum quod Anima non amabat Deum, sed seipsam quod erat mercenaria & seruiebat ad retributionem cum destituta sensibili præsencia Sponsi reuertitur ad seipsam & creaturas, cum quibus deliciis & voluptatibus ingurgitatur. o, 72
- Æterni Patris operatio in anima expressa sub nomine diuini aspectus. v, 52
- Effectus huius apectus, ibid. iustus & essentialis amor consistit in cruce voluntaria, in deiectione suiipsius & æterna morte & paupertate spiritus, nec

R E R V M.

- nec est alia Sanctitas in hac vita. t, 36. v, 66. 69. 70.
- Qui perfectum Dei attingit amorem nunquam illum quidquam rogat, quam propter altissimam eius gloriam, & in perfecta conformitate voluntatis eius ultimar. t, 39
- Ratiocinari ad amandum peccatum est contra purum amorem. t, 39
- Si amor rationem non supergreditur, homo seipsum nunquam transgreditur. t, 36
- Amor purus per seipsum nullatenus agnoscitur, sed per singulares virtutes duntaxat, nosque ipsi non alia ratione amorem nostrum verum an falsum diiudicamus. t, 37
- Amor purus in infirmitate & æterna Cruce dignoscitur. ibid.
- Qui difficultatibus & arduis exercitationibus facile vincitur, argumentum est certissimum illum amorem habere in verbis tantum & desideriis, non in corde & operibus. t, 38
- Apparuit facies eius sæpius dum viueret supra humanum splendens. v, 25
- Apparent ei sensibiliter dua nostri Religiosi vita sancti precum eius interuentum exorantes. 107. 108
- Apparuerunt & Dæmones sæpissime sensibiliter. v, 101. 102
- Maximè autem nocte concubia apparebant. 101. Diuersas voces omnis generis animantium ementiebantur. ibidem.
- Apparitiones Venerabilis Fratris Ioannis post eius mortem. 40. 41
- Attentio ad Deum qualis esse debet per officium diuinum. t, 44
- Simples & Idiotæ in hoc porioris sunt conditionis. t, ibid.
- Semper erat sibiipsum maximè attentus & relictus etiam cum esset in seculo. v, 22
- Attentio ad Deum semper seruatur in exterioribus à verè spiritualibus. o, 43
- Possunt agere negotia magni momenti sine præiudicio sui amoris. o, 44
- Possunt Rudere, recreare se, &c. in bono ordine. o, 44
- Ipse aspectus ingenitæ peccandi libertatis horribilis ipsi erat. 95
- Aspectus nomine exprimit operationem Æterni Patris in anima. v, 52
- Quid sit hic aspectus. v, 52. 53
- Aspiratio brevis acriter eiaculara. o, 42. 43
- Aspiratio quando se offert occasio pariendi. o, 46
- Definitio Aspirationis. o, 57
- Ingressus ad Aspirationis exercitationem facilis est affectiuus, sed difficilis non affectiuus. o, 59
- In hoc aspirationis exercitio vitanda est nimia contentio non solum capitis, sed etiam cordis. 60
- Quantum ad multifarios morus, impetus, raptus & extases, quæ seipso Deus operatur, sustinendus est, Dominus enim est. o, 60
- Affectus multiplices pro Anima incipiente exercitium aspirationis. o, 61. 62
63. 64
- Variæ Aspirationes super Iesu Christi passione. o, 76. 77. 78. 79
- Aliæ insuper aspirationes & protestationes affectuosæ animæ ad dissolutionem

R

propin

I N D E X

- propinquantis. o, 8, .86.87
 Aliæ Aspirationes agonizantis animæ ad dilectum suum Iesum. o, 87.88
 Austeritas eius in seculo. v, 7. in clauſtro 39.40.13
 Simpliciter obedire debemus cum iubemur austeritates nostras & aliarum opera virtutum dimittere. t, 22
 Sicut austeritas corporis sola tota comparata est ad gignendam superbiam, ira amoris iuncta apta est ad sanandam animi elationem, t, 34
 Austeritates corporis nihil sunt præ exercitiis & exagitationibus quibus probatus est à superioribus. v, 47.48.49.50
 Et tam hæ quam illæ non sunt comparandæ internis cruciatibus & æternis mortibus, quas intus sustinuit vt ascenderet ad altissimum contemplationis statum, ad quem illum Deus extulit. v, 66. 67. 68. 69. Item 12, 124. 125.

B

- B**landitur sponsus nouis suis sponsis. o, 22
 Benedictionis suorum Superiorum erat amantissimus. v, 91
 Dicebat eam sibi prodesse multum contra Dæmones. v, 91
 Quotidie in fine completorii accedebat in choro vt eam reciperet. v, 91.92
 Enumerantur permulta beneficia accepta inuocatione nominis V. Fratr. post eius m. item. v, 136.137.138 139
 Quia boni per bona sua opera condemnant malos, inde fit, quod imperfecti contendunt improbare quantum possunt spiritualium egressus & actiones. t, 42. 43
 Bona simplicitas & pro bona vita, & pro felici morte multum est utilis. t, 22

C

- C**ausa cæcitaris Fr. Ioan. v, 2. eius effectus à Deo præordinatus, sublimis contemplatio. 3
 Cæcitas eius etsi esset integra tamen non impediēbat quin animaduertetet interluentem candellæ fulgorem. v, 102
 Ita erat amans virtutis castitatis à primis annis, vt etiam in adolescentia, non pateretur ei quicquam se præsentē detrāhi, & acriter corripere eos qui ad hoc liberius soluerentur. v, 8
 Castitas & modestia V. Fr. in seculo. v, 7
 Castitas flos valde delicatus ex minima flaccescit contrectatione. v, 7. Non est pigmentis & coloribus excolenda, imo nec diu ad affect. m. subiicienda. v, 2
 Capaces sumus amicitie Dei, multumque condoleat quod non possit nobis omnia quæ vellet bona elargiri. t, 47
 Qui se communionis Christi proprietarios efficiunt, maius ipsi fortasse damnum inferunt, quàm qui omnimoda ingratitude & infidelitate susceptum abique colloquio solum relinquunt. t, 46
 Angustum

Augustum conclaue & secretarium in quo spirituales contrahuntur nuptiæ,
sponsi & sponsæ, ratumque sit huiusmodi matrimonium, imò & tandem
perfectè consummatum, scilicet cum admittitur sponsa ad oris osculum,

v. 54

Charitas eius erga proximum.

16. 17. 32. 34. 109

Adeo exigua est vulgariū hominum Charitas, vt in opere laborioso facillimè
enuncatur, maxime si diuturnum sit & proximi auxilium agatur.

t. 30

Charitas eius erga ægros.

v. 109

Homines perfecti corpus & vitam totaliter debent impendere pro bonè esse
proximi.

t. 41

Vnius est perfectæ Charitatis aliorum defectus sustinere & ex eo probantur
qui in vita interiori multum sunt profecturi. Sicut ex hoc capite scilicet
cum Charitatis dispendio iocari, & aliorum facta modis ridiculis ementiri,

v. 110. 116

Vera Charitas neque præceptum quærit, neque debitum expressum ad bonè
operandum.

t. 38

Qui Deo veraces sunt feruntur velociter ad actionem pro bono proximi in
omni euentu, nec à temporis diuturnitate superantur.

t. 40

Cum quis mouetur aliorum casibus, effectus est ignorantia sui ipsius, sui nihili,
& propriæ miseræ.

o. 46

Qui non occupatur in agnitione sui nequam est, quia nihil agit in vita sua
bestialiter effusa, quam destruere naturam suam.

t. 13

Cor illorum qui se non agnoscunt vas est felle & amaritudine plenum, semper
accincti sunt ad carpenda aliorum facta.

t. 13

Omnimoda perfectio animæ verè illuminatæ in eo sita est, quod ordinem
suum simul & inordinationem videat.

t. 15

Caligo diuina. 97. Est ipsemet Deus qui eam operatur.

ibid.

Quantà cum patientia correctionem sustinebat. v. 35. 36. 37. & probationem
frequentissimam.

v. 44. 45. 46. 49. 50. 51

Quam lætitiā inde percipibat & exultationem interius.

v. 49

Comparatur &pi argumentosa, quæ à Meditatione Passionum Filij Dei ascendit
ad supereminentem statum contemplationis.

v. 61

Quandiu tuperest aliquid vitium in creatura consumendum, ignis diuinus
semper agi secundum sui totalitatem, vt eam conuertat in suam substan-
tiam, & totaliter transmutet in infinitam extensionem diuinæ sub-
stantiæ.

o. 104

Impossibile est simplicem & luminosum non esse ad extra bonè compo-
situm.

t. 25

In Conuersatione agendo de rebus diuinis non sunt excessus communicandi,
qui vt plurimum sunt secreta spiritus maiori momenti, iis qui secundum
naturam viuunt.

t. 100

Contra corpus suum ferebatur odio implacabili tanquam contra carcerem &
vincula. v. 71. 72. Ex quo edoctus est altissimam Filij Dei humilitatem
in Incarnationis mystetio.

R. 2

Caritas,

72

I N D E X

- Cœcitas, duritas, & insensibilitas in rebus spiritualibus sunt omnium malorum consummatio. t, 43
- Vera humilitas & vera cognitio sui ipsius practica scientiis naturalibus non comparatur. o, 25. 26
- Confidentia perfecta Venerabilis Fratris in Deo. v, 20. 25
- Omne subsidium temporale respuit. 20. 23
- Eius confidentia in Deo vnicum eius refugium, quando vexabatur à Dæmonibus. 103
- In statu consummationis siue amoris consummati, anima fit ipsemet Deus, o, 104. 105. Illic aliud nihil est quàm notitia & scientia in ignorantia, quàm claritas & lumen in obscuritate, quam amor simplicissimus in purissima & simplicissima Charitate. o, ibid.
- Circa necessitates corporis multa patitur in Conuentu Dolensi. v, 40. 41
- Sicut somnus præcedit quietem, sic extasis contemplationem. t, 72
- Definitio contemplationis. o, 54
- Alia definitio. Contemplatio quantum ad exercitium aspirationis est impetus effectusque spiritus diuini, trahentis & rapientis ad se humanum spiritum. o, 75
- Contemplationis status multiplices sub diuersis nominibus expressi. v, 57
- Ad duas species reducuntur, Ordinariam & extraordinariam. ibid.
- Quid sit simplex otiositas, quid nequam otiosi. ibid.
- Contemplatio extraordinaria. 58
- Vnico simplici actu humanitatem simul & diuinitatem intuetur. 61
- In huiusmodi Contemplatione absorbetur anima, sicut guttula aquæ in diuinum Oceanum, vnde non aduertit ampliùs inter vtrumque discretionem. 62. Quomodo anima fit vnum cum Deo. 63
- Qui in creaturarum circumferentia occupatur, elongat se à centro suo. t, 44
- Conuersatio præsentis Dei debet esse in spiritu similis consuetudini duorum intimorum amicorum. o, 27. Huiusmodi Conuersatio summum est bonum hominum in terra, ibidem. Optimum ad hanc conuersationem medium amplior & vniuersalior effectus bonitatis & amoris Dei. Filius eius homo factus & eius Passio. 29
- Quando Deus animam in intimis crucifigit, tunc creatura non potest illam consolari, imò solamina eius etiam intima grauius illi sunt & affligentia. t, 55. Crux altissime in religione plantata est tanquam supremus eius fulgor & ornamentum. ibid.

D

- À Dæmonibus duplici modo vexatur. 101. Notantur noctes in quibus confessus est exagitarum se fuisse ab eis. 101. 102
- Aliquæ regulæ quibus vti oportet tempore vexationis Dæmonum. 104
- Dæmones superati malunt se subicere eorum potestati, à quibus victi sunt quàm ad inferos reuerti. v, 104. Dæmon imagine Fratris Ioannis possit eius eius

R E R V M.

- eius mortem multum cruciatus. *ibid.* Dæmonum refert ipse multiplices homines impugnandi modos. 103. 104
- Delectare æqualiter in omnium vſu & conſuetudine, minùs tamen ſi fieri po- teſt cum iis qui te à Deo auertunt debes timorari. 1, 104
- Omnis defectio & caſus à virtute, ſuperbiæ ſignum eſt. 1, 9
- Definitio proſperitatis & aduerſitatis. 0, 30
- Definitio Theologiæ Myſticæ. 1367
- Differt in hoc luminola natura, à ſimplicitate vera, quod ſola natura bene diſpoſita ſemper operabi. ur, & ſine difficultate, ſed ſemper deficiet in ſuf- ferentia, quod non faciet vera ſimplicitas. 1, 84
- Sapiens conſilium defraudare naturam in eius neceſſitatibus, ſed difficillimum eſt iuſtum in hoc nanciſci medium. 0, 47
- Quando vehementer commotus eſt ſuper aliorum defectus, non adeas tunc Superiorem, ſed expecta donec Paſſionis ardor deſerbueit, & tunc clarè peſpicias quomodo ſe res habuit in veritate. 1, 100
- Deuotio Venerabilis Fratris erga B Virginem hæreditaria. 1, 9
- Erga ſſ. reliquias. *ibid.* Erga S. Iosephum. 1, 106, 107
- Ad hoc creati ſumus vt reſtuamus in Deum infinitum noſtrum amorem, actiue, ardentè, purè, inceſſanter. 0, 55
- Angeli & homines plus debent Deo quam habent & poſſunt. 0, 56
- Deus nunquam deſt facienti quod in ſe eſt in viis ſpiritus. 1, 42 43
- Deus aliquando ab anima ſecundum vires ſenſitivas abſcedit, ſed ſecreta forti- tudine intus ſuſtinet illas. 0, 30. 31
- Deſtituitur omni conſolatione & in ſtatu nudiffimo conſtituitur. 1, 10. 11. 38. 51
- Eius refugium oratio. 11
- Deinde traicit horrenda deſerta ariditatum, ſuppreſſionum & mortium æternarum. 1, 66. 67. 68
- Quam ardenti deſiderio tenebatur ſalutis animarum. 1, 16. 17
- Qui ſentit ſe non poſſe excedere motiua & argumenta virtutum in ſeipſis debet exerceri in illis, quandiù ſentiet ſe inferiorem illis. 0, 35
- Etiſi anima ſentiat ſe valdè diſtractam & multiplicam extraneis occupacioni- bus, vi tamen & ardore ſui deſiderij diſtinguere non debet inter contem- plationem & opus externum, quando iſtud eſt præcepti aut neceſſita- tis. 1, 91
- Deſiderium moriendi Venerabilis Fratris Ioannis. 1, 71. Duplicem patiebatur langorem amoris & paupertatis. *ibidem.* Item 73. 74
- Deſiderium animarum ſanctarum ſemper illarum vires ſuperat. 1, 36
- Qui ſunt perfectiores debent ſe ſemper aſpicere tanquam infinitè defectuoſos, in hoc ipſo quod infinita puritas illis deſt. 1, 14
- Ardens deſiderium animarum ſimplicium in ſtatu paupertatis & prinationis donorum Dei, ſuſtinet illas, ne extra Deum effluant, vt reſcendant in ſe, & ſenſum leuamen emendicent foris. 1, 86
- Discipulus Venerabilis Fratris Ioannis R. P. Dominicus quanto fuerit Dei amore ſuccenſus. 126. Et ſeq. vocabat illum exactorem inexorabilem, *ibid.*

I N D E X

- Ipsis noctibus quacunque anni tempestate in terram prosliebat quo iesu-
cumque expergebat ut Deum adoraret. ibid.
- Tormentum amoris pariebatur in studiis Scientiarum speculatiuarum, omni-
nò contrariis vnitati & simplicitati cordis eius vnice Deo adhaeren-
tis, 127. 128.
- Multos habuit alios Venerabilis Frater Ioannes discipulos tam intra, quam
extra Ordinem v, 132. Referuntur aliqui, v, 132. 133. 134 135. 136. Omnes
qui illi Agnoscere officio ministrarunt fructus singulares deuotionis &
pietatis reportarunt, ibid. Omnes omninò qui aliqua eius consuetudine
vsi sunt, ibid.
- Differen-ia inter probos duntaxat & perfectos Chriistianos est quod isti pa-
tienter viuunt, hi patienter moriuntur. v, 70
- Maximè sibi diffidere debet quicumque non patitur etiam vsque ad extre-
mum. t, 56
- Differentia quæ est inter agere, pati, & mori t, 67
- Differentia quæ est inter virtutes & dona sancti Spiritus. t, 94
- Discratio est effectus præuisionis rationis illustratæ, quæ simplici & penetran-
te intuitu omnes actionis circumstantias attendit. Non addiscitur, nec ab
extrinseco prouenit, sed ab interiori. t, 78
- Disciplina verè Sanctorum est dimittere omnia in seipsis qualia sunt, & illis
nullatenus implicari, nisi ex officio teneantur. t, 61
- Discedens Parisiis est omnibus in desiderio, tam secularibus quàm Reli-
giosis. v, 25. 26
- Donum scientiæ habuisse ostenditur ex eius scriptis & luminibus. 112.
- Irem donum Sapientiæ probant eius scripta, in quibus mirabiliter effulget
& eius conuersatio; siquidem ex eius ore velut torrens inundans profluere
visa est. 112
- Perbellè omninò qui dixit discretionem diuinam omnium nostrarum actio-
num esse morticem & informantem animam, sed phoenix est, adedò rara est
hæc virtus. t, 80
- R. Patris Dominici virtutes & insignis perfectio. v, 131. Discipulus Fratris
Ioannis etiam Vicarius Prouincialis semper eius disciplinæ se subiecit. ibid.
- Tantus erat ardor Charitatis eius, ut ipsi madida linteamina pectori essent
ad mouenda. v, 127
- Hæc duo verba pro lemmate habebat: Semper mori. 128
- Contrito laboribus, vigiliis & austeritatibus corpore per triginta & octo
duntaxat annos obiit Prior Conuentus Nannetensis, die 24. Janu. 1634.
de eo dixit post eius mortem noster Venerabilis Cæcus, vix fuisse eius
temporibus maiorem in Ecclesia sanctitatem. v, 111
- Docti magis sensari, & minùs superbi morientes tandem agnoscunt studia
sua nihil sibi contulisse, quo sufficienter contra Dæmones præualeant. 122
- Docet differentiam amantium Dei & mercenariorum. o, 23. 24
- Docet Illustrissimum Dolensem Episcopum, debere ipsum statuere omne suum
gaudium, & omnes suas delicias, in vita & voluptate vnus sui Saluato-
ris, ris,

I N D E X

- vis. o, 40. Item ait, Doctrinam hanc omnem neque per sensus, neque per aures ingredi, sed esse effectum diuinæ Sapientiæ abundanter infusæ cum ipso amore, amorem summum & altissimam sapientiam fundentis in anima. o, 40
- Dolor & infirmitas hoc præstat ægoro, quod ipse non potest actuali & vigorosa cum Deo conuersatione, si intus hilariter patitur non secundum sensum, sed secundum purissimum spiritum, & rationabilem voluntatem. t, 95
- Dulcedo spiritualis quàm affert aspiratiuus amor. o, 69. 70. Et quas debet sustinere internas destitutiones. o, ibidem.

E

- E**ffectus est altæ præsumptionis & confidentiæ in se indignatio & zelus. t, 12. Item Effectus sunt præsumptis Sapientiæ, & intus excitatur indignatio, zelus autem ad extra protumpit. t, 12
- Effectus veræ cognitionis inuipius. o, 10. 21
- Verus effectus veræ humilitatis religiosæ est cum propter amorem Iesu Christi & Saluatoris existimat Religiosus se debere esse scabellum pedum omnium hominum. t, 7
- Anima contendere debet iugi suo in Deum fluxu vt efficiatur amor. t, 33; 34
- Effectus culpæ & incidentiarum filiorum amoris. o, 36. 37
- Effectus Sapientiæ non tam est persuadere, & convincere, quàm cor mouere, & accendere, itaque ancillatur ei scientia & non est necessaria. t, 76
- Veri diuinæ Sapientiæ effectus sunt intelligere, penetrare & supergredi omnia creata, vtique seipsum. t, 76
- Deus perfectiones eius & amor illius simpliciter consideratus sunt signa multum prouocant & proficientis animæ. o, 51
- Debemus vti argumentis egressum ad nos infinitæ Dei bonitatis, vt nos odio implacabili prosequamur, & semper eamus in aduersam nostri ipsorum partem. o, 66
- Egressiones sapientum qui plus aguntur quàm agunt ordinatissimæ sunt in numero, pondere, & mensura, & externum mors illis crudelissima est. t, 77
- Anima debet egr. di ad opera virtutum in ipsis eorum moriuis quandiu ea non superauit. t, 38
- Mirabiles effectus aspirationis. o, 58
- Anima eleuata post aspirationis exercitium supra suam industriam & propriam operationem non debet aliter operari, quàm simplicibus quibusdam sui habitus actibus qui sint sufficientes illam occupare, figere & quietare. o, 74. 75.
- Vera spiritus libertas aliud nihil est quam discretæ, & extensa, ad omne quod fieri & dici potest egressio sine quaestione. t, 87
- Eloquentia humana sensum prætergredi nequit, & continuò in seipsa mollescit, ita homo & omnis eius eloquentia ad nihil sed guntur, sed non sic de

R E R V M.

de mystico fluxu, qui est diuinarum emanationum effectus, & prælibatio beatitudinis æternæ.	t, 79
Censura concinatorum qui ad eloquentiam tantum attendunt.	t, 79
Plurimum estimatus est à Magnatibus & Episcopis.	v, 83, 84
Eminentur aliquando natura veram simplicitatem.	t, 85
Quanti faciebat sacratissimam Eucharistiam.	v, 118
Quæ singulares prærogatiuæ Venerabilis Fr. Ioan. certâ quadam notitiâ certior fiebat de Sacerdotum & Superiorum suorum notitiâ.	118, 119
Et ad sex horas species Eucharisticæ in stomacho eius manebant incorruptæ; vnde & altera manebat prærogatiua quod sentiret apud se quando-nam huiusmodi species essent corruptæ, ac proinde sensibilem haberet notitiâ præsentis corporis Christi.	ibid.
Conqueritur cum S. Iob, quod ab hac mensa cœlesti cogatur descendere ad cibum communem animalibus & hominibus.	120
Cum aliquis mouebitur ad prodendum suis inæqualibus spiritus excessum, sciat pro certo esse sui exquisitionem.	t, 100
Qui verè humilis est, multum sibi cauebit ab exhortatione cuiusquam in extremo vitæ spiritu.	t, 93
Exclamatio ad aspectum amotis Saliatoris nostri Dei, & veri hominis.	o, 72
Qui exemplo duntaxat viuit, valde infirmus est in genere virtutum.	t, 61
Exercitatio eius qua statum suum exprimit. v, 50. exhibetur multis insignioribus doctoribus, & ab omnibus approbatur.	ibid.
Exercetur variis modis à Dæmonibus.	v, 38
Imò etiam à Deo.	ibidem 38
Expressio insignis cruciatum S. Iob.	v, 67, 68, 124
Experientia melior est sapientiæ gradus, speciatim in scientia spirituum.	t, 76
Exerceri à Deo morbis & afflictionibus citra comparationem præstat omnibus exercitationibus à nobis susceptis ad expianda peccata.	t, 95

F

Fatigantur merito & iusto Dei iudicio orationis tempore qui voluptatem hauerunt ex attractione specierum rerum externarum.	t, 44
Perfecti Religiosi sunt quasi famelici, & sitibundi tribulationum & sufferentiarum.	t, 96
Quàm magnum est bonum homini esse continuò fabulam, & prædam linguarum hominum de vulgò.	t, 6
Nunquam fauent verè simplices partibus suorum sensuum, sed eligunt magis mille mortibus mori.	t, 87
Febre quartanâ diutius laborauit.	v, 40, 41, 33
Feror eius & desiderium patiendi ea ratione crescit, qua dolores eius & cruciatus.	v, 39
Fidelitas quam debet anima Deo in via mystica.	o, 60, 52
	Languet

I N D E X.

- Languet fides & semivirum tantum habet in maxima parte hominum, adeoque parvus est in illis Deus, ut quasi annihilatus sit. t, 46
- Fides per studium comparata ingens est duntaxat colossus, tenuissimo vitæ statu animatus. t, 47
- Ad hoc scientia sapientissime tantum inferuit, ut fidem destruat magis quam accendat. t, 47
- Quo plus sapida est & amore parva fides, eo plus amorem illuminat. ibid.
- Ex omnibus donis quæ largiri potest amanti animæ Deus, quod eam singulariter delectat in hac vita est fides sapida, amorosa & luminosa. ibid.
- In perfectis ferè idem est amor & fides, licet optimè norint utrumque distinguere pro ut oportet. t, 48
- Fides doctrinâ collustrata, facit ut homines etiam vulgares de Deo magna sapiant. ibid.
- Sublimerum Contemplationum felicitas quantum ad illos in sola eorum morte, amissione & consummatione consistit. t, 63
- Quæ sit fortitudo iustorum ex D. Gregorio. v, 98.
- Fortitudo consummata Venerabilis Fratris, quid sit. 99. Fortitudo nuda & simplex. ibidem. Tres gradus fortitudinis assignantur respondentes tribus gradibus charitatis. ibid. Virtus patientiæ ut patientia est, non est integra fortitudo, sed eius effectus in gradu aliquo, quia patientia supponit refectionem plus vel minus vividam, quam non habet fortitudo. t, 48
- Fortitudo maxima requiritur in his qui amplius nolunt ad se, & creaturas reflectere o. t, 48
- Effectus est fortitudinis diuinæ naturam eleuare ad purum spiritum, & eam in illum transmutare. t, 48. Fortitudo auget sapientiam & sapientia ordinat fortitudinem. fortitudo enim quæ sine ordine est, temeritas est, & furor & præcipitatio. t, ibid.
- Fortitudo passiva in Spiritu sancto diuersos habet gradus iuxta mensuram veritatis vniuscuiusque. t, 49
- Vnusquisque de sua fortitudine passiva iudicium ferre debet per suam patientiam aut impatientiam animi in vincendis naturæ rædiis, plus minusve diuturnis, quod anima facillimè obseruabit ex tranquillitate sui fundi. t, 42
- Fructus lectionum spiritualium. v, 6
- Quantum sit fructiva propensio animæ perfectæ, introuersæ & Deum amantis. o, 72
- Qui in nullo se foris implicat, nisi in his quæ ad eum ex officio pertinent, hic est perfectus. t, 83
- Fundamentum viæ mysticæ est diuina sapientia. o, 48
- Multum illi conuaria est via Scholastica, quia non est simplex & vnica sed per multipliciter specierum, quas vndique congregat diuisa est semper, & discurrens. o, 48. 9
- Diuina libertas, fructus est eorum qui viuentes moriuntur, & hæc se extendit supra omnem comprehensionem. t, 88

- G**emitus leues & humiles coram Deo emitti possunt in morbis & grauio-
ribus doloribus. t, 93
- Gladus in gutture semper habendus est, & amarum pro dulci, & dulce pro
amaro sumendum. 125. 126
- Quomodo se gerere oporteat in actionibus ad extra, & quotiescunque foris
conuersandum est. o, 41
- Quomodo se gerere oporteat contra Dæmones. v, 104. 105
- Maximè verò contra illusiones eorum. o, 47
- Gradus tres simplicitatis. t, 83. eorum distributio. t, 84
- Gradus humilitatis per respectum ad corpus sepultum, sunt esse in infimo
loco, esse inhumatum tanquam mortuum, esse putrefactum & corruptum.
Id est in æstimatione sui esse cinerem, esse purum nihil. t, 9
- Gradus multi fructuæ quietis, quorum vltimus est sine labore possideri. t, 72
- Gradus multi vitæ Contemplatiuæ & supereminens. t, 68. & seqq.
- Gradui spiritus in quo quis constitutus est, semper respondent Cruces, mor-
tes & amaritudines. v, 66. Quales fuerint eius Cruces. ibid.
- Martyrium amoris. v, 67. Iob huiusmodi martyrium passus est. ibid.
- Summa eius sanctitas. ibid.
- Gratia curationum Venerabilis Fratris Ioannis exploratur & comprobatur
ab Illustrissimo Dolenſi Ordinario. v, 35. 36. 37
- Gratia eius efficacissima in adhortandis ægrotis. 46
- Gratiæ efficaces sunt pressuræ & tribulationes. 69
- Gravis est & verax semper verè simplex, nunquam iocatur sub prætextu ho-
nestæ recreationis, nec se peritum in vlla materia vnquam probat. t, 85
- Gravissimi morbi ex se satis loquuntur, quare parcendum est multiplici con-
solationi, vtrique tedium parienti. t, 94

- H**abet hanc vim in homines consuetudo familiaris eorum, vt sapientiam
immutet, & à iusta sua intentione sapissimè remittat. t, 104
- Habuit humanitatem & Passionem Filij Dei sibi semper præsentem. v, 61
- Religioni duxisset etiam ad momentum fuisse illius oblitum. ibid.
- Homines vt plurimum sanctitatem in aliis colunt & diligunt, sed quantum
ad ipsos & pro seipsis fugiunt illam & pro viribus destruunt. t, 42
- Humilis duplex, vna quæ vi luminis & puræ rationis exurgit, altera quæ
oritur ex puro amore. o, 15
- Humilitas in seipsa nihil est aliud quàm via ad nihilum. t, 14
- Humilitas eius & patientia. v, 36. 37. 38. 81. 82. 83. 88
- Gradus humilitatis. v, 81. Potest quis ad tantam peruenisse humilitatem vt
amplius nesciat, quid sit humilitas, t, 6. qui habet perfectum habitum
humilitatis

humilitatis de humilitate non cogitar. **t. 8.** humilitas Filij Dei. **t. 5.** verè humilis neque à natura neque à Dæmone decipi vnquam poterit. **t. 8.** Quandiu homo suafione indiget vt se humiliet, vitâ propriâ plenus est. **ibid.** Tantum est humilis amor, quantum amor est, & amor qui non est humilis, Dæmon **est. 9.** omnis casus & defectio à virtute, superbiz signum est. **ib.**

I

I Re ad Deum per Iesum Christum, optimum medium ad eius præsentiam. **t. 12**

Quomodo oportet imitari Iesum Christum, in destitutionibus, & angustijs. **o, 30. 31**

Lemma Venerabilis Fratris. **v, 7. 21**

Incarnati Dei stupenda virtus est humilitas, non conuenit præcellentibus sanctis. **t. 5**

Iniuria inferri non potest, nec damnum verè humili, quia plus voluptatis ex deiectione sua haurit, quàm idem ipse qui eum ex voluptate deiicit. **t. 7.** talis erat Venerabilis Frater Ioannes. **v, 42**

Qui indiget suafione vt se humiliet sibi que moriatur, vitâ propriâ totus est plenus, cùm autem non indiget, tunc verè mortuus est. **t. 8**

Si senectus inuenit aliquem imperfectum, nunquam alter erit, vnde & senectus ipsi iam ex hac vita erit infernus. **t. 22**

Intelligentia veritarum mysticarum adeò occulta est hominibus puræ naturæ vt nihil in ea vnquam concepturi sint, quia scientia est sanctorum, quæ non se prodit nisi subiectis suis. **t. 76**

Magis expressa Dei inter homines imitatio, est suprema & perdita contemplatio. **t. 73**

Indignatio est effectus vitæ malè mortificatæ, & occultarum proprietatum plenæ. **t. 103**

Non est exprimere operationem Spiritus sancti, quàm Venerabilis Frater ignem vocat vrentem, cōsumentem, &c. **v, 53.** comparatur flam mis erumpentibus ex locis subterraneis, & torrentibus ignium. Denique vocat Baptismum sancti Spiritus. **54.** Per hanc operationem constitutus est in statu extratico, & continui raptus. **54.** quoniam sint illi raptus. **55.** extrases quæ abducunt, à sensibus adhuc imperfectæ sunt. **54**

Inspirationes extraordinariæ non tribuuntur, nisi extraordinariis hominibus, **t. 45**

Impatentia & amaritudo ex fundo immortificato procedunt amore sensibili vacuo, sequæ duntaxat in operibus suis respiciet. **t. 50**

Inquietudo ianua est, per quàm Diabolus intrat ad animam, ita vt virtus, & etiam ipse, et Deus cum anxietate & sollicitudine exoptatus, aliud nihil sit quàm suipsius quæsitio. **t. 50**

Quid sit tendere in infinitum. **v. 97**

Intentio recta in omnibus non sufficit, nisi etiam actus Deum inter & nos, **S 2** nosque

- nosque & creaturas, ex omni parte perfecti sint. t, 14
- Infirmus non debet pati se obrui ab infirmitate more vulgarium hominum, qui non magis quàm bestię in suis doloribus de Deo accenduntur. t, 96
- Exterius ex interiori debet procedere, estque proprius interioris effectus exteriora ad se convertere. o, 47
- Verè interni nullius quàm Dei solius studiosi sunt, nihil habentes proprium in visibili & sensibili. t, 43
- Cum aliquis agendo, patiendo & amando factus est spiritus & diuinus, iudicari non potest nisi à simili. t, 36
- Vera senectus in hominibus non est aliud, quàm sapiens & canus intellectus. t, 99
- Iustitia videtur nihil habere hominis, sed in misericordia est reflectio supra seipsum. v, 73
- Bonis tantum in articulo mortis dicendum est, ut se committant diuinę iustitię, alij enim nullo modo capaces sunt. t, 92
- Ex quo videtur quispiam alios simulare & ementiri, iusta habetur ratio iudicandi ipsum non esse simplicem, & verum spirituales. t, 100
- Quamvis verus amator meritò Dei iustitiam metuat, tamen pro nullo tempore mutatur, talisque est ei mortis articulus, qualis vita confidentior & securior. t, 92
- Si Religiosus in claustrum purgatorium suum ex amore sustinet, ad quid metuenda post mortem longior in eo detentio, & si amans Dei est, cur non eius iustitiam in seipsa, sicut & misericordiam quocunque in statu exaltabit. t, 93
- Quò plus quisque iuris habet arrogandi sibi supra alios, eò plus timere debet, & abicere se iuxta Sapientis dictum, quantò magnus es, humilia te in omnibus. t, 11

L

- L**ectioni librorum spiritualium impensius incumbit. v, 5, 19
- Maximè libri qui dicuntur Sponsi palliolum. v, 5
- Lapsus & indiscretionibus non tantum, non sunt nociuę sapiens animę amanti, verum etiam sunt viles & proficuę. t, 16, 17
- Quicumque adhuc egredi timet aliquo modo, aut non operatur cum sancta libertate in egressionibus suis, hoc ipso adhuc plus inuoluitur est imperfectus. t, 88
- Quò quis est perfectior eò plura ipsi licent. ibid.
- Si perfecti cauere debent, maximè ab inordinata libertate. ibid.
- Vera libertas est thesaurus Filiorum Dei, quę, quò profundius se in Deo immergunt, hinc magis diuina. t, 87
- Summè liberi extrema cura iustis medijs sapientia sua & discretionem conciliant. t, 89
- Nihil ad cognoscendum difficilius verà perfectorum libertate, quia nihil sui in eorum actibus prodit. t, 89
- Libertas

R E R V M.

Libertas egressa charitatis studiosissima est, neminem offendit, sed omnes
ædificat, alioquin nunquam egrederetur. 89

Quantam libertatem & puritatem operatur in anima exercitium aspiratio-
nis. o, 71. Mirabilis exclamatio ad quam ex excessu prorumpit. ibid.

Ibi est bona & summa libertas, ubi est eminenter spiritus Dei. t, 87

Longè satius esset, esse insignem & manifestum peccatorem, quàm languere
scienter in sua superbia, non descendendo ad exercitia humilia & remota,
quod est effectus superbiæ singularis. t, 10

Lucebat eius facies quando egrediebatur ex sacratissima Eucharistiæ mensa, &
hoc maxime probebatur quando tunc dicebat aliquid. v, 118

Quando discessit Parisiis ut iret in Britanniam, hoc singulariter apparuit.
v, 24. 25

Luctari non oportet contra Dæmonem, quando tentamur in fide, rationes
investigando manendi se gratiâ, quando ægrotamus, & quod quisque est
eruditior, eò & humilior in hoc casu & confidentior esse debet. t, 96

Verè spiritalis ut vera lux semper lucere debet coram hominibus, ut videntes
glorificent Deum. o, 42

M

Matrimonij spiritualis consummatio v, 64
Martyrium amoris non habet dolorem nec tormentum amarius vitâ
præsentem, & absentiam dilecti, sed hoc penitus ignoratur à non gustantibus
Deum. t, 92

Quomodo debeat fieri meditatio. o, 58. quid sit meditatio affectiva & oratio
facilis. ibid.

Meditatio assidua Passionis Christi. v, 6

Eius suauitas & deliciarum exuberantia. ibid.

Meliùs agnoscitur eius perfectio ex scriptis illius, quàm ex hac elucubratione
impolita. v, 145

Miseria hominis ex peccato. o, 20

Quot sunt verba in scriptis Venerabilis Fratris, tot sunt miracula. 136

Sapientia diuina relucet in fronte, & in omnibus actionibus modestorum.
t, 26

Effectus est modestiæ libenter audire alios, nihil in aliis reprobare. t, 26

Immodestorum conversatio plagas & vlcera vbique facit. ibid.

Monstra sunt abominationis qui peccata venialia non auerfantur, nunquam
eos amor reformabit. v, 95

Sensuum recreatio, mors est simplicibus & abstractis. t, 34

Caueant sibi diligenter religiosi à falsa libertate sensuum. t, 35

Mors mystica quid sit. v, 68

Christus illâ suam agonem in cruce coronauit. v, 69

Morti proximus exagitur à Dæmonibus. -76

Veri spiritus alumni contra seiplos pertinaciter Dei partes suscipiunt absque
venia & indulgentia. t, 34

Sic mortua debet manere anima in abyſſali Ieſu Chriſti, Sponſi ſui eſſentia
vt inde nuuquam exeat, vel minimo affectionis reflexæ motu. 0,73

Quare Moyſes cornutus depingitur. v, 24

Venerabilis Frater Ioannes, Moyſes Myſticus Reformationis Ordinis Car-
melitarum. 28

Mundi perſectio fornax eſt ardens ad purgandum bonos. t, 18

Qui partim Deo, partim mundo volunt viuere, mundus illos Deo reſpue[n]te
ſibi adſcilicet. ibid.

Miranda res videre abundantem ſanctitatem in eminentiori loco deſolationis
ſeculi. t, 18

Munus eius pulſare organa ad diuinum Officium. 47

Aliæ ſunt mortes in perfectis, aliæ in imperfectis; nam gradui ſpiritus ſemper
re pondent. t, 8. 19

Mori & expirare in Deo, eſt nulli rei priuatæ adherere, nec ulli lumini pro-
prio quantumcunque ſubtili. Quodcumque enim lumen accipimus cum
adhaſione, ſubtiliter inquietat ſubiectum ſuum, & in ſealiſque refleſcit.
t, 61 & 63

N

Naturæ donis optimè ditatus Venerabilis Frater Ioannes. v, 111

Nullam ampliùs à naturæ ſtudiis, & appetitibus patiebatur moleſtiam. 96

Omne quod cum anxietatè quæritur, animatur aliquo naturæ affectu. ibid.

Natura ſe excuſat, accuſat, &c. ex delectatione, & complacentia ſuiſpius.
t, 31

Subtilior laqueus quem nobis natura tendit, eſt inducere nos ad licitum pro-
vtili uſurpandum. t, 33

Natura veram rationem, & prudentiam ſimulare poteſt in aliquo, ſed non
in omnibus. t, 33

In omnibus ad quæ inclinatur natura, debemus nobis rationabiliter caue-
re. t, 30

Hi naturæ mortui ſunt, quibus voluntas alia non eſt, quàm æternum Deo
ſubiici. t, 30

Non ſunt quærenda negotia præter ea quæ ex officio conueniunt, ab eo qui
ad perfectionem contendit. 0, 41

In negotiis magni momenti, quæ magnam requirunt attentionem oportet
aliqua digerere aduerſaria, ne his ſpeciebus fatigeretur & impugnetur anima
orationis tempore. 0, 43

Necceſſitas vitæ purgatiuæ ad obtinendam cognitionem Dei, & ſuiſpius.
0, 23. 24

Nouitios piis ſuis colloquiis, maximè verò factis & operibus informat, & ad
perfectionem accendit. v, 45. 46. vnde Rhedonenſis Conuentus conſuen-
tibus vndique Nouitiis factus eſt terribilis vt domus Dei. 45

Quid eſt Fidelem animam & Sponſam, ad ſacram ſynaxim accedere, quàm
Nuptias Agni cum ſumma exultatione agere. t, 46

Obedientia

O

- O**bedientia eius. 91.92
 Si qui in via supereminenti diriguntur, in obseruantia regulari scienter se negligunt; argumentum est illos esse in pura natura, & non in Deo. t, 68
- Duplex occasio manifestauit virtutes & gratiam V. Fr. Prima, febres quæ sæpius affligunt Dolentes, quos ille curauit ad se accedentes quandiu fuit in Conuentu Dolensi, Altera, pestis quæ grassabatur in illa regione tempore n̄uitiatus eius. v, 31.32.33.34.35
- Persoluentes diuinum officium debemus esse interiùs & exterius bene compositi, nos inquam religiosi qui sumus teneriores filij. t, 44
- Quod spectat ad interiorem vitam, certum est nos non habere supererogationis opera, quandoquidem nos Deo totaliter debemus. t, 37
- Non tam attendendum est ad id quod operatur in nobis Deus, quam ad id quod postulat à nobis. t, 62
- Orationi impensius vacantes, fulgent plerumque exterius in corpore. v, 24.25.60
- Qualis quisque est in vita & in appetitibus suis, talis quoque erit in oratione tam mentali quàm vocali. t, 41
- Vt habeatur attentio pacifica in oratione necessaria est magna cordis, affectus, & intentionis puritas. t, 41
- Multi orationi dediti Deum numquam sapiunt, quia ipsi extra orationem numquam attendunt. t, 45
- Orationis V. Fr. Io. efficacia. v, 22
- Osculi nomine expressa operatio Verbi in anima. v, 53
- Oris osculum quid sit. 64
- Quid sit originariam suam attigisse essentiam. ibid.
- Vnus vere moriens, aut vere mortuus sustinere potest veram quietem, quæ est effectus diuini aspectus in vera & sancta otiositate. t, 63
- Definitio simplicis otiositatis. 9, 27
- Sublimitas huius status. 9, 27.28
- Omnes animæ vires sistuntur interiùs fixæ & intentæ Deo intuendo, qui rapit eas supereminentiâ notitiæ & essentiz. ibid.

P

- P**arentes Fr. Ioannis qui, & quales fuere. v, 1. & 2.
 Eorum deuotio erga B. Virginem. ibid.
- Pueritia eius, v, 3. Linguam latinam utcumque, musicam & organicorum diuersi generis instrumentorum vsum est edoctus. v, 3.5
- Quicumque passioni alicui enormiter subiicitur, nunquam hoc ipso exuet illam, t, 44
Mirâ

I N D E X

- Mirā patientiā sustinuit dolores mortis, ita vt nihil omnino pati vide-
tur. v, 78
- Non debet esse satis patientibus compati ad intra, sed id etiam exterius de-
monstrari debet. t, 40
- Sunt aliqui inter Sanctos quasi gigantes ad patiendum, & alij quasi ipsa-
met infirmitas. t, 52
- Paupertas v. Fratris. t, 52
- Cedit omnibus bonis suis. 11
- Singularis eius patientia in perferendis multis incommodis. 12
- Descriptio paupertatis in genere. ibid.
- Paupertas spiritus consistit in perpetua desertione & exultatione sui ipsius. t, 24
- Multum distat à perfectione qui nescit Deum in omnibus inuenire. t, 42
- Primitiæ spiritus à Deo dantur religiosorum cœtuum institutoribus. o, 3
- Proprium simplicitatis profundæ & vnicæ, est subiectum suum verè & per-
fectè mortuum omnibus seruare, & impedire ne casibus extraneis mo-
ueatur. t, 84
- Prædixit P. Mathæo ingressum plurimorum Nouitiorum in reformationem
Conu. Rhedonenfis, v, 115
- Prædixit Reginz Mariæ de Medicis in prima sua offensione ipsam felicem
habituram exitum, sed in secunda multā patientiā opus habituram. 86. 115
- Cum quis proposuit totis viribus currere ad perfectionem, omne tempus
quo deliberata mente aliud vacat peccatum est illi. t, 16

R

- R**eligio est proculdubio verum martyrium & completum purgato-
rium. t, 20
- Beneficium vocationis ad Religionem alia omnia continet eminenter, &
quidem sublimi modo. ibid.
- Religio est seminarium perfectorum. ibid.
- Profundius humiliandi sumus & confundendi, ex eo quod perfectioni non
vacauerimus in statu religionis, quā pro omnibus peccatis vitæ nostræ
in mundo transactæ. t, 21
- Religiosi status perfectio. v. 29. Quid sit. t, 56.
- Apud bonos Religiosos fixum est, & statutum, scabellum esse pedum to-
tius mundi. ibid.
- Religiosa professio alterum baptisma. v, 30
- Finis Religionis est sui ipsius possessio, & frequens, simplex, omnimoda que
cum Deo vniō, & in hoc duntaxat desiderio scientiæ debent comparari
in religione. t, 91
- Religiosus status inobedienti est infernus. v, 93
- Quanti

R E R V M.

Quanti facere debeant Religiosi orationis studium. t, 41
Religiosus internis desideriis vacuus, incessanter erit supra seipsum reflexus, consequenterque in æuum sollicitus, & in inquietudine sua infortynatus. t, 42

Regularitas est religiosi vita. v, 93

Religiosi quibus sapiens, & simplex Dei spiritus dominatur nihil coactum, nil violentum habent, sed videtur solus Deus eorum actiones ad extra operari. t, 42

Regulæ vniuersaliores quibus vti possunt Confessarii ad absoluendam tuto eos qui perfectioni amplius incumbunt. v, 98

Renunciatio est omnimoda suiipius desertio absque vlla operis, aut temporis restrictione, in cuius argumentum nec vult, nec operatur, nec patitur creatura nisi pro beneplacito Dei. t, 52

Resignatio eius diuinæ iustitiæ. v, 72-73

Ignis amorosæ resignationis supprimit omnem sensum, tam intra quam extra, vsque ad animæ medullas & intimum eius fundum. t, 51

Vrit holocaustum suum supra omnem cognitionem nesciens vtrum odio an amore sit digna, Deumque cognoscat. t, 51

Quando quis peruenit ad centrum suum transfusus in Deum omnimoda transmutatione voluntatis suæ in voluntatem eius; tam hinc plenitudine sanctorum fruitur, etiam in mediis præliis & cruciatibus. t, 51

Resignatio gradus diuersos habet iuxta mensuram fortitudinis passiue sed accipiendo illam in sublimiori gradu, mors est animæ præsens, & cruciatus sui torius à quo se liberare ipsi impossibile est, imo & liberationem in desiderio habere. t, 55

Non existimo reperiri quemquam qui velit omnimodè esse hominibus ignotus per mortem & renunciationem spiritus. t, 61

Representatio Saluatoris nostri & iugis eius in corde imago, optimum est medium ad purum amorem acquirendum & quamcumque virtutem. o, 37

Anima cupiens dissolutionem præ amore quo languet, se tamen Dei beneplacito resignat. o, 80

Recepta est & omnino perdita anima in essentia diuina cum beatis omnibus spiritibus in statu consummationis sue. o, 105

Anima in hoc statu se videt ad tenuissimum punctum redactam & solutam. ibid.

Reperitur singularis differentia inter statum inundationis amoris, & superessentialis animæ in Deum consummationis. o, 107

Responsio multiplex iis qui inquirunt quomodo Religiosus adeo humilis qualis astruitur, potuit tam eminenter scribere de se & viis suis. o, 5

Fecere & istud D. Augustinus S. Brigitta, S. Theresia. 7, 8

Reductiones practicæ status consummationis longè nobiliores sunt affectibus & notionibus theoreticis. o, 110

Responsio iis qui de stylo & scribendi ratione V. Frattis offenduntur. o, 10

T Responsio

I N D E X

- Responsio iis, quibus huiusmodi versio non conueniens fuisse videbitur.
o, 12
- Nunquam cessat Deus ab hoc diuino omnia cōsumente ludo, quin ad vsque
omnimodam consummationem redegerit sponsam suam sustinentem
continuas operationes suas. o, 107
- Prætextus nostri retia nostra sunt, sed multum sumus defectuosi cū in illis
inuoluimur. t, 29
- Ratio quare Mystæ non nisi excessibus loquuntur de statu consummationis,
& quod omnia quæ de eo dicuntur nil sunt habitæ ratione eius quod in
se est. o, 108
- Non reflectit anima in statu consummationis super se, imo nec tenetur de-
siderio exeundi & reflectendi tantisper, quia inibi etiam supra æternita-
tem æterna est. o, 110

S

- S**anctitas eximia hominibus plane ignota est, quia nullum est momen-
tum in quo non sit moriendum. v, 67
- Sæpius decipiuntur in illa homines de vulgo, vti accidit in sancto Iobo.
v, 68
- Non est sita sanctitas in sensu aut non sensu Dei in animam fluentis, sed in
vero essentialique amore. o, 31
- Sanctimonia V. Fr. Ioa. quam pura eius conscientia. 96.97
- Sanctitas vera in hoc consistit quod quis sit perditus & planè ignotus omni
homini tam ad patiendum, quàm ad non patiendum. v, 89.90
- Sanctitas actiua, à sanctitate nuda distincta. ibid.
- Silentium & solitudo frater & soror sunt, qui sibi manum præbent, vt se in-
uicem tueantur. t, 28
- Silentium vnum est ex præcipuis mediis ad medendum nostræ cæcitati, &
intellectus nostri defectibus. t, 29
- Simplicitas est mors totius appetitus in se reflexi, tam secundum sensum,
quàm secundum rationem. t, 83
- Simplicitatis diuinæ gradus altissimus in quo consistat. v, 68
- Non est diiudicanda sanctitas ex corpore, & eius sufferentiis, sed attenden-
dum est an læti sint, & intus immobiles qui patiuntur. 56
- Dux sunt sanctitatis species, vna est actiua, altera nuda, purissima, & à sensu
remotissima, etiam illi qui eam possidet sæpius ignota. t, 57
- Nusquam homo securus est contra superbiam in hac vita. t, 10
- Molestia quam quisque patitur in re quacumque superbiz signum est. t, 11
- Satius esset manifestum esse peccatorem, quàm languere scienter in sua su-
perbia. t, 10
- Satis est Dzmoni quosdam fouere in sua spiritali superbia, vt ipsi seipfos
magis ac magis excæcent, nec peccatores agnoscant. t, 12
- Sermo

R E R V M

- Sermo Dei viuis est & efficax. v. 4. Cogit Fr. Ioannem cedere domo & patria. v. 4
- Scholarum vis maximè est opposita simplicitati, & veritati mysticæ; quia non procedit nisi per discursus & ratiocinationes, cum esset adhaerendum Deo simpliciter supra omnem ratiocinationem. t, 75
- In scientia mystica exercitatio theoriam præcedit, à contrario artium, & scientiarum naturalium. t, 81
- Sapientia mysticorum omnino est alia à sapientia antiquorum Philosophorum. v, 13
- Qui nolunt transgredi regionem sensus, & semper videre cupiunt quò pedem figant, numquam introibunt ad arcana scientiæ mysticæ, licet illius scientiam, imò & gustum ex lectione habeant. t, 60
- Sapientia mystica non est sicut antiquorum philosophorum sapientia, sed diuina. t, 75
- Sapientia diuina stultorum est flagellum. ibid.
- Solitudo est arena militiæ spiritualis. t, 28
- Manualis exercitatio & scriptio rerum sanctarum solititudini religiosæ non aduersantur. t, 27
- Solitudo externa tormentum est & infernus imperfectorum religiosorum. v, 100
- Incipientibus necessaria, vtilis proficientibus, & perfectis delectabilis. ibid.
- Non vult Deus verè solitario vbi pro alio, quam pro seipso. t, 40
- Solititudini iugiter addictus erat. v. 47. quanti faciebat illum. 49
- Solitudo debet esse omne bonum iis quibus nihil est cum hominibus agendum. t, 26
- Vera solitudo est in spiritu. t, 27
- Quid sit esse spiritualem. v, 69. 70
- Numquam erunt spirituales qui aliorum defectus sustinere nequeunt, sicut nec qui cum charitatis dispendio iocantur. v, 110
- Veri spirituales nulli desunt debito operi nec quid ab eis, desideratur quod non exequantur conuenienter. o, 33
- Superiores variis tentationibus periclitantur eius spiritum. v, 48. 49
- Grauior tentatio fuit circa rationem eius mentaliter orandi. 50. Præcipitur illi vt dicat alicui suum orandi modum. ibid.
- Spirituales homines ferè tantum à Deo cognoscuntur, & à consimilibus valde imperfectè.
- Pura & profunda sufferentia tanto actionem omnem excedit, quanto emptyrei cœli amplitudo modicam nucem. t, 56
- Aliquando, quo plus quis spiritus efficitur, minus contra seipsum potens fit. t, 59.
- Adeo rari sunt spirituales vt cognoscantur nulli, nescitur enim quisnam velit æternum mori, & nemo est qui non se liberet per seipsum à cruce, querens solatium in sensibus & in creaturis, ita vt simus spirituales tantum

cum ad vsque quosdam limites.	t, 62
Diuerſitas ſtatuum inter ſpirituales in eo conſiſtit quod non ſunt omnes æqualiter morientes.	t, 63
In ſtatu contemplationis reflectiones ſupra ſeipſum non ſunt prohibita quibuſdam in occaſionibus.	o, 112
In ſtatu inundationis anima infinite diſfuſa eſt & dilatata , in omni vaſtitate diuina , tota amore , lumine & gloria inundata.	o, 107
Quærit ſe ſacrificare anima credens ſe non amare , cum eſt amore vndique perfuſa.	o, 82
Amor numquam dicit ſufficit , ſed multo plus dare quam habet , quam eſt , & quam poteſt , ſemper exoptat , ſi eſt verus amor.	o, 83
Diligenter attendere debemus vt tanquam mortui permaneamus in noſtra ſepultura , quæ eſt abyſſus æterna & infinita Dei.	o, 116
Scienciâ naturali conſiderat homo & ſpeculatur non quod eſt Deus , ſed quod poteſt.	o, 118
Inferiores numquam debent arbitrari ſe à ſuis Superioribus offenſos , niſi in quantum ipſorum perfectioni manifeſtè nocebunt , & hoc in veritate conſcientiæ iudicabunt.	t, 114
Spiritu & ex ſpiritu iudicandum eſt , non ex ſenſu , qui ſpiritum eſtenti- tur , multominus ex corpore cuius plerumque tota eſt actio.	o, 114
Qui ad ſupereſſentialem vnitatem & conſummationem in Deo cupit peruenire debet ſequi fideliter diuinum radium.	o, 118
Subtiliores naturæ adhæſiones quomodo explorandæ.	o, 113
Superior ſe debet arbitrari peioris conditionis ſuorum inferiorum mi- nimo.	t, 107
Suprema reſignatio animæ conſummatæ in Deo.	o, 115
Superiores deberent eſſe Angeli humanati vt ſe iugiter poſſiderent.	t, 107
Quales eſſe debeant Superiores.	t, 107
Eorum conditiones enumerantur.	t, 108
Superiores magis timere debent eſſe tenaciores quàm faciliores ad conce- dendum ſuis inferioribus , quæ poſtulant ab eis.	t, 109

T

R Euerend. P. Theobaldus primarius omnium operariorum qui in vinea reformationis Turonenſis laborant , comparatur cum Ioſue. v, 28	
Primo tentat ingredi Ordinem Carthuſienſem , deinde ſtrictiorem refor- mationem noſtrorum Diſcalceatorum.	v, 43
Non concedente Deo , accuſus à P. Priore , Rhedonas venit vbi zelo refor- mationis accenſus quaſi ignis ſurrexit , & quaſi facula ardebat verbum illius.	v, 44
Temporalium bonorum dimiſſio , aliud non eſt quam introitus ad veram paupertatem Domini noſtri.	t, 24
Theſaurus eſt locuplex poſſe ſe in pace & tranquillitate poſſidere , dum vi-	res

I N D E X

- res animales detinentur , occupantur , & assiduis laboribus intentæ videntur. t, 54
- Tanto Deus tenetur desiderio illustrandi & exaltandi suos sanctos vt sæpè sæpius supernaturales sint , & ex ipso solo causæ tribulationum quæ ipsis accidunt. t, 56
- Theologia mystica quid sit; eius definitio. t, 67
- Tinor eius filialis 95. Ex timore filiali oritur affectus erga Deum, tum vt parrem tum vt sponsum , ex quo utroque respectu oriuntur insuper paupertas spiritus & corporis sanctimonia. ibid.
- Vtramque habuit Fr. Ioan. ibid.
- Tribulatio sola etiam in hominibus de vulgo potest illos seipsa sanctificare etiam excellenter, licet viarum spiritus & contemplationis prorsus ignari sint , quia tribulatio totius vitæ actiue apex est. t, 55
- Cum quis se & omne creatum supergressus fuerit , tantum aberit ab eo tristitia quantum id quod nullatenus est. o, 44
- Tempore cruciatuum & desolationum oportet gaudere in intimis spiritus, illicque iucunda & simplici abstractione fugere, vt Deum solum inibi residentem contemplemur. t, 54
- Tribulatio fors est iustorum magis expetita, locuples eorum possessio & hereditas in hac vita. t, 55

V

- Postulanda est in morte venia quam humillimè fieri potest, sed simpliciter sine exaggeratione, aut vlla suiipsius exquitione. t, 93
- Qui viam scholasticam sequuntur, numquam absque miraculo perueniunt ad viam mysticam. o, 49
- Facillime decipitur homo in via propria quando solus est & sui iuris. t, 21
- Verum dicere proximo ridendo subtilitas est naturæ, vt celet passionem & occultet venenum. t, 102
- Videt V. Fr. animam fratris flammæ purgatorij sustentem, & subinde ad cælos euolantem. v, 22
- Vita humana vt Deo accepta sit sine tribulatione esse non potest. t, 55
- Visitationes Dei sibi factas exprimit in tertia persona. 89
- Virtutes quæ omni homini morali conueniunt. o, 36
- Virtutum eius suauitas & odor omnes inescabat. 87. 88
- Non tantum religiosos ordinis nostri, sed etiam aliorum imo & seculares, Prælatos, Præbites, & Consiliarios. 86. 87. 88
- Vocatio V. Fr. ad Ordinem Carmelitarum. v, 23
- Vita abnegata est super omnia Sanctorum miracula, quia multum de suo creatura tribuit, & aliquando omnia (vt videtur) propter magnam suam nuditatem, destitutionem & infirmitatem. t, 52. 53
- Quid aliud agimus cum sani viuimus, quam sordes & rubiginem contrahere, sicut inutile ferrum. t, 95

T 3

Voluntatis

INDEX RERVM.

Voluntatis eius ad diuinam perfecta compositio. v. 91. Ita erat disposita eius voluntas ad motum Spiritus sancti, vt plane deiformis esset.	v, 113
Quicumque propriè renuntiat voluntati, vt alienæ obsequatur, alij semper eius implent voluntatem.	t, 22
Nihil habere & nihil velle, est nimis abundare.	t, 23
Vota sua emittit post annum probationis.	v, 33

Z

Z elus spiritus est pallium superbiz, huius apertus erat hostis Fr. Ioannes.	v, 110
Numquam zelare debet mortuus, nisi illi ex officio incumbat, etiam si cœlum & terra ruere deberent.	t, 12
Quò plus quis illuminatus est, eò plus à zelo tanquam à morte abhorret, nec eo vixitur nisi contra seipsum.	t, 12

F I N I S.





